



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>






600096067Y



BODLEIAN LIBRARY
OXFORD



STUDIA CRITICA

IN

MEDICEOS TACITI CODICES.

SCRIPSIT
CAROLUS HERAEUS
DR. PHIL.

PARS PRIOR.



CASELLIS.

ANNO MDCCCXLVI.

VENZUNT IN LIBRARIA KRIEGERIANA.

296. e. 4.

Maxi me movent, similitudo et exemplum.

CICERO.



EX TYPOGRAPHEO DRELLII & SCHLÆFFERII CASSELLANORUM.

.x . s . d p s

CAROLO FRIDERICCO MURMANN

D.

DISCIPULI PIETAS.



THE UNIVERSITY OF CHICAGO

THE UNIVERSITY OF CHICAGO

Quum Te V. C. semper summa observatione et veneratione coluerim, tum in hoc opusculo, quod illustri Tuo nomini inscriptum manu tenes, elaborando Tua auctoritas et Tuum exemplum animo meo obversata sunt. Te quippe ducem secutus, qui ante hos quattuor annos, quum de scholiis Persianis primum disputabas, in artis criticae difficultatem, quae in variis codicum lectionibus existimandis et diiudicandis cernatur, ea, qua soles, diligentia et subtilitate inquisiveris, opinionem praeiudicatam, quae de coniecturali arte vulgo fertur, hac commentatione, quantum in me situm est, labefactare atque imminuere institui: quamquam me non fugit opinionem semel conceptam, quo magis vetustate et consuetudine, quam ratione et doctrina nitatur, eo aegrus deponi. „Coniecturarum ars autem, larga olim in Graecis Latinisque literis laudis atque certaminum materies, nunc fatali quadam temeritatis fama atque animi in frivolos lusus propensi apud p'erosque premittitur.“ Quae verba ut verissime dicta sunt a Seyffertio in Praefatione Emendationum Tacitearum, ita equidem infamatam utilissimae artis fidem semper tuli aegerrime; quippe quum, si vel liberiore coniecturarum usu olim abstinuissent viri docti, vix unam aut alteram paginam antiquarum literarum studiosi nunc perlegeremus molestissimis corruptelis illacessiti. Tristissimae autem suspicionis, in quam critica coniecturalis cecidit, causam in eo positam esse putaverim, quod, postquam studium antiquarum literarum eo fastigii profectum fuit, ut de usu loquendi et elegantia sermonis certius iudicari posset, effrenata quaedam cupido verba scriptorum vulgo tradita examinandi atque emendandi adeo grassari coepit, ut quemadmodum antea vitiis, ita tunc remediis laboraretur. Quae licentia critica quum Richardi Bentleii potissimum, viri cetera egregii, exemplo atque auctoritate nisa temporis decursu ita aucta esset, ut fieri soleret, ut ex decem emendationibus, quas corrupte-

larum aucupes proponebant, vix una alterave praecipuam probabilitatis commendationem praefertet, id quod Tu in Vindiciis latinitatis epistolarum Ciceronianarum et Brutinarum de Marklandi ingenio nuper indicasti: tantum movebatur viris doctis coniecturarum taedium ac fastidium, ut contrarium animos editorum incederet studium, vulgatam cum omni squalore scripturam qualicunque ratione tuendi atque conservandi. At — ut Ciceronis utar verbis — aegri quia non omnes convalescunt, non ideoque nulla medicina est. Immo res poscit, ut, quum ea, quae per tristissimorum temporum ruinam et stupidissimorum hominum manus corrupta fuerunt, in pristinam formam eamque genuinam redigenda sint, divinatione carere utique non possimus, nisi forte sordibus rudium saeculorum gaudemus. Quare vereor, ne isti critici, quippe sacris membranarum et vulgatae lectionis admiratores, sectatoresque accessita verborum interpretatione vim adhibere, quam emendatores audaciore coniecturarum usu. Quae quum ita sint, quamvis studia felicissimorum emendatorum coniecturarum famam laudemque tantopere attritam novissimo tempore paulatim refovere videantur, quam maximam operam iis, qui coniecturalem artem exercent, in eo collocandam censeo, ut non modo suspicionem avertant atque effugiant, quasi per extitum finem ceant, sed naturam et divinationem ad artem et ad praecepta revocent, quo certiore viam et rationem monstrantes praeiudicatam istam opinionem, quam plerique de critica coniecturali habent, in approbationem atque assensum vertant. Jam vero ea lex imprimis sanciat necesse est, ut

ex diligentissima observatione potissimorum vitiorum, in quae librarii optimi cuiusque codicis, quem spreto inani vulgatae auctoritate toti recensione pro fundamento subiici consentaneum est, delabi soliti sint, iis lectionibus, quae aut sententiae et rationi, aut sermonis legibus, consuetudini et elegantiae repugnent, remedium petatur. Quodsi ita ad naturalem ingenii dexteritatem ratio quaedam conformatioque doctrinae accesserit, criticos, qui coniecturalem artem facitent, tutissimum, in quo nitantur, fundamentum inventuros esse augurari atque affirmare ausim. Quod quo prosperius cedat, variae lectiones, quin etiam naegae et umbrae verborum accuratissima collatione ex optimo quoque codice enotatae sint necesse est, quoniam, quo quis melius corruptelas cognoverit, eo feliciore eventu coniecturalem artem exercebit. Igitur ut illam sententiam, quam diu in sinu fovi, quamque praeter gravissimam Tuam comprobationem, qua quantum animum meum erexeris et fiduciam auxeris, dicere vix possem, Doederlini, Kritzii, Seyffertii exemplo confirmari postmodolaetus vidi, accurate exsequer ac documentis probarem, Tacitum potissimum ideo elegi, quia ipsa illa observatio in hunc praecipue cadere videbatur, quippe quum non solum optimi Medicei codices, qui ductus literarum vetusti archetypi fidelissime retinuerint, casu secundo nobis servati sint, sed etiam collatione eorum a viris doctis identidem repetita discrepantiam scripturae satis compertam habeamus. Qua in re, si qua operis particula modum, quem instituti mei ratio postulet, excessisse Tibi videtur, moneo reputes, non tam in usum capitalium virorum, qui quidem lectionum et emendationum condiciones et rationes, etiamsi taceam, facile perspiciant, me fusius et prolixius disputasse, quam ut, valens philologorum in arte critica parum exercitatum subtili sensuum explicatione, gravissimorum argumentorum pondere, luculentissimorum exemplorum copia, quamvis invitos ac reluctantes, in meam traducam sententiam.

Quantum hac opera mea ad rationem et doctrinam

rei criticae profecerim, Tuo permitto iudicio, utque primo studiorum meorum specimini pro insigni Tua humanitate index adsis benevolus oro rogoque. Si vero in variis vitiorum generibus distinguendis et recensendis passim a vero aberrasse Tibi videar, ab ista reprehensione non ea, qua solent, defensione me tuter, iuventutem alacritate ingenii facilius in errorem impelli: sed reputes, quaeso, Ciceronis dictum, nihil esse simul et inventum et perfectum, sed parva novarum rerum principia suis demum progressionibus usa augeri. Ceterum edidi, quae potui, non ut volui, sed ut me operis modus et chartae angustiae coegerunt. Genera enim vitiorum, quae in Mediceis codicibus reperiuntur, reliqua habeo decem, quae in altera commentationis parte propedem edenda tractem recenseamque. Subinde etiam factum esse profiteor, ut unam eandemque lectionem ad diversa corruptelarum genera referrem, quoniam natura rei fert, ut nonnunquam ambiguum fuerit, quod potissimum vitium librarii admiserint. Denique ne quis in interpretando sensu vocabuli *archetypum*, quod saepe in hac commentatione usus sum, errorem committat, id quod facile potest fieri, memoro anchietypum a me dictum esse non vetustissimum quoddam exemplar ipsius Taciti aetate scriptum, sed id apographum, ex quo rursus codices adhuc servati communem traxerint originem.

Haec habui, quae praefarer: Jam nihil restat, nisi ut Tibi V. C. pro singulari, qua consiliis et studiorum subsidiis me adiuvisi, liberalitate atque benignitate maximas agam gratias. Vale et, si bene de Tacito merui, perge studiis meis favere.

Dabam Cassellis Nonis Sept. a. MDCCCXLVI.

De indole et auctoritate familiarum codicum Tacitianorum.

Si quis varias lectiones codicum Mstorum et editionum veterum, quibus Cornelii Taciti Historiarum et posteriores Anna-
lium libri, in quantum fato visum est, posteritati servati sunt, aliqua saltem diligentia et incorrupto iudicio contulerit, facile sibi persuadebit, J. Fr. Gronovium in Observ. l. IV. p. 30, Ernestium in Praef. ed. Bekk. p. XXI., Waltherum in Praef. p. XXI., inde quod omnes libri et scripti et editi tum multis locis eundem in modum depravati aut mutilati sunt, tum eadem paginarum transpositione hisce tribus locis H. III, 5; ibid. c. 65; IV, 46. foedati sunt, recte collegisse, cuncta quae extant Taciti exemplaria ex uno eodemque fonte fluxisse, ita ut omnes varietates lectionum, quas e libris notatas habemus, proprie sint varietates unius exemplaris, non plurium, quae ex ipso Taciti archetypo ducta fuerint. In eo tamen Walther errare mihi videtur, quod in Praef. p. XXII. satis verisimile esse putat, codicem Mediceum ceterorum quasi parentem fuisse. Cautius quidem Ernestius in Praef. ed. Bekk. p. XVI.: *E Mediceo codice omnia alia scripta Taciti exemplaria fluxisse, ut Jac. Gronovius videtur credidisse, non audeam pro certo affirmare.* Quem doctum virum sibi non constare temere jecit Oberlinus in Praef. ed. suae p. XXII. haec annotans: *ex uno isto et primitus corrupto (scil. Mediceo) codices omnes esse propagatos, de quo hic dubitat, ipse inferius validis argumentis ad-*

struit. At si ea, quae Ernestius in Praef. ed. Bekk. p. XXI. scripsit accuratius legis et examinas, antiquiorem nostris codicem eumque deperditum ab eo denotari facile intelligis. Waltherianae autem sententiae, praeter quam quod Mediceus codex, quamvis non ita multis locis, solus tam corruptam lectionem exhibet, ut vix credideris, ceteros librarios genuinam atque indubiam scripturam uno consensu ex tanta textus ruina conjectura restaurare potuisse, etiam id obstat, quod duas lacunas ab H. I, 69. usque ad c. 75. et ab H. I, 86. usque ad II, 2. patentes solus habet. Recte vero Walther monuit, ne sententia de communi librorum fonte ita acciperetur, quasi singuli quique codices ex ipso illo archetypo descripti essent, idemque codicum Mstorum condicionem et indolem bene perspexisse atque aperuisse mihi videtur, dum in Praef. l. l. libros et scriptos et editos in duas potissimum familias segregandos censet. Ad alteram a Walthero Romanam appellatam codd. Msti Medic. Reg. Farnes. ¹⁾ Vaticc. 1863. 1864. Corbin. Agr. Vindob. ²⁾ edit. Spir. referenda esse videntur; alterius, quam Walther Genuensem vocat familiam, codices hi sunt: Vatt. 1958. 2965. Harl. Bodl. Jes. Guelf. et is liber Mstus, e quo edd. Puteolani typis expressae sunt. Codex Budensis inter utriusque familiae scripturas ita medius vacillat, ut ex utraque conflatus esse videatur.

-
- 1) Ms. Farnes. eundem esse librum atque Vatic. 1864., Oberlinus in Praef. p. XII. et Walther ad A. XII, 5. s. vv. *deductae.... flinae* et ad A. XIII, 5. extr. verbis Broterii parum intellectis temere jactaverunt. Namque Broterius nihil nisi haec dixit: *Ms. Vatic. haud absimilem esse codici, quem Lipsius Farnesianum appellat quemque contulit Jac. Corbinelli, saepe sum expertus.* Et teste ipso Broterio dialogus de Oratoribus, quem multis locis Lipsius e Ms. Farnes. emendavit, in Ms. Vatic. non legitur. Nec minus errasse videntur Niebuhrius, Imm. Bekker, Eckstinus (Vol. IV. ed. Walth. Praef. p. VII.), qui Ms. Farnes. Lipsii cum Neapolitano nuper reperto confuderunt. Cf. ea, quae accurate et subtiliter contra hos disseruit v. cl. Dronkius in Zimmermanni Diariis Antiqu. litt. a. 1835. no. 67. p. 541. sq.
 - 2) Cod. Vindob. idem est, quem Lipsius Mstum Sambuci vocat quemque Vindobonae strictim se vidisse ad H. II, 23. et 27. affirmat. Cf. Wissowae Leott. Tac. Spec. tert. p. 5. vel Eckstinii Praef. ad. ed. Walth. Vol. IV. p. XI.

Reliqui libri Msti parum noti et hic illic tantum a viris doctis inspecti sunt, ut neutri familiae eos adscribere audeam. Et Mediceus quidem ex ipso illo archetypo, unde omnes libri Msti originem duxerunt, descriptus esse videtur. E ceteris familiae Romanae codicibus Farnes. Reg. Vat. 1863. Vindob. Corb. Agr. et ed. Spir. ob arctam cognationem rursus ex uno eodemque archetypi illius apographo nunc quidem deperdito fluxisse puto, cujus rei clarissimum indicium praeter notabilem et mirum eorum consensum in plerisque locis conspicuum etiam in eo deprehendes, quod Mss. Vat. 1863. Vindob. Reg. ed. Spir. et, uti videtur, Mss. Corb. Agr. que H. V, 23. in verba *magnitudine potiore* desinunt. Item parens familiae Genuensis ex archetypo descriptus temporis injuria periit. Sed haec hactenus. Jam vero de indole, fide, auctoritate codicum Mstorum nobis est disputandum. Hodie quidem constat inter viros doctos codici Mediceo longe maximam fidem atque auctoritatem tribuendam esse, ut toti recensionis quasi pro fundamento subjiciatur, quippe qui reliquos omnes codices ita fere superet, ut Vossianus R. Martialis, Ravennas et Venetus Aristophanis, Urbinas Isoeratis reliquos libros. Quamquam enim Graevius in ep. ad Heinsium T. IV. coll. B. p. 498. recte iudicavit exemplar, unde ille codex fluxerit, mendosum et a semidocto fuisse interpolatum, tamen altius rem conjectanti tum fides ac religio, quibus ea ipsa archetypi menda, corruptelae, interpolationes a librario Msti Mediceo repetita et servata sunt, tum cautio moderatioque et ipsa sinisteritas, quibus verba dubia et obscura mutata et vitia correctae sunt, augent ultro Mediceae auctoritatem. Facilius enim vitia ab imperitis sinistre correctae intelliguntur, quam si qua emendatio specie aptitudinis et subtilitatis nobis imponit. Omnino utriusque familiae ratio in reddendis archetypi verbis est diversa. Hic rei cardo, hoc totius operis critici fundamentum. Erat iam pridem textus Taciti in vetustissimo archetypo casu, negligentia, festinatione, inscitia barbari, ut videtur, librarii corruptus et, ut equidem conjicio, parum clare, nitide, distincte scriptus. Jam librarii, quum verba corrupta et depravata aut investigatu difficilia esse intellexissent, munere suo alii alio modo perfuncti sunt. Et Mediceus quidem codicis librarius tum vetusti libri errores, quin et monstra verborum summa cum fide propagavit, tum ejus vestigia fideliter secutus

lenissimae tantum mutationis licentiam sibi sumsit, ut verbis saltem latinorum vocum sonum et formam redderet. Nam quae v. cl. Schneidewinus in Prolegg. ed. Martialis pag. LXXXV. de praestantissimo poetae codice Thuaneo scribit, eadem plerumque fere ita in Mediceum Taciti cadere frequenti variae lectionis usu expertus sum, ut ejus indolem et condicionem nullis certioribus signis describi putem, quam si viri doctissimi verba afferam: *Stupidissimus librarius, qui vix verba singula intellexisse videatur; tam turpiter vel in apertissimis titubat. Sed idem hanc barbariem compensat summa religione vel dicam superstitione, qua vetusti exemplaris ductus imitatus est.... In nominibus propriis saepe risum movet; nec in elementaribus non vacillat. Denique saepissime ille non verba scribit, sed imagines quasdam et umbras verborum. Vel sic codex est unus omnium emendatissimus, si summam speciem, cujus vel errores pluris sunt quam reliquorum munditiae aestimandae. Infinitis locis unus solus veri sponsor est, a reliquorum bonorum partibus ubique stat, saepe ad verum manu ducit, rarissime, si aperta vitia exceperis, deteriora offert ceteris codicibus* ³⁾).

Reliquorum familiae Romanae codicum librarii minus rudes,

- 3) Ceterum etsi a novorum codicum Mstorum collatione vix multam salutis Tacito expectaveris, Medicei tamen nova collatio eaque accuratior prioribus instituat, cuperes optaresque, siquidem discrepantiam collationum a Victorio, Pichena, Jac. Gronovio, Furia factarum, quae non ita paucis locis investiganti occurrit, simul ea consideras, quae Bandinus in Catalogo Codd. Lat. Bibl. Med. Laurent. Tom. II. p. 834. extr. et p. 835. extr. de Msti Medicei facie refert. Is enim haec scribit: *Adsunt in margine summaria rerum et annotationes nonnullae diversa manu, sed valde antiqua*, dein addit, multis in locis codicem evanidum esse, ubi posterior quidem, sed vetusta manus deleta verba in spatiis interlinearibus rescripserit. Et hac quidem de re gravissima VV. DD., qui Mstum inspexerunt, nihil certi narraverunt, quod sane dolendum. Hodie quidem parum compertum habemus, quae priori vetustiorique manu scripta, quaeque altera demum codici Mediceo illata sint. Sed mitto communem hanc labem omnium fere codicum collationum et editionum criticarum. Satis habui hoc vitium nova collatione tollendum denotasse non sine aliqua spe salutis, quae inde textui summi rerum Romanarum auctoris proventura sit.

paulo liberiore ratione usi, ex archetypi verbis corruptis qualemcumque sensum quamvis praepostere elicere satis habuerunt ideoque ad fidem Medicei proxime accedunt. Temerario autem studio et effrenata emendandi libidine ad corrigenda vitia acti atque ingenio suo ac doctrinae nimis indulgentes librarii familiae Genuensis in verba Taciti plerumque ea licentia grassati sunt, ut, si hi codices soli fato nobis concessi essent, nusquam fere, quid in archetypo ipso, nedum quid in integro ac genuino Taciti textu extiterit, conjectura assequi possemus. Etsi igitur hi rarissime veram loci naturam aperuerunt ac pristinam et genuinam scripturam restituerunt, tamen est concedendum Medicei librarium sermonis ac sententiae ignarum socordia, oscitantia, festinatione interdum errores calami ultro intulisse, quos reliqui quidem sensibus intenti pro peritia sua sermonis latini prudenter vitarint.

Quae quum ita sint, Ernestius in Praef. ed. Bekk. p. XXI. recte iudicavit, omnibus codicibus comparandis nihil aliud effici posse quam ut, quid in uno illo apographo, unde ii venerint, fuerit, inveniamus. Sic prima facies vitio redit, cujus memoria plerumque codicis Medicei beneficio nobis servata est. Tum demum fieri potest, ut examinatis et perpensis archetypi erroribus ac mendis pristinam et integram Taciti orationem feliciter ex tanta textus ruina restituas. Simul inde colligas, id quod inter recentiores editores constitit, fundamenta recensionis, quando ars critica codd. Mstis familiae quae dicitur Genuensis et editionibus Puteolani nitatur, in arena esse posita, atque libros Reg. Farnes. Vatt. 1863. 1864. Corb. Agr. Vind. Spir. hactenus tantum alicujus pretii esse, quod fidem Medicei consensu augeant, vel quod interpolationibus familiae Genuensis in vulgata adhuc nimis anxie servatis excutiendis ibi inserviant, ubi Mediceus lacunis foedatus est aut aperte peccat titubaturque. Denique patet, quo diligentius et religiosius libri Medicei et, quoad licet, ceterorum familiae Romanae codicum vestigiis instemus, eo certiores emendandi et vera conjiciendi viam ac rationem nos ingressuros esse, atque Medicei lectionem ubique recensionem pro fundamento subjiciendam esse, ita ut tum demum ab ea recedamus, quum aut certissimis artis grammaticae legibus aut Taciti generi scribendi et usui aut indubio ac necessario orationis sensui adversatur.

De probabilitate et diplomatica ratione emendationum Tacitarum.

Quamvis summam salutis in eo ponendam censeam, ut codex *Mstus Mediceus* recensitioni pro fundamento subjiciatur, tamen tantum abest, ut velut oraculum veneratus receptis Medicei lectionibus et quoquomodo explicatis rem expeditam et tanquam transactam opiner, ut etiam tum ad pristinam Tacitini textus formam repraesentandam magnum opus et arduum superesse putem. In Medicei auctoritate non est acquiescendum, quasi in portum et periculum pervectus esses, id quod Walthero ejusque pedisequo Bachio saepius accidit, utpote praesumpta nimia bonitatis opinione ductis. Saepe enim e verbis tum rationi, usui, sermoni repugnantibus, tum sensu carentibus aut ne latinis quidem reliquiae et vestigia oblitterati archetypi textus eruenda sunt, ut id teneamus, unde omnis veri inquisitio atque investigatio proficisci debeat. Tum demum certam spem habere nobis licet, fore ut inde antiquam ipsius Taciti orationem conjectura eliciamus et tanquam in integrum restituamus. Simul ex iis, quae modo exposui, apparet ipsas conjecturas, quas velut nutibus Medicei obtemperans feceris, multo majorem fidem habere, quam lectiones codd. *Mstorum classis Genuensis* interpolatae, qua de re Bachium in Jahni Nov. Annall. Philol. Vol. XI. p. 34. extr. mecum consentire laetus vidi. Addas omnino conjecturis in textu Tacitino recensendo, ut alia taceam, ideo quoque multum esse tribuendum, quoniam, — verba cl. Ernestii ex Praef. ed. Bekk. p. XXII. referam — si centum codices eiusdem libri habeamus, eos autem constet ex uno apographo ductos esse, unius tantum libri ius et vim obtineant universi. Neque audiendus est, si forte quis contra nos disseruerit, quam maxime caute moderateque criticos Tacitarum librorum oportere conjecturis uti, siquidem codex *Mstus Mediceus*, qui *Annalium* posteriores atque *Historiarum* libros continet, emendatoris subscriptionem offerat. Sane me non fugit ab Ernestio in Praef. p. XVI. Ryckium laudari, quippe qui ad H. I. init. bene monuerit, subscriptionem Sallustii cujusdam, vetustum aliquem codicem emendasse professi, ab imperito librario temere ex eo codice repetitam esse, unde is Taciti libros descripsisset. Neque

eorum nescius sum, quae v. cl. Schneidewinus, quem magistrum meum ea, qua par est, pietate atque observantia veneror, in Prolegg. ad editionem Martialis p. CIX. sqq. docte ac subtiliter de ratione disputavit, qua illi emendatores ultimis imperii Romani temporibus ad codicum Mstorum menda et corruptelas corrigenda usi sint. Sane ego concedam viro doctissimo, sicut veteres Graeci et Latini summum in eo posuissent studium, ut codices vetustissimos et fide dignissimos contraherent, quo certius de scriptura ipsorum auctorum constaret, — id quod Lehrsius de Aristarchi Stad. Hom. p. 366. sqq. probavit -- ita illos emendatores quoque emendationum exemplarium scripturae adeo addictos fuisse, ut fide vetustorum librorum integra servata tantum errores librariorum expulissent vixque locum suae ipsorum audaciae concessissent: quamquam ipse Schneidewinus non negat, fieri aliquando potuisse, ut singuli in singulis scriptoribus plus sibi juris arrogarent. Neque adversarer egregio critico haec addenti: *Tantum igitur abest, ut libri ἀδιόρθωτοι digni sint majore fide, ut qui subscriptione emendationem contestantur, longe praestare videantur*; quamquam tibi est cavendum, ne omnes libros Mstos, quorum librarii subscriptionem emendatoris utpote ab ipsius scriptoris oratione alienam, ex archetypo non descripserunt, ob id ipsum statim inter ἀδιόρθωτους codices referas. Hic Rhodus, hic salta. Sed hoc mitto. Nonne igitur apparet, inquires, iis codicibus, quos posterioris temporis librarii ex illis ipsis exemplaribus a calemis erroribus purgatis tanta fide descripserunt, quanta in codice Mediceo Taciti factum est, verba scriptoris satis emendata et genuina servata esse? Ita est, si quando talis recognitio subscriptione in libris Mstis, quos fortuna superesse voluit, reperta probatur. At ego is sum, qui negem pernegemque, a Sallustio illo vetustum Taciti exemplar, unde codex Mstus Mediceus et reliqui originem dixerunt, emendatum fuisse. Quae ne temere vel insolentius jacta esse videantur, utque falsae opinioni tam diu propagatae occurram, ne tanta doctissimorum virorum auctoritate veritas in posterum obumbretur, haud alienum ab re videtur, paulo accuratius atque uberius in istam Sallustii subscriptionem inquirere, quam viris doctis hucusque placuit. Et Ernestius quidem ac Ryckius, quibus Walther (Praef. p. XVI.) et Rupertius (Praef. p. XCVIII.) annumerandi sunt, ea, quae Pichena in Praef. editionis de codice Msto

Mediceo protulit, parum considerarunt, ita ut specie quadam decepti veram ejus sententiam non assecuti sint. Pichena enim eo consilio, ut codicem Mediceum temporibus Theodosii Imperatoris scriptum esse probaret, haec verba pro argumento addidit: *Adnexa enim sunt Apuleji nonnulla iisdem characteribus (scil. Langobardicia) et eadem, ut videtur, manu, ac frequens in libellorum sine subscriptio Crispi cujusdam Sallustii, qui etiam alicubi ait: Ego Sallustius legi et emendavi Romae felix Okbrio et Probino Cons. in foro Martis controversias declamans oratori Endelexio. Rursum Constantinopoli recognovi Caesario et Attico Cons.* Fuerunt autem illi Consules a. 395. p. Chr. n., hi a. 397. p. Chr. n. Haec Pichenae verba a doctis viris ita accipiebantur, quasi Taciti librorum in fine illae subscriptiones legerentur. At Pichena pro argumento opinionis suae de mira codicis Medicei vetustate certo hoc non attulisset, quod in eodem codice opera Apuleji iisdem characteribus et eadem manu scripta legerentur, si illa verba ita accipi voluisset, quasi Taciti libellorum in fine Crispi Sallustii subscriptio frequens esset. Nam satis habuisset dicere exemplar Mediceum aetate Theodosiana scriptum fuisse, quia in fine singulorum librorum istius Sallustii subscriptio extaret. Ceterum non est quod moneam, totam hanc Pichenae conclusionem, qua ex subscriptionis verbis hanc ipsam colligit aetate Theodosiana codici Msto Mediceo insertam esse, jacere. Constat enim hodie librariorum ejusmodi subscripta sententia parum intellecta in sua exemplaria non ita raro transtulisse. Cf. exempla a Fabricio in Bibl. Lat. I. s. v. Terentius, a Jahnio in Prolegg. editionis Persanae p. CLXXIV. usque ad p. CLXXXI., a Schneidewino in Prolegg. edit. Martial. p. CVIII. sqq. collata. Id Pichenam fugit, dum putat codicem Mediceum ejusdem esse antiquitatis, quam praefert subscriptio Sallustii et tempus Consulum ⁴⁾). Pichenam igitur verbis accurate examinatis

- 4) Ceterum codicem Mediceum aut sec. XI. scriptum esse credas, id quod Bandinus l. l. p. 835 statuit, aut sec. X., si doctos Benedictinos, auctores operis diplomatici, quod inscribitur *Nouveau traité de Diplomatie par deux religieux etc.*, (v. Vol. III. p. 279) et Botarium virum doctum (v. ibid. p. 280 extr.) duces sequi mavis, quamquam et Bandinus et Botarius confessi sunt, inter libros Secc. IX. X. XI., nisi annotatione librarii tempus constaret, nihil

id tantum dixisse facile intelliges, Appuleji libros subscriptionem Sallustii emendatoris in cod. Msto Mediceo exhibere. Quod testis et obscuris verbis significavit Pichena, idem apertis disertisque affirmat Bandinus in Catalogo Codd. Lat. Bibl. Med. Laur. Tom. II. p. 834. sqq., quo quidem libro Ryckius aut Ernestius nondum uti potuerant, quoniam anno MDCCLXXV. demum in lucem prodit. In accuratam Medicei codicis Taciti et Appuleji langobardicis literis exarati descriptionem dedit, et de ea quidem parte, quae paginis CIV. prioribus Taciti libros continet, haec disseruit: *Codex est anepigraphus et continet primo Cornelii Taciti ab excessu Diui Augusti libros XI, ab undecimo nimirum usque ad vigesimum primum inclusive, quorum singulorum initium et finis concordat cum editione Romana, quam exhibet Codex III. sequens, praeter finem libri XX, qui ita desinit in Codice: contra interpretabantur neque vos impunitos patiantur. Adsunt in margine summaria rerum et annotationes nonnullae diversa manu, sed valde antiquae. Nihil de subscriptione aliqua in fine librorum Taciti profert, neque Jac. Gronovius aut Victorius aut Faria ullam ejus rei mentionem faciunt. Sed de operibus Appuleji in eodem illo Mediceo exemplari scriptis deinceps disserens haec dicit: in calce libri primi de Magia characteribus quadratis Romanis scriptum est: Ego G. Crispus Sallustius emendavi Romae felix. Apulei Platonici Madaurensis proae aput Cl. Maximum Procōs. de Magia lib. I. explicit. Incipit lib. II. Lege feliciter. Itemque in calce lib. II. legitur: Apulei Platonici Madaurensis prosae de Magia lib. II. explicit. Ego Sallustius emendavi Romae felix. Porro testatur in fine omnium librorum Metamorphoseon primo et ultimo exceptis ejusdem censoris subscriptionem legi Ego Sallustius legi et emendavi Romae felix, in calce vero libri IX. aliquanto longiorem ita*

certi statui posse. Haec ideo annotavi, quia novissimi quoque editores leviter et strictim tantum de aetate codicis Medicei egerunt. Quia Oberlinus p. XL Praefationis Ernestium aetatem codicis nimis depressisse opinatur; nihil enim obstat, quominus ad Sec. VII. vel VIII. referri queat. Sic Exterus quoque in Vol. I. ed Bipont. p. XXXIV. judicat. Credas utrumque deceptum esse falsa de breviori spatio temporis, quo scriptura langobardica apud Italos in usu fuerit, opinione praesumpta.

exhiberi: *Ego Sallustius legi et emendavi Romae felix Olibio et Probino V. C. Cons. in foro Martis controversias declamans oratori Endelexio. Rursus Constantinopoli recognovi Caesario et Attico Cons.* En illa subscriptio, quam Pichena ex codice Mediceo attulit. Plane eandem subscriptionem in fine libri IX. *Metamorphoseon* Appuleji in cod. Msto Mediceo, scriptarum legi contestantur auctores operis diplomatici supra collati, qui literas codicis ad scripturam apographi a Cardinali Passioneo transmissi quam accuratissime assimilandas et exprimendas curaverunt Tom. III. tab. 49. coll. p. 279. Eadem subscriptio ceteri libri IX. *Metamorphoseon* addita legitur et in codice Msto II^o plutei XXIX^{mi} Bibl. Med. Laur. teste Bandino Tom. II. p. 4. et in codice Appuleji Vaticano teste Sirmondo ad Sidon. Epp. IV, 8. Tom. I. p. 940, quem idem Bandinus h. l. affert; unde colligas hos tres codices Mstos ex archetypo a Sallustio emendato una fluxisse. Jam vero super falsam istam de Sallustii emendatoris opera in Taciti libris collocata opinionem, quae inter doctissimos viros adhuc communis fiat, novo atque miro errore captus est v. cl. Schneidewinus, quippe qui in Prolegg. ed. Martial. p. CXI. dicat, quod codex Florentinus Taciti, qui *Annalium* libros sex priores solus habet, a vitiis gravioribus satis immunis sit, gratiam habendam esse Sallustio cuidam sqq. Tum ea refert, quae Pichena, Bandinus, auctores operis diplomatici supra collati in codice Mediceo langobardicis literis exarato, in quo praeter Apulejum etiam *Annalium* Taciti posteriores et *Historiarum* libri quinque insunt, fini libri IX. *Metamorphoseon* Appuleji adscripta esse testantur; ea igitur refert, quasi in altero codice Mediceo, olim Corbejensi, qui *Annalium* sex priores libros solos solus habet, legerentur, quamquam ipse eundem illum Bandinum testem et auctorem opinionis suae affert. Is vero in describendo codice Mediceo, qui sex priores Taciti libros habet, quique eodem in pluteo Bibliothecae Med. Laur., quo alter Mediceus Langobardicis literis scriptus servatur, omnino nihil de subscriptione aliqua narravit ⁵). Itaque praeposteram eorum,

5) Cf. ejusdem Catalog. Codd. Lat. Bibl. Med. Laur. II Vol. p. 831 — 834. Codex est primus plutei LXVIII^{mi}.

qui praeter Appulejum etiam Tacitum a Sallustio emendatore recognitum putaverint, opinionem dissolvissse mihi videor. Simul inde discas vel in levissimis rebus criticis nunquam satis caute et circumspecte ab editoribus agi posse, eosque criticos, qui summae diligentiae laudem et affectarunt et merito adepti sunt, interdum pessime peccare ⁶⁾. Quae quum ita sint, non dubitandum est, quin ea auctoritas, quae codicibus Mstis a veteribus emendatoribus correctis Schneidewinus vindicare studuit, codicibus Taciti Mediceis deroganda sit. Conjecturali igitur arti id dandum est, ut certe in Tacito recensendo primas partes agat, quum praesertim nulla spes novi et gravis quidem critici subsidii facta sit, ex quo multum fructus scriptori proventurum esse jure expectaveris ⁷⁾. Ope

6) Hanc disquisitionem de Sallustii recognitione Taciti jam finieram, quum Lerschii commentationem de Romanorum auctorum libris *διορθώσεις* novissimo fasciculo Musei Societat. Praeceptt. Rhen. et Guestphal. insertam a C. Fr. Hermannno, quocum sententiam meam communicaveram, accepi. Vir doctissimus internis quidem argumentis parum verisimile esse probat, Taciti libros a Sallustio emendatos esse; neque vero originem falsae istius opinionis aperit, sed satis habet credere, casu aliquo subscriptionem Sallustii ex Appuleji codice Msto in Tacitinum quandam irrepsisse. Etenim ignorat, in nullo Taciti codice Sallustii subscriptionem revera legi, nedum in Mediceo langobardicis literis exarato. Errat et in eo, quod l. l. p. 36 extr. dicit, complures codices Mstos Taciti a Bandino l. l. p. 834 et 836 enumerari. In bibliotheca Mediceo-Laurentiana Taciti duos tantum codices Mstos extare refert Bandinus; utrumque in uno eodemque pluteo, LXVIII^{mo} scilicet, servatum describit p. 831 sqq. et p. 834 sqq. Hi sunt codices illi, de quibus supra rettuli: is vero Taciti codex, qui ejusdem plutei tertius a Bandino vocatur et p. 836 sq. describitur, non manu scriptus est, sed typis excusus; est enim editio Beroaldi.

7) Subjungi placet Seyfferti verba, quae felicissimam Tacitinae orationis imitationem produunt. Is enim in fasciculo primo Emendationum Tacitearum, quem C. Fr. Hermannus pro humanitate sua nuper transmisit, Praef. p. VI. haec dicit: *Abiit jam tempus, quo veras lectiones tanquam paratam praedam ex Codd. avehere licebat. . . . Quare conjecturae in Taciti scriptis non extremus, sed primarius locus, nec incertum jus aut precaria vita, sed regnum atque potentia. Superba autem atque libalini proxima regnorum ingenia. Quare leges ponendae, quibus coerceas.*

Mediceorum codicum sanandi sunt loci depravati conjecturis quidem, sed undique circumspectis et consideratis et quae certioribus artis legibus regantur, quam quibus obtemperarunt veteres grammatici et librarii artis criticae et fidei diplomaticae, utpote rerum ab illorum temporum ingenio alienarum, ignari. Ad normam et regulam aliquam — haud leve sane negotium — conjecturarum ars dirigenda est, ne Chraybdim evitaturi in Scyllam incidamus, sed medium et rectum iter inter ineptam membranarum admirationem et Benteleianam audaciam teneamus. Et probabilia critica quidem univ[er]se expendenti tres esse condiciones videantur, ex quibus certae evidendae laus conjecturis tribuenda sit, quamquam fieri potest, ut aliqua conjectura, quae una alterave harum condicionum careat, probabilis tamen sit. Constat fere inter hujus aevi criticos necesse esse, primum codicum Mistorum lectio sine sensus sermonisve damno ferri nequeat, deinde emendatio proposita sententiae et usui scriptoris plane conveniat, postremo legibus artis palaeographicae ita obtemperetur, ut conjectura optimorum codicum vestigiis ac similitudini ductuum literarum quam maxime accomodetur ⁸⁾. Igitur Tacitinum textum conjecturis emendenti ea lex constituenda est, ut, servato quantumcunque servare licet, lectionibus codicum Mediceorum, quamvis saepe perquam corruptis, emendationem accurate accomodet atque applicet, neve ulla vestigia archetypi, quae in ductibus literarum latent, negligat, quo ad genuinae scripturae reliquias in tantum accedat, quantum pro sollertia, acumine, subtilitate, sagacitate fieri potest. Attamen vereor, ut haec probabilitati criticae sufficiant: certe in Taciti recensione, quippe quae ex unius — ut videtur — archetypi fide constituenda sit, etiam tum alia condicio desideratur, quam si tribus illis, de quibus modo rettuli, cautionibus adjungas, emendationem ab omni parte tutam fore jure speraveris: quamquam univ[er]se critici hucusque animum parum ad id attendisse mihi videntur. Postquam enim in inscriptionibus legendis

8) Digna sunt lectu, quae in Zimmermanni Diariis antiq. litt. a. 1835 no. 58. p. 465. sq. summus criticus Fr. Jacobsius de hoc argumento disputavit. Insunt censurae Prolusionis, quam indici scholarum per primum semestre a. 1834 in Acad. Dorp. habendarum prae-misit Car. Morgenstern.

atque emendandis ea ratio jam pridem invaluit, ut ex iis verbis, quibus sua forma et facies feliciter reddita est, genera vitiorum, ad quae quadratarii delabi soliti sint, colligantur, utque rationes orthographicae, palaeographicae, diplomaticae, quibus usi sint, observentur, quo facilis tectiora et graviora quoque menda et corruptelae tollantur et corrigantur: quis est, quin cernat, idem etiam in codices Mstos cadere? Unus ⁹⁾, quod sciam, Doederlinus hanc, ut mihi quidem videtur, certissimam emendandi rationem amplecti conatus est. Vir sagacissimus, qui post Waltherum et Bekkerum de Tacito optime meritus est, in Praef. editionis p. XIII. haec dicit: *In emendandis locis aperte corruptis, ut satis caute agerem, in naturam, et ita dicam, codicum Florentinorum accuratius inquirere institui.... Postquam operosa sane vitiorum examinatione et comparatione intellexi, quibus maxime vitiorum generibus contaminati essent codices isti, praemuniebam mihi viam ad certiores emendandi rationem.* Sed in eo non satis caute et curiose egisse mihi videtur, quod inter locos pag. XIII. sqq. allatos ab exemplis, quae lectione diu vulgata et optimo cuique editori probata ut firmo fundamento nituntur, eas conjecturas non ubique secrevit, quas ipse demum proposuit ipsis illis vetustis emendationibus pro argumentis usus: id quod facile intellectu, si aliquanto accuratiorem comparationem instituis. Ita enim fit, ut, quum ea, quae exemplis probaturus est, et exempla ipsa promiscue afferat, omnia misceat turbetque ¹⁰⁾. Accedit quod

9) Postquam haec scripsi, video Seyffertum in Praef. Emend. Tacit. a. 1843 edit. p. VII. eandem viam ac rationem se ingressum esse hisce verbis profiteri: *Quum quaedam mendorum genera constantia quaedam in Mstis recurrent, alia singulis codicibus quasi propria vindicanda sint, haud absurdum putavi aptis locis ex Mediceis plura exempla scripturae in similem modum turbatae in unum colligere, quo ipsa errorum multitudo errori fidem faciat, simulque tentatae correctioni robur paret. Nam fiduciae cumulus, si quae animo augurati sumus, etiam oculis cernere et quasi manibus deprehendere videmur. Eandem rationem v. cl. Kritizium in Prolegg. ed. Velleianae p. LXXXVI. — CXV. iniisse, nunc demum comperi.*

10) Seyffertus in Emendationibus Taciti, supra laudatis in idem negligentiae vitium interdum delapsus est. Liber cetera egregius tam ob acumen, quod elegantissimae conjecturae produunt, quam ob

nonnulla tantum vitiorum genera collegit et sub eodem genere diversa atque aliena interdum recensuit; quod imprimis reprehendes in iis, quae de dittographia exposuit. Quae quam ita sint, spero fore, ut haud alienam a critica operam ea in re collocaverim, quod potissima vitiorum et corruptelarum genera, suo quodque loco, distincta recensere conatus sim, quo fundamento meae ipsius aliorumque emendationes fulciantur ac sustineantur. Quo munere ita fungendum curavi, ut codicem, unde exempla depromerem, in Annalium libris sex prioribus — id quod per se intelligitur — codicem unicum Mediceum, in Annalium ceteris et in Historiarum libris alterum Mediceum langobardicis literis exaratum deligerem, etiam si alii libri Msti aut ceteri omnes diversam lectionem offerebant. Ex iis enim, quae supra de fide, auctoritate et, ut sic dixerim, ingenio hujus codicis exposui, facile intelligitur, etiam hac in re me recte eum secutum esse ducem. Neque enim cerno, quo alio modo mendorum genera, quae in vetustissimo archetypo plerumque occurrissent, investigare atque ad lucem proferre potuerim. Ceterum varias Codd. Mediceorum lectiones conjunxi et promiscue attuli, quippe qui librariorum utriusque Msti in eadem fere vitia delapsos esse observaverim. Qua re etiam eo adducor; ut Doederlino p. XV. consentiens utrumque ex uno eodemque archetypo fluxisse arbitrer. Hoc omnes Annalium et Historiarum libros continuerat, sed casu iniquo aut barbara incuria, nescio quo tempore, scissum discerptumque esse videtur, ita ut singulae tantum partes temporis injuria dispersae postea demum in manus hominum non illiteratorum inciderint, quorum beneficio reliquiae Tacitini operis posteritati servatae sint. Comparavi autem Mediceorum codd. menda et corruptelas cum lectione aut omnium editorum recentiorum consensu vulgata aut certe optimo cuique critico probata ac recepta, ne somnia mihi fingendo genera vitiorum et exempla hodie collegisse videar,

ingeniosam argumentationem, qua eae defenduntur. Neque Kritzius in Prolegg. ed. Vell. eos scopulos praetervectus est, quamquam id vitium in Velleio certe ideo aliqua ex parte excusandum videtur, quod nulla editio tantam auctoritatem consecuta est, ut graviolem quandam vim habuerit ad certam scripturam vulgatam constituendam.

quae posteriori diei fortuna disjiciantur ac displodantur. Quam maxima vero cautione in rebus novis utendum est, ne quis juvenis criticus — id quod totiens fieri solet — in justam reprehensionem sententiarum fictarum et commenticiarum incidat. Praeterea certis singulorum generum exemplis vulgata lectione firmatis potissimas virorum doctorum emendationes, quas quidem in textum vulgatum recipere editores nondum dignati sunt, subiunxi sperans, quae hodie exemplis tueamur, mox inter exempla fore. Neque tamen affirmare ausim omnes bonae notae conjecturas in unum quasi corpus a me redactas esse, sed ut quasque ad manum habui, suis locis inserui. Vix enim felicem probabilemque esse arbitror aliquam emendationem, quin ad hoc vel illud vitiorum genus referri possit. Denique moneo ad codices designandos me siglis Bekkerianis usum esse, ut quam plurimum spatii lucrem.

De generibus vitiorum Mediceorum codicum.

Ad primum vitiorum genus refero, quod saepe observavi, terminationem alicujus vocabuli sive sono sive litera socordibus et stupidis codd. Mediceorum librariis fraudi fuisse, ut ei vocabuli, quod proxime aut antecedit aut sequitur, exitum assimilarent ¹¹⁾. En hujus aurium aut oculorum erroris exempla: A. I, 44. *donaria militaria* pro *dona militaria*; cap. 47. *adversos eos* pro *adversus eos*; c. 51. *catervis levis cohortes* pro *catervis leves cohortes*; II, 36. *si honorum per quinquennium agitant* pro *si honorem etc.*; c. 71. *si quos propinquos sanguis pro si quos*

11) Idem mendum in aliis quoque bonis codd. Metis deprehenditur. Sic Martialis. III, 89, 1. cod. Puteaneus Parisinus pro vulgata lectione *mollibus utere malvis* exhibet *mollis utere malvis*. Mart. III, 44, 5. codex Palatinus praebet *hoc valde vitiosum periculosum est* pro *hoc valde vitium* etc. Eodem vitio in nota Bachii ad Tac. A. I, 19. scriptum est *aliter fortiter* pro *alii fortiter*. Eiusdem vitii exempla e vett. Velleii libris collecta vide in Kritzii Prolegg. p. XCV. sq.

propinquus sanguis; c. 82. *templores flores* pro *templorum flores*. III, 1. *Brundisium*, quod *naviganti celerissimum fidissimumque adpulsum erat* pro *Br. q. n. c. f. adpulsi* e: quam vulgatam lectionem praefero Doederlini emendationi *ad adpulsum*. Etenim si supinum usurpare nolis, expectares saltem *ad adpellendum* vel *adpellenti* vel *adpulsui*. Cf. Ramshorn. Gramm. Lat. §. 170, 2. not. 3, c. et d. et f. pag. 657. sq. A. III, 10. *illa dimissa ejus causae delatione . . . obtinuit pro ille dimissa* etc. C. 42. *quae conscriptae Treveris* pro *quae conscripta e Treveris*. A. IV, 33. *ancepto redeo* pro *ad incepta redeo*; c. 40. *qui te invito perrumpunt* pro *qui te invito p.* C. 57. *locis occultantibus* pro *locis occultantem*. C. 66. *adversum casum* pro *adversum casus*. C. 74. *foedum illum* pro *foedum illud*. VI, 14. *sanus repertus* pro *sane is repertus*. C. 48. *ludibria et pericularia* pro *ludibria et pericula*. XI, 3. *percusi Asiatici . . . officiis* pro *percursis Asiatici . . . officiis*. C. 7. *cogitaret plebem, qua toga enitesceret legitur in eodd. Matis* pro lectione vulgata *c. p., quae toga enitesceret*, quae ex Pichenae et J. Fr. Gronovii emendationibus composita est. Corruptam Mstorum scripturam a Walthero, Bachio, Rupertio revocatam esse mirere, praesertim quum simile mendum A. XII, 45. a Lipsio correctum sit, qui lectionem codd. Mstorum et edd. veterum *qua fraude* emendarit in *quae fraude*. C. 10. *in cujus transgressum multum certato pervicit Vardanes* pro *in cujus transgressu m. c. p. V.* C. 14. in vetusto archetypo pro *aborigines Arcade ab Evandro* idem scriptum fuisse videtur, quod in cod. G. et ed. Spir. legitur, scilicet *aborigines Arcades ab Evandro*, id quod lectione cod. Ma. firmatur, cujus librarius aboriginum ignarus, syllabam *ab* pro praepositione accepit ideoque in novum errorem delapsus servata forma *Arcades* scripsit *ab originibus Arcades ab Evandro*. C. 19. in codd. Ma. G. ed. Spir. legitur *idem senatus, magistratus, leges imposuit* pro scriptura *senatum* a Puteolano usque ad Waltherum vulgata; quam quod recentissimi editores deseruerunt, miror. Neque enim in singulis quibusque pagis *senatus* institutos esse credas, sed ex primoribus Frisiorum unus totius populi *senatus* creabatur, quod etiam apud alias nationes a Romanis factum esse constat. C. 20. *beatos quosdam* pro *beatos quondam*. A. XII, 2. *femina experta*

fecunditatis pro *f. expertas* f. C. 13. *praecipue religione Herculi* pro *praecipua r. H.* C. 15. *diffsis propriis viribus* pro *diffsi p. v.* C. 16. *gratibus et vimentibus* pro *cratibus et vimentis.* C. 22. *Cottam Messalinam* pro *Cottam Messalinum* C. 41. *remotis fctis causis* pro *remoti f. c.* C. 61. *potuisset tradidisset* pro *potuisset tradi: set.* C. 67. *cibo leto* pro *cibo boletorum.* A. XIII, 13. *intempestatem severitatem* pro *intempestivam severitatem*, non — ut Doederlinus Praef. p. XVI. conjectit — pro *intempestam s.*; hoc quippe sensu Tacitus semper dixit *intempestivum*, nunquam *intempestum*. C. 21. *novissimam suscipiendam accusationis operam* pro *novissimam suscipiendae accusationis operam.* C. 31. *ceterae coloniae* pro *ceterum coloniae.* C. 54. *earum gentium legum* pro *earum gentium legati.* C. 55. *in qua pecora* pro *in quam pecora.* A. XIV, 13. *festo cultu senatu* pro *f. c. senatum.* C. 3. *illo tanto facinori* pro *illi t. f.* C. 28. *cuius is* pro *cuius ii.* C. 34. *vexillariis vicesimariis sive v. vicesimariis* pro *v. vicesimanis.* C. 45. *plurimorum indubiam innocentium miserantium* pro *pl. i. innocentiam m.* A. XV, 29. librarius Medicei codicis scripturam *sublatum capiti*, quam etiam in archetypo extitisse ex consensu omnium codd. Mstorum et edd. veterum colligas, corruptit in *sublati capiti*. Lectionem *sublatum capiti* ob creberrimam literarum *e* et *i* confusionem ex genuina *sublatum capite* ortam ducas, nisi si cum Doederlino putas, Tacitum structuram verbi *tollere* ad usum verborum detrahendi atque auferendi accommodasse, sicut adipiscendi verbum A. III, 55. VI, 45. in modum verbi *potiri* genitivo junxit. — A. XV, 57. *intactis tormentis* pro *intacti tormentis.* A. XVI, 32. lectio Mstorum *honesti et exerciti* inserta particula *et* orta est ex scriptura *honesti exerciti*, quae rursus e lectione vulgata *honesti exercitus* corrupta erat. H. I, 38. *apud quod* pro *apud quos*; c. 41. *comitatae Galbae cohortis* pro *comitatae Galbam cohortis.* C. 87. *plerosque e praetorianis viris ut robur exercitus* pro *p. e pr. vires et robur e.* H. II, 20. *quos inequos videre* pro *quos in aequo videre*¹²⁾. C. 42. *gladiibus et securibus* pro *gladiis et securibus.* C. 43. *Varenus Alfenus* pro *Varus Alphenus.*

12) Inde simul videbis emendationem a cl. Jacobo in Obs. ad Tac. H. critt. Part. II. p. 4. propositam *quos in aequo sibi videre* supervacaneam esse.

C. 76. *promptum effectum* pro *promptum effectum*. C. 80. *Germanica hiberno coelo ac laboribus dura* pro *G. hiberna coelo* etc. C. 94. *in summa abundantiae pecuniae* pro *in s. abundantia* p. C. 96. extr. *exaucto rato* pro *exauctoratos*. H. III, 13. *secretorum castrorum affectans* in codd. Ma.B.C. legitur pro *scriptura familiae Genuensis secreta castrorum a.* usque ad Bipontinos et Oberlinum vulgata et a Walthero, Bekkero, Rittero, Rupertio revocata, vel pro emendatione cod. Msti. A. *secretum castrorum a.*, quam a Bachio et Kiesslingio receptam ego quoque praeferam. C. 16. extr. lectio *Ma. integrum suum et ipsi metu* pro vulgata *integri suometipsi metu* orta esse videtur ex prava verborum distinctione *integri suometipsi metu*. C. 42. in codd. Mstis et ed. Spir. legitur *Apenninis jugis* pro vulgata inde a Puteolano lectione *Apennini jugis*, quam Bachius, Rupertius, Kiesslingius ¹³⁾ temere respuisse mihi videntur. Cf. Waltherum ad h. l. C. 74. lectionem codd. Ma. A. B. Oa. a sec. m. *praemia enavatae operae* (*Ma. enovatae*, *C. evacatae*) ex archetypi scriptura *praemiae navatae operae* ortam putaverim. Neque enim verbum illud novum atque inauditum enavandi cum Ryckio, Rittero, Bachio, Rupertio, Kiesslingio Tacito intrudere ausim, quoniam is ubique operam navari dicit et auctifica vis adverbio *penitus* et Germanico praefixo *et* similis, quam praepositio *ex* in verbis compositis interdum exercet, ab hoc loco aliena esse videtur ¹⁴⁾. Omnino autem vereor, ne origo verbi *navare*, ex qua formula *operam navare*, auctore Doederlino in Lat. Synon. Vol. I. p. 112, idem significat, quod *naviter operam s. navam operam dare*, adjectionem praepositionis *ex* ut pleonasmum renuat. Nec magis huc pertinent,

- 13) Etiam Jacobus in Obs. ad Tac. H. critt. part. II. p. 15 lectionem codd. Mstorum tuetur: at his in rebus non Tacitum, ut illi videtur, sed librarium archetypi vetusti libere variare novimus.
- 14) Exempla, quae Petersenius in Annotatt. ad Tac. Specim. II. p. 18 sq. ad lectionem *enavatae operae* defendendam contulit, nihil probant, nisi quod Tacitus cum aliis quoque scriptoribus, si quando alicujus verbi vim augeri atque intendi voluit, praepositionem *e* interdum praefixit: quod, quamvis verum sit, nihil momenti ad hujus loci rationem affert, quoniam auctam et intentam significationem ex totius sententiae indole minime expectabis.

quae Reisiſius in Scholl. Grammat. Latin. §. 177. de relatione ad animum, quam praepositioni *ex* in verbis compositis tribuit, diſſeruit. — H. IV, 11. *nec deerat ipſe ſtipatis armatis pro ſtipatis armatis*. C. 13. *multos ceteros anteibat pro multo etc.* C. 15. *hiberna proxima occupata pro h. p. occupata*. C. 34. extr. *interfectum inmanem quantum pro interfectum immane quantum*. C. 53. *pueris puellisque patrimis matrimisque aquatrimis e fontibus ammbusque hausta pro p. p. p. m. aqua vivis e fontibus etc.*; et paulo infra *sedesque suas pietates pro sedesque suas pietate*. C. 66. *ignaris discriminis pro ignari discriminis*. C. 76. *e reliquis Germanicis exercitus pro e reliquis Germanici exercitus*. H. V, 5. *aeternum neque imitabilem neque interiturum pro a. n. imitabile etc.* C. 20. *pluris nuntiis pro pluribus nuntiis*. C. 22. *ornati militari pro ornatu militari*. C. 26. *apud Vitellium legatum pro a. Vitellis i*. Extant etiam in Agricolae Mstis codd. duo praeclara huius vitii exempla. Ibi enim c. 3. codd. Msti Vatt. et edd. vet. ante Lipsium exhibent *multis fortassis casibus pro multi f. c.*; et c. 28. in Mss. Vatt. legitur *immixtis manipulis pro immixti manipulis*. Ejusmodi corruptelam igitur Lipsius A. XII, 44. sanasse mihi videtur vulgata codd. Mstorum lectione *juvenem potentiae promptae in juvenem potentiae promptum* mutata, quam conjecturam ut ingenio odicis Medicei, ita sententiae atque usui scriptoris aptissimam ceteris a viris doctis tentatis praeferam. Cf. A. I, 29. *promptum ad asperiora ingenium Druso erat*. II, 78. init. *Piso promptus ferocibus*. IV, 60 extr. *mater Agrippina promptior Neroni erat*. XII, 4. *accipiendis suspicionibus promptior*. XIII, 8. *studia eorum in Corbulonem promptiora erant*. XV, 25. *promptus in pavorem*; c. 61. *promptum in adulationes ingenium*; c. 67. *faciendis sceleribus promptus*. XVI, 14. *promptum ad caedes principem*. Agr. 35. extr. *promptior in spem*. — Tum A. XIII, 45. Rupertius idem vitium sustulit, recepta lectione cod. Msti G. et edit. Spir. *consularis et triumphali decore praefulgentis* pro vulgata *consulari et triumphali d. pr.*, postquam Walther, Ritter, Doederlinus edidere scripturam cod. Ma. *consularis et triumphalis decore pr.* non memores huius vitii in Ma. frequentissimi. Eodem mendo Agric. 44. in edd. legabatur *consularibus ac triumphalibus ornamentis praedito*, donec Becker, Hertelius, Peerlkampius, Rothius, Bachius, Dronkius (in

edit. sec.) e codd. Vatt. genuinam scripturam *consulari ac tr. orn. pr.* restituere. Etenim non insignia tantum consularia Agricolae data fuerant, sed ipsum consulatū gesserat. Cf. Agr. 9. extr.

Doederlinus A. XIV, 34. simile mendum correxit: ibi enim nulla lectionis varietate notata vulgatur *animo adeo fero*; sed quum totius loci ratio et sententia non feritatis et immanitatis, sed ferociae ac superbiae commemorationem poscat, proprietatem verborum amplexus conjecit vir sagacissimus *animo adeo feroci* legendum esse. Idem A. XIV, 48. extr. vulgatam Mss. et edd. vet. lectionem emendavit scribendo *eo privatim miseriorem et publice clementiae maximum exemplum futurum* pro *publicae clementiae* etc. ^{14a}). Et saepissime verba *privatim* et *publice* sibi opponuntur, v. c. apud Senecam Epist. 95. p. 227, a. ed. Gruter. a. 1604. Cic. de Invent. I, 4. Verr. II, 1, 6. Sall. Cat. 11, 6. Iugurth. 8, 2. Vell. II, 3, 1. Plin. Epp. X, 1, 2. 18, 2.

De altero vitiorum genere.

Dein notanda est barbari librarii oscitantia et sensus ac sermonis ignorantia, quibus is ductus casum, numerum, genus, modum nominis aut adjectivi aut verbi saepe mutavit, ut proximo alicui substantivo aut adjectivo aut verbo ea adstrueret atque accommodaret ^{14b}). Ita

14a) Simile vitium ap. Vell. II, 28, 3. instulit Puteanus corrigendo *Ut... iugulati civis Romani publicae constitueretur auctoramentum*, quum ed. pr. *civis Reip.* praeberet. H. l. apogr. Amerb., quippe quod *civis R. publicae* habeat, lectionem codicis Murbacensis fidelius editione principe servasse facile intelligitur, id quod contra Kritizium moneo, qui nimio studio fidem editionis principis ab Orellio nuper impugnatae sustentandi eo provectus est, ut iniquum de illo apographo iudicium faceret eique parum auctoritatis tribueret.

15) Etiam in aliis codd. Mstis id vitium deprehenditur. Sic in vetustissimo optimoque Martialis codice Vossiano, quem Schneidewinus litera R. signavit, IV, 73, 8. scriptum est *seque mori post hoc credidit ille senex* pro vulg. *ille senem*; ibid. X, 71, 4. *nulla sorte jacent candidiore senes* pro *nulli sorte* etc. Similiter in Prolegg. edit. Schneidewin. p. LIX. ita typis expressum est: *Sunt eae* (scilicet notae) *in alia quoque exemplaria transcripta*. Legendum haud dubie *transscriptae*. Eiusmodi exempla e vet. Velleii libris col-

formae congruunt quamvis magno sententiae damno. Exempla apposui haec. A. I, 7. legitur in M. *quanto quis illustrior . . . neu tristior primordio* pro *neu tristiores primordio*; c. 35. *nudant universa corpora* pro *n. universi corpora*. A. III, 43. *nobilissimarum Galliarum subolem* pro *nobilissimam Galliarum* s. A. IV, 33. *noscendi vulgi natura* pro *noscenda vulgi natura*. C. 35. *suam cuique posteritas rependunt nec deerunt* pro *s. c. p. rependit: nec deerunt*; c. 37. *per omnes provincias effugis numinum sacra ambitiosum* pro *p. o. p. e. n. sacrari a.*; c. 54. *nurui suae manu tradidit* pro *nurui sua manu tradidit*. A. VI, 21. codex habet *haerere primo dein pavescere, et quantum introspiceret, magis ac magis trepidus postremo exclamat* etc. pro vulgata lectione *h. primo, dein pavescere et trepidus postremo exclamat*, vel pro Jac. Gronovii emendatione *h. primo, dein pavescens et trepidus postremo exclamat* etc. Haec Walthero et Ernestio probata mihi quoque vulgata lectione magis placet. Cf. locum simillimum A. II, 3. *Artavasden regem Armeniorum specie amicitiae illectum, dein catenis oneratum, postremo interfecerat*. — A. VI, 36. *tota mole regni ultimi id* pro *t. m. regni ultum ut*. C. 42. legitur in M. *et quotiens concordēs agunt, spernuntur. Parthus, ubi dissensere, . . . valet* pro *et q. c. agunt, spernitur Parthus. ubi dissensere, valet*. A. XI, 3. *perculsi Asiatici in rem publicam officiis* pro *percursis A. i. r. p. officiis*; c. 15. *saepe adversis rei publicae temporibus accitis* pro *accitos*; c. 37. *denuntiatque centurionibus et tribuno, qui aderat, exsequi caedem* pro *qui aderant*. A. XII, 35. *cuncta virtute expugnabili clamitare* pro *c. v. expugnabilia clamitare*; c. 36. *incedentibus regibus clientulis falere torquibus* pro *phalerae torquesque*; c. 45. *init. qua fraude confici potuerint, prompta nuntiat* pro *quae fraude* etc.; c. 48. *plures tuta disserunt: omnes scelus externum* pro *omne scelus externum*. A. XIII, 8. *verbis magnificis* pro *verbis magni-*

lecta invenies in Kritzii Prolegg. p. CV. — CVII., e Livii codicibus apud Drakenb. ad Liv. VI, 3, 8.; hic vir doctissimus id vitium primus, quod sciam, notavit.

acus; c. 9. *illi ob recentem gloriam et inclinationem quandam etiam hostium Corbulonem praetulere* pro *i. o. r. g. et inclinatione quadam* etc.; c. 14. *generis humani regimen expostulantis* pro *generis humani regimen expostulantes*; c. 19. *nemo adire praeter paucas feminas amore an odio incertas* pro *amore an odio incertum* ¹⁶⁾; c. 57. *fusa . . . concreta* pro *fusa . . . concretum*. A. XIV, 17. *oppidana lascivia invicem incessente* pro *o. l. i. incessentes*; c. 20. *Nerone quarto Cornelio Cosso Coss. pro Nerone quartum* etc.; c. 21. *nec perinde . . . populo efflagitanti Graeca certamina a magistratibus causam fore* pro *nec perinde . . . populo efflagitandi . . . causam fore*; c. 46. *damnatus idem Coss. Tarquiti* pro *damnatus idem Coss. etc.* A. XV, 5. *sibi imbecillum equitem pabuli inopiam* pro *pabuli inopia*; c. 17. *ducum inter se brevis sermo secutus est hoc conquerentium irritum laborem* pro *d. i. s. b. s. s. e., hoc conquerente irritum laborem*; c. 30. *structam ante auguralem aram* pro *str. ante augurale aram*; c. 42. *vestigia irrita spei* pro *vestigia irritae spei*; c. 50. *crebro ipsius sermonis* legitur in Ma. pro vulgata lectione *crebro ipsius sermone*, quam Walther, Bachius, Rupertius editionem Spirensem temere secuti in *crebro ipsius sermonibus* mutarunt. At

- 16) Frustra scripturam codd. Ma, B, Oa. R. ed. Spir. *incertas*, quam Bachius et Walther temere in textum recepere, Petersenius l. l. II. p. 5. et Jacobus in Obs. ad Tac. A. critt. Part. II. p. 14 defendere studuerunt. Sane quidem passivo sensu interdum incertus dicitur is, de quo dubitatur, sed exemplis a viris doctissimis allatis simul id probatur, tunc verbo finito addito dicendum fuisse praeter paucas feminas *incertas* amore an odio agerent. Quisquis formulae *incertum an* memor est, certo non dubitabit vulgatam *incertum* retinere Cf. locos hosce simillimos: A. XIV, 9. *Mnester ipse se ferro transegit, incertum caritate in patronam an metu exitii*; c. 51. *init. concessitque vita Burrus incertum valetudine an veneno*; XV, 38. *init. sequitur clades forte an dolo principis incertum*; H. I, 75. *extr. stetit domus utraque sub Othone incertum an metu*; H. IV, 6. *ea ultio incertum maior an iustior senatum in studia diduxerat*; Agric. 7. *ne: legatus praetorius ad cohibendum potens, incertum suo an militum ingenio: quibus locis lectiones incertus aut incerta, si forte extarent, perinde non possent ferri.*

patet vulgatam *sermone* ob singularis formam crebro servandam esse. Cf. c. 73. *crebro vulgi rumore*; c. 54. *multo sermone*; H. IV, 52. init. *multo apud patrem sermone*; Cic. Epp. ad Att. XV, 11, 2. *multo sermone*. — A. XV, 53. *quamois absurdum videretur aut inane aut spem Antoniam nomen et periculum commodavisse, aut Pisonem ... matrimonio se obstrinxisse* pro *q. a. v. aut inanem ad spem* etc. C. 57. *intactis tormentis* pro *intacti tormentis*. C. 72. *nam et ipsa pars Romanarum cladum erat* pro *nam et ipse p. R. cl. e. A.* XVI, 23. *accipiendae Armeniae regno* pro *accipiendo A. regno*; c. 26. *facilius perluturos singula increpantium, quam nunc silentium* pro *f. p. singula increpantem* etc. H. I, 8. *soliciti et irati superbia recentis victoriae et metus* legitur in cod. Ma. et ed. Spir. pro vulgata *metu*. Cf. ea, quae Heinischius in scriptione scholastica Gymnasii Glatz. 1840. p. 11. sq. contra lectionem illam a Rittero, Bachio, Kiesslingio receptam acute disputavit. C. 15. *judicii mei documentum sit non meae tantum necessitudines, quos tibi postposui, sed et tuae* pro *j. m. d. sint non meae tantum necessitudines* etc. C. 25. *in communi omnes metu mutandas militiae terrebantur* pro *in commune* etc. C. 43. *a quibus protractus Piso in foribus templi trucidatus* pro *trucidatur*. C. 84. *Si Vitellio . . . eligendi facultas detur, quae nobis animum* etc. ortam puta ex archetypi scriptura *que nobis animum* pro *quē* (i. e. *quem*) *nobis animum*. C. 86. *majorem humana specie* pro *majorem humana speciem*. C. 88. quod in B. legitur *motae urbis cura*, idem arbitror in archetypo scriptum fuisse pro vulgata codd. G. Oa. edd. Put. sqq. lectione *mota urbis cura*, quam scripturae a codd. A. C. R. et ed. Spir. oblatae *motae urbis curae* alii editores postposuerunt, inter quos Walther et Bachius utpote familiae Romanae addicti. At tenor orationis ablativum absolutum *mota urbis cura* efflagitat. Ceterum utramque lectionem et Genuensis et Romanae familiae correctione demum ex scriptura archetypi *motae urbis cura* ortam esse ipso dissensu probatur. — H. II, 76. *splendiori origine* pro *splendidior origine*; c. 79. *hoc . . . caput* pro *haec . . . caput*. C. 80. *Germanica hiberno coelo ac laboribus dura* pro *Germanica hiberna coelo* etc. H. III, 5. *Felix . . . ad occupandam ripam Aeni fluminis, quod Raetos Noricosque interfuit* missum pro *mis-*

sus; c. 19. *spernuntur centuriones tribunique, ac ne vox cuiusquam audiat, quatiuntur arma rupturi imperium, ni ducantur pro quatiunt arma rupturi imperium, ni ducantur*. C. 32. codd. Ma. C. H. ed. Spir. *coloniam maiorem opum specie* (C. H. ed. Spir. *speciem*) exhibent pro vulgata inde a Rhenano lectione *c. majorum opum specie*, aut — id quod equidem probarim ¹⁷⁾ — pro lectione codd. G. Oa. edd. Put. a Broterio revocata *c. majore opum specie*. Etenim sequente forma *opum* genitivus *majorum* non tam facile in accusativum mutabatur, quam ablativus *maiore* addita litera *m* in accusativi formam transibat, cuius ansam dabat accusativus nominis substant. proxime antecedentis *coloniam*. — C. 34. codd. Ma. (a pr. m.) C. exhibent *a primordio suo* pro *a primordio sui*. H. IV, 31. et *praefectus cohortis evictus, Alpinus Montanus pro et p. c. e victis* etc. C. 53. *deos precat, uti coeptas prosperarent sedesque suas pietate hominum inchoatas divina ope attollerent* pro *d. p., uti coepta* etc. H. V, 9. *civili interno bello pro civili inter nos bello*. C. eod. extr. *Drusilla in matrimonia accepta* pro *Dr. in matrimonium accepta*. C. 15. *totis illic corporibus nitentes vulneratis cum integris implicabantur pro vulnerati cum integris implicabantur*. C. 20. lectio codd. Mstorum *ut praesidia cohortium, alarum . . . quadripartita invaserit* eodem mendo affecta est, quo apud Liv. IV, 59. cod. Vossianus primus, qui praebet *tripartitos ad devastandos fines discessere* pro *tripartito* etc. Sic in Caes. B. G. I, 25. Ernestius e pluribus codd. Mstis variam lectionem *bi-partita signa intulerunt* pro *bipartito* affert. Tribus his locis librarii formam vocabuli *bipartito* aut *tripartito* aut *quadripartito* ad proximum nomen subst. accomodarunt.

Item Agr. 37. Mstus cod. Vat. 4498. exhibet *in fugam versis non agminibus* pro *in fugam versi, non agminibus*. Agr. 43. edd. vett. exhibent hic *alius agens populus* pro emendatione Rivii et Rhenani *hic aliud agens populus*, quam codd. Mstis Vatt. firmari ex silentio Maggioranii et Clementis cum Dronkio colliges.

17) Nunc video etiam Jacobo in Obs. ad Tac. H. critt. Part II. p. 15. lectionem edit. Broter. probari. Putarim, inquit, *coloniam*, ut fit, traxisse adjectivum insequens, reddendum suo nomini *specie*: ea enim, species, maior divitiis veris.

Tot exempla vitii si reputaveris, probabis hasce vv. dd. emendationes. A. XIII, 32. Neniſ lectionem codd. Mſtorum *longa huic Pomponiae aetas* ope editionis Spir. mutavit in *longa hinc P. aetas* A. XV, 28. e ſcriptura cod. Ma. et ed. Spir. locus cum barbaris delectus eſt ob memoriam laetioris ſibi rei, Corbulo non vitatus, ut diſſimilitudo fortunae gloriam auget Doederlinus certam hanc elicit conjecturam locus barbaris delectus eſt ob m. l. s. r., Corbuloni non vitatus, ut etc. Ceterae editiones in omnia alia diſcedunt. Proxime ad veritatem accēſſit emendatio a Jac. Gronovio ad A. XV, 10. ſub vv. *famam aucti exercitus* propoſita locus tum a barbaris delectus eſt ob m. l. s. r., Corbuloni non vitatus. Sed languet particula tum et turbat ordinem orationis. Scriptura cod. Ma. cum barbaris per dittographiam ex antecedentibus vocc. cum Pacto orta eſt. Cf. ea, quae infra de decimo vitiorum genere commemorabo. — A. XVI, 19. Neniſ et Doederlinus recte ſuſpicati ſunt novitatem pro vulgata codd. Mſtorum lectione novitate, quae originem traxit ex proxime praecedente ablativo ſub nominibus, quocum novitate per particulam et conjungendum eſſe librarius archetypi vetuſti cenſuit. Ceterum annoto novitate fortasſe primitus ſcriptum fuiſſe. — H. II, 101. Kiesslingius vulgatae lectioni ſcriptores temporum curam pacis et amorem reipublicae corruptas in adulationem cauſas tradidere praefert ſcripturam codicum et editionum familiae Genuenſis corrupti in adulationem cauſas tradidere. Homines enim corruptos in adulationem dici poſſe bene monuit, non item cauſas. Cauſas et argumenta per adulationem corrupta dixeris. Exemplis a Kiesslingio allatis adjungas haec: Ann. II, 62. corruptis primoribus ad ſocietatem. A. IV, 10. corrupta ad ſcelus Livia. A. XIII, 21. liberos ad ſcelus corruptos. A. XIV, 63. init. praefectum in ſpem ſociandae claiſſis corruptum. Fortasſe H. II, 101. in archetypo mendose ſcriptum erat reipublicae corruptae, unde diverſitas lectionis etiam facilius, quam ex ſcriptura corrupti oriri poterat. — H. III, 6. init. ineptam vulgatam lectionem Arrius Varus strenuus bello, quam gloriam et dux Corbulo et prosperae in Armenia res addiderant Bipontini editores optime correxiſſe mihi videntur accuſativo quam in dativum cui mutato. Non ea enim ſententia Taciti verbis poſſeſt in eſſe, Arrium Varum glorio-

nam famam strenui bello viri eo adeptum esse, quod duce Corbulone stipendia meruisset et in Armenia rem bene gessisset, — id quod Walther opinatus est — sed auctor Varum in bello revera strenue egisse dixit, eique super hanc virtutem gloriam fortuna et opportunitate additam fuisse, quod Corbulonem ducem habuisset et prospere in Armenia pugnasset. Etenim non omnis vir strenuus ac fortis etiam gloria famaue floret. Cf. de verborum constructione Ann. XIII, 36. *Caesar.... addidit gloriam victo*. Hist. II, 4. extr. *tantum his vigoris addiderat integra quies*; cap. 31. *addiderat huic terrorem atque odium caedes Galbae*. In archetypo exitui vocabuli *gloriam* puto assimilatam fuisse terminationem relativi *qui*, (ea enim est antiqua dativi forma Ann. XIII, 23. init. in codd. Mstis et edd. vet. servata) ita ut librarius *quam gloriam* pro *qui gloriam* scripserit. Universe quidem id teneas, librariorum relativum ad formam substantivi insequentis aut antecedentis frequenter adstruxisse. Sic A. XI, 7. in codd. Mstis legitur *cogitaret plebem, qua toga enitesceret* pro *quae toga enitesceret*. A. XII, 45. init. *qua fraude confici potuerint, prompta nuntiat* pro *quae fraude* etc. A. XIII, 20. *nos consensum auctorum secuturi, qui diversa prodiderint, sub nominibus ipsorum trademus* pro *n. c. a. s., quae d. p.* etc. Saepius autem dativi forma *qui* non intellecta turbas movit in libris Mstis et editis. Cf. praeter ea, quae Reisigius in Schol. Grammat. Lat. §. 125. p. 191. ibique Haasius in nota 220. de hac re docuerunt, varietatem lectionis apud Cic. Brut. 89, 304. s. vv. *cui frequens aderam*, quae ex tali confusione originem duxit. Sic ap. Tac. Ann. XII, 20. lectio codd. Mstorum *quin inopi* etc. orta ex scriptura *qui* (i. e. *cui*) *inopi*, quum particula *quin* proxime antecederet. Contra in cod. M. Ann. III, 1. init. scriptum est *cuique* pro *quique*. — H. III, 7. Bötticher in versione germanica et Kiesslingius lenissima huiusmodi emendatione verbis scriptoris genuinam formam reddiderunt. Etenim quum in Mstis codd. Ma. G. et ed. Spir. legatur *vulgata victoria post principia* (in Ma. *p'principia* pro *p'principia* i. e. *post principia*) belli secundum Flavianos datae legiones ¹⁸⁾ *septima Galbiana, tertia decuma Gemina*

18) Miror quod scriptura codd. Ma. G. a Walthero, Bachio, Kiessling-

veniunt, inde eliquerant *data*, ita tamen ut ille hanc vocem referat ad *victoria*, hic ad *principia*. Et Kiesslingius quidem melius rem expedit. Cf. exempla a Walthero jamjam allata: A. IV, 43. *ita secundum Messenios datum*. Suet. Claud. 15. *secundum praesentes facillime dabat*. Adde ex Plin. Epp. VII, 6, 9. *quaestio secundum reos dedit*. Vulgata scriptura *duas legiones* ex infelicissima emendatione Puteolani originem traxit.

De tertio vitiorum genere.

Aliud vitium a codd. Mstis Mediceis in enuntiatorum conformatione admissum. Saepius enim accidit, ut librarii, sensu et structura verborum parum intellectis, flexione primi praedicati decepti et concianitati orationis praepostere consulturi, in eundem aut certe similem modum, quo prius praedicatum formatum erat, verbum finitum vel infinitum, quod proxime sequebatur, flecterent. Ita genus, modus, numerus, casus verbi praedicati nonnunquam in pejus mutata sunt¹⁹⁾. A. IV, 35. cod. M. exhibet *posteritas rependunt nec deerunt*, si etc. pro *p. rependit: nec deerunt, si* etc. A. VI, 2. extr. *suaderet* in M. legitur pro *suadere*, quasi id verbum aequae ac praecedens foret a conjunctione *si* penderet. C. 42. init. *et quotiens concordēs agunt, spernuntur: Parthus, ubi dissensere accitus valescit* pro *et q. c. agunt, spernitur Parthus: ubi dissensere accitus valescit*. A. XI, 1. *habere* pro *haberet* praebet

gio prave recepta etiam Jacobo in Obs. ad Tac. Hist. critt. Part. II. p. 12. tantopere placuit. Quod si emendationem *duta* non ignorasset, certo vestigia codicum non tam anxie pressisset.

- 19) In idem vitium Mart. XIII, 75, 1. librarii codd. Voss. R. et Hannover. h. delapsi *turbabit* scripserunt pro *turbabis*, quoniam forma *volabit* statim in eodem versu sequitur. Vell. II, 118, 1. init. ed. pr. et apogr. Amerb. exhibent *credebat* pro *credat*, quum c. 117, 4. extr. imperfectum *trahebat* proxime antecedit. In Dial. de Oratt. 5. Mss. Neap. Periz. pro emendatione Rhenani plerisque edd. recentt. probata *omittit* praebent *amitti*, quam formam infinitivi antecedentes, *parere, tueri, adsciscere, complecti* traxerunt. Quae quum ita sint, Ernestio cum Schaefero assenties, quod Plin. Epp. X, 2, 3. *maluere* (sc. *dū*) *hoc potius tempore me patrem fieri* pro lectione codd. Mstorum et edd. vet. *malui*

cod. Ma. cum ed. Spir. ob antecedentem infinitivum *turbare*. C. 11. *nam is quoque edidit ludos saeculares, isque intentius affuit pro iisque intentius affui*. C. 35. *dat* verbum finitum in modum antecedentis *fuit* aut *fecit* (nam codd. Msti fluctuant inter utrumque verbum) scriptum est pro participio *datum*. A. XII, 49. in archetypo vetusto pro vulgata lectione *conversatione scurrarum* per sextum decimum vitium, de quo in altera commentationis parte dicam, *conversations curarum* scriptum fuisse arbitror, syllaba *um* parum claro compendio picta; unde, quum praesertim conjunctivus *oblectaret* statim sequatur, scriptura codd. Ma. B. G. R. edd. Spir. Put. *conversations curaret* facile oriri potuit. C. 61. *neque dubium haberetur* ob conjunctivum *colerent* proxime praecedentem scriptum est pro *habetur*. Si modum potentialem admitteres, certe *sec. pers. sing. conj. imperf. act. haberes* expectares. A. XIII, 9. extr. genuina scriptura *addi conjunxi* ob antecedens *jussit* in *addidit conjunxit* depravata est, unde Bachius *addidi* parum apte elicit receptique. C. 55. extr. *superfundere* pro *superfunderent* ob antecedentem infinitivum *contueri*. A. XIV, 43. *cui familia opem ferat* in codd. Ma. B. ed. Spir. irrepsit pro vulg. *feret*, quoniam conjunctivus *protexerint* a conjunctione *quum* pendens proxime antecedit. C. 54. *jubere* pro *jube* ob antecedentem infinitivum *sustinere*. C. 58. *transissent* pro *transisse* scriptum ob plural. *nequiverint*, quasi asyndeton esset. C. 61. eodem vitio *mallet* pro infinit. *malle* scriptum ob conjunct. *datura sit*. A. XVI, 10. init. *invisit* pro *invisi* ob aoristum *subiere*. H. I, 11. in codd. Ma. A. B. legitur *provincias exposita cessura erant* pro vulg. *cessurae erant*. Librarii enim flexioni participii *exposita*, quod pro neutro plur. accipiebant atque ad provincias Italiamque referebant, formam alterius participii adaequarunt. H. II, 95. *crederetur* pro *creditur* scriptum est, quasi id verbum cum praecedentibus *si frueretur* cohaereret. Cap. 101. ob verbum proximi, quod antecedit, enuntiati *tradidere* pluralem numerum *anteirentur videntur* a librario archetypi

rescripsit. Forma primae personae sing. num. ex antecedenti *volui* orta videtur: et fortasse in archetypo *maluē* i. e. *maluere* scriptum fuerat. Cf. etiam Drackenb. ad Liv. VI, 3, 8. not. extr.

sententiae ignaro aut incurioso pro singulari *anteiretur* . . . *videtur* positum fuisse putaverim. Cf. ea, quae Ritter et Kiesslingius contra Waltherum et Bachium, qui pluralem defendere conati sunt, disputarunt. H. III, 16. *occurreret* pro *occurrerent* ob singul. *reciperet*. H. IV, 58. *sufficit* pro *suffecit* ob praesens *demoventur*. Cap. 70. librarius codicis Ma. ob conjunctivum praecedentem *vide-rentur* scripserat *perfugerent*, sed postea ultimas literas expunxit. Itaque facile est intellectu, Bachium, Ritterum, Rupertium²⁰⁾ e cod. A. et ed. Spir. lectionem *perfugere* vulgatae *perfugerunt* recte praetulisse. Eandem emendationem probavit Haasius in *Ectactis Diariis philologicis Zimmermanni* a. 1836. no. 84. insertis p. 678. subtili discrimine nisus, quod apud Tacitum inter perf. temporis tertiae pers. plur. terminationes *erunt* et *ere* nescio an recte statuerit. Cap. 86. codd. Msti pro vulg. *subduceretur* exhibent activ. formam *subduceret* ob anteced. *velaret*. H. V, 26. quae Antonius *epistolis*, *Hordeonius Flaccus praesens monebat*, arma in *Germania movit* pro vulg. *a. i. G. movi* ob antecedentem tertiae personae formam *monebat*. Quibus exemplis comparatis Waltherum in *Observ. in Tac. Spec. II. p. 17. Ann. XI, 17. init. pluralem memorabant* in singularem numerum *memorabat* bene mutasse censeo. Italici enim erat ea memorare, quae Tacitus ad vulgi gratiam et favorem quaerenda jacta esse refert, non illorum, qui his ipsis rebus, quae pro Italici partibus memoratae erant, evicti et commoti juvenem regem sequebantur. Plurales *coegere* et *sequebantur* formam *memorabant* traxisse, facile est intellectu. Sane aegre feres, quod Walther ipse suam certissimam emendationem postea sprexit utpote codd. Mstis addictus.

De quarto vitiorum genere.

Jam vero accedamus ad quartum genus vitiorum in codd. Mstis Mediceis obviorum. Si quando librarii in aliquo vocabulo legendo haerebant incerti, quid scriberent, sive sua inscitia ac stupore, sive quod literae in vetusto exemplari parum clare et distincte scriptae

20) Etiam Petersenius l. l. II, p. 20. lectionem *perfugere* probavit.

erant, fieri solebat, ut *similis* cuiusdam vocabuli, quod modo descriperant, memores rem ita expediri opinarentur, ut ad substituendam hanc vocem pro dubia suffugerent. Quamquam interdum etiam accidit, ut nulla legendi difficultate in angustias coacti propria oscitantia ac socordia verbum quoddam proximo simile redderent ²¹⁾. Quam observationem his exemplis probatum iri spero.

A. I, 28. cod. M. exhibet *et si alii bonis artibus grati in vulgus: in vigiliis . . . se inserunt* pro *ii vigiliis . . . se inserunt*. C. 54. *Tattios* pro *Tittios* ob antecedens nomen *Tattius*. A. II, 2. *majoribus* pro *moribus* ob anteced. voc. *maiorum*. A. III, 5. *aut Germanico* pro *at Germanico* in cod. M. legitur, quoniam antecedunt verba *aut quae posteri invenerint, cumalata*.

21) Sic Martial. XII, 14, 10. in optimo cod. Parisino a Schneidewino litera T, signato *tuscior* pro *tutior* scriptum est, quoniam v. 9. nomen *Tuscis* proxime antecedit. Porro Epigr. II, 7, 2. librarius cod. Voss. R. scripsit *Historias bellas, carmina belle facis*, quia in versu primo *declamas belle, causas agis, Attice, belle* legerat. In Mart. Epigr. de Spectaculis 23, 4. optimus cod. Paris. T. exhibet *ille cessit* pro *illi cessit*, quoniam nominativus *ille tulit* v. 3. praecedit. In simile vitium delapsus doctissimus Burmannus ad Mart. Supposit. 1, 6. e cod. Vossiano R. *fenore libens* affert, quum eodem versu *stringo libens* legatur. Docuit autem Schneidewinus ibi scriptum esse *lib:* i. e. *liber*, ut e ceteris libris recte vulgatur. Cf. editionem Schneidew. Vol. II. p. 736. Etiam Epigr. III, 60, 4. in cod. Palatino aliisque bonae notae libris legitur *sumitur* pro *sugitur*, quia v. 3. *sumis* praecedit. Epigr. II, 3, 1. optimus codex Vossianus R. cum Voss. A. (a pr. manu) et Hannoverano exhibet *Sexte, nihil debes, nihil debes, Sexte, fatemur* pro *Sexte, nihil debes, nil debes, Sexte, fatemur*. Cic. Orat. 46, 155. codex Erlang. habet *exitium interpretes* pro vulgato *exitum interpretes*, quippe quum *exitium examen* paulo ante praecedat. Ibid. 43, 151. in edd. Ven. 1. 2. Tulich. Victor. Meyer. legitur *in quo quidem . . . reprehendunt* pro vulgata *in quo quidam* etc.; quippe proxime antecedit *quidem* particula, quae alterum illud *quidem* traxit. Ibid. 49, 164. codd. et edd. ad Orellianam usque pro coniectura Ernestii Boiero et Orellio probata *itemque* exhibent *idemque*, quod praeter perpetuam in Matis confusionem literarum *d* et *t* inde videtur originem traxisse, quod in antecedentibus et *idem* aut *idemque* saepius legitur v. c. §§. 155. 156. 157.

C. 11. lectio *Fulnicium* orta est ex scriptura archetypi *mulnicium* pro *m. vinicium*, quum cap. 10. nomen Fulcinii legatur. A. IV, 56. extr. *censuitque Vibius Marcus* pro c. V. *Marsus* in codice legitur, quippe quum praenomen Marci statim sequatur. C. 74. librarius cod. M. *propatibulo* pro *propatulo* scripsit, quippe cuius aures ad percipiendum vocabulum *patibulo* paulo ante c. 72. lectum pronae essent. A. VI, 44. in cod. M. forma *Abdagesis* pro *Abdagesis* ex c. 43. extr. irrepsit, ubi *Abdagesis* legitur. A. XI, 11. *is quoque edidit ludos saeculares, isque intentius affuit* pro *is*que i. *affui*. C. 16. librarius archetypi vetusti *Armenii* scripsit pro *Armini*: quippe male memor erat Armeniorum, de quibus paulo ante Tacitus a cap. 8. usque ad cap. 10. multa rettulit. A. XII, 20. lectio *quin inopi* pro *qui* (i. e. cui) *inopi* orta esse videtur ex scriptura antiqua *qui* i. e. *cui*, quum praesertim particula *quin* brevi ante praecedat. C. 63. in codd. Mstis et edd. vet. *graecorum* legitur pro *caecorum* antecedente voce Graeci. A. XIII, 8. *pars auxilium pars civium sociorumque numerus* pro *par civium sociorumque numerus*. C. 9. *quo bellum ex quo modo pararet* pro *quo bellum ex commodo pararet*. Cf. etiam quae p. 33. ad eundem locum annotavi. C. 29. extr. in libris Mstis et edd. vet. aperto vitio *praefectura perfunctos* scriptum est, quoniam brevi ante *praefecti* aliquoties commemorantur. Vulgatur inde a Pichena *praetura perfunctos*. C. 57. *super arentem arborumstruem* pro *s. ardentem a. st.* ob antecedentia verba *aréscente unda*. A. XIV, 5. cod. Ma. cum libris familiae Genuensis exhibet *eminentibus tecti parietibus* pro *e. lecti p.*, quum antecedit *ruere tectum loci*. C. 21. librarius archetypi vetusti *paucas potius quin- quenni noctes* scripsit pro *p. totius q. n.* prave memor adverbii *potius* modo in eodem cap. scripti. Porro una ex causis corruptelae, qua cap. 26. verba Taciti *Pharasmani Polemonique* a librario cod. Ma. in *pars nipulique* mutata sunt, in eo quaerenda esse videtur, quod *pars Armeniae* antecedit. C. 37. libri Msti exhibent *octingenta millia Britanorum cecidisse tradant* pro vulgata editionis Spir. lectione *octoginta millia* etc. Causa corruptionis in forma *quadringentis*, quae statim sequitur, sita esse videtur. Crediderim librarium archetypi verba sequentia *militum quadringentis ferme interfectis* ita accepisse, quasi *millibus* ex anteceden-

tibus supplendum sit ad genitivum *militum* explicandum. Tum sane octingenta millia Britannorum cecidisse expectares. At hodie vix erit, qui credat, tot Romanorum ac Britannorum millia cecidisse: et Dio Cass. LXII, 8. totum Britannorum exercitum CCCXX millia explevisse narrat. — A. XV, 28. *augebatur* pro *angebatur* exhibent codd. Msti praeter Budensem, ex quo Rhenanus vulgatam induxit. Antecedit enim verbum *augeret*. C. 36. in cod. Ma. et ed. Spir. legitur *auditurus* pro *aditurus* ob anteced. *audire*. C. 53. lectio codd. Ma.C.R. et ed. Spir. *aut inane aut spem* pro *aut inanem ad spem* ex scriptura at orta esse videtur, qua multos veterum eosque non illiteratos usos fuisse Schneider Gramin. Lat. I. p. 251. sqq. docuit. C. 62. in cod. Ma. et ed. Spir. scriptum est *neque aliud superesse quam matrem fratremque interfectos, quam ut educatoris praeceptorisque necem adjiceret* pro vulg. *lectione neque aliud superesse post matrem* etc. Particula *quam* e sequentibus verbis praesumpta eo facilius irreperere potuit, quod formula *neque aliud quam* tritissima auribus et socordi menti librariorum se ipsa videtur obtulisse atque obtrudisse, praesertim si praepositionem *post* per compendium *p'* scriptam fuisse in archetypo statuis. H. I, 15. *non meae tantum necessitudines, quas tibi postposui, sed et tuae: et tibi frater* etc. pro *est tibi frater* etc. C. 46. codd. Ma. A. C. G. ed. Spir. exhibent *quarta pars manipuli p'ars per commeatus* pro *q. p. manipuli sparsa per c.* Ibi voc. *pars* librario archetypi fraudi fuisse mihi videtur, ut iterum scriberet *pars*, litera *s* voci praecedenti annexa. C. 62. extr. *prosperae rei nomen* pro *amen* in cod. Ma. et ed. Spir. ex verbis antecedd. *nomine Germanici statim addito* irrepsit prava memoriae tenacitate. C. 75. *omnibus invicem ignavis* pro *o. i. gnaris*. Antecedit enim substantivum *ignorantia*. H. II, 20. ob antecedentem vocem *e quo* in cod. Ma. scribitur *quos inequos videre* pro *quos inaequo v.*, in C. et ed. Spir. *quos in equis v.*, in G. *quos in equo v.* H. III, 21. *mox tertia decima densis arbustis intersepta* pro *tertia densis a. i.* legitur in codd. Matis et edd. vet., quoniam *tertiam decimam* praecedit. H. V, 2. *Judeos* pro *Idaeos* cod. Ma. solus, sed c. 4. *Judaeis* pro *Idaeis* ceteri quoque libri exhibent, quippe quum Tacitus Judaeorum res his locis referat. C. 21. codd. Ma. B. R. et ed. Spir. praer-

bent *versu fortuna praecipites Germani in amnem aguntur*
. . . . idem Germani effugium pro idem Veracis effugium.

De quinto vitiorum genere.

Saepe in codd. Mediceis factum est, ut librarii ultimam praecedentis vocabuli literam aut primam sequentis omitterent, si quando altera vox ab eadem litera incipiebat, in quam altera desinebat ²²⁾; de quo corruptelae genere cf. Drakenb. ad Liv. 39, 6, 2. Hujus vitii exemplis alia quaedam immiscui, quibus in eundem fere modum peccatum est: interdum enim mediis in vocabulis simplices literae pro geminatis scriptae sunt.

A. I, 8. codex exhibet *anteferentur* pro *anteferrentur*. C. 11. ad eos pro ad deos. C. 65. *per quae geritur humus* pro *per quae egeritur humus*. A. II, 7. *Chatos* et *Chatorum* pro *Chattos* et *Chattorum*. A. III, 18. *victoria sacrari* pro *victorias sacrari*. C. 31: lectio cod. M. *oratorum aetate uberrimus erat* orta est ex scriptura archetypi *oratorum e aetate u. erat* pro *oratorum ea aetate u. erat*. A. IV, 35. *derunt* pro *deerunt* ²³⁾, mox *patres: et manserunt* pro *patres: set manserunt*. A. V, 10. *quippe lapsum* pro *quippe elapsum*. A. VI, 34. *modum obsidionis* pro *in modum obsidionis*, ubi praepositio *in* a litera *m* absorpta est. A. XI, 2. init. *Poppe* pro *Poppee* i. e. *Poppaeae*. A. XI, 4. *domum suam nesteris* pro *domum suam Mnesteris*. C. 29. *circa necem Caesaris* pro *c. n. C. Caesaris*. C. 30. *pelici* pro *pellici* ²⁴⁾ A. XIII, 9. lectio codd. Ma. R. *ex quo modo* orta esse videtur

22) Sic Mart. IV, 73, 8. lectio codicis Puteanei *hoc reddidit* pro *vulgata hoc credidit* orta est ex archetypi scriptura *hoc redidit* quam cod. Vossianus a Schneidewino litera B signatus a prima manu exhibet. Exempla e vett. Velleii libris collegit Kritzius in Prolegg. p. CVII sqq

23) Item Mart. XII, 14, 7. cod. Thuaneus *derit* exhibet pro scriptura cod. Vossiani R a Schneidewino recepta *deerit*, codd. Puteaneus et Vossianus A *derunt* pro *vulgata antehac lectione deerunt*. Item in Mediceo codice Epist. Cic. ad. Fam. *desi* et *desse* legi testatur Orellius in ed. Cic. Vol. III. P. I. p. 23.

23a) Eodem mendo Mart. IX, 41, 1. in cod. Palatino *pelice* pro *pellice*, et in cod. Cassellano Serviani commenti ad Virg. Aen. I, 28. *paelici* pro *pellicis* scriptum.

ex scriptura *ex co modo* pro *ex commodo*. De ratione, qua in lapidibus et codicibus Mstis saepe *c* pro *qu* scribitur, vide Heinrichum ad fragm. orat. Cic. pro Scauro p. 54. n. 13., Cramerum ad fragm. orat. Cic. pro Tullio p. 64., Maium ad fragm. orat. Cic. pro Flacco p. 94. et ad Frontonis reliq. p. 69. ed. Berol. — A. XIV, 21. in codd. Mstis et edd. vett. legitur *efflagitandi Graeca certamina magistratibus causam fore* pro *e. G. certamina a magistratibus c. f.*; quod si Walther et Bachius terminationem vocis *certamina* respexissent, certo praepositionem *a* non respuissent. C. 36. extr. *certus eventu* Suetonius pro *certus eventus Suetonius*. C. 38. *in urbe mandabat* pro *in urbem mandabat*. C. 48. extr. lectio codicum *eo privatim* *miserior et publicae clementiae futurum* pro vulgata *eo privatim* *miseriorem et p.* etc. orta est ex scriptura archetypi *miseriorē et publice* etc. A. XV, 9. *in quo saxa* pro *in quos saxa*. C. 28. *honor ejus* pro *honore ejus*. C. 37. codd. A.C.R. ed. Spir. *exempla referam* exhibent pro lectione edd. Bernegg. Gronov. Ryck. Walth. Bach. Ritt. Rnp. Doed. *exemplar referam*, quam in cod. Ma. repperit Pichena. C. 66. *conisis* pro *connisis*. A. XVI, 10. *Polutia* pro *Polutia*. H. I, 5. *oppressus: et* pro *oppressus: set*. C. 11. *cessura erant* pro *cessurae erant*. C. 33. *obsidione nimirum* pro *obsidione nimirum*; litera *m* a syllaba *ni* iisdem fere ductibus scripta absorbebatur. H. II, 1. *victoris: et* pro *victoris: set* exhibent codd. Msti et edd. vett. H. III, 5. *trahuntur in parte Sido atque Italicus* pro *tr. i. partes Sido sqq.* C. 7. cod. Ma. teste Pichena *p'rincipia* pro *p'principia* i.e. post principia exhibet. Idem vitium jam in vetusto archetypo extitisse videtur; quo factum est, ut codd. B. G. (a. pr. m.) *O.* praepositionem *post* omitterent. C. 37. *accipientisque blandiretur* pro *accipientisque eblandiretur*. C. 40. *Aduae* pro *Adduae*. C. 66. *ut res consulatus* pro *ut tres consulatus* ^{2ab}). C. 70. codd. Ma. B. G. ed. Spir. pro vulgata inde a Puteolano lectione *cujus nimio ardori imparem esse modestiam suam* exhibent *cujus nimius ardor: imparem esse modestiam suam*, quam scripturam contra Waltheri rationes Bachius et Kiesslingius,

23b) Simillime Mart. IX, 41, 5. in codd. Puteaneo et Vossiano A. *utres* pro *ut tres* scriptum.

posito colo post vocem *ardor*, male recepere ²⁴). Nam praeterquam quod flumen orationis hac distinctione prave abrumpitur et usus adjectivi *impar* dativum apud Tacitum quodammodo poscit, Tacitus potius in hunc modum verba collocasset: *cujus ardor nimis* (sc. *esset*). De structura vocis *impar* cf. A. VI, 32. *patriis moribus impar*. A. XII, 44. *odiis novercae impar*. A. XIV, 54. *levissimis quoque curis impar*. A. XV, 57. *muliebre corpus impar dolori*. H. I, 75. *bello impares*. H. II, 59. *impar curis gravioribus*. H. IV, 1. *temperandae victoriae impares*. Germ. 31. extr. *tam durae virtuti impares*. Ceterum post absorptam voce *imparem* ultimam vocabuli *ardori* litteram forma adjectivi *nimis* nominativo substantivi *ardor* eo facilius accommodata est, quo terminationes *us* et *o* ob compendium s. i. e. *us* in codd. Mediceis frequentius permutatae sunt. De qua confusione conf. quae infra referam, ubi de tertio decimo vitiorum genere agam. — H. III, 86. *praecipit in occasum die* pro *praecipiti in o. d.* H. IV, 58. *aliciendo* pro *alliciendo*. C. 68. *Tulio* pro *Tullio*.

Quae tot exempla si reputaveris, A. II, 80. e lectione cod. *M. ne tela quidem nisi agrestia aut subitum usum properata*, quam Beroaldus correxerat in hanc vulgatam *n. t. q. n. agrestia ad subitum u. p.*, Doederlinus recte eliciisse tibi videbitur *n. t. q. n. a. aut subitum in usum p.*, ut duplex telorum genus memoretur. Addas etiam alibi praepositionem *in* male omissam esse. Cf. praeter exemplum ex A. VI, 34. supra allatum A. XII, 25., ubi cod. Ma. praebet *habita apud senatum oratione eundem quem a liberto acceperat modum pro h. a. s. o. in eundem* etc. — Idem Doederlinus A. XII, 49. init. pro vulgata *ignavi animi et deridiculo corporis iuxta despicendus* argute conjecit legendum esse *ignavia animi* etc., quia sequens particula *iuxta* illam structurae variationem quamvis ceteroqui Tacito frequentatam respuat. Cf. A. IV, 59. extr. *Sejanum, qui nunc patientiam senis et segni-*

24) Probavit et Jacobus l. l. II. p. 18., quoniam incisa oratio trepidum et singultum pauca locutum unice deceat. At Tacitus Vitellium non eo terrore perculsum descripsit, quo Jacobus segnem alioquin et torpidum animum ejus impulsu sibi fingere videtur, ut auctor ipsius verba ad imaginem vitae ita descripta referret, ut oratio Tacitina summae perturbationis notas prae se ferret.

tiam iuvenis iuxta insultet. A. I, 48. *innocentes ac novios juxta cadere.* — A. XI, 30. extr. Ernestius et Bekker pro vulgata codd. Ma. G. et edd. Put. lectione *frueretur immo iis*, (Ma. G. et edd. Bach. Rup. *his*) *et redderet uxorem* lenissima mutatione rescripserunt *f. i. iis, sat r. u.* Nam particulam *set* requirit, et respuit vis adversativa alterius membri orationis. De scriptura *set* cf. quae infra in sexto vitiorum genere de A. IV, 63. dicam. — A. XII, 35. Bezenberger in Emendationum delectu p. 28. e scriptura cod. Ma. ed. Spir. *praefectique tribuni paria disserentes* bene elicit *praefectique* et *tribuni* pro vulgata *praefecti ac tribuni*. Cf. H. II, 5. extr. *tribuni centurionesque et vulgus militum*; a. 89. *praefecti castrorum tribunique et primi centurionum*. Omnium frequentissima est haec conjunctionum copulativarum consociatio apud Tacitum, ut labore exempla colligendi quondam suscepto mox destiterim. Ceterum asyndeto, quod Doederlinus Praef. XII. statuere videtur, hic non est locus. Etenim asyndeton in oratione Tacitina frequentatur, non quo Tacitus verborum parcissimus sit, quae opinio solita scriptori synonymorum accumulatione refutatur; sed rerum novarum studio, quod aequè in literarum historia, quam in rebus publicis viget, liberiori usui asyndeti apud Ciceronem, Caesarem, Livium artis finibus circumscripti praecipue indulget, ita tamen, ut aut oppositionem aliquam augeat, aut orationis vim atque alacritatem, ut sic dixerim, intendat. At non est, quod tria praefectorum et tribunorum copulatio alacritate quadam imbuatur. Immo si aliquod asyndeton in hujus loci structura admitteres, expectares saltem *miles proelium poscere, cuncta virtute expugnabilia clamitare, praefecti tribunique . . . ardorem exercitus intendebant.*

A. XIV, 58. idem Bezenberger l. l. p. 37. scripturam cod. Ma. *et clari atque insontes interficerentur, praecipuum ad pericula* optime ita corrigit, ut inter vocabula *insontes* et *interficerentur* conjunctionem *si* interserat ^{24a}). Vulgatur ex emendatione Ernestii *et si clari* etc. A. XV, 13. Walthero, Doederlino, Bezenbergero (l. l. p. 38.) facile assentire, quod lectionem cod. Ma. et ed. Spir.

24a) In eandem emendationem etiam Heinischium incidisse addo, postquam scriptio eius scholastica Glatz. a. 1843. edita ad meum usum recens comparata est. Cf. l. l. p. 5.

ac vis ingrueret ex genuina scriptura *ac vis si ingrueret* ortam putant. Inde a Puteolano in edd. legitur *ac si vis ingrueret*. H. I, 58. extr. Walther, Bachius, Kiesslingius emendationem Jac. Gronovii receperunt. Is enim e scriptura codd. Ma.A.C.R. et ed. Spir. *sanguine Capitonis cruentaverat* collegit legendum esse *sanguine Capitonis se cruentaverat* pro vulgata *qui se sanguine Capitonis cruentaverat*, cujus verba *qui se* sane speciem additamenti prae se ferunt. H. IV, 26. extr. lectionem cod. A, quae quidem emendatoris manum prodere mihi videtur, *ductus Voculae exercitus* haud absurde recepit Bachius, probarunt Walther et Bezenberger l. l. p. 19., quoniam in codd. Ma. B. et ed. Spir. *ductus Vocula exercitus* ²⁵) scribitur pro vulgata scriptura *ductus a Vocula exercitus*, quae deterioris tantum familiae Genuensis levissima sane auctoritate parum commendatur. H. IV, 28. Freinsheimii sententiam, quam Bip. Oberl. Bekk. Kiesel. amplexi sunt, ego quoque probaverim. Ille enim pro vulgata *alia manu Mosam amnem transire jubet* legi vult *alias manu Mosam amnem transire jubet*. Quam lectionem si propter cumulum accusativorum cum Valthero respuas, scribes certe cum Faérno et Acidadio *alias manu Mosam amnem transire jubet*. Equidem *alias manu* ... transire praetulerim et ob solitam structurae varietatem et quia verbum, quod sequitur, *quateret* ad subjectum *manus* referendum est.

De sexto vitiorum genere.

Nec minus frequens lectiones codd. Mediceorum perlustranti, occurrit contrarium vitium, repetitam dico ultimam praecedentis

25) Lectionem *ductus Vocula exercitus* probavit Jacobus l. l. II. p. 23. Sed vide Bezenbergerum, qui l. l. contra prolatam a Fickertio ad Senec. de Clem. I, 24. opinionem de omissa ante nomen proprium praepositione *a* talibus locis ablativum aut causae aut instrumenti statuendum esse censuit. Tribus illis locis, quos a Fickertio ex Tacito allatos Bezenberger in hunc modum expedit, adde A. VI, 44. *Tiridates simul fama atque ipso Artabano perculsus*; A. XIV, 8. *respicit Anicetum trierarcho Herculeo et Oleario canturione classiario comitatum*. Hi sunt ablativi instrumenti. Cf. Ramshorn, §. 141. not. 1, a. p. 424.

vocabuli aut primam sequentis literam ²⁶⁾). Similiter medio in vocabulo aliqua litera nonnunquam geminatur; quare utriusque vitii exempla conjunxi.

A. I, 9. *vitae ejus pro vita ejus*. C. 47. init. *incassum pro in casum*. A. II, 8. *Amissiam pro Amisiam*. C. 56. *hominum ingenii set situ terrarum pro h. ingenii et situ terrarum*. A. IV, 32. *compossivere pro composuere*. A. VI, 28. *definire pro definiere*. C. 35. lectio codicis *ne pugnam per sagittas sinerent* pro vulgata *n. p. p. sagittas inirent* ex archetypi, ut videtur, scriptura *n. p. p. sagittas sinirent* orta est. A. XI, 10. *in cuius transgressum multum certato* pro *in cuius transgressu multum certato*. C. 26. lectio cod. Ma. *conscios patriam metuentes* originem traxit ex scriptura archetypi *pariam metuentes* pro *pariam metuentes*. A. XII, 48. *omnes scelus* pro *omne scelus*. A. XIII, 22. *Pantello* pro *P. Anteio* libri Msti et editi veteres exhibent ob summam similitudinem, quam literae *i* et *l* in minuta scriptura praeferunt. C. 46. init. *addiceret* pro *adiceret* i. e. *adjiceret*; de scriptura *adicere*, quae saepius in cod. Mediceo reperitur, ut A. XIV, 11. 56. XV, 16. 51., cf. Schneideri Gramm. Lat. I. p. 287. sq. — A. XIV, 33. extr. lectio codd. Mstorum *aliorum insignes* pro *aliorum* (vel *laborum*, ut cum Lipsio et Doederlino suspicor) *segnes* ex repetitione literae *n* et ex scriptura archetypi *signes* orta esse videtur. C. 57. *nec ultra moras. Sulla* etc. pro *nec ultra mora. Sulla* etc. A. XV, 24. *nunc committere* pro

26) Sic Cic. Epp. ad Att. VIII, 16. extr. in cod. Mediceo manifesta corruptela a pr. m. scriptum est *quod dubii audissem* pro *quod ubi a.*, quod ab altera m. superscriptum. Dial. de Oratt. 16. init. in codd. Neap. Periz. et edd. vett. pro vulgata *quaestionem movisti: sed* etc. legitur *q. movistis: sed* etc., quum praesertim c. 15. extr. *recessistis* plurali numero positum sit. Martial. I, 92, 2. optimus cod. Thuanens *tangis se digito* exhibet pro *tangi se digito*. Genuinam igitur scripturam Plin. Epp. X, 117, 2. a Scheffero repertam esse facile credideris. Is enim pro vulgata *arbitror praesertim ex solennibus causis concedendum jussi invitationes scribi jussit concedendum jus invitationis*. Vides quam facile inde vulgata lectio oriri potuerit literis *s* et *i* repetitis. Exempla e vett. Vellei libris Kritzius in Prolegg. p. CXI. sq. collegit.

nunc omittere. C. 53. *velut magno operis sacrum* pro *v. m. operi sacrum*. C. 69. lectio codd. Metorum et edd. veti. *pavorem eorum et mensae exitium opperientium* originem traxisse videtur ex archetypi scriptura *p. eorum ex mensae exitium o.* pro vulgata *p. eorum ex mensa exitium o.*, quae est felicissima Francisci Medicis emendatio. Ceterum paene vereor, ne cui minutiarum studiosus videar, quod cum Doederlino *e mensa* legere malim. Nam praeter haud suavem syllabae *ex* repetitionem monendum est univarse, in melioribus Taciti codicibus, imprimis in cod. Ma., litteram *e* magis quam praepositionem *ex* cum particula *et* confundi²⁷⁾. Cf. A. XIII, 2. *potentia et* pro *potentiae*. A. XIV, 53. cod. R. et edd. veti. *e quibus claritudo venit* exhibent pro *et quibus c. v.* A. XV, 41. ed. Spir. *e quo Senones habet* pro lectione codd. Ma. G. H. O. Oa. edd. Put. Beroald. *et quo Senones*, quam Ursinus, Walther et Doederlinus vulgatae *quo et Senones* praetulerunt. Bachius et Rupertius bene in textum receperunt. C. 71. ed. Spir. *et Gnatia* pro *Egnatia*. H. II, 21. *a quibusdam et vicinis colonis* pro *a q. e vicinis colonis*; mox *invidiae aemulatione* pro *invidia et aemulatione*. C. 24. *et praetorio* pro *e praetorio*. C. 41. *et astrictis* pro *ea strictis*. C. 59. init. cod. B. et ed. Spir. *et fidissimus* exhibent pro *e fidissimis*. H. IV, 53. *aquatrimis et fontibus omnibusque hausta* pro *aqua vicis e fontibus omnibusque hausta*. H. V, 12. ed. Spir. *et Lazarus* praebet pro *Eleazarus*. H. V, 22. codd. Msti. et edd. veti. pro vulgata ex emendatione Rhenani lectione *mulieris Ubiae: vigiles* exhibent *mulieris: ubi et vigiles*. Quae scriptura ex archetypi lectione *mulieris ubi vigiles* orta est, neque opus Waltheri emendatione Ru-

27) Ita Sall. Jug. 77. extr. cum Muellero, Kritzio, Jacobo (in censura editionis Kritzianae Zimmermanni Diariis s. 1835. inserta) corrigas vulgatam *emissae eo cohortes Ligurum quattuor in et missas etc.* Ap. Cic. Brut. III, 11. cod. Gudian. 2. pro vulgata *mibi visus est et monere te prudenter et consolari amicissime* praebet lectionem *emonere* a Goerenzio ad Acad. I, 3, 9. probatam et a Schuetzio male receptam. Martial. X, 68, 11. cod. Thuaneus prave exhibet *et discas pro ediscas*. Cf. praeterea Drakenborchium ad Sil. Ital. III, 57. de hac confusione.

partio probata, Bachio recepta *mulieris Ubiae: et vigiles*. Quare etiam H. IV, 37. malim scribere *mixtus e Cattis, Usipis, Mattiacis exercitus*, quam vulgatam inde a Rhenano lectionem sequi. Nam codici A., qui solus *mixtus ex Caucis* habet, nulla auctoritas est, nisi quam emendatoris ingenio tribueris, et scriptura codicum Ma. B. *mixtus et Cautis*, editionis Spir. *mixtus et Cautis* mihi quidem potius formam a firmare videtur^{27a}). Accedit quod lectio codd. et edd. familiae Genuensis *mixtus Cautis* indicat, genuinam scripturam esse *mixtus e Cattis*. Littera e quippe propter similitudinem ductum a sequenti littera c vocis *cattis* absorpta esse videtur, ut A. XV, 36. lectio codd. Mstorum *dehinc dicto* ex vera scriptura *dehinc edicto* mutata est, et H. I, 58. extr. lectio Mss. Ma.C.R.A. et ed. Spir. *sanguine Capitonis cruentaverat* ad emendationem Jac. Gronovii s. *Capitonis se. cruentaverat* manum ducit. Concedendum tamen tum in codd. familiae Genuensis tum in libris familiae Romanae. minus bonis nonnunquam *ex* cum et permutari. Sic A. XIV. 51. codd. famil. Genuens. *ex intimis* exhibent pro *et intimis*. A. XV, 41 cod. C. habet *ex quo* pro lectione codd. Ma.G.H.O.Oa. edd. Put. Ber. Bach. Rup. *et quo*. C. 68. codd. B. C. et ed. Spir. praebent *et conjurati* pro *ex conjuratis*. A. XVI, 1. in codd. R.G. et ed. Spir. *ex promisso* pro *et promissa* legitur. H. I, 13. cod. G. edd. Put. *ex rumoribus* praebent pro *et rumoribus*. C. 14. iidem libri habent *ex Scribonia* pro *et Scribonia*. C. 79. cod. R. edd. vett. praebent *et ferocia* pro *ex ferocia*. C. 86. codd. R.H. et edd. Spir. Put. pro *et cubilibus* exhibent *ex cubilibus*. H. III, 26. in libris familiae Genuensis *et temeritate* legitur pro *ex temeritate*. C. 27. ed. Spir. *et proximis agris* praebet pro lectione cod. Ma. a recentioribus editoribus recepta *ex proximis agris*. Antea vulgabatur *e proximis agris*. C. 69. in cod. B. *ex quibusdam* legitur pro *et quibusdam*. Sed redeo ad exempla sexti vitiorum generis enumeranda. A. XVI, 13. init. *faedum in annum* pro *foedum annum*.

27a) Ceterum vix est quod doceam, varias lectiones *Caucis* et *Cautis* ortas esse ex archetypi familiae Romanae scriptura *Cautis* pro *Cattis*, quam codd. Ma. B. fideliter servarunt. Cf. quae de literarum i et t confusione infra sub duodecimo vitiorum genere dicam.

C. 22. scriptura codicis *Ma. admovisti* orta ex archetypi lectione *ammovisti* pro vulgata *amovisti*. C. 25. extr. si in pro sin. H. I, 5. cod. *Ma.* pro *angebāt aspernantis* exhibet *angebāt a* (in fine versus) *aspernantis* (ab initio sequentis versus). C. 34. extr. lectio cod. *Ma. ed. Spir.* *multa arbitrabantur* orta ex scriptura *multia arbitrabantur* pro *multi arbitrabantur*. C. 79. init. *Rhano-* *lanis. Sarmatica gens* pro *Rhosolani Sarmatica gens*. H. III, 2. *concittator* pro *conciator*. C. 18. init. *signa profectas et* pro *signa propectas et*. C. 24. *tollerant* pro *tolerent*. C. 42. *Appenninis jugis* pro *Apennini jugis*. H. IV, 20. *Her-* *renatio* pro *Herennatio*. C. 46. extr. lectio codicis *Ma.* *quod, tu-* *tissimo remedio* originem traxit ex archetypi scriptura *quot tu-* *tissimo remedio* pro *quo tutissimo r*. C. 50. lectio codd. *Ma. G.* *Offensium* ex scriptura archetypi *OFFENSIUM* pro *QEENSIUM* orta esse videtur litera *F* geminata. C. 66. extr. *Bettasios* pro *Betas-* *sios*. C. 68. *Varrus* pro *Varus*. C. 76. *imperiū adulescentulū* pro *imperiū adulescentulū*. C. 86. *ante ea* pro *antea*. H. V, 7. codd. *Matī et edd. vet.* *floras seu* exhibent pro *florē sen*, deinde *Belus amnis* pro *Belus amnis*. H. V, 17. in codd. *Ma. B.* *vir-* *tutis sciens* legitur pro *virtutis ciens*.

Quae quum ita sint, A. II, 84. init. scriptura codicis *Livia* *nupta Druso duos viriles sexus simul enixa est* magis ad J. Gronovii emendationem *duos virile secus* quam ad vulgatam *duos virilis sexus* manum ducit, quum praesertim Tacitus A. IV, 62. et H. V, 13. eadem locutione usus sit. Emendatio probatur etiam a Creuzero in *Ann. liter. Vindobonn.* Vol. LXVII. p. 215., qui de formula dicendi Valesium ad Ammian. XVI, 11, 9. p. 222. ed. Wagner. et Ruddimanni. *Institt. Gramm. Lat.* Vol. I. p. 32. et 128. conferri jubet. Adde Grönov. et Drakenborch. ad *Liv.* XXVI, 47, 1.

Isdem illis exemplis nititur emendatio Beroaldi, qui quum A. IV. 63. init. in ood. legisset *et saepe certamen, si confusior facies sed par forma aut aetas errorem agnoscentibus fecerat*, corrigebat *e. s. c. s. c. facies et par forma* etc. Revocarunt quidem recentissimi editores inde a Bekkero codicis scripturam, sed, ut mihi quidem videtur, praepostere Mediceo obtemperarunt; cujus scriptura si genuina esset, ea loci sententia foret, confusione quidem mortuorum facie errorem hominum ad corpora agnoscenda con-

currentium non adjutum esse, sed tamen pari forma aut aetate deceptos saepe plures de eodem corpore velut sui cuiusque propinqui certasse. At hanc non esse loci condicionem facile est intellectu. Nequaquam enim confusior facies pari formae aut aetati opposita esse potest. Si qua mortui facies mole aliqua obruti confusior redditur, investigatio veri ea debilitate perinde ac similitudine formae aut aetatis impeditur: itaque etiam confusior facies agnituros in errorem facile inducit. Tacitus igitur id potius dicere mihi videtur, faciem hominum ruina amphitheatri obrutorum confusio rem fuisse, quam ut exanimi pro certo agnosci potuerint, et parem formam aut aetatem necessariis aut amicis saepe imposuisse, ut in idem cadaver incidentes alii aliud corpus agnoscere sibi visi sint. Simillima ex emendatione Pichenae A. II, 56., ut supra retuli, *ambigua gens ea antiquitus hominum ingenii et situs terrarum* vulgatur pro scriptura codicis *ingenii sed situ t.* Ceterum utraque corruptio eo facilius oriri potuit, quo verisimilius est, librarium archetypi ²⁸⁾ forma *set* usum fuisse ^{28a)}. Ita A. IV, 53. lectio cod. *censuere patres, et manserunt* etc. orta est ex archetypi scriptura *c. patres, set m.* etc. A. XII, 61. lectio cod. *Ma. potuisset tradidisset* ex archetypi scriptura *potuisset tradisset* originem traxit. H. I, 5. lectio codd. *Mstorum* et *edd. vet.* *oppressus: et quamvis* orta ex scriptura *oppressus: set quamvis*.

28) Etenim in scriptura codd. Mediceorum vestigia ejus scribendi rationis, qua Tacitus ipse antiquitus usus fuerit, hodieque conspicua esse — id quod Bachius opinatus est — mihi quidem non est persuasum. Neque enim crediderim cum veteres librariorum, qui librum aliquem in prima exemplaria iussu ipsius auctoris vel bibliopolae transcripserunt, in re orthographica eam viam ingressos esse, ut suam quisque scribendi consuetudinem abiecerint et in describendis voluminibus eam rationem anxie retinuerint, qua scriptor ipse aut libarius, cui is librum suum dictaverat, usus fuerit, tum posteriorum temporum librariorum in re, quae ex illorum temporum iudicio sane levissima habebatur, fidem diplomaticam tam fideliter servasse, ut molestissimam legem sibi ipsi imposuerint. Haec atque talia nostra demum aetas vidit atque invenit.

28a) In Mediceo quidem codice legitur A. I, 4. *set vetere atque insita Claudiae familiae superbia; c. 32. extr. set pariter ardescerent.* Cf. Pichenam in Praef. ed. Tacit.

H. II, 1. libri scripti et editi *victoria:et* exhibent pro *victoris*: *sed*; quippe in archetypo *victoris:et* scriptum fuisse videtur. C. 3. cod. Ma. praebet *set mares deliguntur* pro *sed m. d.* H. 3, 18. in eodem cod. scribitur *set ubi fortuna contra fuit.* C. 66. libri familiae Romanae pro vulgata *promitti*; *sed* exhibent lectionem *promittis et*, quae ex archetypi scriptura *promitti set* facile oriri potuit. Eadem antiqua scriptura *set* Doederlini emendatio firmatur, in quam ego quoque incidi, priusquam editio viri doctissimi ad me perlata est. Is enim A. IV, 7. pro vulgata lectione *ultor metuebatur non occultus odii et crebro querens* scribi iussit *non occultus odii, sed crebro querens*, quoniam in cod. legitur *n. o. odii et crebro querens*. De formula *occultus odii* cf. A. VI, 36. *aliosque occultos consilii.* A. IV, 53. *manifestus offensiois.* A. XV, 66. *manifestus pavoris.* H. II, 83. *ambiguus consilii.* A. VI, 46. *incertus animi.* Plaut. Rud. I, 3, 31. *incerta sum consilii.* Liv. IV, 57. *incertus sententiae.* Senec. Epist. 45. *certus iudicii.* Occultus autem dicitur is, qui in occulto agere solet. Cf. Cic. Epp. ad Fam. III, 10. *sin autem me astutum et occultum libet fingere.* Liv. XXV, 16. init. *ab occultis cavendum hominibus consultisque.* Tac. H. II, 38. *Cn. Pompejus occultior, non melior.*

Sed redeo ad inceptum. A. XV, 14. archetypi, ut videtur, scripturam *quod de Armenia cernerent*, quam codd. Ma.H.Oa.R. et edd. Spir. Bach. servarunt, a librariis codicum Agricolaë et Ursini et a Beroaldo, quem Ryck. Ern. Brot. Oberl. Kiessl. Walth. Rup. secuti sunt, bene emendatam esse cum Doederlino censeo. Ii enim *quo* (scil. *consilio*) *de Armenia cernerent* scripserunt. Rursus lectio *quod* a manu emendatoris, qui interrogativum pronomen requireret, ita correctæ est, ut in deterioribus codd. Mstis B.C.O. et in edd. Putt. forma *quid* scripta sit, quam Bekker et Ritter nuper prave revocarunt. Denique ex scriptura *quid*, litera *d* a sequenti absorpta, lectio codicis G. qui orta esse videtur. Placet ejusdem vitii exemplum e Persio afferre. In Sat. I, 24. codex poëtae Lugdunensis a v. cl. C. Fr. Hermannò litera C signatus cum Norimbergensi scholiastæ Persiani scribit *quo didicisse*; cod. autem scholiastæ Lugdunensis C. et poëtae ipsius codd. Puteaneus K. et Guelpherbytanus B. a prima manu exhibent *quod didicisse*;

denique codd. Msti poetae plures et edita scholiastae exemplaria praebent *quid didicisse*, idque plerisque editoribus probatum est. At C. Fr. Hermannus in Disputatione altera de usu et auctoritate scholiorum in Persii satiris emendandis (Marburg. 1842.) p. 12. sqq. lectionem *quo didicisse* a Casaubono et Orellio probatam et sermonis legibus et externa optimorum illorum codd. auctoritate ab omni parte et in omne tempus tutam reddidit.

A. XVI, 20. extr. idem mendum statuo; cum Doederlino enim emendationem probo Acidali sic scribentis: *Libertas Thermi quaedam de Tigellino criminoſe detulerat, quae cruciatibus tormentorum ipse, patronus ejus nece immerita lueret. Trucidatis tot insignibus viris* etc. In codd. Mstia et omnibus editionibus legitur *lueret. Trucidatis* etc. Sed conjunctivo hic non est locus. Tacitus enim non refert, quae atrocia mente ac voluntate Tigellini in Thermum ejusque libertum fierent, sed quae refera facta sint, neque condicionem et rationem criminum, quae libertus in Tigellinum jecerit, describit. Accedit quod syllabae *ret* et *re* in codd. Mediceis saepius inter se confusae sunt. Sic A. VI, 2. extr. *suaderet* pro *suadere*. A. XI, 34. *cum obstreperet accusator* pro *cum obstrepere accusator*, ut H. III, 31. init. codd. C. R. ed. Spir. *cum languescerent paulatim Vitellianorum animi* pro *cum languescere p. V. a.* exhibent. A. XII, 49. *cum rediret in Syriam jubetur* pro *cum redire* etc. A. XV, 69. *occuparet* pro *occupare*. H. I, 64. extr. *iussi pecuniam atque arma deferret* pro *deferre*. H. IV, 13. *avertaret . . . et retentare . . . jubebatur* pro *avertere . . . et retentare . . . jubebatur*. Contra A. XI, 1. extr. *promptum habere* pro *promptum haberet*. A. XII, 29. *componere* pro *componeret*. XIV, 58. *effugere* pro *effugeret*. Quin et terminationes *re* et *rent* hisce locis permutatae sunt: A. XIII, 50. extr. *congruere* pro *congruerent*, et c. 55. extr. *superfundere* pro *superfunderent* in cod. Ma. et ed. Spir. scribitur.

H. IV, 58. Walther et Kiesslingius lectionem cod. R. et ed. Spir. *sin ego displiceam* vulgatae sane *ego displiceam* jure praetulis mihi videntur. Vulgatam ex scriptura archetypi *sine ego displiceam* originem traxisse puta.

Utrumque vitium conjunctum A. IV, 23. in lectione codicis deprehendes. Ibi enim scribitur *duces sub impetrando* pro *vulgata*

duces, ubi impetrando, altera litera duplicata, altera a sequenti absorpta. Item H. III, 52. init. in Ma. et ed. Spir. legitur *Appennini* pro *Apennini*.

De septimo vitiorum genere.

Saepe librarii codicum Mediceorum literas singulas aut omiserunt aut addiderunt. Et primum quidem exempla literarum omissarum afferam ^{28b}).

A. I, 13. in archetypo *aput* pro *caput* scriptum erat, unde ob antiquam scripturam praepositionis *apud*, quam teste Pichena etiam codex retinet, sinistra conjectura lectio codicis *aput te* orta esse videtur. C. 23. *facta vitas* pro *fracta vite*. C. 48. scriptura codicis *caenia* ex lectione *caeina* pro *Caecina* originem traxit. A. II, 25. *exemplo* pro *extemplo*. A. III, 63. *fiere aera* pro *figere aera*. A. IV, 33. *consciata* pro *consociata*. A. VI, 10. *familiarum* pro *familiarium*. A. XI, 3. *percusi* pro *percursoris*. C. 23. init. *Vipsano* pro *Vipstano*. C. 26. init. *adulterorum* pro *adulteriorum*. C. 31. *impostum* pro *impositum*. A. XII, 26. *quaestiore* vel *questiore* pro *quaesitiore*. C. 40. lectio *evigantum* civitate orta est ex scriptura *ebigantum* c. pro *e Brigantum* c. C. 61. init. *argios vel cum* pro *Argivos vel Cocum*. C. 63. *quaestosi* pro *quaestuosi*. Ann. XIII, 14. lectio cod. Ma. *preces* orta ex scriptura *praeces* pro *praeceps*. C. 30. *Cestus*

28b) Sic Martial. I, 3, 12. optimus et antiquissimus codex Vindobonensis H. *fuge* habet pro vulgata *i, fuge*. Ibid III, 68, 7. optimus quisque codex exhibet *perie* pro vulgata *aperte*. Tac. Agr. 32. init. in Mstō codice Vatic. 4496. *contactum* pro *contractum* legitur, sicut Germ. 36. plerique codices et vett. edd. *tacti ruina Cherscorum et Fosi* praebent pro scriptura *tracti ruina* etc., quam Walther exemplis bene illustravit, quibus addas: A. VI, 2. *tracti sunt in eundem casum* etc.; c. 26. *Agrippinae perniciēs, quod vix credibile, Plancinam traxit*. Eadem lectionis varietas est apud Suet. Tib. 21. sub vv. *ambitione tractum*; ubi vide Oudendorpium. Contra Tac. Agr. 30. edd. vett. exhibent *a contractu dominationis* pro *a contactu dominationis*. Etiam in Servii codice Cassellano singulas literas a prima manu saepe omissas esse ego et v. cl. Bergkii vidimus.

pro *Cestius*. C. 35. *cultu evi* pro *cultu levi*. C. 57. *arentem* pro *ardentem*. A. XIV, 1. init. *Vipsano* pro *Vipstano*. C. 22. *qui et pro quieti*. C. 23. *faciem* pro *facilem*. C. 31. *facti* pro *fracti*. C. 39. *remigum* pro *remigium*. C. 58. *una haec* pro *vana haec* ²⁹⁾. A. XV, 5. extr. *Tyranocertam* pro *Tigra-*
nocertam. Cap. 13. *subjectis rei* pro *subjectis regi*. Cap. 25. lectio cod. Ma. *executio* orta ex antiqua scriptura *executio* pro *exsecutio*. Cap. 68. *inima sodialitate* pro *intima sodalitate*. C. 71. *sin supplicio* pro *sine supplicio*. A. XVI, 10. *mulieri helulatu* pro *muliebri ejulatu*. H. I, 19. *crebrioribus* pro *cre-*
brioribus. C. 66. *vetusta dignitasque coloniae* pro *vetustas di-*
gnitasque c. C. 76. *Vipsani* pro *Vipstani*. H. II, 22. et V, 10. cod. Ma. exhibet *redire* pro *rediere*, sicut H. IV, 20. codd. Ma. H. *interire* pro *interiere*, H. III, 80. codd. G.H.O. *adire* pro *adiere* et H. V, 15. cod. B. *redire* pro *rediere* praebet. H. II, 100. *patui* pro *Patavi*. H. III, 9. *Vipsanus* pro *Vipstanus* et H. IV, 42. *Viptanus* pro *Vipstanus*. H. III, 42. *inracta* pro *infracta*. C. 52. *ex ventu* pro *ex eventu*. C. 68. *jurari* pro *ejurari*. C. 76. *pollinaris* pro *Apollinaris*. C. 83. *alii proelia* pro *alibi proelia*. H. IV, 20. *rumpunt* pro *erumpunt*. C. 25. *armai* pro *armari*. C. 69. *periuria* pro *per iurgia*. C. 70. *ab-*
sessere pro *abscessere*. C. 72. lectio codd. Ma. B. et ed. Spir. *consultatio* originem cepit ex scriptura *consulatatio* pro *consalu-*
tatio. H. V, 10. *utilis* pro *utilius*. C. 25. lectio codd. Ma. B. *fures* ex corrupta scriptura *pures* pro *plures* orta esse videtur.

Jam vero sequuntur exempla literarum insuper additarum ^{29a)}. A. I, 3. *dormires* pro *domi res*. C. 34. et H. III, 65. extr. *proprior* pro *propior*. A. I, 47. *subnixius* pro *subnixus*, ut A. IV, 66. *conixius* pro *connexus*. A. I, 64. *liberare* pro *librare*.

29) E contrario Mart. I, 68, 8. cod. Thuaneus *vana* pro *una* exhibet.

29a) Sic Varr. de L. L. p. 82. ed. Bip. VII. §. 11. ed. Muell. codd.

F. G. H. habent *castris* pro *castis*, ut Martial. IX, 41, 6. codd.

T. A. G. *Ilia castra* pro *Ilia casta*. In codice Vossiano R. Mart.

VI, 34, 7. *exortata* pro *exorata* et X, 71, 2. *facta* pro *fata*, in cod.

T. Mart. III, 75, 5. *pluras* pro *puras* et XI, 81, 4. *uterique* pro *utrique* legitur.

A. II, 11. lectio codicis *primiliarium* orta est ex archetypi scriptura *primiliarium* pro *primipilariū*. C. 79. *vibinus* pro *Vibius*. A. III, 26. *mortem* pro *morem*. C. 69. *Cythenum* pro *Cythnum*. A. IV, 13. extr. *lamina* pro *Lamia*. C. 32. *composuiere* pro *composuere*; mox immo ita pro *immota*. C. 33. extr. *animis* pro *nimis*. C. 43. *Limenatidis* pro *Limnatidis*. C. 55. *dicta* pro *icta*. A. V, 3. *confringere* pro *confingere*. A. VI, 17. extr. *emitio* pro *emitio*. C. 29. *Sexitia* pro *Sextia*. C. 30. extr. *visitare* pro *vi stare*. A. XI, 31. *facientibus* originem traxit e scriptura *facientibus* pro *fatentibus*. C. 35. *vigilium* pro *vigilum*. A. XII, 62. *iecerant* pro *icerant*. A. XIII, 12. *facto quodam* pro *fato quodam*. C. 14. pr. et H. IV, 21. *arbitrium* pro *arbitrum*. A. XIV, 4. *allauitur* pro *alluitur*. C. 26. *pars Armenia eunt cuique* pro *pars Armeniae, ut cuique*. C. 35 *tot militum* pro *tot milium*. C. 58. init. *Plautio* pro *Plauto*. A. XV, 40. *proruptis* pro *prorutis*, ut H. I, 68. codd. B. G. *diruptis* pro *dirutis* et H. V, 9. cod. B. *dirupti* pro *diruti* exhibet. Cf. Drakenb. ad Liv. IV, 29. A. XV, 44. lectio *coniuncti* orta ex scriptura *coniuncti* pro *coniscti*. C. 52. *hospitales* pro *hospitales*. C. 53. *deae traxerat* pro *detraxerat*. C. 54. *aspernari* pro *asperari*. C. 68. *sodalitate* pro *sodalitate*. A. XVI, 10. init. lectio codd. Ma. G. *vincendo* orta ex scriptura archetypi *vinendo* pro *viuendo*. C. 18. *somnium* pro *somnum*; c. 24. *saepe* pro *spe*. A. XIV, 58. extr. *audienti*, A. XV, 53. *audientiae*, H. I, 3. *audientes*, c. 6. extr. *audienti*, c. 21. *audiendumque*, H. II, 78. init. *audientius* pro *audenti*, *audientiae*, *audentes*, *audendumque*, *audentius*. H. I, 31. *Amelio Sereno* pro *Amulio Sereno*. C. 84. *multa et inania* pro *muta et inanima*, sicut A. XIV, 42. Ma. *multandum* pro *mutandum*, H. IV, 17. codd. G.R. *multis animalibus* pro *mutis a. praebent*^{29b)}. H. II, 34. *fluvitabant* pro *fluitabant*. H. III, 27. lectio codd. Ma. G. et edd. vet. *legiones* orta ex scriptura archetypi *legones* pro *ligones*. H. IV, 61. *figendos* pro *figendos*.

29b) Idem mendum ap. Cic. de Fin. II, 29, 94. in deterioribus libris, et Tuscul. II, 14, 33. in omnibus codd. et edd. vet. sqq. ad Orellium usque reperitur. Is enim ex conjectura Bentleii *mutum* pro vulg. *multum* substituit.

De octavo vitiorum genere.

Porro singulas syllabas in codd. Medicis omittas esse jam Jac. Gronovius ad H. IV, 58. annotavit, Nic. Heinsius ad A. V, 4. aliquot exemplis probavit. Sed quum hic exempla vocabulorum diversis ex causis mutilatorum promiscue congesserit ac ratio condicioque omissionis syllabarum varia sit, laborem cuncta ex ordine quodam disposita singulatim recensendi non inutilem fore arbitror ^{29c}). Primum mediae potissimum syllabae in codd. Medd. omissae sunt; cuius mendi exempla Ernestius ad A. II, 63, Walther ad A. I, 20, Doederlinus in Praef. p. XVIII. collegerunt ³⁰).

A. I, 72. *dictans* pro *dictitans*. II, 36. *auretur* pro *augeretur*; c. 38. *transmerci* pro *transmittere*; c. 63. *reditus* pro *rediturus*; c. 73. extr. *interpretantur* pro *interpretabantur*. III, 41. C. *Caelio* pro C. *Caecilio*; c. 83. *adseravit* pro *adseveravit*. IV, 13. *Carsius* pro *Carsidius*; c. 33. extr. *ancepto redeo* ortum ex *adincepta redeo*. C. 44. lectio cod. *degetes* originem traxit ex scriptura archetypi *de getis* pro *de Gaetulis*. C. 51. *sponte incorum* pro *sponte incolarum*. VI, 51. *indicitiam* pro *inpu-dicitiam*. XI, 12. extr. *apud alterum* pro *apud adulterum*. C. 22 *potus* pro *Potitus*. C. 31. lectio cod. Ma. *certum* ex scriptura *certim* orta esse videtur. Etenim postquam syllaba *ta* omissa *certim* pro *certatim* scriptum erat, litera *u* a sciolo quodam lectore superscripta est, ut *certum* legeretur. C. 35. *Julius* pro *Vitel-lius*. XII, 50. *circumoeunt* pro *circumveniunt*. C. 58. *vera* pro *vetera*. XIII, 30. *accusatibus* pro *accusatoribus*. C. 41. lectio cod. Ma. *consolatus* pro *consalutatus* ex mutila scriptura *consala-tus* orta est. XIV, 26. lectio *pars nipulique* originem traxit ex

29c) Exempla e Graecis scriptoribus et oratoribus contulit Sauppium in §. 12. Epistolae criticae ad G. Hermannum a. 1841 missae.

30) Idem vitium in vet. Velleii libris reperitur, ut ed. pr. et apogr. Amerb. II, 10, 1. *Lepidum Aelium* pro *L. Aemilium*, c. 15, 1. *Servium* pro *Servilium*, c. 47, 3. *coertionem* pro *coercitionem*, c. 78, 1. *momentis* pro emendatione Ruhnkenii *molimentis*, c. 84, 2. *re-ges* pro *remiges* exhibent.

scriptura pharasmiani polemonique, quum pars Armeniae proximae antecedit. C. 56. *libertas* ortum puto ex archetypi scriptura *liberatas* pro liberalitas. A. XV, 5. *legionem* pro *legationem*. C. 25. *pax inhоста* pro *pax inhonestā*. C. 44. extr. circulo ortum ex *curcula* pro *curriculo*. XVI, 8. et *etio* pro *et exitio*. H. I, 77. *honoris* pro *honoratis*. H. IV, 65. *sociatis* pro *societatis*.

Jure igitur Ritter et Rupertius H. II, 31. receperunt felicissimam Victorii et Pichenae emendationem Walthero probatam; hi enim conjecerant legendum esse *Vitellius ventre et gula sibi inhonestus, Otho luxu, saevitia, audacia rei publicae exitiosior ducebatur* pro scriptura cod. Ma. *inhostus* et ed. Spir. *inhostus*. Erat enim Vitellius molitia corporis infamis, Otho ob graviora vitia periculosus. Ille suam famam dehonestabat, hic rempublicam in perniciem adducturus erat. Simillimo modo tum contraria tum diversa hisce locis sibi invicem opponuntur: A. II, 38. *sibi ignavi — nobis graves*. A. XII, 37. *praesens sors mea ut mihi informis, sic tibi magnifica est*. H. I, 5. extr. *Galbae vox pro re publica honesta, sibi anceps*. H. II, 76. *rei publicae utile — ipsis gloriosum*; ibid. *tam salutare rei publicae, quam tibi magnificum*. Quibus locis simul usus dativi sibi adjectivo *inhonestus* conjuncti illustratur ^{30a}).

Deinde syllabae tum ab iisdem vel similibus syllabis, tum ab iis, quae aut ab eadem litera incipiant, aut in eandem literam cadant, saepe absorptae sunt ³¹). En exempla: A. I, 4. *dissere*

30a) Eiusdem vitii observatione nititur emendatio Jacobi, qui l. I. p. 2. H. II, 6. e lectione codd. *precibus*, ut assolet, *nuntiis* elicit *pernicibus*, u. a., *nuntiis*. Cf. H. III, 40. *pernicibus* *nuntiis*. Omissa syllaba *ni*, *percibus* in *precibus* mutatum fuit. Vulgatur *praecipitibus* u. a. *nuntiis* ex emendatione Beroaldi, quam tueri licet hoc loco: H. II, 4f. *praecipites exploratores adesse hostem nuntiavere*. Tum duas syllabas *piti* omissas statues.

31) Sic Martial. VI, 34, 8. optimus et antiquissimus cod. Voss. R. pro *pauca capit* a pr. m. habet *paucapit*. Epigr. III, 3, 4. optimus cod. Thuanens exhibet *tundu* pro *tunicata* et IX, 41, 10. *digis* pro *digitis*. Epigr. VII, 12, 9. in codd. X.A.G. legitur *innocuis* pro *innocui* scis. Epigr. X, 73, 2. in codd. X. A. et in libro Excerptorum a Scriverio laudato *sera* pro *severa* scriptum est. Epigr. XIII, 77, 2. cod. Thuanens pro vulgata *cuntatur* praebet *cantor*

pro diasserere; c. 13. quum Tiberio pro quamquam Tiberio; c. 58. inzi sunt pro inzi sunt; c. 72. dictans pro dictitans. A. II,

adversante metro. Exempla e vett. Velleii libris collecta vide in Kritzii Prolegg. p. CVII. sqq. Simili modo apud Cic. pr. Rosc. Amer. 28, 76. lectio codicum vulgata *arcessivit aliquem: at quando? orta est ex genuina scriptura arcessivit aliquem: quem aut quando?* quam Priscianus p. 902. ed. Putsch. servavit, Garatonijs Wernsdorfius alique probarunt. — Liv. XXIII, 48. extr. Gronovius pro vulgata lectione *haec praetor in concione edixit, qua die vestimenta, frumentum Hispaniensi exercitui praebenda esset locaturus* legendum coniecit *haec praetor in concione (sc. locutus est); edixitque, qua die* etc. Verbum *edixit* enim ad sequentia tantum, non ad praecedentia referri potest. Similiter Tac. H. V, 25. *haec vulgus*; Curt. VII, 8. extr. *haec barbarus*. — Liv. XXI, 10. suspicor rescribendum esse *Aegates insulas Erycemque ante oculos proponite, quaeque terra marique per quattuor et viginti annos passi silis* pro vulgata *quae terra marique* etc. Cf. eiusdem structurae exempla apud Tacitum: A. I, 12 *Tiberium victoriarum suarum, quaeque in toga per tot annos egregie fecisset, admonuit*. A. II, 33. *neque in familia et argento, quaeque in usum parentur, nimium aliquid aut modicum nisi ex fortuna possidentis*. C. 41. *triumphavit de Cheruscis Cattisque et Angrivariis, quaeque aliae nationes usque ad Albim colunt*. C. 54. *Adlio Illo, quaeque ibi . . . veneranda*. C. 74. init. *consultatum inde inter legatos, quique alii senatorum aderant*. A. III, 43. *cum venabulis et cultris, quaeque alia venantibus tela sunt*. C. 45. *memorare veteres Gallorum glorias, quaeque Romanis adversa intulissent*. XI, 3. *percurtis Asiatici in rem publicam officiis recentique adversus Britanniam militia, quaeque alia conciliandae misericordiae videbantur*. XII, 62. *piratico bello adiutum Antonium memorabant, quaeque Sullae aut Lucullo aut Pompeio obtulissent*. H. I, 23. *inserendo saepius querelas et ambiguos de Galba sermones, quaeque alia turbamenta vulgi*. C. 53. extr. *Treveri ac Ligones, quasque alias civitates . . . Galba perculerat*. C. 63. extr. *stratis per vias feminis puerisque, quaeque alia placamenta hostilis irae . . . tendebantur*. H. II, 4. init. *Titus spectata opulentia donisque regum, quaeque alia laetum antiquitatibus Graecorum genus incertae vetustati affingit, de navigatione primum consuluit*. H. III, 54. *perpulsi, ut ad vires hostium spectandas, quaeque apud Cremonam acta forent, ipse mitteretur*. — Contra Stuerenburgius in Commentatione de particula haut editioni librorum Cic. de Off. adiecta lectionem cod. Med. in Cic. Epp. ad Atticum VII, 15, 2.

63. *reditus* pro *rediturus*; c. 73. extr. *interpretantur* pro *interpretabantur*. A. III, 52. lectio cod. *remedi* isti originem traxit ex corrupta archetypi scriptura *remedi* isti pro *remediis* sisti. C. 54. *sibi que* pro *sibi quisque*; c. 83. *adseravit* pro *adseveravit*. A. IV, 55. *divise* pro *divisisse*. A. VI, 2. *tam* pro *tamquam*; c. 33. *effunt* pro *effandunt*. A. XI, 22. *potus* pro *Potitus*; c. 58. *vera* pro *vetera* ^{31a}). A. XII, 32. init. lectio codd. *Mstorum ductus inde Congos exercitus* ex scriptura archetypi *ductus in* (i. e. *inde*) in *Cangos exercitus* orta est, sicut c. 16. in codd. R. V. 1863. et ed. Spir. *exin Siracos* pro vulgata *exin in Siracos* scribitur. Librarios etiam aliis locis *inde* vel *in* pro *in* i. e. *inde in* dedisse testatur Ernestius ad h. l., qui Burmanni notam ad Suet. Caes. 35. et Vesp. 5. conferri jubet. Ceterum cf. A. XII, 88. init. *itum inde in Siluras*. — A. XII, 67. init. lectio cod. Ma. *cibo leto* orta ex scriptura archetypi *cibo boletto* pro genuina *cibo boletorum*. A. XIII, 19. *conjugioque ejus etiam perio* pro *conjugioque ejus etiam imperio*. C. 45. *Rufi Crispi* pro *Rufi Crispini*. A. XIV, 7. *discrimine* pro *discrimine*, *ne*; c. 20. *institum* pro *institutum*; c. 35. *detrectam* pro *detrectatam*; c. 36. pr. *quam* pro *quàm*—

uni Favonia leges ab illo nobis imponi non placebat, sed is auditus in consilio adversus vulgatum sed is haud auditus in consilio tueri frustra conatus est, utpote falsae de vi particulae haud opinioni confusus. Eum enim locum male ita interpretatus est: jedoch man that in der Versammlung weiter nichts, als ihn anhören, quum tamen loci sententiam germanice reddamus his verbis: aber er wurde gar nicht gehört.

- 31a) Similiter scholion Donati ad Ter. Hec. IV, 4, 45. corruptum puto. Vulgata enim huius scholii scriptura in *veris* codicibus sqq. ita orta esse mihi videtur, ut, quum omissa syllaba *ta* pro genuino vocabulo *veteribus* in archetypo *veribus* scriptum fuisset, vox inanis *veribus* rursus in *veris* depravaretur, mutata scilicet terminatione. Hanc emendationem, qua in *veteribus* codicibus pro in *veris* c. restituatur, leniorem commodioremque duces, quam quae a Koenighoffio nuper proposita est. Is enim in scriptione scholastica Aquisgrani a. 1840 edita coniecit in *vetustis* codicibus legendum esse; v. appendicem Diariorum antiq. litt., qui inscribitur Gymnasial-Zeitung, a. 1841. no. 12 p. 90. Vocabulum *veris* haud dubie falsum est; nemo enim codices unquam dixerit veros, sed genuinos, integros, optimos.

quam; c. 53. *mytilensa* pro *Mytilenense*. A. XV, 2. *integro* pro *in integro* et H. II, 33 extr. *incerto* pro *in incerto*, ut in cod. G. A. XV, 17. et c. 36. ter scribitur *incerto* pro *in incerto*. A. XV, 5. cod. Ma. habet *aberat* pro *adederati*. e. *ambederat*; c. 19. *pravissimos* pro *pravissimus mos*. C. 26. extr. lectionem cod. Ma. *adversa inscitiam Paeti declinans* vulgatae a. *in inscitiam* P. d. a Doederlino, qui comma, ut asyndeti signum, post *adversa* poni iubet, praeferrī miror. Tum *declinare* idem esset, quod *vitare*, ut A. VI, 51. XII, 4. H. IV, 41. At Corbulo, etiam si res a Paeto partim adversa fortuna partim inscitia male gestas retiduisse et vitasse cogitaretur, tamen non erat is, qui in inscitiam Paeti aemuli silentio praeteriret et quasi velis obtegeret, sed qui vel adversus casus in Paeti inscitiam declinaret. Cf. locum simillimum Sallustii apud Nonium IV. p. 385. ed. Merc. *adversa in pravitate, secunda in casum, fortunam* ^{31b)} *in temeritatem declinando*. — A. XVI, 7. *ac memoria tantum infensi nominis ad discordias uteretur* pro *ac ne memoria* etc. C. 19. *quam pro quamquam*. H. I, 41. *prodere* pro *prodidere*; c. 83. *cupidile* pro *cupiditate*. H. II, 1. *decoris* legitur in codd. Mstis B.R. et ed Spir. pro *decor oris*. C. 37. *praecipuas Paullini* pro *praecipua spe Paullini*. C. 52. *intempesti honore* pro *intempestivo honore*. C. 68. *init. numerus* pro *ni numerus*. C. 74. *praefectus Aegypti Alexander* pro *praefectus Aegypti Ti. Alexander*. C. 76. *splendiori origine* pro *splendidior o.* C. 95. *subdere* pro *subdidere*. H. III, 9. *Hostiam* pro *Hostiliam*. H. III, 50. *regebat omniaque, quae agenda forent, quieta cum industria aderat* pro *regebat at (i. e. ad) omniaque* etc. C. 66. *securitatem nisi extincto emulatore dituram* pro *s. n. e. aemulatore redituram*. H. IV, 4. *formam respere* pro *respexere*, quae in cod. Ma. legitur, in archetypo quoque scriptam fuisse e codicum varietate lectionis colligo, quum familia Genuensis vulgatam *respexere*, Romana autem

31b) Malim cum viro docto ap. Mercer. *fortunam* in *fortia* mutare, coll. Quintil. X, 2, 16. *plerumque declinant in peius et proxima virtutibus vitia comprehendunt, suntque pro gravibus tumidi, pressis exiles, fortibus temerarii* sqq.

respicere habeat, utraque scilicet ex conjectura. C. 33. libri familiae Romanae praebent is error addit animos pro vulgata is error Romanis addit animos. Mendum originem ex scriptura error rom. i. e. error Romanis cepit ³²). C. 41. destit pro de-

32) Jacobus l. l. II, p. 23. sq. lectionem familiae Genuensis Romanis glossa esse putat, quia nemini nisi Romanis animus addi potuerit. Sane si quis c. 33. ad finem usque perlegerit et pugnae viam ac processum exsequatur et totius narrationis dispositionem reputet, fieri non potest, quin cernat, non Germanis, sed Romanis repentino Vasconum incursu animum additum fuisse. At eloquentissimi scriptoris oratio non haec est, quae lectores, sententiam ut conjectura assequantur, cogat, sed quae verbis id exprimat, quod scriptor ipse mente concepit. Universe facile observaveris, doctos viros brevitate, quam Tacitum studiose sectari dicunt, nonnunquam temere atque immodice abuti, quod locis depravatis sanorum nomina imponant. Neque cum Jacobo crediderim esse, quod proximis verbis intentos hostis a tergo inoadunt latioreque, quam pro numero, terrorem faciunt vocabulum hostibus ante faciunt addatur. Etenim quum accusativus hostis a verbo invadendi pendens in eadem eruntiatione proxime praecedat, nemo est, quin dativum hostibus ad verba terrorem faciunt inde mente suppleat. At ubi oratio ab hostium terrore ad animos Romanorum describendos procedit, horum mentio fiat necesse est, quum praesertim ad proximum verbum recepere subiectum, quod dicitur, considerares. An in verbis Plauti Amphitr. I, 1, 94. non offenderes, si poeta dixisset perduelles penetrant se in fugam: ibi animus additus est pro vera scriptura ibi nostris animus additus est? Eadem vero huius loci est ratio. Requirit et verbum addendi dativum, ad quem referatur: neque enim absolute ponitur, nisi ex praecedenti nomine dativus facile subauditur. Cf. A. IV, 51. illis extrema jam salus et persistentes plerisque matres et conjuges earumque lamenta addunt animos; VI, 27. genus illi decorum, vrida senectus et non permissa provincia dignationem addiderat. Quos locos Walther ad H. III, 6. falso attulit ut exempla omissi apud verbum addendi dativi. Cf. praeterea A. XII, 36. Caesar, dum suum deus extollit, addidit gloriam victo. H. I, 76. init. primus Othoni fiduciam addidit ex Illyrico nuntius. H. III, 4. extr. quantum illis roboris discrimina et labor, tantum his vigoria addiderat integra quies; c. 31. addiderat huic terrorem atque odium caedes Galbae. Erravit et in eo Jacobus, quod Tacitum, si nomen addere voluisset, nostris, non. Romanis dicturum

stitit. C. 45. *Cyrensisibus* pro *Cyrenensibus*; c. 48. *supra petiero* pro *supra repetiero*. C. 49. *cedisse* pro *cecidisse*. H. V, 26. *in Pania* pro *in Pannonia*.

Bene igitur Bezenberger l. l. p. 20. A. III, 62. coniecit legendum esse *exin Cyprii tribus de delubris* (scil. *exposuere*, ut paulo ante scribitur). Vulgatur enim e cod. *tribus delubris*. Idem l. l. p. 25. rescripsit. A. IV, 45. extr. *sed Piso Termostinorum dolo caesus habetur*: quippe *pecunias e publico interceptas acrius, quam ut tolerarent barbari, cogebat* pro vulgata *codicis lectione qui pecunias* etc., quam Pichena et Doederlinus in *quia pecunias* etc. corrigi volunt. Et sane hisce verbis Tacitus, quae causa caedis fuerit, indicare videtur. Ceterum frequens est apud Tacitum usus particulae *quippe*; ubi causa et ratio alicujus rei annectitur. Cf. A. I, 13. *quippe Augustus* etc.; c. 57. *quippe anno* etc. A. III, 2. extr. *aberat quippe adulatio*. A. IV, 1 *quippe iisdem artibus victus est*; c. 41. *multa quippe providebat*; c. 74. *quippe Romae sueti discursus* etc. A. XI, 25. *quippe promiscuum patris patriae cognomentum*. A. XII, 63. *quippe Byzantium* etc. A. XIII, 1. *quippe et Silanus D. Augusti abnepos erat*; c. 35. init. *quippe Syria transmotae legiones* etc.; c. eod. extr. *quippe pauciores illo castra deseruere*. A. XV, 51. extr. *accita quippe Epiocharis* etc. H. II, 10. extr. *quippe ipsum Crispum* etc. H. IV, 38. *quippe omnem pudorem nox ademerat*. H. V, 5. extr. *quippe Liber festos laetosque ritus posuit*.

fuisse opinatur; illic tantum, ubi dicentes hostes inducantur, Romanos vocari a scriptore. At obstant huic sententiae ob nimium studium lectionis *Romanis* refellendae fictae haec exempla, quae facile auxeris: A. II, 18. *in Romanos*; c. 88. *abscedentibus Romanis*; A. IV, 51. *Romani*; A. XIV, 26. *datum a Romanis regem*; H. IV, 29. init. *Romani*; c. 79. *pro Romanis*. Cf. etiam locum huic simillimum Agr. 26. *Romanis redit animus*. Similiter dicuntur A. II, 17. *auxilia Romana*; c. 19. *agmen Romanum*; c. 52. *Romanum in modum armatos*; IV, 47. et VI, 44. *dux Romanus*; XII, 40. *Romanis armis*; XV, 29. extr. *exercituum Romanorum caedes*; H. I, 79 et IV, 29 *Romanus miles*.

A. XI, 7. emendationem, quam Bezenberger in *Observationibus Tacitinis* Dresd. a. 1840. editis p. 80. proposuit, *se modicos senatores; qui quieta republica nulla nisi pacis emolumenta peterent* praeferebat et scripturae codicum *Mistorum* a Walthero, Bachio, Rupertio revocatae *se m. s., qui et a republica . . . peterent* et vulgatae lectioni *se m. s. quieta republica . . . peterent*, quam Bekker et Ritter retinuerunt, et Doederlini conjecturae, qui transpositis vocabulis rescribi vult *se m. s. et qui a republica . . . peterent*, quamquam ipse ingeniosissimam Picheneae commentum *quieta republica* aegre se aspernari fatetur, ut Bezenberger quidem refert. Et sane quietam sub Claudio rempublicam Sullius et Cossutianus apte comparare videntur cum turbidis rebus et bellis civilibus externisque, quae Antonii et Augusti temporibus rempublicam conflictaverant atque perculerant.³³⁾ Tam enim ex praeda belli immensas opes sibi parare Asinius et Messalae licuerat. Sed — ut utar verbis Taciti, quae H. I, 89. leguntur — sub Tiberio et Gaio et Claudio tantum pacis adversa reipublicae periti timere^{33a)}. Quieta igitur respublica et pacis emolumenta, quae Sullius et Cossutianus petebant, cum bellis eorumque praemiis, quae Asinius et Messala petiverant, contenduntur. Medici autem senatores non solum heredibus ditium familiis, ut Aesernio et Arruntio — id quod Walther et Doederlinus putant — sed etiam summis viris opponuntur, qui bellorum civilium atque externorum praemiis rem suam auxerint. Dites illos heredibus et homines ovium atque hostium spoliis refertos facile magnum animum induisse, ut famam et posteros praemia eloquentiae cogitavissent pulcherrima: sed modicos senatores propterea non reprehendendos esse, quod, quam omissis curis familiaribus aliena negotia susciperent, pecuniam

33) Similiter vetera et praesentia a Galba contenduntur H. I, 15. hisce verbis: *Principatum, de quo maiores nostri armis certabant, bello adeptus quiescenti offero* sqq.; ubi quiescens Piso his opponitur, qui armis ac vi principatum petiverant.

33a) Ita enim Bezenberger in *Emendationum delectu* p. 43. locum illum foede corruptum, quo critici magnopere exerciti fuerunt, evidenter simul et leniter emendavit, quam ex codd. G.H.Oa. et edd. vet. Bekker, Bachius, Rupertius, Kiesslingius *reipublicae pertinere* scripserunt.

atque dona acciperent. Itaque non est, quod defensionem Suillii ceterorumque in duo momenta tam subtiliter cum Walthero ac Doederlino discernas, ut particulam *et* aut ante voc. *a republica* cum Walthero, aut ante relativum pronomen *qui* cum Doederlino putes desiderari. Ceterum contra Waltheri lectionem *qui et a, rep.* Doederlinus recte monuit, abundare *et* ante voc. *a republica*. Tum enim respublica aliis quibusdam opponeretur, a quibus et ipsis pacis emolumenta peterentur. Quia immo non a republica, sed a privatis hominibus et reis quidem pecunia aut dona et petebant et accipiebant Suillius et qui alii illarum erant partium. Neque vero formula *a republica* omnino ab hoc loco non aliena esse mihi videtur: quippe intempestivum esset Suillum ejusque socios commemorare, a republica id est a Caesare ac Senatu se petere, ut ob causam orandam pecuniam aut dona acciperent. Hoc per se constabat, jus concedendi aut denegandi penes principem senatumque esse. Dicitur *petere* absolute, sicut A. III, 47. *ut jam senior peregrinationis suburbanas inane praemium peteret.* A. XI, 22. *magistratus petere.* H. II, 75. *praemium petere.* Plin. Epp. VIII, 6, 16. *inveniebantur tamen honesto loco nati, qui peterent cuperentque, quod dari liberto, promitti serois videbant.* Quae contra Doederlini transpositionem vocabulorum *et qui a republica . . . peterent* dicta esse, vix est quod moneam. Quia dicitur *respublica*, ut ap. Vell. II, 49, 1. Cf. etiam A. II, 63. et Agr. 40. *quieta provincia*; H. II, 97. *nunquam satis quieta Britannia*. Ceterum fallitur Doederlinus, dum A. XV, 42. idem mendum particula copulativa et relativo pronomine transpositis a Rhenano sublatum esse dicit. Neque enim illo capite tale quidquam reperitur, et A. XV, 41. intulit potius tale vitium Taeto Rhenanus. Mutavit enim scripturam codd. Ma.G.H.O.Oa. et edd. vett. *et quo Senones* sqq. in deteriolem lectionem *quo et Senones* sqq., quae deinde per omnes editiones praeter Bachianam et Rupertianam vulgata est. Ipse Doederlinus cum Ursino et Walthero lectionem codicum Mstorum probavit hunc in modum recte explicans: *idem dies principium hujus incendii fuit et illius, quo Senones* etc. Eadem structura recurrit A. II, 28. pr. *ut satis testium, et qui servi eadem noscerent, repperit.* A. VI, 44. *aucti copiis sociabilibus, et quas dux Romanus misisset.* A. XV, 25. scribitur

tetrarchis ac regibus praefectisque et procuratoribus, et qui praetorum finitimas provincias regebant.

Porro ad hoc vñium referenda videtur scriptura codd. et vet. edd. A. XII, 68. *vis piscium in metapontum erumpens*, quam Lipsius in lectionem *vis piscium innumera Pontum erumpens* mutavit. Qued ad confusionem literarum *r* et *t*, qua praeterea Lipsii conjectura nititur, attinet, vide quae infra de duodecimo vitiatorum genere dicam. Ceterum Lipsii emendatio, quam omnes fere editores inde a J. Fr. Gronovio receperunt, nisi quod Broterius, Oberlinus, Kiesslingius, Bekker *Ponto* scripserunt, novissimis editoribus Rittero et Bachio non propterea spernenda erat, quod *vis* h. l. copia s. numerus esset, itaque vix dici posset *vis innumera*. Dixit enim Tacitus supra c. 29. *vis innumera* Ligii, Cicero Harusp. resp. 11. *vis innumerabilis*. Similiter legitur apud Tac. A. XII, 56. *multitudo innumera*. Aeque tamen latinitatis jure et Tacitino sermone fulcitur Ritteri conjectura *vis piscium immensa*, quam Bachius in Addendis Vol. II. p. LXVIII., Rupertius, Doederlinus probaverunt. Cf. A. IV, 62. *immensa vis mortalium*. Tum lectio codd. *in metapontum* ex archetypi scriptura *inmāa pontum* orta est. Praepositionem *in* ante litteram *m* in archetypo interdum non assimilata fuisse quamvis raris codicis Ma. exemplis probatur. Sic A. XV, 23. cod. Ma. exhibet *inmodicus* et *inmosp*; H. IV, 84. extr. *inmanem*.

A. XIII, 48. Walther e lectione cod. Ma. et ed. Spir. *eaque seditio ad saxa, ad minas ignium progressa necem et arma proliceret* eliecit *ne necem* etc.; quam emendationem sensus poscit, Doederlinus probavit, Bachius in textum recepit. Vulgatur e cod. G. et edd. Put. *cumque seditio progressa necem* etc.

A. XIV, 9. Ernestius e scriptura codd. familiae Romanae *Mnester ipse ferro transegit* optime coniecit legendum esse *Mnester ipse se ferro transegit* pro vulgata lectione *ipse ferro se transegit*. Ernestii conjecturam a Walthero probatam in textum recepit Bachius.

H. I, 78. idem vir doctus e scriptura cod. Ma. et edd. Put. a Bekkero, Rittero, Kiesslingio revocata *nova jura Cappadociae, nonq. Africae* (scil. *dedit Otho*) *ostenta magis quam mansura* eliecit *ostentata*. Similiter Virg. A. VI, 870. *ostendent terris*

hunc tantum fata, neque ultra esse sinent. In vulgata ante Bekkerum lectione *ostentui magis quam mansura*, quam Rhenanus e codd. B.C.G.R. et ed. Spir. induxerat, diversus inest sensus et, ut mihi quidem videtur, alienus ab hoc loco. Non enim ad ostentationem et jactationem ³⁴⁾ nova jura, et quae mox rursus detraheret, Capadociae atque Africae Otho videtur dedisse; sed ut nova illa jura provinciis magis ostentata et destinata, quam revera aut in aeternum exercita fuissent, id temporum injuria et fati iniquitate factum esse Tacitus innuit. Quippe Othomi expeditus fuit imperium adipisci quam obtinere; et civili bello victi domini decrata cum imperio ipsius simul tolluntur ac pervertuntur. Ceterum *jura mansura* sunt jura ad manendum (scil. a fato) destinata, sicut moriturus is est, qui morti destinatus sit. Cf. Hor. Od. II, 3, 4. *moriture Delli*; Ibid. I, 28, 4. sqq. *nec quidquam tibi prodest aeras tentasse domos animoque rotundam percurrisse polum moritura*; Juven. Sat. I, 18. *periturae parcere chartae*.

H. II, 77. Kiesslingius vestigia codd. *Matorum secutus*, qui *tuos exercitus rege, mihi bellum et procliorum incerta trade* exhibent, rescribi vult *tu tuos exercitus rege, mihi* sqq. pro vulgata per omnes fere editiones lectione *tu hos: c. r.* sqq. Bachius et Rupertius scripturam codicum receperunt, sed pronomen *tu* ob oppositum *mihi* necessarium est. Contra verba *tuos exercitus* eximiam reverentiae atque adulationis speciem praeferunt, quasi Vespasianus dominus exercituum esset. Similiter Martialis VIII, 11, 1. sqq. Domitianum alloquitur hisce verbis:

*Pervenisse tuam jam te soit Rhenus in urbem;
Nam populi voces audit et ille tui.*

34) Hanc enim vocis *ostentui* vim fore, facile est intellectu ex hisce locis a Rhenano jam allatis: A. I, 29. extr. *alii* (scil. *tradunt*) *corpora extra vallum abjecta ostentui*. A. XII, 14. *Meherdaten auribus decisis vivere jubet ostentui clementiae suae et in nos dehonestamento*. A. XV, 29. extr. *iturum Tiridaten ostentui gentibus, quanto nimis quam captivum?* H. III, 35. *in Britanniam inde et Hispanias nuntios famamque, in Galliam J. Calenum tribunum, in Germaniam Alpinium Montanum praefectum cohortis, quod hic Trevir, Calenus Aeduus, uterque Vitelliani fuerant, ostentui misere.*

In eodem cap. extr. Bekker, Ritter, Bachius, Rupertius, Kiesslingius male repetiverunt vitium codicis Ma. et editionis Spir., in quibus pro vulgata lectione *set et meliorem in bello causam, quam in pace habemus; nam qui deliberant, desciverunt* scribitur *set meliorem* etc. Etenim postquam Mucianus summam victoriae fiduciam tam in Vitellii vitiis, quam in Vespasiani virtutibus sibi positam esse dixit, novum argumentum, et quo bellum quam pacem suaderet, addit. Quippe in defectionis consilio periculosius esse deprehendi, quam audere. Contra sola conjunctio *sed* hic nulli rei est. Cf. c. 76. *An excidit trucidatus Corbulo? splendidior origine, quam nos sumus, fateor: sed et Nero nobilitate natum Vitellium antebat.* Idem mendam admissum in codice re-scripto Gaii I. §. 61. §. 106. III. §. 170. §. 198. IV. §. 151. et in cod. Gudiano Apuleji de nota aspir. §. 3. init. p. 86. ed. Osenn.

Denique tum singulae syllabae initiales vel finales, tam monosyllabae vocēs, imprimis praepositiones, nulla manifesta causa interdum omisae integritatem orationis laeserunt³⁵⁾. Prompta hujus vitii sunt exempla. A. III, 14. *pesimo* cui pro *pesimo* cuique. C. 31: in archetypo *e aetate* pro vulgata *ea aetate* scriptum fuisse ex exemplis quinti vitiorum generis supra allatis verisimillimum est. Tum librarius cod. M. praepositionem *e*, cui sane nullus locus est, omisit. Idem accidit c. 53. ubi codex *republica* exhibet pro *e republica*. — A. IV, 30. codex et vett. edd. exhibent *Gallus Asinius Gyarō*

35) Vocabula initio trunca, quae in vett. Velleii libris reperiuntur, in conspectum dedit Kritzius in novissima Velleii editione eaque optima Prolegg. p. CIX. Particulās monosyllabas in iisdem illis libris omissas vide ibid. p. CIX. sqq. Eiusmodi medicinam loco Nonii foede corrupto nuperrime adhibuit Osannus in comment. gramm. de pronominis tertiae personae *is, ea, id* formis p. 9. Quum enim apud Nonium s. v. spurcum p. 393. ed. Merc. versus Lucilii a codicibus, quos nuper Rothius et Gerlachius perperam secuti sunt, sic exhibeatur: *Aeserninus fuit Flaccorum unae quidam*, vir doctus felicius certe ex inani verbo *unae* elicit *sanguine*, quam Turnebus vulgatum *munere*, quod ab hoc loco alienum est. Omissa syllaba *sang*, literae *uine* abierunt in *une* vel *unae*.

aut Donusa claudendum censeret, id quoque aspernatus est (scil. Caesar), omitta conjunctione cum, quam receptiores editores inde ab Oberlino ante voc. censeret inseruerunt, exemplis conuicti. hiace: A. I, 63. Silas tum Arminius implevit compendia viarum et cito agmine onustum sarcinis armisque militem cum antea misisset. C. 13. Quippe Augustus supremis sermonibus cum tractaret, quinam etc. A. IV, 75. Ceterum Tiberius nepotem Agrippinam Germanico ortam cum coram Cn. Domitio tradidisset, in urbe celebrari nuptias iussit. — A. IV, 30. extr. ex oerta Bekkeri conjectura recentissimae editiones praebent sic delatorias, genus hominum publico exitio repertum et. ma poenis quidem unquam satis coercitum, per praemia eliciebantur, quum in cod. particula ne ante poenis omitta sit. Vulgabatur antea, inde a Beronardo et poenis quidem nunquam etc. — A. IV, 37. extr. sacra in cod. scribitur pro sacrari; c. 59. mare amundanium inter fundanos montes pro mare Amuclanum inter Fundanosque montes. A. VI, 2. in fugies pro in effigies; c. 45. pro ingenio cuius pro pro ingenio cuiusque. A. XII, 25. optio pro adoptio; mox oratione eundem quem a liberto acceperat modum pro oratione in eundem sqq. C. 51. ita pro Italia. C. 67. cibo leto pro cibo holerum A. XIII, 7. iocahum pro Antiochum; c. 9. illi recentem gloriam pro illi ob recentem gloriam; c. 13. saque nace pro saque Sannecae. C. 56. lectio codd. Ma. B. (a. pr. m.). G.H.O. deesse nobis terram vivam, in qua moriamur, non potest ex scriptura archetypi deesse nobis terram qua vivam (i. e. vivamus), in qua moriamur, non potest orta esse videtur. Recte igitur ex conjectura librarii cod. A. et Rhenani hodie scribitur deesse nobis terra, in qua vivamus: in qua moriamur, non potest. De terminatione us per compendium 's vel 'e vel'; in cod. Ma. scripta conferas, quae infra de tertio decimo vitiorum genere disseram. Silligius in. Diariis literar. Jenens. a. 1834. no. 213. et Doederlinus locum mutilum ita explendum censent, ut legatur: terra, ubi vivamus. Et reperitur sane similis orationis varietas in scriptis Taciti. Cf. A. XIII, 54. Dum consessum caveae, discrimina ordinum, quis eques, ubi senatus (scil. sederet), percunctantur. H. III, 24. Illos esse campos, in quibus abolere labem prioris ignominiae, ubi recipere gloriam possent. Neque tamen his locis con-

traria inter se conferuntur; ita his ipsis exemplis et ratione grammatica consideratis eo adducor, ut Tacitum, si, quamvis contraria contenderet, structuram variare voluisset, potius in priore membro relativum pronomen *in qua*, adverbium *ubi* in posteriore positurum fuisse putem. Ceterum Doederlinus falso attulit locum ex H. III, 50.; quo lectori persuaderet facile ex genuina scriptura *ubi vivamus*, primo *vi vivamus*, dein *vivam* oriri potuisse. Quod quidem non ita multum difficultatis habuit; sed illo Historiarum loco Bachius ex felicissima Schneideri conjectura scripsit *profugus altari- bus taurus disjecto sacrificii apparatu longe, nec ut feriri hostias nros est, confossus* pro vulgata lectione *nec ut feriri* etc., quam Victorius et Lipsius ex scriptura codd. Ma. A.V. *nec ut vel ne cui* elicuerant. — A. XIV, 18. extr. cod. Ma. exhibet *ne probata Strabonis sententia* pro vulgata *Nero probata* sqq. C. 27. nullo nobis remedio pro nullo a nobis remedio. C. 43. converterentur deterius pro converterentur in deterius. C. 53. lectio codd. Ma.R. et ed. Spir. cura orta est scriptura archetypi *cora* pro *deqora*. C. 54. imit. cod. Ma. omittit pronomen *tu* inter vocabula *et atque quantum*. A. XV, 2. *exturba* pro *exturbari*. XVI, 8. *tullinus* pro *Tertullinus*; c. 21. *cum de Agrippina ferretur* pro *c. d. A. referretur*; c. 22. *legiones* pro *religiones*. C. 23. et 30. *lorius savinus* pro *Ostorius Sabinus*. H. I, 1. *inter fensos* pro *inter infensas*; c. 45. *supplicium exprobatant* pro *ad supplicium e.*; c. 52. *bis valens* pro *Fabius Valens*. H. II, 36. praepositio *ad* ante *exitum* omissa est; c. 80. *adsistent* pro *adstantes*. H. III, 25. Bachius, Rupertius, Kiesslingius magno sensus damno lectionem codd. Msterum et edd. vet. *pulsos* revocarunt, spreta optima Bipontinorum editorum emendatione *impulsos*. Tunc enim Vitellianorum acies nondum pulsa, sed labefacta tantum et concussa erat, id quod Antonius, vir militaris, sensit. Et dicitur *impellere* proprie de tali aciei condicione; quod multae pugnarum descriptiones apud scriptores rerum Romanarum, Livium potissimum ac Tacitum, declarant. C. 55. *ternis* pro *externis*; c. 74. *clamore proximis orto* pro *clamore a proximis orto*. H. IV, 42. pr. *accusatio* pro *accusationem*. H. V, 8. in codd. Ma.F.R.V. scriptum est *deingia* vel *denigia* vel *damgia* pro vulgata ex Merceri emendatione lectione *dein regia*. — Particula *ut* excidit in Mediceis

codd. Ann. IV, 14. extr. ante *auctoritate*, Ann. XIV, 7. post *credebant* ^{35a}).

Recte igitur A. I, 35. Walther inter verba codicis *promptas ostentavere* inseruit *res coll. simillimo loco A. XII, 12. vocante Carrene, promptasque res ostentante, si citi advenissent*. Neque opus est emendatione Heldii, qui in Ohss. in difficiliore quosdam Taciti Annalium locos Suidnitii a. 1837. editis p. 4. *promptas ostentavere res* legendum censet, quoniam *res* post *ostentavere* facilius absorberi potuerit. Quae tamen observatio iis fortasse placebit, qui nihil aliud cordi habent, quam ut syllabarum vestigia anxie premant, Sed nec sententiae necessitate neque vi orationis eo adducimur, ut monosyllabum substantivum *res* a suo adjectivo sejungamus et verbo finito in exitu enuntiationis postponamus. Minus etiam placet conjectura Bezenbergeri, qui in Obs. Tacitinis p. 5., quamvis Waltheri emendationem band improbat, tamen *partes* post *promptas* inserere mavult. Tum *partes* in archetypo per compendium "*Ptes*" scriptum fuisse statueret. At non modo *partes* et militum studia Germanico *prompta* dici crediderim, sed *res promptas* ac paratas, quo seditio facilius et tutior ostentetur.

A. II, 11. Bezenbergeri conjecturam in Emendatt. delectu p. 18. editam *ingruentes catervas globo perfringerent* et vulgatae lectioni *frangerent* et emendationi Doederlini *effringerent* praetulerim. Cf. Curt. VII, 9. *equitum deinde turmae . . . perfringere barbarorum aciem*. Effringitur janua, non acies. Codex praebet *fringerent*, unde variae illae emendationes ortae sunt.

A. XIII, 3. emendationem, quam cod. A. praebet, cum Doederlino probo. Is enim liber exhibet *et Augusto prompta ac profluens, et quae deceret principem, eloquentia fuit* pro vulgata lectione *profluens, quae deceret* sqq. Recte autem Doederlinus annotasse mihi videtur, novam virtutem eloquentiae Augusti,

35a) Sic particula *ut* deest in ed. pr. et apogr. Amerb. Vell. II, 91, 4. post *habent* et in codd. Varr. de L. L. VIII. §. 76. ed. Muell. ante *caesior*. Bene igitur beatus Mueller Varr. de L. L. IX. §. 63. p. 217. particulam *ut* inter *itaque* et *dicimus* inseruit sudente Spengelio.

dignitatem et maiestatem orationis, memorari oportere, et conjunctivo deceret illud et quae requiri. Cf. A. II, 88. *Arminius dolo propinquorum cecidit, liberator haud dubie Germaniae, et qui non primordia populi Romani, sicut alii reges ducesque, sed florentissimum imperium laccessierit.* A. XVI, 28. *extr. ne hominem bonis publicis maestum, et qui fora, theatra, templa pro solitudine haberet, qui minitaretur exsilium suum, ambitionis pravae compotem facerent.* H. I, 10. *variis illecebris potens; et cui expeditius fuerit tradere imperium quam obtinere.* H. III, 9. *legioni tribunus Vipstanus Messala praeerat, claris maioribus, egregius ipse, et qui solus ad id bellum artes bonas attulisset.* Agr. 43. *securus iam odii, et qui facilius dissimularet gaudium quam metum.* Cic. Brut. 9, 35. *nam plane quidem perfectum (scil. oratorem), et cui nihil admodum desit, Demosthenem facile dixeris.* Liv. XXIV, 37. *L. Pinarius erat vir acer, et qui plus in eo, ne posset decipi, quam in fide Siculorum reponeret.* Plin. Epp. I, 10, 5. *sermo est copiosus et varius, dulcis imprimis, et qui repugnantes quoque ducat et impellat.* Epp. III, 14, 1. *superbus alioqui dominus et saevus, et qui servisse patrem suum parum, immo nimium meminisset.* Suet. Tit. 3. *init. egregia forma, et cui non minus auctoritatis inesset quam gratiae* ^{35b}). Universe autem hoc teneas, parum verisimile esse librariorum conjunctionis copulativae adeo curiosos fuisse, ut eam omittere dubitaverint, si quando ratio grammatica aut sententia omissionem iis videbatur suadere: id quod librario vetusti archetypi hoc loco accidisse puto. Is enim — credo — elegantiae latini sermonis ignarus, quum in duplici copulatione enuntiatorum per pronomen relativum et particulam *et* facta aliquem pleonasmum inesse opinaretur, copulativam particulam omisit. Quodsi cui scrupulus restet, is innumeram locorum multitudinem cogitet, ubi libri Msti inter con-

35b) Quodsi tot locorum rationem grammaticam respexeris, facile mihi assentire ita emendanti locum Cic. Verr. IV, 61. *Heraclius magistratum Syracusis habebat, homo nobilis, et qui sacerdos Jovis fuisset, qui honos apud Syracusanos est amplissimus.* Vulgatur homo nobilis, qui sacerdos Jovis fuisset, qui honos etc.

junctiones copulativas ita fluctuant, ut pars *et*, alii *ac*, quidam *atque* exhibeant. Quae lectionum diversitas nullo modo, nisi incuria et harum particularum neglectione, cum aliqua probabilitate explicari potest. Quam ob rem vix crediderim controversiam, quae est inter viros doctos de particula *ac* ante vocalem ponenda, e consensu atque auctoritate optimi cuiusque codicis compositam iri. Digna sunt lectu, quae nuperrime Mahnius in *Miscellaneis latinis* Lugd. Bat. 1845. p. 1 — 16. ea de re disputavit.

Sed redeamus ad incepta. A. XIII, 25. lectio cod. Ma. *comitantibus, qui raperent venditionem exposita* variae scripturae ceterorum codicum et veterum editionum originem indicat. Etenim quum in vetusto archetypo idem, quod in cod. Ma., scriptum fuerit, librarius codicis Ma. mendum fideliter servavit, alii, omissam praepositionem *ad* recte addiderunt, pars correxit *venditioni*. Quare cum add. Puteolani *ad venditionem* scribere malim, quam lectionem a recentioribus editoribus vulgatam *venditioni* sequi.

De nono vitiorum genere.

Complures syllabas aut integra vocabula in codicibus Medicis interdum sine ullo lacunae signo omissa esse, primus Ernestius ad A. XIV, 29. obiter notavit, dein Doederlinus exemplis probavit in Praef. edit. Tac. p. XVII⁸⁶). Id imprimis tum factum est, quum similitudo praecedentis aut sequentis vocabuli syllabaeve ansam omissionis dabat. A. II, 21. post verba *imprompto iam nomen Arminio* omissum; c. 54. lectio codicis *alio* ex mutila archetypi scriptura *allio* pro *adito Illo* orta esse videtur. A. III, 51. cod. *ante diem* exhibet pro *ante diem decimum*. A. XI, 7. extr. *capiendis pecuniis modum* pro *c. p. posuit modum*. A. XII, 18. lectio codd. *Mstorum propriis odiis infensum* pessimum praebet sensum. Aut particula *non* ante *infensum* e cod. A. cum recentio-

36) Huius vitii exempla e vett. Velleii libris congressit Kritzius Prelegg. p. CIX. sqq., e graecis scriptoribus tractavit Sauppius in Epist. crit. ad G. Hermannum §. 12.

ribus editoribus inserenda, aut, quod equidem cum J. Fr. Gro-
novio et Freinshemio praetulerim, pronomen *nullis* ante vocc. *pro-*
priis odiis addendum est. Cf. A. I, 13. init. *Tiberio nulla vetus*
in Arruntium ira. A. XV, 49. *Lateranum consulem designatum*
nulla injuria, sed amor rei publicae sociavit; c. 64. *Nero*
nullo in Paullinam proprio odio . . . inhiberi mortem impe-
rat. — Dein A. XII, 64. *domitia le pro Domitia Lepida.* A. XIII,
8. verbum *inseruiret* omissum post verba *qui, ut famae.* C. 53.
Mosellam atque facta pro Mosellam atque Ararim facta. A.
XIV, 26. lectio codd. Ma.B.C.G.H.O.Oa.R. *pars nipulique aut pars*
imputique omissis syllabis *ma* atque *emon* ex genuina scriptura
Pharasmani Polemonique originem duxit, quum praesertim verba
pars Armeniae paulo antecedant. C. 56. *libertas* pro *liberalitas.*
A. XV, 52. *operam* omissum post *daturis* in cod. Ma. et ed. Spir.
C. 64. verbum *imperat* desideratur in libris familiae Romanae post
vocc. *inhiberi mortem.* A. XVI, 30. extr. codex Ma. teste Vi-
ctorio participium *viduata* ante *desolataque* omittit. H. I, 65. init.
lectionem codd. Ma.G. et ed. Spir. *veterem inter Lugdunenses* (ed.
Spir. *Lugdunensem*) *discordiam* ex genuina scriptura v. *inter Lug-*
dunenses Viennensesque discordiam ita ortam puta, ut aequalem
exitum nominum *Lugdunenses* et *Viennenses* ob soni vel literarum
similitudinem librario archetypi vetusti fraudi fuisse statuas, ut *Lug-*
dunensesque scripserit. Tum ab illorum codicum librariis (de
ceteris enim libris Mstis altum silentium est) syllaba *que*, quae
ab hoc loco aliena esse videbatur, omissa, a Puteolano vero nomen
Viennenses bene additum est. Ex eodem mendo H. V, 11. varie-
tas lectionis codicum et editionum familiae Genuensis orta est. Ii
enim libri pro vulgata e cod. R. et ed. Spir. scriptura *turres . . .*
in centenos v icenosque (scil. *pedes*) *attollebantur* exhibent *tur-*
res . . . in centenos quoque attollebantur. Originem vitiosae
hujus lectionis indicat codex B., quippe qui *in centenosque* praebeat.
H. IV, 38. in lectione codd. Ma.B.R. et ed. Spir. *is provinciae nequa-*
quam turbidus ingenio, sed vulgus clausum li-
tus, retineri commeatus, dum timet, credebatur verbum vel sub-
stantivum aliquod, quod ad vocem *provinciae* attineat, desiderari
facile concesseris, sive cum libris scriptis et editis familiae Genuensis
praeerat ante voc. *provinciae* inseras, coll. A. XII, 11. *qui Syriae*

praerat, sive cum Jac. Gronovio ^{36a)} *is procons.* (i. e. *pro consule*) *provinciae* legendum censeas, coll. H. IV, 48. init. *sub idem tempus L. Piso pro consule interficitur.* Equidem Gronovii emendationem praetulerim et ob simile vocabulorum *procons.* et *provinciae* initium et quia, totius loci ratione et structura accurate considerata, substantivum magis, quam verbum aliquod ad voc. *provinciae* desideratur. Oppositio enim, quae est inter ambo enuntiationis membra per particulam *sed* connexa, non in Pisonis *proconsulatu*, *sed* in eo cernitur, quod, quamvis Piso rector provinciae nequaquam turbidus ingenio fuisset, vulgus tamen summam de eo suspicionem habuisse dicitur. Itaque praedicatum prioris membri in adjectivo *turbidus* quaerendum et ex more Taciti verbum substantivum *erat* intelligendum est. Verbum *praerat* ex conjectura in libros familiae Genuensis irrepsisse, inde etiam probabile sit, quod codex Agricolae, qui familiae Romanae est, idem verbum post *provinciae* transpositum praebet. Ceterum conjecturis de substantivo omisso amplum spatium est datum: ipse quondam suspicatus sum: *is rector provinciae nequaquam turbidus ingenio*, coll. A. II, 4. *rector Syriae Creticus Silanus.* A. XII, 40. init. *ne provincia sine re-tore foret.* — H. IV, 56. in verbis *optimum e praesentibus ratus mutua dissimulatione et iisdem, quibus petebatur, artibus grassari* codd. Ma.B.R. et ed. Spir. omittunt *artibus* ³⁷⁾.

36a) Ita scribi vult et Jacobus in Obs. ad Hist. critt. Partio. II. p. 24.

37) Jacobus l. l. II. p. 26. hanc familiae Romanae lectionem praefert, et quia facile eo nomine careamus, et quia *grassari* quodammodo ab *artibus* abhorreat. At solemnis est formula dicendi *artibus peti* (cf. e. c. Liv. 22, 16. *nec Hannibalem fefellit suis artibus peti*); et valde dubito, num librarius aliquis tam elegans verbum ex suo ingenio addiderit idque in illo ipso loco, quo nunc legitur, posuerit. Si quando inseruerit, potius sic scripsisse eum crediderim: *iisdem artibus, quibus petebatur, grassari.* Nec magis ab *artibus*, quam a *dissimulatione* et a *dolo* abhorret verbum *grassari.* Cf. Hist. IV, 16. init. *Civilis dolo grassandum ratus.* Universe dicas, Jacobi, viri cetera egregii, iudicium a veritate interdum abhorre-re, quippe quum codicibus Mediceis prae ceteris student indulgeatque. Quod quidem cum Walthero, Rothio, Bachio, doctissimis viris, ei est commune. Bachius potissimum codicum illorum amore ac studio

Quodsi haec vocabulorum in codd. Mediceis omissorum exempla respicio, nescio an cum Heldio Obs. in Tac. A. p. 4. A. I, 34. inter in-

adeo occaecatus fuit, ut lectionum manu scriptarum retinens non ita raro sermonem parum latinum Tacito obtuserit. Sic Ann. XIV, 57. scripturam cod. Ma. *nec ultra moras. Sulla sqq.* non modo defendere comatus est ellipsi verbi finiti fecit, sed in editionem ad usum scholarum paratam recepit. Sin considerasset vir doctissimus, literam *s* ex sequenti *Sulla* voci *mora* facillime adhaerere potuisse, quum praesertim particula *ultra* saepissime praepositionis vice fungatur, certo non dubitasset solemnem dicendi formulam *nec mora* vel *nec ultra mora* praeferre, quae Ovidii *Metamorphoses* legenti toties occurrit, quaque etiam Tacitus nonnunquam usus est. Cf. e. gr. Ovid. *Metam.* IV, 344. 481. VI, 636. VII, 416. IX, 166. XI, 325. XIV, 273. 362. *Fast.* II, 709. Tac. Ann. IV, 70. XIII, 45. H. I, 59. extr. II, 14. et 31. Curt. VII, 5. Nec locutio *moras facere* latina est. Latine vero dicitur *moras ferre* (v. Tac. Ann. XVI, 19. Hist. IV, 55. Ovid. *Met.* XI, 308.) *moras nectere* (v. Ann. XII, 14. Hist. III, 52.) *m. tentare* (v. Ann. XI, 35.). Leviores igitur vitio Doederlinus quidem ad accusativum *moras* intelligit tulit, collato loco Soph. Antig. 575. ed. Wund. *μη̃ τριβὰς ἔτι*, quaequo interpretes ibi attulerunt; sed tamen longe aliter in dialogo graecorum poetarum scenicarum res se habet, atque in oratione latini rerum scriptoris. An eum Walthero et Rupertio Ann. XI, 22. lectionem cod. Ma. et ed. Spir *post legem Sullae viginti creati supplendo senatus* revocare malles, quam vulgatam *post lege Sullae* sqq. retinere? Illa enim scriptura inde orta est, quod librarii particulam *post* pro praepositione accipiebant, quum tamen ordini rerum relatarum exponendo inserviat et praecedentibus particulis *primum, dein* et *mox* respondeat. Idem vitium Agric. 9. librarius archetypi vekusti, unde codd. Msti Vaticae, et edd. Puteolani fluxerunt, commisit, Doederlinus in notis ad vers. german. p. 52. et Fritzschi in Quaest. Lucian. p. 132. extr. defendere ausi sunt, Becker, Hertelius, Peerlkampius, Rothius, Bachius repetiverunt. Hi omnes enim scribunt *ubi officio satisfactum, nullam ultra potestatis personam, tristitiam et arrogantiam et avaritiam exuerat* pro vulgata scriptura ubi o. s., *nulla ultra potestatis persona: tristitiam exuerat*. Jam satis clarum est, et accusativos *tristitiam et arrogantiam et avaritiam* per loci confusionem traxisse formam *personam*, et in particula *ultra*, quae alibi quidem praepositionis vim habet, culpam esse positam, id quod jam Walther docuit. Ceterum conf., quae Walchius et nuperrime

bet et sic coniunctionem ubi inserendam censeam. Is enī postquam interpretationem verborum *sic melius audituros responsum* a Walthero excogitatam, a Bachio et Doederlino probatam merita laude affecit, ita pergit: »At Walther incuriosus fuit iuncturae singulorum enuntiatorum. Non liquet, a quo verbo infinitivus *praeferri* pendeat, insertis verbis *sic melius audituros responsum*. Tacitum hoc modo scripturum fuisse, ut quasi celerem actarum rerum consecutionem innueret, equidem dubitaverim.« Et sane verba illa orationis cursum turbant, etiamsi parentheses effici statuas. Contra omnia optime se habent, si legis: *Adsistentem concionem, quia permixta videbatur, discedere in manipulos jubet: ubi sic melius audituros responsum, vexilla praeferrī, ut id saltem discerneret cohortes. Tarde obtemperavere.* Ceterum coniunctio ubi post verbum *iubet* facile potuit absorberi.

Maiore etiam iure A. I, 69. corruptam codicis lectionem *nec adversus externos militum quaeri* ita emendare maluit Doederlinus, ut *studia* post *militum* insereret, quam vulgatam *militem* retinere. Quis enim est, quin cernat, ei sententiae, quam condicio ac ratio loci poscit, verba *militem quaeri* parum esse apta? Equidem tamen *studia* vocabulo *militum* ex trito verborum ordine postposuerim, collatis hisce locis: A. II, 5. *studia militum*; A. III, 12. *studia militum*; H. I, 23. *studia militum*; c. 64. *studia militum*; H. III, 80. *studia populi*; c. 86. *studia exercitus*. Neque enim duo illa verba tam arcto vinculo inter se coniuncta sunt, ut in unius notionis quasi corpus confusa sint, neque est quod vox *militum* cum praecipua vi efferatur, si quidem milites aliis quibusdam non opponuntur: immo si qua vis orationis alterutri voci inest, ea in studiis praecipue posita est. Sed mitto has minutias, ne cui syllabarum aucupium facere videar.

Dein huc referenda est palmaris Bezzenbergeri emendatio, qui l. l. p. 26. A. XI, 6. e scriptura cod. Ma. *negotiant* elicit

Dronkius in optima editione Agricolae secunda contra illos viros doctos disputavit. En luculentissima habes exempla, ex quibus intelligas, in genera vitiorum, quibus optimus quisque cod. Mstus foedatus sit, non sine aliqua spe fructus in scriptores inde redituri inquiri.

hanc conjecturam: *quodsi in nullius mercedem negotia flant; pau-*
ciora fore. E. codd. G.Oa. in marg. et edd. Spir. Put. *negotia*
tueantur vulgabatur ante Bekkerum, qui cum Bachio, Rittero; Ru-
 pertio conjecturam J. Fr. Gronovii *negotia eant* in textum recepit.

A. XII, 13. inter verba *sed capta in transitu urbs Ninus, vetu-*
stissima sedes Assyriae, castellum insigne fama, quod postremo inter
Darium et Alexandrum proelio Persarum illic opes conciderant, quae
 est lectio codd. Mstorum et vet. edd. praeter cod. A., nomen
 castelli excidisse videtur, quum alibi castellorum nomina multo minus
 nota et insignia addere soleat Tacitus. Cf. A. II, 7. extr. *castellum*
Alisonem. A. XII, 45. *castellum* Gorneas: *tutum loco et prae-*
sidio militum. A. XIV, 25. init. *praesidium* *Legerda*; ita enim
 ex. conjectura Bezenbergeri (Emendat. delect. p. 35.) pro lectione
 codd. Ma.B.C.G.H.O.Oa.R. et edit. Spir. *praesidium* *legerat* re-
 scribendum est. A. XV, 10. *castellum*, cui *Arsamesata* nomen
 est. Librarius codicis A, quem quidem conjecturarum ope Taciti
 libros emendasse nemo negaverit, ante vocem *castellum* idem, quod
 Lipsius coniecit, inseruit *et Arbela*; idque Ryckius, Ernestus,
 Oberlinus, Kiesslingius, Bekker in textum receperunt. Melius Ritter
 et Doederlinus lacunae signum voci *castellum* praeposuerunt. Equi-
 dem argumentis a Bipontinis et Walthero allatis evictus nomen
Gangamela excidisse puto idque post *castellum*, ut fere solet Ta-
 citus nominibus fluminum, urbium aliorumque locorum appellativa;
 quae accedunt, praepondere, nisi si appellativis cum adjectivo aut
 genitivo junctis pro appositione utitur. Conf. praeter exempla modo
 allata: A. I, 32. *in amnem Rhenum*; c. 60. *ad flumen Amisiam*;
 A. II, 7. extr. *castellum Alisonem*; c. 9. init. *flumen Visurgis*;
 c. 23. init. *per flumen Amisiam*; c. 56. *in urbe Artaxata*; c. 63.
inter flumina Marum et Cusum; A. III, 1. *apud oppidum Brundi-*
sium; A. IV, 13. *in insulam Amorgum*; A. VI, 33. *urbe Artaxata*;
 A. XI, 21. *in oppido Adrumeto*; A. XII, 12. *apud oppi-*
dum Edessam; c. 18. *amne Tigri* et *urbe Ninus*; c. 16. *urbem*
Uspen; c. 51. *urbem Artaxata*; A. XIII, 7. *per amnem Euphrat-*
em; c. 43. *in insulas Baleares*; A. XV, 5. *apud oppidum Nisi-*
bin; c. 15. init.: *flumini Arsaniae*; H. I, 13. *in provinciam Lu-*
sitaniam; H. V, 23. *amnem Rhenum*. Postpositi appellativi rara
 sunt exempla: cf. A. II, 6. extr. *Mosa flumine*; c. 8. *ad Amisiam*.

flumen. Rursum sicubi genitivus nominis proprii atque appellativi ab aliquo substantivo pendens legitur, nomen proprium appellativo a Tacito praeponitur: cf. H. IV, 66. *pontem Mosae fluminis*; c. 70. *pontem Navas fluminis*; H. V, 23. *Mosae fluminis os*; c. 26. *Nabalias fluminis pons*.

A. XII, 27. codd. Ma.B.G. exhibent *L. Pomponius legatus auxiliares Vangionas ac Nemetas addito equite alario monitos, ut anteirent populatores*. Puteolanus violentius et cum magna elegantiae damno vulgatam lectionem *monuit* pro *monitos* subdidit. Nuper Walther verbum *mittit* ante *addito*, Doederlinus *immittit* ante *monitos* excidisse suspicati sunt, coll. A. I, 63. *Arminius colligi suos et propinquare sileis monitos vertit repente*. Utramque emendationem partim probo, partim reprobo. Quamquam enim verbum finitum ante *monitos* inserendum censeo, verbum *mittit* praefero formae *immittit*, quia illud ab eadem, qua vox *monitos*, littera incipit simulque ad huius loci sententiam aequè bene convenit, utpote ex solemnī usu eodem sensu dictum, quo nostram „*abschneiden*“ sive „*entfenden*“. Rursum verbum finitum ante *monitos* inserere malim, quo compositioni enuntiati melius consulatur, et caveatur, ne obiter legens vocem *monitos* cum verbis *addito equite alario* conjungas. Eodem verborum ordine dicta sunt apud Tac. H. III, 20. extr: *simul liras calonesque cum recentissimis equitum Bedriacum mittit copias ceteraque usui adlaturos*. Cf. Liv. XXXI, 35. init.: *Rex vero tam celerem aleam universi certaminis timens quadringentos Tralles et Cretenses trecentos, addito iis peditibus pari numero equitum, cum duce Athenagora, uno ex purpuratis, ad lacessendos hostium equites misit*.

A. XII, 46. extr. cod. Ma. exhibet *ut pacem flagitarent aequè praesidium ammis minitarentur* pro vulgata codd. Mstorum familiae Genuensis et cod. B. a sec. m. lectione *seque praesidio abituros minitarentur*, quae emendationis speciem praefert, praesertim quum cod. R. et ed. Spir. exhibeant *seque praesidium quominus* (i. e. *quominus*) *minitarentur*, cod. A. *praesidium tradituros*, et cod. B. a pr. m. *praesidii ammis* praebuisse videatur. Quae lectionis varietas archetypi vetusti scripturam mancam atque corruptam fuisse indicat. Ita Freinshemium e vestigiis codicum genuinam scripturam *praesidium omisuros* feliciter elicuisse

cum Doederlino arbitrator. Solita enim verborum *omittere* et *amittere* confusione ⁸⁸⁾ in archetypo pro *omissuros* scriptum fuisse

- 38) Sic A. XV, 5. extr. cod. C. et ed. Spir. exhibent *Monesen amittere Tigranocertam jubet* pro vulg. *omittere*. Cap. 6. init. in ed. Spir. extat *amisso utrimque bello* pro *omisso*. Agr. 16. *nec ullum in barbaris saevitiae genus amisit ira et victoria* in edd. vett. scribitur pro vulg. *omisit*. Dial. de Oratt. 5. codd. Neapoh. Perizon. *amitti studium*, edd. vett. et multae recentt. *amittit studium* praebent pro emendatione Rhenani a plerisque editoribus recentiorum temporum probata *omittit studium*. Proinde A. XIII, 46. cum Doederlino et Graevio probo lectionem cod. A. *Poppaea . . . si ultra unam alteramque noctem attineretur, nuptiam esse se dictitans, nec posse matrimonium omittere, devinctam Othoni per genus vitae, quod nemo adaequaret*. Vulgatur quidem *amittere*; at *amitti* sibi posse matrimonium nequivit Poppaea negare. Nam si per Othonis mortem vidua facta foret aut ultra unam alteramque noctem in aliena domo retenta, itaque trinocitii ex jure Neroni nupta foret, eam matrimonium Othonis amissuram fuisse, quis est, quin intelligat? Verum *omittere* se posse matrimonium jure negavit Poppaea, quippe quae Othoni viro summe colendo ac reverendo devincta esset. Amittimus enim casu, fortuna, inertia et sine nostra opera, omittimus consulto et data opera. *Omittere* idem fere significat, quod *desistere*, *deserere*, *deponere*, nisi quod neglectionis quaedam notio immixta est. Respondet autem, ni fallor, graeco verbo *ἀφέναι*, germanico *aufgeben* vel *fahren lassen* vel *verzichten*. Minus placet haud absimilis interpretatio a Doederlino ad h. l. et Synon. Tom. III. p. 285. proposita, ex qua volentes *omittere*, inviti *amittere* dicantur. Quippe non in volendo aut nolendo, sed in agendo aut patiendo discrimen illorum verborum consistere videtur. Nam Ann. XV, 5. init. a Vologese Corbulo efflagitat, ut Tigranocertae obsidionem *omitteret*. Atqui homines non solent poscere, ut hostis sponte et volens aliquid faciat. Certe noluit Vologeses *desistere* obsidione, sed minis Corbulonis percussus est, ut Monesen Tigranocertam *omittere* jubaret, ipse retro concederet. Ipse igitur Vologeses agendo rem ita instituit, ut urbis obsidio desineret. Haec interpretationi favent etiam exempla, quae Doederlinus attulit in subtili ceteroquin. quaestione Synon. Tom. III. p. 284 — 293. Igitur Ann. XIV, 26. cum Acidalio et Doederlino lectionem cod. A. *Tiridaten . . . spem belli omittere subegit* vulgatae *amittere* praeferam, idque ob verbum *subegit*. Sane amisit quidem Tiridates spem belli, sed eo amisit, quod a Corbulone spem *omittere* subactus est. Similiter germanice diceret „Corbulo zwang den Tiridates die Aussicht auf

videtur *amis*, syllabis finalibus *suos* omissis. Verbum *omittere* hac de re proprium a Tacito frequens usurpatur. Cf. A. I, 36. *si omitteretur ripa*; c. 47. *omittere caput rerum*; c. 56. *reliqui omissis pagis vicisque in silvas disperguntur*; A. IV, 48. *mox versi in luxum et raptis opulenti omittere stationes*; c. 51. *ut quaedam munimenta Romani quasi perrupta omiserint*. A. XV, 5. extr. *Monesen omittere Tigranocertam jubet*. H. II, 65. *omissa Hispania*. H. III, 11. *omissis licitoribus Patavium concessit*.

A. XVI, 22. cod. Ma. exhibet *huic uni incolumitas tua sine artes sine honore*. Recentiores editores ex conjectura J. Fr. Gronovii prius *sine* mutarunt in *tuae*, sed quum *incolumitas* non bene dicatur *sine honore* esse, cum Lipsio ac Doederlino suspicor cura

den Krieg aufzugeben" non „zu verlieren". Cf. Ann. XI, 8. extr. *coactusque Vardanes omittere Seleuciam*. A. XII, 50. *atrox hiems . . . et . . . tabes percellunt Vologesen omittere praesentia*. Ceterum trita fere locutio *spem omittere*: cf. v. c. H. IV, 30. *omissa oppugnandi spe*. Porro Hist. II, 40. ex scriptura omnium fere codicum et edd. vet. *Celso et Paullino abruentibus militem itinere fessum, sarcinis gravem obicere hosti non amissuro, quominus expeditus et vix quattuor millia passuum progressus aut incompósitos in agmine aut dispersos et vullum molientes aggrediretur* cum Rupertio et viro docto, qui variam lectionem in margine ed. Micyll. 1557. attulit, malim conjicere *hosti non amissuro*, quam vulgatam ex cod. B. lectionem *admissuro* quoquo modo tueri. Cf. Ann. III, 27. *ac ne bello quidem . . . omissum, quin multa et diversa sciscerentur*. Ceterum conjunctio *quominus* pendet a locutione *non amissuro* eodem jure, quo scribitur Ann. XIII, 14. et Suet. de ill. gramm. c. 27. *non abstinere quominus*, Ann. XIV, 39. *non deesse quominus*, Agric. c. 27. *nihil remittere quominus*; quos locos Hassius in nota 490. ad Reisigii Scholl. Gramm. Lat. p. 572. attulit. Denique Vell. II, 39, 1. in ed. pr. et apogr. Amerb. *amisimus* pro *omissimus* scriptum, et apud Livium multis locis codd. Msti inter verba *amittere* et *omittere* fluctuant; conf. Drakenb. ad VII, 34, 9. Eadem confusio reperitur Sall. Jug. 31, 17. 25., ubi vid. Kritzii et Dietschii annotatt. Item *amittere* et *emittere* saepius confundi docuit Burmannus ad Phaedr. I, 13, id quod inter alios locos in Corn. Nep. vita Epaminondae cap. 9, 3. factum est: vid. ed. Bardil. Vol. I. p. 495.

inter voces *sine* et artes excidiasse. Cf. Agric. 43. init. *finis vitae . . . extraneis . . . non sine cura fuit*. A. XI, 8. *minora sine cura haberi*. H. I, 79. init. *externa sine cura habebantur*. A. XIV, 12. *quae sine cura deum eveniebant*. Videtur, ut elegantissimum ἀντίθετον emendatione Lipsii orationi reddatur? Sin eiusmodi vocabulum inserere malis, quod eandem ac praepositio *sine* terminationem praebeat, eoque facilius excidere potuerit, scribere licet *sine sollicitudine*. Sensus idem fere est, ac si legitur *sine cura*, sed haec locutio est sollemnis ideoque praestat. Ceterum iam in vetusto archetypo scripturam codicis *Ma* extitisse, probatur lectione reliquorum librorum scriptorum editorumque *sine arte sine honore*; in quibus *sine arte* pro *sine artes* ad similitudinem locutionis *sine honore* scriptum est.

De decimo vitiorum genere.

Sequuntur iam fortuitae syllabarum et vocabulorum repetitionis, quae dittographia vocatur, exempla, quae plurima et evidentissima in codicibus Mediceis reperiri primus, quod sciam, docuit Doederlinus in Praef. p. XIV. sq., simul varias eius vitii causas plus minusve probabiles coniectans. Vocabula modo continuo aut uno alterove verbo interposito, modo spatio singulorum versuum, quin et longiore interjecto repetuntur. Et prioris quidem speciei haec sunt exempla ³⁹).

A. I, 80. *sibi [sibi] a pessimis*. A. III, 11. *Satin cohiberet ac premeret sensus suos Tiberius [ac premeret]*.

39) Similiter apud Martial. I, 97, 1. codex Vossianus a Schneidewino litera B. signatus *clam amant* praebet pro *clamant*; ibid. II, 85, 1. cod. Thuanus optimus *nivaeae* exhibet pro *niveae*, et VII, 96, 8. codd. Msti a Schneidewino literis X.A.B.G. notati genuinam scripturam *non eat*, *optabis quem superesse tibi* mutarant in *nonne adopta tavis* sqq. aut in *nonne adoptat avis* sqq. Vocabula passim in palimpsesto Ciceronis de republica libro repetita esse annotavit Maius ad II, 39. p. 206. ed. Tubing. Item librario Cassellani codicis Servii saepius accidisse, ut modo syllabas modo vocabula repeteret, assiduo usu edoctus sum. Eiusdem vitii exempla e vett. Velleii libris collegit Kritzius Prolegg. p. CXII. sq.

C. 63. lectio codicis *Stratonici divae Veneri* orta esse videtur ex *stratonici

e

 veneri* repetita syllaba *ve*. Bene igitur correxit Rhenanus *Stratonici

i

 Veneri*, ut hodie vulgatur. Neque est, quod cum Bezenbergero Obs. Tacit. p. 17. nomen *Veneris* speciem quandam interpretamenti habere opineris, aut cum eodem viro docto et Doederlino suspiceris *Stratonici

i

 divae Veneri*. Neque enim Doederlino crediderim, significasse Apollinem *Venerem*, non nominasse, ipsum autem nomen sive a legato Smyrnaeorum sive a Consule referente sive a Tacito adjunctum fuisse. Obscurioribus certe ambagibus *Pythiam* usuram fuisse facile intellexeris, si *Venerem* significare, non nominare voluisset. Accedit, quod in decreto Smyrnaeorum e Marmor. Oxon. p. 6. a Doederlino ipso allato Seleucus Callimicus dicitur declarasse, τὸ ἱερὸν τῆς Ἀρκατονίχιδος Ἀφροδίτης ἄσυλον εἶναι. Aliter res se habet Virg. Aen. II, 787. in oratione umbrae Creusae: *Dardanis et divae Veneris nurus*; ibi enim *Venus* cum emphasi dicitur *diva*. At in Taciti narratione nullas emphasi est locus. — A. IV, 14. cod. exhibet *vetustustum* pro *vetustum*; c. 38. *proinde socios cives et deos* [et *deos*] *precor*; A. VI, 12. *Erythrytrys* pro *Erythris*. A. XI, 6. *spectetetur* pro *spectetur* et A. XIII, 41. *de deis* pro *deis* in cod. Ma. scriptum est. A. XVI, 15 *ingenti corporis robore* [*corporis*] in eodem codice legitur. H. I, 2. *motu* [etiam] *prope etiam Parthorum arma*; c. 3. extr. *tristitia* pro *tristia*; c. 4. *sed patres laetius usurpata statim libertate* pro *sed patres laeti usurpata* s. l. C. 16. *utilissimus* [*bonarum*] *idem ac brevissimus bonarum ac malorum rerum delectus*. C. 46. *Otho, ne vulgi . . . animos averteret et fiscum suum vacationes annuas exsolviturum promisit* pro *Otho . . . averteret, fiscum* sqq.; c. 51 *ad dedecus* pro *ad decus*; c. 54. *modo in suas injurias* pro *modo suas injurias*; c. 67. init. *plus praedae ac sanguinis* [*prae*] *Caecina hausit*. H. II, 22. *infracta partium fama: et Caecina* [*fama*] *pudore* sqq.; c. 76. *aut* [*non*] *certe non arduum*, et paulo post *tam salutare reipublicae* [*tam*] *quam tibi magnificum*. H. III, 47. init. *is fuit Anicetus Polemonis libertus praepotens* [*libertus*] *olim*; c. 51. *majora meritum, quamquam statim exsolverentur* pro *m. m. quam quae st. e.* H. IV, 58. *ne* [*ho*] *hoc prodigium*; c. 77. *pare montibus*,

alii [alii] viam inter Mosellamque. H. V, 9. *comprimere re-*
ceptantem pro comprimere coeptantem; c. 15. *cominus minus*
pro cominus.

Ad alterum vitii huius speciem referenda sunt haec exempla:
A. XII, 46. *nec aliud subsidii quam castellum commensatu ego-*
num; ne dubitaret armis [quam] incruentas condiciones malle.
Prava repetitio particulae *quam* ex librarii ignorantia formulae
incruentas condiciones armis malle facile oriebatur, quam corru-
ptelae originem Walther recte animadvertisse mihi videtur. A. XIII,
5. *ne designatis [quidem] quaestoribus edendi gladiatores ne-*
cessitas esset: quod quidem adversante Agrippina sqq. C. 16.
quod ita cumotos ejus artus pervasit, ut vox pariter et spiritus
[ejus] raperentur. A. XV, 66. *init. ceterum militaria quoque*
conspiratio non ultra fefellit accensis [quoque] indicibus. H. I,
31. *init. cetera cohorti non aspernata concionantem ut turbidis*
rebus eventior te magis et non nullo adhuc consilio sqq. praebet cod.
Ma. pro vulgata scriptura *c. c. n. a. c.*, ut *turbidis rebus evenit,*
forte magis et nullo adhuc consilio sqq. H. II, 92. *init. cod.*
Ma. pro *a praefectura cohortis* exhibet *ad praefectura cohortis,*
quam c. 91. extr. proxime antecedit *ad exemplar.*

Ita interdum factum est, id quod Doederlinus l. l. subtiliter
docuit, ut eiusmodi dittographia aliud vocabulum idque verum de-
truderetur ^{39a}). Sic A. XV, 53. *aut inane aut spem* pro *aut*
inanem at (i. e. *ad*) *spem* exhibet cod. Ma. C. 62. extr. *neque*
aliud superesse quam matrem fratremque interfectos; quam ut
educatoris necem adjiceret pro *n. a. superesse post ma-*
trēm sqq. scripsit librarius prave memor locutionis *neque aliud*
quam. H. I, 37. *occisi Nymphidii in castris? Quae*
usquam provincia, quae in castris sunt nisi cruenta? pro *quae*
castra sunt nisi cruenta? H. II, 76. *splendiori origine* pro
splendidior origine. H. III, 51. *majora meritum, quamquam*
statim exsolberentur pro *m. m. quam quae sqq.* H. V, 21. *versa*

39a) Proinde locum Marii Victorini p. 2462. *deus est, inquam, ut*
rens, et facis genitive casu dei, ut rei; nominativo igitur plurali
hi dei, ut rei ita emendaverim, ut rescribam *n. i. p. hi dei, ut*
hi rei.

fortuna praecipites Germani in amnem aguntur idem Germani effugium pro idem Veracis effugium. C. 22. cod. Ma. exhibet namque praetoriam navem vexillo insignem, illic ducem rati, abripiunt. Cerialis alibi nave egerat sqq., codd. G. et — teste J. Gronovio ⁴⁰⁾ — *O. Cerialis alia navi noctem egerat* sqq. In cod. Vat. 1958. secunda manus adscripsit *alia navi navem*. Vulgatam autem scripturam *Cerialis alibi noctem egerat* tuentur codd. Vat. 1863. et (a pr. m.) 1958. cum edd. vett. Ex mira hac lectionis varietate equidem collegerim, librarium vetusti archetypi, quum oculi ad praecedentis versus vocem *navem* aberrassent, scripsisse *alibi navem egerat*, postea vero, quam codex Ma. ex archetypo illo descriptus esset, lectorem vel librarium quendam sententiae auctoris gnarum, et qui verba aperte corrupta corrigere vellet, aut in margine archetypi aut supra lineam *alia navi* et *noctem* adscripsisse, quo significaret, aut *alia navi egerat* aut *alibi noctem egerat* rescribendum esse. Haec correctoris sententiam assecuti sunt et librarii codd. G.O. et ii, quorum codices vulgatam lectionem praebent, quamquam alii aliam emendationem in textum receperunt. Ejus autem codicis librarius, ex quo secunda manus in cod. Vat. 1958. conspicua sua hausit, vocabulo *navem* male retento *alia navi* pro *alibi* scripserat. Librarius codicis Ma., quippe qui Taciti libros ex archetypo nondum emendato describeret, pristinam lectionem *alibi navem egerat* servavit, nisi quod *nave* scripsit, sive in archetypo *navē* scriptum invenerat, sive ablativum loci, non accusativum objecti requiri putabat, sive utraque causa ad mutationem adducebatur. Ita turbarum, ut sic dixerim, membranacearum origo non jam obscura, nec opus est Rupertii emendatione *alia nave egerat*. Vulgata enim lectio

40) Jac. Gronovius Tom. II. p. 568. edit. a. 1721, ubi excerptam e cod. O. varietatem lectionis prodidit, haec quidem scripsit: *alia navi*] *MS. alibi*; sed quum ceteroqui lectioni codicis vulgatae pro lem-mate praeponat et *alibi*, non *alia navi* vulgo legatur, dein ex nullo codice *alia navi* vel *alia* quae lectio illo tempore prodita sit, postremo codex G., qui ejusdem est familiae, *alia navi* exhibeat, his ex causis certo colliges, Jac. Gronovium e contrario scribere voluisse: *alibi*] *MS. alia navi*.

vera est. Cf. simillimum locum H. IV, 77. *neque enim noctem in castris egerat*. Ceterum non est, quod exempla locutionis *noctem agere* e Tacito colligam, qualia leguntur praeter locum modo allatum A. XI, 27. et H. II, 49 ⁴¹).

Quae quum ita sint, Doederlinus hujus vitii in codd. Mediceis frequentis observatione natus duos hosce locos egregie emendavisse mihi videtur. A. XIV, 38. extr. codd. Mti et ed. Spir. exhibent *cujus* (i. e. *Suetonii*) *adversa pravitati ipsius, prospera ad fortunam* (cod. R. ed. Spir. *fortuna*) *ipsius referebat*. Vulgata lectio *ad fortunam rei publicae referebat* e sola mente Puteolani, cui quidem iteratum pronomen *ipsius* jure displicebat, profecta esse videtur. Scripturam codicum jam in vetusto archetypo extitisse verisimillimum est, idque eius librario fraudi fuisse suspicor, quod homo ingenii imbecilli genitivum desiderabat, qui, sicut *ipsius* cum voce *pravitati* junctum erat, ita ad *fortunam* referretur. Ob eandem socordiam loco A. XIII, 16. supra allato genitivus ejus prave repetitus est in codicibus praeter R. omnibus. Et alibi quidem is nominatur, cui fortuna favet; cf. A. IV, 18. *destrui per hanc fortunam suam Caesar . . . rebatur*; A. XIV, 6. *benignitate deum et fortuna ejus* (scil. *Caesaris*) *evasisse gravem casum*. H. III, 46. *fortuna populi Romani*. H. IV, 57. *fortuna imperii*. At nullo additamento opus est; fortuna absolute dicitur, sicut A. XV, 17. *optimam fortunam orandam*. A. XVI, 1. init. *illumi dehinc Neroni fortuna*. H. I, 52. *venienti fortunae occurreret*. H. II, 33. *fortunam et deos et numen Othonis adesse consiliis*. H. IV, 78. extr. *secutusque fortunam*

41) Jacobus in Obs. ad Tac. Hist. critt. II. p. 29. corrigit *Cerialis alibi ignave egerat*. At tale flagitium, quale vigiles in Cerialem seu vere seu falso vertunt, ignaviae nomine insignire equidem dubitaverim, infamiae nil dubito. Sed ut ejusmodi flagitium ignaviae notam prae se ferat: num putas Tacitum, certissimum ac diligentissimum auctorem, Cerialem ignaviae aperte arguisse, quia plerique stupram ab eo commissum crediderint, et vigiles flagitium suum ducis dedecore excusaverint? Sane infamiam quidem in ore vulgi is non vitat, cui tale dedecus vulgo adscribitur, sed ignavus is nequit dici, quem noctem in alia navi egisse tantum constat.

castra hostium eodem die capit excinditque. Ceterum jam Ernestius pronomen *ipsius* temere repetitum esse putavit. Sin simile aliquod vocabulum, et quod pronomine *ipsius* detrusum sit, ex hac ipsa voce eliciendum censeas ⁴²), Jac. Gronovium sequere, qui *imperii* proposuit. Et sane in codd. Mstis scribitur pronomen *ipse* per hoc compendium *ipe*; cf. Waltheri Praefat. p. XX. et auctores operis diplomatici, quod inscribitur *Nouveau traité de Diplomatique* Tom. III. p. 540. not. Tum in vetustissimo exemplari pro *i Pu* i. e. *imperii* transversa linea neglecta *ipu* scriptum fuisse verisimile est. Gronovii conjectura firmatur verbis Taciti, quae H. IV, 57. leguntur, *superesse fidas provincias, victores exercitus, fortunam imperii et ultores deos*, et edicto Nervae in Plin. Epp. X, 66, ubi dicitur §. 9. *fortuna imperii*. Caveas autem, ne audacior Bezzenbergeri conjectura specie ingeniosi inventi tibi imponat. Is enim in Emendatt. delectu p. 36. proposuit: *ad fortunam reipublicae sinistre referebat*, ita ut pronominis *ipsius* literas primas duas ex compendio *r. p.* ortas esse, vocis *sinistre* syllabam primam et secundam in postremis literis pronominis latere, postremam syllabam primae verbi *referebat* cessisse dixerit. Sed ea emendatio mihi quidem videtur nimis recedere a verbis oodicum *ipsius referebat*, a quibus *i Pu sinistre* i. e. *imperii sinistre* certe minus abest, ne dicam adverbium *sinistre* languescere et vim orationis impedire, utpote additamentum supervacaneum et concisi sermonis gravitati atque elegantiae adversum. Tactus autem orator verbis aptus et pressus et strictus. Nemo vero non intelligit, Classicianum adversa in pravitatem, secunda in casum declinando res a Suetonio gestas non in ipsius gratiam, sed sinistris sermonibus rettulisse i. e. inique ac maligne in deterius interpretatum esse.

42) Jacobus in Obs. ad Tac. Hist. Part. I. p. 21. *ipsius* natum esse arbitrat ex compendio vocabuli *imperatoris*; quod tamen a ductibus literarum pronominis *ipsius* nimis recedere mihi videtur. Minus displicet eiusdem conjectura *principis*; quippe, gloriosa principis commemoratio in adulationem temporum et in morem hominis maligni cadit. Cf. locum ex Ann. XIV, 6. supra allatum. Ceterum vocem *principis* per compendium syllabae *pi* scriptam et, syllaba *pi* omissa, in *pncis* olim corruptam fuisse putabis.

Alterum locum foede in libris Mstis, foedius etiam in editis corruptum A. XV, 28. egregie Doederlinus ita sanavit, ut praepositionem *cum* ante *barbaris*, quae propter similitudinem locutionis antecedentis *cum Paeto* irrepserat, ejiceret et lectionem codicis Ma. *Corbulo non vitatus restitueret*, nisi quod *Corbulo* in *Corbuloni* e cod. Agr. mutavit: de quo Medicei codicis vitio supra retuli, ubi de secundo vitiorum genere exposui.

A. XIII, 55. extr. pro vulgata e cod. G. et edd. Put. lectione *solem deinde* (inde edd. Spir. Put., idem cod. G.) *respicens et cetera sidera vocans* codd. Ma.A.B. ad Spir exhibent *despiciens*. Jam vero quum *susplicere* de coelo ac sideribus proprie dicatur, cum Heinsio, Hillero, Doederlino suspicor *suspiciens*; idque verbum facile in scripturam *despiciens* abire potuit, postquam in archetypo scriptum fuit *deinde despiciens*, repetita syllaba *de* et syllaba *us* solitum per compendium scripta. Quas turbas neglectio hujus compendii in Taciti libris excitaverit, infra videbis, ubi de tertio decimo vitiorum genere disseram. Ceterum etiam verbum *respicens* haud ineptum est; cf. Plin. Paneg. 30, 3.

De undecimo vitiorum genere.

Saepius in codd. Mediceis singulae syllabae nltro additae sunt; ejus vitii praecipua est causa, quod librarii sententia non intellecta verba scriptoris paulum corrupta emendare studuerunt ^{42a}). Interdum tamen nulla manifesta causa monstra verborum ex additis syllabis nata sunt.

Sic lectiones *conditionabundus* Ann. I, 17. et *contentione* Ann. I, 26. et 29. ex archetypi scriptura *contione* et *contionabundus* ortae sunt, praesertim quum Beroaldus, teste Walthero ad I, 17. init., eam scribendi rationem semper fere servaverit, ut Ann. IV, 40.; V, 4. extr. Sane illae corruptelae in cod. M. non legerentur, nisi in archetypo *contio* scriptum fuisset. Etiam Hist. II, 79. lectio codicum *non parata cognitione* ex archetypi

42a) Huiusmodi corruptelas in graecis scriptoribus repertas tractavit Sauppins in Epist. crit. §. 11. Neque exempla e vet. Velleii libris a Kritzio Prolegg. p. CIV. collecta huc non pertinent.

scriptura *n. p. contione* vel potius *n. p. ctione* orta esse videtur, quum A. XI, 1. cod. Ma. praebeat *contionem*. A. I, 53. cod. exhibet *imperarem* pro *imparem*; c. 61. *deformides* pro *deformis*; II, 2. extr. *majoribus* pro *moribus*; c. 23. init. *aegestate* pro *aestate*; III, 20. *excincedere* pro *excindere*; c. 26. init. *coërcitationibus* pro *coërcitionibus*; c. 38. *Coelaetae* pro *Coeletae*; c. 76. *operibus* pro *opibus*; IV, 27. *feroricia* pro *ferocia*; c. 74. *pro patibulo* pro *propatulo*; VI, 7. *tractatique* pro *tractique*; c. 28. *aliter esse soside* pro *alites Sesoside*; c. 35. *equites tres* pro *ëquestres*. A. XII, 1. cod. Ma. exhibet *conjugum imperatoris* pro *c. imperiis*; c. 43. *subvenientum* pro *subventum*; A. XIV, 2. *dominationis* pro *dominationis*; A. XV, 4. *inheserantque* pro *inerantque*. C. 56. *Quintilienus* et c. 57. *Quintilianus* pro *Quintianus*, quam lectionem c. 49. omnes codices servarunt et c. 70. cod. Ma. exhibere videtur. C. 64. scriptura cod. Ma. et ed. Spir. *fama societatem cum marito mortis*, quam Doederlino placere miror, videtur orta esse ex archetypi lectione *famā sociate cum m. m. sqq.* pro vulgata *famam sociatae cum m. m.* H. I, 8. lectio codd. Ma.G. ed. Spir. *recenti domino* (*dño G.*) *Romanae civitatis*, a Bachio temere recepta, originem duxit aut ex archetypi scriptura *dño i. e. dono*, quam illi librarii cum compendio *dño i. e. domino* confuderunt, aut ex syllaba *mi* voci *dono* temere inserta. Ceterum conf. quae Heinischius in Programm. Gymnas. Glatz. a. 1840. p. 10 sq. contra Bachium disputavit pro vulgata *dono*. — H. II, 16. cod. Ma. habet *juravere* pro *juvare*; c. 65. *exhortationibus* pro *ex orationibus*; c. 76. init. *coronam* pro *coram*; c. 81. *exercitus* pro *excitus*; H. III, 27. *concitisque* pro *contisque*; H. V, 8. *per saxas* vel *per satas* pro *Persas*.

Jure igitur mirabere, quod egregia Ernestii emendatio, qua A. XIV, 17. genuina scriptura Tacito redditur, nemini adhuc placuit. Ibi enim pro vulgata ex cod. G. et ed. Beroaldi lectione *sub idem tempus levi contentione atrox caedes orta* codex Ma. *incentio* vel *intentio*, cod. R. et ed. Spir. *intentio* exhibent. Et contentio quidem ab hoc loco aliena est. Neque enim quisquam elegantis sermonis gnarus eos, inter quos atrox caedes orta sit, contentione, ne dicam levi contentione, id fecisse dixerit; et quae sequuntur, docent non levi, sed acerrimo certamine inter colonos

Nucerinos Pompejanosque atrocem illam caedem factam esse. Verum quum primo per oppidanam lasciviam invicem lacerarent et cavillarentur, probra etiam ingererent, dein saxa jacerent, postremo ferro certarent; nonne bene dicitur *levi initio* atrocem caedem ortam esse? Ea enim est Ernestii emendatio. Et alibi quoque hac locutione utitur Tacitus. Cf. locos huic simillimos: H. I, 80. *init. parvo interim initio, unde nihil timebatur, orta seditio prope urbi excidio fuit.* H. II, 68. *init. apud victores orta seditio mediocri initio.* Nec absimilis est horum locorum ratio: H. IV, 50. *discordiae raptu frugum et pecorum inter agrestes modicis principis jam per arma atque acies exercabantur.* Liv. XXXIV, 1, 1. *inter bellorum magnorum aut viadum finitorum aut imminentium curas intercessit res parva dicta, sed quae studiis in magnum certamen excesserit.* Tac. A. IV, 32. extr. *non tamen sine usu fuerit introspicere illa primo aspectu levia, ex quibus magnarum saepe rerum motus oriuntur.* Litera i omissa — de quo mendo videas, quae de septimo vitiorum genere diximus — in archetypo scriptum erat *levi initio*. Itaque emendator aliquis syllabas *ten* et *ne* superscripsit, quo *intentione* legeretur. Alii librarii hanc sententiam assecuti descripserunt *intentione*, ut exhibent edd. Put., alii neglecta syllaba *ne* aut *intentione* aut ex crebra literarum *c* et *t* confusione *incendio* exaraverunt, quidam rursus ex suo ingenio *contentione* emendarunt. Ceterum: Bachii emendatio *incendio* etiam Doederlino probata mihi quidem valde displicet. Nam ii ipsi loci, quos ad firmandam illam conjecturam attulerunt, nec clarius ostendunt, tale incendium non posse dici *leve*: quippe notio ejus adjectivi significationi vocis *incendium* non modo non convenit, sed prorsus repugnat. Sanè incendium quidem per translationem tum de animis commotis tum de turbidis rebus dicitur; neque tamen levem quandam motum, sed vehementissimam concitationem aut saevissimas turbas significat. Cf. Cic. de Orat. II, 47. *incendium non oratione solum, sed multo etiam magis vi et dolore concitatas.* Orat. 8, 27. *facile est enim verbum aliquod ardens (ut ita dicam) notare idque restinctis jam animorum incendiis irridere.* Catil. I, 11, 29. *invidiae incendio conflagrara.* Virg. Aen. I, 566. *tantum incendia belli.* Pseudocio. Declam. in Sall. *qui tantum intestinum bellum*

et domesticum urbis incendium extingui. Vell. Pat. II, 125. *incendium militaris tumultus.* Quintil. Declam. 12. *incendium annonae.*

H. III, 77. init. varietate lectionis eo adducor, ut archetypum vetustum pro genuina scriptura *pollicitusque, si praesidium acciperet, vacuam arcem traditurum*, quam Bekker, Ritter, Rupertius e conjectura restituerunt, *tradi furum* exhibuisse statuam, non ita rara literarum *t* et *f* confusione, de qua mox sub dodecimo vitiorum genere referam. Nam librarii, quum vocem *furum* ab hujus loci condicione alienam esse sentirent, alii alia emendatione verum inde elicere studuerunt. Itaque in codd. Ma.A.B.Oa. (in marg.) ed. Spir. addita syllaba *tu* scriptum est *tradi futurum*, contra in libris familiae Genuensis G.H.O.Oa. (a pr. m.) edd. Put. sqq. ad Bipontinos et novissime in Kiesslingii editione *furtim traditurum* legitur. Hi enim genitivum plur. vocis *fur* in adverbium *furtim* mutarunt idque transposuerunt. Quae tamen lectio ob transpositionem verborum, et quia deteriorum illorum codicum nulla fere est auctoritas, speciem emendationis a sciolo librario tentatae prae se fert. Et ea est loci condicio, ut per se constet, a servo arcem non palam aut tradi potuisse aut traditam esse. Neque id, quod H. IV, 56. verbum *pollicitus* reperitur et postea in fine ejus capituli adverbium *furtim* occurrit, quidquam conferre potest ad firmandam lectionem *pollicitus . . . furtim traditurum*; quamquam Kiesslingius argumentum inde potuisse sibi videtur. Nullo modo enim illud *furtim* cum Labeonis promissis cohaeret, et eodem jure aliquodpiam vocabulum ex illo loco huc transferre potes. Ac ne eadem quidem vis in adverbio *furtim* utroque loco inesset; quippe Tacitus idem in Germania factum esse memorat, quod Livius XXIX, 6. apud Bruttios: *latrociniiis*, inquit, *magis quam justo bello in Brutiis gerebantur res.* Idem Tacitus l. l. hisce verbis significat: *et furtim magis, quam bello Canninofates Marsacosque incurabat.* Ceterum usus infinitivi fut. act. *traditurum* et ellipsis pronominis *se* et verbi substantivi *esse* loco a Kiesslingio allato firmarentur, si modo exemplis ejus structurae opus esset. Ibi enim haec leguntur: *pollicitusque, si praesidium daretur, iturum in Batavos et potiore civitatis partem ad societatem Romanam retracturum.* Rursus altera lectio

tradi futurum, quam Bipontini, Oberlinus, Walther, Bachius revocarunt, latini sermonis legibus adversatur. Walther quidem ita conjungi jubet: *pollicitus futurum* (scil. *esse*) *vacuam arcem tradi*; quod putat dictum pro *futurum ut vacua arx traderetur*. Sane mira in ponendo infinitivo licentia, ut ipse Walther fatetur; qua quidem Tacitum usum fuisse mihi non persuasit. Quis enim est, qui *futurum esse aliquid tradi* dixerit pro *futurum 'esse s. fore, ut aliquid tradatur* sive pro *aliquid traditum fore s. iri*? Cf. Ramshorn. Gr. Lat. §. 168. n. 5. p. 630. sq.

H. V, 26. idem vitium additae insuper syllabae in vulgata e cod. G. et edd. Puteol. ⁴³⁾ lectione reprehenderim. Ibi enim hodie scribitur *hoc Primo Antonio notum, cujus epistolis ad bellum accitus sum* pro scriptura cod. Ma. *actus*, quam Ritter et Rupertius bene recepisse mihi videntur. Civilis enim utpote rebellionem excusaturus melius ea in re procedit praetendendo, se ad bellum actum esse, quam si accitum tantum se esse dicit. De locutione *ad bellum agi* cf. A. XIV, 32. extr. *provinciam avaritia in bellum egerat*. H. I, 62. *exercitum in bellum agebat*. H. III, 53. *se Pannonicas legiones in arma egisse*. H. I, 11. *in odium agi*. H. II, 38. extr. *illos eadem scelerum causae in discordiam egere*. H. III, 33. *in perniciem agi*.

De duodecimo vitiorum genere.

Hoc genus varias literarum commutationes complectitur, quarum potissimas ex ordine literarum deinceps enumerabo. Et primum quidem vocalis *a* cum diphthongo *au* in codd. Mediceis permutata est ⁴⁴⁾; quo factum est, ut quemadmodum in ceteris Ta-

43) Horum tantum librorum scripturam attuli, quia codd. R.V. 1863. et ed. Spir. in verba *magnitudine potiore* c. 23. desinunt, itemque codd. A.C. desinere consentaneum est, quippe quum ab illis inde verbis nulla lectionis varietas ex iis libris enotata sit. Ex reliquis codicibus nihil de hoc loco prodiderunt viri docti; quod tamen parvi interest, quoniam praeter cod. Vat. 1864. omnes ad familiam Genuensem referendi sunt.

44) Sic Martial. XIII, 65, 1. optimus codex Vossianus a Schneidewino litera R. signatus praebet *asomis* pro *Ausonius*.

citi libris Mstis, ita in Mediceis vocabula *actio* et *auctio*, *actor* et *auctor*, *actus* et *auctus*, *agere* et *augere* frequentissime confunderentur. Exempla collegit Walther in Ind. Annotatt. Vol. IV. sub vv. cc.; quibus haec addas: H. III, 12. ed. Spir. praebet *actorem* pro *auctorem*; Dial. 26. codd. Vatt. *temporum nostrarum auctores* exhibent pro vulgata e. codd. Farn. Neap. lectione t. n. *actores* ⁴⁵). Similiter A. XIII, 51. in codd. B.G. edd. Spir. Put. Berqald. (c. silent. Victor.) *ex auctionibus* pro vulgata ex coniectura Rhenani scriptura *exactionibus* legitur. Cod. O. exhibet *ex auctione*, Oa. *ex auctoribus*. — Porro A. IV, 74. extr. codex *infastae amicitiae* pro *infaustae amicitiae*, et H. II. 23. cod. Ma. *notus infastusque* pro *notus infaustusque* praebet; quare A. V, 4. lectionem codicis *festisque in Caesarem ominibus* ex prava scriptura *fastisque* sqq. ortam puto atque emendationem Ursini et Eraestii *faustisque* sqq., quam Bekker, Ritter, Doederlinus receperunt, perquam probo. A. XIII, 32. cod. Ma. exhibet *Platio* pro *Plantio*; A. XV, 36. *auditurus* pro *aditurus* ⁴⁶); H. II, 8. *afugerat* pro

45) Ita Jacobus in Obs. ad Tac. H. critt. II. p. 11. sq. et Doederlinus in Emendatt. Tac. Erlang. 1844 p. 3. locum H. III, 2. optime correxerunt sic rescribendo: *nisi quis retinet, idem suasor actorque consilii ero* pro vulgata lectione *n. q. r., i. suasor auctorque c. e.* Ille haec disputavit: *auctor consilii is est, a quo primo proficiscitur, suasor vero is, qui secundas agit adiutor. Cur igitur hunc illi praeposuit? Profecto si suasore praemisso duo se munera eundem recipere dicebat, non auctorem addidit, sed diversa quaedam conjunxit. Deinde vero quis aliquem, postquam semel consilium proposuit, ne auctor sit, retinebit? Quid, quod omnino ille auctor non erit, sed fuerat?* Doederlinus attulit locos e Cic. Sext. 28, 61. *dux auctor actorque illarum rerum fuit*, et e Corn. Nep. Attic. 3. *hunc enim in omni procuratore reipublicae auctorem auctoremque habebant.* Adde Caes. B. G. I, 26. *illo auctore atque agente.* Vell. II, 83, 1. *obscenissimarum rerum et auctor et minister.* Ceterum subtiliter annotavit Tacitum hanc ipsam paronomasiam *auctor actorque* ut nimio usu tritam aspernatum esse. Simile mendum in Symmachi Laudibus in Valentin. §. 22. correxit Heindorfius p. 28. ed. Berol. *actore* pro *auctore* conjiciendo.

46) Universe verba *audire* et *adire*, *auditus* et *aditus* in codd. saepe

ausfugeret; H. IV, 40. *Junius Maricus* pro *Junius Mauricus*. C. 46. *pauca causa* in cod. Ma. scriptum est aut pro *pauca causa* aut pro *pauca*; (i. e. in) *causa*. Illud ex ed. Spir. revocarunt Bachius et Rupertius; probavit Petersenius in Annotat. in Tac. Specim. II. p. 19⁴⁷), hoc emendavit Walther, in textum receperunt Bekker et Kiesslingius. Ante Bekkeram vulgabatur in *pauca causa* e cod. G. et edd. Puteolani. Equidem incertus sum, utrum Bachio an Walthero assentiar. C. 56. codd. Ma. G. exhibent *gladius labeo* pro *Claudius Labeo*. Earundem vocum confusione nititur emendatio Petersenii (Annot. in Tac. Specim. II. p. 3.), qui A. XII, 41. extr. vulgatam codd. scripturam *optimum quemque educatorem filii exilio ac morte afficit in exilio aut morte a.* mutavit. Solet enim Tacitus ad has notiones cum distinctione ac distributione aliqua conjungendas particula *aut* uti; cf. locos a Petersenio allatos: A. VI, 9. *ut accusatores ejus exilio aut morte multarentur*; A. III, 24. *adulterosque earum morte aut fuga punivit*. Plura de hac significatione particulae *aut* docuerunt Walther ad A. I, 8. et Bötticher Lex. Tac. p. 76. In vetusto aliquo archetypo *at* pro *aut* scriptum fuisse suspicor, unde frequentissima permutatione *ac* in nostros codd. transierit, quum praesertim particulae *at* nullus sit locus. Et frequens est particularum *aut* et *ac* confusio, cujus exempla e Taciti libris Mstis collegit Walther in Indice Annot. s. v. *aut*. — H. IV, 60. codd. Ma.B.R. ed. Spir. exhibent: *dāt custodes, qui pecuniam . . . retentarent at qui ipsos . . . prosequerentur*; quam ob rem cum Walthero, Bachio, Rupertio, Petersenio l. l. lectionem codd. G.H.O.Oa. edd. Put. sqq. ad *Rhenan aut qui* revocare malim, quam vulgatam e conjectura *Rhenani scripturam ac qui* retinere. Cf. A. IV, 62. *spectaculo intentos, aut qui circum astabant, praeceps trahit operitque*. Minus quam vulgata displicet lectio cod. A. a Ryckio et Bipontinis recepta *et qui*. Solet enim Tacitus in talibus enuntiatis formula *et qui aut quique* uti. Nusquam vero me apud illum *ac qui* legisse memini, et univ. litera *c* ante *q* perraro a Latinis po-

confundi docuerunt Burmann. ad Suet. Tib. 27. et Drakenb. ad Liv. LXXXII, 2.

47) Probavit et Jacobus l. l. II. p. 25.

nitur. Cf. Ramsh. Gr. Lat. p. 806. et Haasii not. 409. ad Reisingii Gr. Lat. §. 234. De frequenti particularum *at* et *aut* confusione ^{47a)} v. Hand. Tursell. Vol I. p. 451. Drakenb. ad Liv. III, 56, 12. Kreyssig. ad Liv. XXXIII, 40. p. 99. Kritz. ad Vell. II, 105, 2. p. 443. sq.

Langobardica scriptura literarum *a* et *t* eosdem fere ductus praebet, ut interdum eae literae discerni nequeant aut certe vix possint ^{47b)}. Summa ea similitudo imprimis conspicua est in speciminibus codicis Ma., quae Mabillonius in libro de Re Diplomatica tab. V. no. 3. p. 353. et docti Benedictini in opere diplomatico, quod inscribitur *Nouveau traité de diplomatique*, Tom. III. tab. 49. coll. p. 278. sq. ediderunt. Quo etiam factum est, ut ad H. I, 65. extr. Jac. Gronovius teste Ryckio *si fortuna c̄raderet* (i. e. *contraderet*), Furia s. f. *c̄raderet* e cod. Ma. pro vulgata s. f. *contra daret* proderent ⁴⁸⁾. A. XI, 14. imit. codd. et edd. vet. habent

47a) Ex eadem confusione orta est H. I, 56. extr. scriptura cod. R. et ed. Spir. *ad bellandum* pro *aut bellandum*.

47b) Ita factum est, ut Varr. de. L. L. X. §. 24. p. 244. ed. Muell. p. 165. ed. Bip. pro vulgata codicis F. lectione *alia* in G. *al̄it*, in H. *al̄iter*, in a. *abit* scriberetur. Similiter Mart. VI, 34, 3. codex R. exhibet *Et maris tegens* (corr. *tegei*) *sparsas per litora concas* pro vulgata *Et maris Aegaei s. p. l. conchas*. Quodsi priores editores Dialogi de Oratoribus harum literarum confusionem respexissent, operam et oleam non perdidissent, c. 23. modo *tui Aufidii Bassi*, modo *T. Aufidii Bassi* e corrupta codd. Neap. Paris. Perizon. et ed. Spir. lectione *tui fidi bassi* eliciendo. Orellius demum et Rupertius et Walther genuinam scripturam *Aufidii Bassi* restituerunt.

48) Quodsi hanc collationum discrepantiam simulque summam literarum *a* et *t* similitudinem reputasset Jacobus, non censuisset in Obs. ad Tac. H. Part. I. p. 18. *si fortuna contra caderet* corrigendum esse. Vulgata lectio certo etiam vera est, praesertim quum A. XV, 13. Tacitus eadem locutione usus sit: *quotiens fortuna contra daret*. Lectionem *contraderet*, quam etiam cod. C. servavit, jam in vetusto archetypo extitisse, ob scripturam cod. A. *contra cederet* et cod. R. ed. Spir. *contradiceret* verisimile est; eamque ex continua scriptura *contradaret* ortam esse puto. Quippe verbum *tradere* animo stolidi librarii obversabatur.

et antiquissima monumenta pro vulgata *ea a. m.* ^{48a}). A. XVI, 17. Pichena pro vulgata lectione *Rufum autem Crispinum* edidit *Rufum tamen Crispinum*, ut sit, cod. Florentino volente, Jac. Gronovius rursum *au* i. e. *autem* ibi legi docuit, denique Bekker, incertum an e nota Farise, scripsit: *ambiguus Ma., utram habeat particulam.* Ex eo intelligitur, in Ma. literas illas ita exaratas esse, ut dubium sit, utrum *ta*, an *au* sit legendum. Sed quum reliqui codd. et edd. vett. *autem* et *aut* praebeant, vulgata lectio vera esse mihi videtur. Accedit, quod teste Jac. Gronovio in cod. Ma. particula *tamen* solet notari compendio *tam*, ejus exemplum affertur e cap. seq.: *Proconsul. tam Bithyniae.* Adde e specimine initii libri X. *Metamorphoseon* Apaleji ab eodem librario codicis Ma. descripti, quod auctores operis diplomatici modo allati Tom. III. tab. 49. (coll. p. 278. sq.) ediderunt, haec verba: *ne tam miles ille* sqq. Ob eam literarum *a* et *t* similitudinem etiam H. II, 20. Jac. Gronovius et Victorius *uxorem au* (i. e. *autem*) *ejus Salominam*, Furia *uxorem tu* (i. e. *tum*) *ejus Salominam* e cod. Ma. prodiderunt. Inde et factum est, ut Furia in cod. Ma. A. XIII, 25. *Nero tum* (i. e. *tū*) *metuentior* pro vulgata scriptura *Nero autem* (i. e. *au*) *metuentior*, quam ceteri libri scripti et edd. vett. firmare videntur ^{48b}), et A. XV, 50. extr. *augurinum* pro vulg. *Tugurinium* legeret. Supersedere igitur possumus emendationibus Petersenii et Ruperitii, quorum ille l. I. II. p. 5. priore loco *tamen*, hic altero *Augurinum* corrigendum censuit.

Literae *a* et *u* saepe sunt confusae: eae enim simillimos interdum praebent ductas, ut in Servii cod. Cassellano saec. IX. et in cod. Vaticano Hilarii saec. VI. scripto, ex quo scripturae specimen ediderunt Mabillonius de Re Dipl. p. 355. et docti Benedictini in libro modo laudato Tom. III. p. 263. Haec sunt exempla ⁴⁹):

48a) E contrario Varr. de L. L. VIII. §. 78. init. p. 193. ed. Muell. p. 123. ed. Bip. codicis F. lectio *ea si proportionem essent verba* vulgabatur ante Muellerum, qui ex codd. G. H. a. rescripsit et s. p. e. v., coll. annot. ad §. 60.

48b) Item Ter. Hec. III, 2, 10. in antiquo libro Faerni *autem* (i. e. *au*) pro *tum* (i. e. *tū*) scriptum erat.

49) Eius confusionis exempla e vett. Velleii libris dedit Kritizius Proll.

A. I, 51. codex habet *gnaram* pro *gnarum*; A. II, 20. *plane* *venerunt* pro *plana evenerant*; c. 57. *discesserantque* pro *discesseruntque*; A. III, 54. *clamitabant* pro *clamitabunt*; A. IV, 34. *vocabulum ponuntur* pro *vocabula inponantur*; c. 63. *manus* pro *munus*. A. XIII, 21. cod. Ma. exhibet *concupinam* pro *concupinum*. C. 52. init. codd. et edd. vet. praebent *habuerunt* pro *habuerant*. H. II, 3. init. cod. Ma. teste Furia *ueriam* habet pro *Aeriam*; H. IV, 52. *mansurum* pro *mansuram*. C. 72. lectio codd. Ma. B. ed. Spir. *consultatio* ex scriptura archetypi *consulutatio* pro vulgata *consalutatio* orta esse videtur. Ita A. XI, 26. Victorius *urguebat*, Furia *arguebat* e cod. Ma. pro vulgata scriptura *urgebat* prodidit. H. I, 63. Pichena *raptisue*, Furia *raptisae* in eodem codice legit.

Itaque A. VI, 29. vulgatam codicis scripturam *quia male administratae provinciae aliorumque criminum urgebatur* in *arguebatur* haud cunctanter mutandam cum Ernestio censeo. In vetusto enim archetypo, unde cod. Medicus descriptus est, antiqua scribendi ratione *urgebatur* i. e. *urgebatur* pro *arguebatur* exaratum fuisse conicio. Universe quippe forma *urgere* cum in aliis codicibus frequens ^{49a}), tum librario codicis Ma. solita ⁵⁰), etiam in archetypo illo, unde uterque codex Medicus originem traxerit, extitisse mihi videtur. Jam vero librariam codicis M., quippe qui eam scribendi rationem sequeretur, ut *constanter ungere* ⁵¹), non

p. LXXXVII. et XCI.; cf. etiam Scioppii de Arte Critica comment. (Norib. a. 1597. 8.) s. vv. *a pro u* et *u pro a*: Sic Varr. de L.L. VI. §. 2. p. 73. ed. Maell. p. 52. ed. Bip. in codd. legitur *liberam* pro *liberum*, et VIII. §. 83. p. 195. Müller bene rescripsit *at nominantur* pro codicum lectione *ut n.*, cuius ansam dederat praecedens particula *ut*. Martial. Supp. I, 1. p. 632. ed. Schneidew. codex Thuanus habet *rare* pro *rure*; Epigr. I, 21, 6. cod. R. *specture* pro *spectare*.

49a) Sic Virg. Georg. II, 352. vulgatur ex antiquissimo Mediceo codice forma *urguerent*, de qua plura disseruit Drakenb. ad Sil. Ital. VI, 265. Similiter Martial. II, 77, 2. antiquissimus codex Thuanus cum Palatino aliisque exhibet *ungendis azibus* pro *ungendis azibus*.

50) Cf. annotatt. Waltheri ad A. XII, 43. XV, 58. H. IV, 41. Adde haec exempla: A. XII, 12. Hist. II, 30.

51) Ea enim forma cum silentio Pichena, Jac. Grænovii, Franc.

urgere exararet, formam *uruebatur* (id enim verbum liberis a et u confusis pro *arguebatur* in archetypo legerat) more suo in *urgebatur* mutasse consentaneum est. Verbum *arguebatur* et sententiae et grammaticae rationi et usui Tacitino aptissimum, quippe quod praeter cetera Tacito usurpetur. Cf. A. III, 33. *quotiens repetundarum aliqui arguerentur*; c. 53. *qui pudendi luxus arguerentur*; A. IV, 10. *Drusum veneni in patrem arguens*. Alia exempla reperiuntur A. II, 50. III, 14. 41. extr. IV, 12. 37. V, 6. XVI, 27. etc. E contrario vulgatam lectionem diverso modo defendere parum feliciter conati sunt interpretes, Oberlinus verbum *urgere* idem esse atque *instantius accusare* opinatus, Walther genitivum part. fut. pass. finalem et genitivum a Graecis cum verbis lugendi junctum asserendo, Döderlinus vocem *criminatione* supplendo, Poppo ⁵²⁾ denique locutionem *criminum postulare* et graeca *διώκειν, ἐπεξίέναι ἐγκλήματος* comparando. Quorum tamen nemo rem acutetigisse mihi videtur. Primum enim verba *urgere, premere, vestire* alius sunt notionis ac verba accusandi; inter quae et *arguere* et *postulare* et graeca illa *διώκειν* et *ἐπεξίέναι* numeranda sunt: quamquam is, qui aliquo crimine urgetur, ejusdem criminis arguatur necesse est. Eodem igitur jure, quo *criminis alicujus urgeri*, diceret *aliquid abundare*, quippe quum necesse sit, ut is, qui aliqua re abundat, eam habeat. Sin Tacitus verbum *urgebatur* usurpare voluisset, scripsisset potius: *Male administratae provinciae aliisque criminibus urgebatur*. Cf. H. IV, 41. *Sariolenum recens crimen urgebat*; c. 43. *Crimine . . . Eprum urgebat*. Deinde, si quid recte sentio, exemplum genitivi, quod Walther attulit ex A. II, 59.: *Aegyptum profectitur cognoscendae antiquitatis*, ab hujus loci conditione ac ratione alienum est, id quod Poppo l. l. docuit. Nam geni-

Fariae hisce fere locis vulgatur inde a Beroaldo: A. I, 29. *urgeat*; II, 23. extr. *superurgente*; c. 38. *urgere*; c. 59. *urgeret*; c. 70. *urgere*; c. 84. extr. *urgeret*; III, 17. *urgente*; IV, 66. extr. *urgentium*; V, 3. init. *urgens*; VI, 4. *urgente*.

52) Vide censuram editionis Waltherianae in Diariis univers. litt. Hal. a. 1833. ab eo scriptam no. 163. Vol. III. p. 88.

tivus ille part. fut. pass. consilium, finem, voluntatem exprimit, ut graece genitivus articuli cum infinitivo juncti: quippe illud idem est, ac si Tacitus dixisset: *Aegyptum proficiscitur, ut antiquitatem cognosceret* ⁵³). Verum hoc loco neque de consilio aut voluntate sermo est, neque part. fut. pass. legitur. Nec magis huc pertinet genitivus graecus, quem Walther attulit ex Xenoph. Cyrop. V, 2, 7. *Τὴν θυγατέρα . . . πενθικῶς ἔχουσιν τοῦ ἀδελφοῦ τεθνηκότος*. Inde enim, quod graeca verba lugendi genitivum regunt, nemo certe colliget, latinos scriptores verba urgendi cum genitivo conjunxisse. Postremo si cum Doederlino ellipsin vocis *criminatione* statueres, omnem modum, qui ellipsis usui est positus, egredi auderes. Nequaquam enim talis ellipsis tolerari potest, nisi locus hunc in modum constituitur: *male administratae provinciae aliisque criminibus urgebatur*, ut ex criminibus singularis crimine ad genitivum provinciae intelligatur. Tam lectio codicis *aliorumque criminum* inde orta foret, quod horum verborum terminationem praecedenti genitivo *male administratae provinciae* stolidus librarius assimilarit. Vide quae de secundo vitiorum genere supra disserui. Equidem tamen emendationem Ernestii praetulerim ut leniorem.

Ex ea, quam diximus, confusione illud quoque vitium ortum est, quod librarii Medicei tertiam personam plur. perf. et plusquamperf. temporis nonnunquam permutarunt ⁵⁴). Ut omittam locos supra allatos, A. XII, 31. codd. et vet. edd. ad Ernestium usque et nuper edd. Kiesslingii, Waltheri, Bachii, Ritteri, Rupertii, Doederlini exhibent *caesis qui restiterunt, disiectos consecratus . . . detrahare arma suspectis . . . parat* pro lectione ed. Spir. *caesis qui restiterant*, quam Ernest., Brot., Bipont., Oberl., Bekker probarunt, quamque usus loquendi poscit. Cf. A. I, 38. extr.

53) De hoc usu genitivi part. fut. pass. vide Ramsh. p. 652, Zumpt. §. 764 ed. VII., Reisig. §. 428 et annotationes virorum doctorum, quas commemoravit Haasius ad Reisigii librum not. 586.

54) Similiter Mart. XII, 3, 18. codex Thuaneus habet *clamabant* pro *clamabunt*. Multam in codicibus Varronis confusionem indicativi et coniunctivi, ex litterarum *a* et *u* similitudine ortam, tangit Odofr. Mueller Praef. p. XXII.

deterritis, qui obstiterant; A II, 17. *duo hostium agmine diversa fuga, qui silvam tenuerant, in aperta, qui campis adstiterant, in silvam ruebant*; A. XIII, 54. *extr. captis caesisque, qui pervicacius restiterant*; Agr. 36. *stratis, qui in aequo adstiterant*. Quippe homines Itali aut Francogalli pro recentiorum linguarum ingenio atque usu ad permutandum perfectio plusquamperfectum tempus praeponunt⁵⁵⁾. Duo autem loci, quibus Walther perf. tempus tueri conatus est, ab huius loci conditione alieni sunt. Etenim A. I, 53. s. v. *scripsit* et VI, 31. s. v. *imposuit* res, quae in enuntiato per relativum pronomen annexo, quaeque in primario referantur, non tam arcto consequentiae viaculo inter se conjunctae sunt, ut ordinem temporis expresse significari ac servari necesse sit. Potuit igitur Tacitus illis locis tempore historico absoluto uti. Contra A. XII, 31. certamen resistentium et caedes ea continuatione ac serie facta sunt, ut alterum ex altero nexum et ambo inter se apta colligataque viderentur. Quare ibi relativo tempore historico eoque plusquamperfecto opus est. Tertio denique, quem attulit Walther, loco (is legitur A. II, 62.) cedex non *transtulit*, sed *transtulat* praebet; itaque recentissimi editores praeter Rupertium Ernestii emendationem *transtulerat*, quae syllaba *er* propter compendium vel ~ omissa restituitur, tuto receperunt. Neque ad praefendam formam *restiterant* nihil momenti offert subtilis observatio, quam de discrimine inter terminationes tert. pers. plur. perf. temp. *erunt* et *ere* apud Tacitum statuendo protulit Haasius in Zimmermanni Diariorum antiquorum litterarum a. 1836. no. 84., repetiit atque in Sallustium etiam transtulit in not. 269. ad Reisigii Grammaticam Lat. §. 143.; quamquam non singulis quibusque sententiis aut emendationibus subscripserim. Ut unum afferam, et Tacitus et Sallustius formam *erunt* apud conjunctiones *postquam*, *ut*, *ubi* admisisse

55) Quo factum est, ut H. III, 80, in libris familiae Genuensis scriberetur qui *Petilio Ceriali occurrerunt*, *extremum discrimen adire*; sed quum libri familiae Romanae, inter quos cod. Ma., *occurrerant* praebeant, et in fine cap. sine ulla lectionis varietate legatur *aequioribus animis accepti sunt, qui ad Antonium venerant*, et usus loquendi plusquamperfecti tempus quodammodo poscat, recentiores editores inde ab Ernestio scripturam *occurrerant* recte praetulerunt.

videntur. Cf. Tac. H. II, 55. init. *ut certi auctores in theatrum attulerunt, Vitellio plausere*; Agric. 37. *postquam silvis appropinquarent circumveniebant*; Sall. Cat. 45, 3. *postquam . . . venerunt et simul utrimque clamor exortus est, . . . Galli se tradunt*; Jug. 87, 4. *ubi cognoverunt . . . abeunt*; quamquam non nescius sum, postremo loco codd. Sallustii inter se dissentire, plurimos tamen vulgatum perfectum praebere. Quos locos ob mirum consensum equidem haud mutaverim, quamvis ex Haasii sententia aut formam *ere* aut plusquamperfectum expectemus. Ceterum ut huic usui formae perfecti temp. praes. aliquid lucis afferas, compares particulam *dum* in secundariis enuntiationibus, quibus narratio rei actae continetur, cum praes. indic. iunctam.

De literis *e* (i. e. *ae*) et *e* saepissime cum in aliis codicibus tum in Mediceis inter se permutatis non est, quod multa dicam. Res trita est. Id tantum commemoro, saepius literam *e* pro *ae* scriptam esse quam vicissim; ejus rei causam facile intellexeris. Quippe hamulus, qui literae *e* suppositus diphthongum *ae* indicat, facilius omittitur, quam additur. Cf. praeterea Goëschen. Praef. ed. Gaii p. XXXVII. not. 39. et Schneider. Gramm. Lat. I. p. 52. sqq.

Sequitur frequentissima literarum *b* et *v* confusio ⁵⁶). En exempla: A. I, 36. codex *sibi* praebet, quod ex scriptura *sibe* pro *sive* ortum esse videtur. A. II, 26. cod. M. *Suebos* pro *Suevos*, et H. I, 2. cod. Ma. *Sueborum* pro *Suevorum* exhibet ⁵⁷). A. II,

56) Eae literae in aliis quoque codicibus confunduntur. A. XIII, 14. cod. G. cum ed. Spir. *beneficium* praebet pro *veneficium*, c. 42. cod. C. *libere* pro *livere*. Idem vitium frequens in optimis codd. Martialis: Epigr. IV, 73, 3. codd. X.A.B. (a pr. m.) exhibent *orabit* pro *oravit*; VII, 58, 2. codd. iidem *iubat* pro *iuvat*; VII, 97, 11. codd. X.A.B.G. *sonavit* pro *sonabit*; XII, 82, 13. codd. A.B.V. *laudavit* pro *laudabit*; XII, 83, 1. codd. A.G. *Favianus* pro *Fabianus*; XIII, 75, 1. codd. R.X.A.B.P. *volavit* pro *volabit*; XIII, 84, 2. libri ejus familiae, quam Schneidewinus literis *C*, a notare solet, *bila* pro *vile* praebent. Cfr. praeterea Scioppii de arte critica comment. s. vv. *b* pro *v* et *v* pro *b* et Od. Muelleri Praef. ed. Varron. p. XXII. et Goeschea. ed. Gaii Praef. p. XXXVII. not. 40.

57) Ita German. 41. init. lectio longe plurimorum codicum *pars verborum* indo orta est, quod in archetypo illo, unde omnes Germaniae codices fluxerunt, *pars ueborum* pro *pars uaporum* scriptum

30. lectio cod. *Livius* ex scriptura archetypi *Vivius* pro *Véivus*, quae A. XIV, 28. in cod. Ma. occurrit, originem traxit. A. II, 63. *Danuvium* pro *Danubium* et IV, 18. extr. *veneficia* pro *beneficia* legitur in codice. A. XI, 6. cod. Ma. exhibet *cogitabissent* pro *cogitavissent*, et c. 8. *Bardanem* pro *Vardanem*. C. 19. cod. Ma. exhibet *immunibit* pro *immunivit*. Ita A. XI, 10. lectio oodd. Ma. Vat. *habeat*, librorum scriptorum Lipsii et editionis Spir. *habebat*, codicis R. *hebat* originem traxit ex scriptura *abebat*, quae ad vulgatam ex Lipsii conjectura lectionem *ovebat* manum ducit. A. XI, 35. *habitum*, A. XIII, 34. *habitas*, c. 56. *habitus*, A. XIV, 18. *habitos* in cod. Ma. legitur, quippe quum in archetypo *abitum*, *abitas*, *abitus*, *abitos* pro *avitum*, *avitas*, *avitus*, *avitos* scriptum fuisse videatur. A. XII, 40. cod. Ma. pro vulgata codicis A lectione *e Brigantum civitate* exhibet *evigantum civitate*. A. XIII, 10. *favor* pro *favor*; c. 28. *Bibullium* pro *Vibullium*. A. XIV, 7. scriptura cod. Ma. *illos invidias*, quam in archetypo quoque extitisse e lectione cod. R. et edd. Spir. Put. *illos invidias* colligas, inde orta videtur, quod librarius archetypi vocem *invidiae*, quam in lectione *illos ibidie* ab eo codice, unde archetypum ipsum fluxit, exhibita latere putabat, ita exarabat: *invidie*. Itaque bene correxit Rhenaanus *illo sibi die*, neque emendatione Petersenii opus est. Is enim in Annot. ad Tac. Spec. II. p. 7. conjecit *illo sibi in die*. At exempla additae praepositionis *in*, quae attulit e Cic. N. D. II, 40. *in singulis annis*, e Tac. A. XV, 7. *eo in tempore*, e Quintil. II, 4, 4. *in his discentis annis*, ab hujus loci ratione aliena sunt. Sunt enim tres tantum condiciones, quibus ad tempus, quo quid factum sit, significandum, praepositio *in* aut adhibetur aut certe admittitur: id fit primo, quum spatium ac diuturnitas temporis, inter quod aliquid factum sit, vel decursus temporis, intra quod factum sit, definitur, deinde, quum ratio condicioque temporum, non tempus ipsum signi-

fuisse videtur. Praeter literas *b* et *e* commutatas altera *s* absorpta erat. Ceterum in libris Mstis. nomen *Sueborum* saepe legi, docuit Burm. ad Claudian. p. 1019; v. et Jul. Honor. Cosmogr. p. 13, quem commemorat Trossius ad h. l. Etiam Agric. 28. in altera Patrolani editione scribitur *Suebis*.

ficatur, postremo, quum opportuno tempore rem aliquam factam esse dicitur. Cf. Haasii notam 567. ad Reisigii Commentarios de Gramm. Lat. §. 398; qui tamen locutiones, *in die, in anno, in hora* leviter tantum in transitu attingit: de quibus vide Ruddim. II. p. 290. not. 8. et Ramsh. Gr. Lat. §. 148. not. 4, g. p. 458. Jam vero tribus illis locis a Petersenio allatis praepositione *in* spatium temporis significatur, inter quod *res*, de quibus auctores referunt, factae sint. Primum quidem locum Reisigius l. l. jam explicavit, secundum vero, qui Tac. A. XV, 7. legitur, Haasius l. l. cum aliis talibus (v. A. XI, 29. XIII, 47. XV, 39.), ubi item *eo in tempore* scribitur, perperam ad alteram illam condicionem retulit. At ibi non de statu ac ratione temporum, sed de spatio temporis usurpatur ea locutio. Ceterum pro lectione *illo sibi die* faciunt hi loci: H. I, 43. init. *insignem illa die virum Sempronium Densum nostra aetas vidit*; H. IV, 46. *isque finis illa die*.

A. XV, 23. cod. Ma. exhibet *Jobis pro Jovis et Vobillas pro Bovillas*; c. 24. *adprobatam vim pro adprobatam vim*. A. XVI, 1. *mente turbida pro m. turbida*; c. 22. *Fabonios pro Favonios*; c. 23. et 30. *Savinus pro Sabinus*. H. I, 1. *libor pro lior*; c. 6. *barrone pro Varrone*; H. II, 58. pr. *albino pro Albino*.

Litterae *b* et *d* ut in aliis codd. Mstis ⁵⁸⁾, ita in Mediceis saepe confusae sunt. Sic A. I; 10. codex pro *abducta Neronis uxor* praebet *adducta N. u.*; c. 19. pro *ab sedecim annis* exhibet *ad sedecim a.*; A. II, 4. *Ariobarsane morte fortuita ad-*

58) Ita in codd. Mstis Taciti confundi solet *abditus* cum *additus*, *abducere* cum *adducere*, *abripere* cum *adripere*, *absumere* cum *adsumere*, *avehere* (quasi *abvehere*) cum *advehere*, *aversari* (quasi *abversari*) cum *adversari*, *aversus* cum *adversus*. Cf. Waltheri Ind. annott. sub his vv. Sic Vell. II, 20, 1. in ed. pr. et apogr. Amerb. ad legitur pro *ab*. Martial. VIII, 56, 13. cod. Palatinus (t. Grutero) *abstabat* exhibet pro *adstabat*. Mart. IX, 41, 8. editio Romana a. 1473. eaque, quam Scribnerius principem dicit, *gaudia feba* pro *gaudia foedu (feda)* praebent. Denique XIII, 84, 1. in codd. X.C. *abetes* legitur pro scriptura codd. T. A. B. G. P. *adesus* aut *adhesus*; ubi Schneidewinus *adesus* recte praetulit vulgatae *obesus* quae ex lectione *abetes* originem traxerat. Alia vid. in Kritz. Prolegg. ad Vell. Pat. p. LXXXVII. et in Scioppii de arte crit. comment. s. vv. *d* pro *b*.

sumpto pro vulg. *A. m. f. absumpto*; c. 31. *adstitit* pro *abstitit*; c. 37. extr. *absequentur* pro vulg. *adsequentur*; A. III, 5. *deditos honores* pro *debitos h.*; A. IV, 35. *adolevit* pro *abolevit*. A. XIII, 56. lectio codd. Ma. B. *asistentibus*, editionum veterum *assistentibus* orta est ex archetypi scriptura *adsistentibus*, quam cod. G. servavit, pro vulgata ex Rhenani emendatione lectione *absistentibus*, sicut e contrario A. XIV, 15. cod. Vat. Lipsii et ed. Spir. *absistentibus* pro *adsistentibus* exhibent. A. XIV, 15. lectio codd. et edd. vet. *abscesserat* originem traxit ex genuina scriptura *adcesserat* s. *accesserat*; c. 16. codd. Ma. B. (a pr. m.) R. praebent *ablato*s pro vulgata *adlato*s s. *allato*s.

Quae quum ita sint, non dubito H. II, 21. lectioni codd. Mstorum et edd. vet. *nox parandis operibus adsumpta* emendationem Mureti *absumpta* a Lipsio ac Pichena haud improbatam, a Gronovio, Ernestio, Broterio, Bekkero, Rittero, Kiesslingio in textum receptam praeferre. Nam ex codd. scriptura sententia esset haec: noctem diurno labori parandorum operum finem non attulisse, sed quum dies defecisset, ad opera perficienda assumptam esse. Cf. Cic. Epp. ad Fam. VII, 25. *equidem aliquantum jam etiam noctis assumo*. At nulla omnino mentio fit apud Tacitum, per eundem diem, quo Vitelliani in Placentiam impetum frustra fecissent, etiam opera parata esse. Immo si ea verba, quae initio capitis leguntur, *primus dies impetu magis quam veterani exercitus artibus transactus*, reputaveris simulque totam narrationem incorrupto iudicio perpenderis, Tacitus tibi videbitur hoc dixisse, postquam dies per oppugnationem atque impetum transactus esset, ne noctem quidem finem labori imposuisse, quippe quae operibus parandis utrimque absumpta esset. Vitelliani enim, quum interdiu aperti incautique muros aggressi ac repulsi essent, noctu demum veterani exercitus artibus oppugnandi utebantur, Othoniani, quum ingruente nocte impetus hostium intermitteretur, intuta moenium in posterum firmabant diem. Ceterum eodem mendo H. V, 18. init. in cod. B. et ed. Spir. *assumptis* (sive *adsumptis*) pro *absumptis* scriptum est

Etiam literae *c* et *e* inter se commutantur ⁵⁹⁾ a librario

59) Id in aliis quoque libris Mstis et editis factum est: cod. G. enim

cod. Ma., qui H. II, 100. *cremona* pro *cremonā* i. e. *Cremonam* exhibet. Quo factum est, ut A. XVI, 13. scriptura archetypi vulgata *vicina urbi* in lectionem codd. Ma. (a pr. manu) H.G.O.Oa. edd. Put. Ber. *menia* (vel *moenia*) *urbi* (vel *urbis*) abiret, quum praesertim literae *ui* a *m* et *in* a *ni* in antiquissimo quoque codice vix distinguerentur. Dixi in cod. Ma. a pr. manu *menia urbi* scriptum esse; sed quum novissimi editores parum accurate de ejus codicis lectione rettulerint, liceat in eam rem diligentius inquirere, ut criticorum de optimi libri Msti scriptura dissensio tollatur. Igitur quam Jac. Gronovius in cod. Ma. priore manu idque satis clare scriptum fuisse testetur *menia*, et Victorius in margine ed. Beroald., in qua legitur *moenia urbis*, aut supra lineam verba *vicina urbi* adscripserit, codices A.R. autem et ed. Spir. vulgatam iude a Lipsio lectionem *vicina urbi* praebeant, denique quum cod. B., ut qui inter utriusque familiae scripturam fluctuare solet, *moenia vicina urbi* exhibeat: patet, librariorum codicis Ma. eiusque, unde familia Genuensis originem traxit, ex incertis archetypi vestigiis vocem *menia*, ejus autem codicis librarium, ex quo codd. A.R. et ed. Spir. descripta sunt *vicina* eliciuisse. Jam si Jac. Gronovius aut Victorius annotassent, utram eadem illa antiqua manu, an alia eaque recentiore vocabulum *vicina* in cod. Ma. scriptum esset, decerni posset, utrum librarius ipse errorem correxerit, an postea demum verum vocabulum ex alio quodam libro Msto vel ex coniectura lectoris cuiusdam additum sit. Ceterum non est dubium, quin *vicina urbi* vera sit lectio. Cf. H. IV, 46. *vicina urbi*; A. II, 64. *arva et urbes et vicina Graecis*; A. IV, 74. *propinqua urbi*; Martial. VI, 43, 9. sq. ⁶⁰):

A. XIII, 57. *clementis* pro *elementis* et A. XIV, 54. *āi* (i. e. *animi*) *ei* pro *āici* i. e. *amici*, ed. Spir. A. XII, 56. *eis* pro *cis* et A. XIII, 57. *cluine* pro *eluvie* exhibet. Varr. de L.L. VII, 8. p. 120. ed. Muell. p. 81 ed. Bip. in codd. F.G.H.a. *eds* *ta* legitur pro scriptura ex Scaligeri emendatione vulgata *caste*. Hor. A.P. 77. aliquot codd. habent *commiserit* (i. e. *ēmiserit*) pro *emiserit*. Vell. I, 10, 1. ed. pr. et apogr. Amerb. *Olympicum* pro *Olympieum* habent. Cf. etiam Scioppii de arte crit. comm. s. vv. *c* pro *e* et *e* pro *c*.
 60) Novissimus Martialis editor Schneidewinus, cetera de poeta optime meritis, in eo errasse mihi videtur, quod l. l. ex codd. Thuanoe,

*Nunc urbi vicina juvant facilesque recessus,
Et satis est, pigro si licet esse mihi.*

Palatino, Florentino Beverlandi et edit. Ferrariensi a. 1471. locutionem *urbis vicina* in textum recepit, utpote praejudicata de bonitate codd. Thuanei et Palatini opinione eo inductus. Neque vero horum librorum quamvis optimorum ea est auctoritas, ut eos codicibus Taciti Mediceis pares ponas, aut eorum lectiones oraculi vice accipias. Uterque enim liber, quamvis raro, correctoris atque interpolatoris manum expertus est, nec desunt loci, in quibus libri familiae C, a familiis A et B, quarum inter testes illi codd. a Schneidewino numerantur, fide superent. Cujus rei exempla non ita pauca, quae ad manum sunt, huc afferre longum est. Concesserim tamen libros familiae C, a saepius, quam codices Thuaneum et Palatinum, a veritate atque a pristinae scripturae splendore ad deterioris lectionis sordes declinasse. At lectionum probabilitas non conjicitur ex majore minoreve numero vitiorum, quae in hoc vel illo codice commissa sunt: quae quidem ratio facit momentum in damno ex calamitate capto inter agricolas compensando ac resarciendo. Ipse Schneidewinus sententiam de auctoritate ac praestantia illorum codicum univarse prolatam aliquo modo circumscripsit in Prolegg. p. LXXXV. sq. CXV. sq. CXVII., et monuit p. CVII. sq., periculum fuisse, ne interdum praejudicata quadam bonitatis libri Thuanei opinione seductus reliquorum fidem injuria spreverit: quod periculum hoc quidem loco non effagit vir doctissimus. Sane non reprehenderim eum, qui illum librum in textu constituendo sequatur, ubicunque nullo sententiae sermonisve detrimento fieri potest: at sermonis latini elegantiae damnum per ambiguitatem quandam locutionis mihi videtur intulisse criticus *urbis vicina* scribendo. Plane aliud enim ea locutione ex more illius aetatis significari solet, quam quod Martialis dixit: quippe *vicina urbis* sunt pars urbis alicui loco vicina. Cf. de hoc usu adjectivi neutr. plur. eum genit. subst. juncti Ramshorn. Gr. Lat. §. 104. not. 4. p. 305. sq. et Reisig. Gr. Lat. §. 350. ibique Haasii notam 524. Quamquam haud ignarus sum adjectivo *vicinus* interdum genitivum conjungi, sicut Cic. Off. III, 29. *fidem in Capitolio vicinam Jovis Optimi Maximi majores nostri esse voluerunt*; Orat. 31, 113. *vicinam ejus* (scil. *facultatis*) *atque finitimam dialecticorum scientiam assumere*; Ovid. Fast. VI, 399. *sensit anus vicina loci*. Contra vulgatam ante Schneidewinum scripturam *urbi vicina* praeter simillimos Taciti locos supra allatos etiam perboni codd. Puteaneus et Vossiani duo B.C., qui sunt vetustissimi familiae C, a testes, quibusque summam auctoritatem tribuendam censet ipse Schneide-

Quod si literarum *c* et *e* confusionem respicis, A. XV, 36. lectionem codd. Mstorum et edd. vet. *dehinc dicto* e vulgata inde ab Ernestio scriptura *dehinc edicto* ita ortam esse colliges, ut litera *e* propter similitudinem praecedentis *c* absorpta sit ^{60a}). Accedit quod *edictum* et *edicere* cum *dictum* et *dicere* saepius in libris Mstis permutantur: ita Sall. Cat. 48, 4. codices inter *edicere* et *dicere* fluctuant. Cf. Drakenb. ad Liv. VII, 35. VIII, 7. IX, 14., ad quem a Walthero ad A. XIV, 63. relegamur. Eadem confusione nititur emendatio Rhenani a Walthero haud improbata. Is enim e scriptura codd. *dehinc dicto* elicuit lectionem *dein edicto*, quam seqq. edd. ad Ernestium usque propagaverunt. Qua ex sententia litera *e* praecedenti particulae *dein* in vetusto archetypo ob continuam scripturam adhaerens ita a librariis legebatur, tanquam *c* esset, unde *deinc* in *dehinc* mutabatur. Similiter A. XIV, 63. e scriptura archetypi *comperta dicto memorat*, quam cod. Ma. servavit, ceterorum librorum lectio *comperta dicto m.* pro genuina *comperta edicto m.* orta est. Ceterum particulas *dehinc* et *dein* ad sententiam et usum loquendi aequae sunt aptae; sed Ernestii emendatio aliquanto lenior quam Rhenaniana mihi videtur esse, quippe quum nullus codex *deinc* aut *dein* praebet.

Denique H. I, 79. in verbis codd. Ma.B.R. *ibi saevitia hic mīa* — codd. G.H.O.Oa. edd. vet. *hic misericordia* ⁶¹) — vul-

winus Prolegg. p. CXXV., atque ceterae omnes editiones veteres tuentur: eaque codicis Vossiani A. lectione *verbi vicina*, Gudiani *urbe vicina* quodammodo firmatur, quippe quum illi librarii dativi *urbi* vim non intellexerint. Doctior autem et elegantior est lectio *urbi*, quam ut cogitares, eam sprete forma *urbis* a librario de industria scriptam esse. Immo si recentiorum linguarum naturam atque ingenium respicis, vix dubitaveris, quin dativus *urbi* ad normam et consuetudinem illarum linguarum, quae locutiones hasce *i contorni de la citta*, *les environs de la ville*, *die Umgegend der Stadt* praebant, in genitivum *urbis* postea demum mutatus sit, quum praesertim librarii ad genitivum alii casui substituendum proni sint; cujus vitii exempla posthac sub duodevicesimo genere afferam.

60a) Similiter Mart. XII, 82, 12. scriptura cod. Puteanei *umor colligit* ex genuina *humorem colliget* ita est orta, ut ē i. e. *em* ante *c* absorberetur.

61) Vox *misericordia* enim per compendium scribitur *mīa*. Cf. librum,

nerum absumpti vocabulum *hiemis* latere inter viros doctos constat, ex quo Freinshemius hanc felicissimam Mureti conjecturam, quam antea aliis quoque in mentem venisse testatur scriptura cod. A. et lectio marginalis cod. Oa., editoribus commendavit. Vides *e* et *c* permutatas. Ceterum quomodo reliqua sententiae pars constituenda sit, dicam alibi, ubi meas ipsius emendationes Tacitinas proponam.

Jam pervenimus ad litterarum *c* et *g* confusionem, quae cum in inscriptionibus ⁶²⁾ et optimis codd. Mstis ⁶³⁾, tum in

qui inscribitur *Nouveau traité de diplomatique*, Tom. III. p. 540 et 546.

62) Cf. Schneideri Gramm. Lat. I. p. 235 sqq.

63) Virg. Georg. II, 19. cod. Mediceus *subigit* exhibet pro *subicit* i. e. *subjicit*. Varr. de L. L. VIII, 64. p. 189 ed. Muell. p. 119 sq. ed. Bip. codices habent *grates* pro *Crates* et *grateti* pro *Crateti*. Vell. I, 4, 1. in ed. pr. in *Asiam ac Nesiam* pro in *Asia Magnesiam*, et II, 61, 2. in ed. pr. et apogr. Amerb. *Galatia* pro *Calatia* scriptum. Martial. I, 33, 3. lectio cod. Puteanei *non licet* orta est ex scriptura archetypi *non lucet* pro *non luget*, ut codd. Varr. de L. L. VI, 79. p. 104 ed. Muell. *lucere* pro *lugere* habent. Mart. I, 67, 2. lectio eiusdem illius codicis *quid egit*, codd. Vossiani B. et Gudiani *qui degit*, Vossiani A. (a pr. manu) *quid degit* originem traxit ex archetypi familiae C, a scriptura *quidigit* pro lectione codicis Thuanei vulgata *qui dicit*. Mart. III, 17, 3. optimus cod. Vossianus R. exhibet *sabidicula* pro *Sabidi gula*. Mart. VI, 39, 7. codex Gudianus praebet *cogi santrae*, Palatinus *cogi santre*, editio Colinaeana a. 1540, quam ego possideo, *Cogisantrae*, codd. Puteaneus et Vossiani A.B.C. *cogis antrae*, cod. Arondellianus et quaedam membranae Scriverii *cogisandre* pro vulgata ex emendatione Scriverii lectione *coci Santrae*, quam etiam codex quidam Roelandii Antwerpiani teste Jano Dousa tuetur. Mart. VIII, 52, 4. codd. Puteanei et Voss. A.B.C. lectio *caenas* orta est ex scriptura *cenas* pro *genas*, ex qua etiam cod. Gudiani depravatio *scenas* fluxit. Mart. XIII, 77. lemma in codice Voss. R. *Gigni* pro *Cygni* scribitur. Deinde cod. Thuaneus Mart. XIII, 75. lemma *Crues* pro *Grues* habet, idemque Epigr. 81, 1. *cerat* pro *gerat* et Epigr. 82, 2. *carum* pro *garum* praebet. Vicissim cod. Voss. R. Mart. XIV, 7, 1. *geras* pro *ceras* exhibet. Denique Mart. XIII, 78, 1. ex scriptura archetypi *cigātis* vel *cicātis* pro *gigantis* lectio familiae C, a *cicadis* et familiae C, b *cicada* originem traxit. Ad idem mendum referam Tac. Agric. 9. extr. lectionem cod. Vat. 3429. *graeeciae tum spei*

libris Mediceis frequens reperitur. A. I, 22. codex *ablegeris* praebet pro *abieceris*. A. III, 72. et H. III, 56. codd. et vett. edd. *arguere* exhibent pro *arcuere* ^{63a}). A. VI, 48. *Grasidius Sacerdos*, pro *Carsidius Sacerdos*. Alia exempla ex M. collegit Bekker in not. ad Ern. Praef. p. XV. A. XII, 11. lectio cod. Ma. *concitaret* orta est ex archetypi scriptura *cocitaret* pro *cogitaret*; c. 16. cod. Ma. *gratibus* exhibet pro *cratibus*; A. XIV, 22. *aquae Margio* pro *aquae Marciae*; A. XV, 50. *Vulgatium* pro *Vulcatium*; A. XVI, 28. *Ragonium* pro *Paconium*; H. I, 6. *ciconio* pro *Cingonio*; c. 31. *incestis pilis* pro *ingestis pilis*; c. 44. init. *vagare* pro *vacare*; H. II, 20. *agribus oculis* pro *acribus oculis*; c. 22. *gradibus* pro *cratibus*; c. 24. *ingessit* pro *incessit*. H. IV, 53. scriptura genuina *gignuntur* abierat in *cignuntur*, unde, litera *c* cum *s* commutata ⁶⁴), lectio cod. Ma. *signuntur* orta est. Obversabatur quippe vox *signum* animo barbari librarii. H. V, 16. cod. Ma. *Cugerni* exhibet pro *Gugerni*.

Ex varia orthographiae ratione, qua in lapidibus et codicibus Mstis literae *c* et *qu* saepe inter se permutantur ⁶⁵), etiam hae

filiam, quippe quae ex archetypi scriptura *egreciae* pro *egregiae* orta esse videatur. Plura vide apud Drakenb. ad. Liv. VI, 25, 6, in Gesneri lex. rei rust. s. vv. *c* pro *g* et in Scioppii de arte crit. comment. s. vv. *c* pro *g* et *g* pro *c*.

63a) Eodem mendo Vell. II, 32, 6. *arguit* pro *arcuit* in apogr. Amerb. et II, 120, 6. *arguisse* pro *arcuisse* in ed. pr. et apogr. Amerb. scriptum est.

64) Confunduntur enim interdum literae *c* et *s*. Sic A. XII, 20. lectio codd. Ma. G. et edd. vett. in hoc tentata *beneficentia* orta est ex archetypi scriptura in hos *tētata* i. e. in *hostem* tanta *beneficentia*. A. XIV, 26. init. cod. Reg. *legionibus suis* exhibet pro *l. citis*. Martial. IV, 75, 3. quidam perboni codices *sensus* praebent pro *census*. Adde frequentissimam confusionem vocabulorum *consilium* et *concilium*.

65) Cf. praeter ea, quae Schneider Gramm. Lat. I. p. 335—339 de hoc argumento in universum disputavit, Cellarii Orthogr. p. 53. 67., Vossii Etymolog. s. v. *loquor*, Maium ad Frontonis rell. p. 69. ed. Berol. et ad frag. pro Flacco p. 94, Heinrich. ad frag. pro Scauro p. 54. not. 13, Cramerum ad fr. pro Tull. p. 64, Sciopp. de arte crit. comm. s. vv. *c* pro *q* et *q* vel *qu* pro *c*, Goeschen. ed. Gaii Praef. not. 43. p. XXXXVIII. Sic Martial. II, 29, 3. lectio cod.

lectiones codicis Ma. ortae esse videntur: A. XIII, 9. lectio *ex quo modo* originem traxit ex archetypi scriptura *ex eo modo* pro *ex commodo*, sicut in Mediceo cod. Epp. Cic. ad Fam. III, 5, 4. *quo modo* pro *commodo* legitur. A. XIII, 15. extr. cod. Ma. pro *decoquitur* exhibet formam *dequoquitur*, de qua vide Schneideri Gr. Lat. I. p. 336. A. XIV, 11. scriptura omnia fere codicum *oblita* originem duxit a lectione archetypi *oblica* pro vulgata *obliqua*. A. XV, 59. lectio codd. Mstorum et edd. vet. a Bachio ac Rupértio male revocata *nam vetus miles timebatur quanquam favore imbutus* orta est ex archetypi scriptura *canquam*, quae rursus ex genuina lectione inde a Rhœnani emendatione vulgata *tanquam* perpetua fere literarum *c* et *t* confusione depravata erat. Vicissim H. IV, 68. lectio cod. R. et ed. Spir. *tanquam senatorii ordinis* originem traxit ex scriptura *canquam* pro *quanquam*.

Porro literae *c* et *t* ut in aliis codicibus Mstis ⁶⁶), ita in libris

Palatini *quotiens* orta esse videtur ex scriptura *cotiens*, quae in archetypo pro *lotiens* extiterat mutata litera *t* cum *c*. Mart. II, 7, 5. in cod. Vossiano B. legitur *quantas* pro *cantas*. Ita factum est, ut Mart. XIII, 127, 2. lectio cod. Vossiani R. *cđam*, quo compendio *condam*, non *cumdam*, ut Schneidewinus ed. Mart. Vol. II. p. 739. opinatur, significatur, ex genuina scriptura *quondam* oriretur. Similiter Dial. de Orat. 39 scriptura cod. Neapolitani a pr. m. *quam* nata est ex genuina voce *cām* i. e. *causam* (cf. Nouveau traité de diplomatique T. III. p. 359 not. 1.), quae in eodem codice a sec. m. superscripta est. Item in codd. Mstis modo *squillae* modo *scillae* scribitur, sicut Martial. XIII, 83 in lemmate et v. 2 libri scripti et editi inter utramque formam fluctuant.

- 66) Sic Martial. II, 90, 10 optimus cod. Vossianus R. exhibet *sic nox* pro *sit nox*. Mart. I, 3, 7 codd. Puteaneus, Vossianus C. alique *tum* praebent pro *cum*, unde deteriores libri fecere *tam*; IV, 64, 14. cod. Wolfenbuteanus *latet* habet pro *iacet*; VIII, 56, 21. cod. Thuaneus *dicataque* pro *ditataque*. Tac. Ann. XI, 1 et XIII, 21. in deterioribus libris verbum *excolere* pro *extollere* legitur; eademque confusio reperitur Plin. Epp. III, 2, 4. Maxime autem confunduntur particulae *ac* et *at*, *ac tamen* et *attamen*, *cum maxime* et *tum maxime*. Cf. Drakenb. ad Liv. III, 61, 4. et ad Sil. Ital. VI, 190. ac Waltherum in indice annot. sub vocc. *ac* et *cum* atque virorum doctorum commentarios, ad quos ibi relegamur. De similitudine literarum *c* et *t* in scriptura Langobardica conf. Drakenb. ad Liv. VI, 35, 2 et Sciopp. de arte crit. comment. s. vv.

Mediceis saepius inter se confusae, quin etiam a viris doctis, qui eos codd. contulerant, interdum permutatae sunt. Sic A. II, 38. Beroaldus vulgatum *istuc* edidit ut e codice, Gronovius vero *istut* ibi legisse se affirmat: quae sollemnis ejus libri scriptura pro *istud* est, ut testatur Pichena in Praef. Imprimis autem Jac. Gronovio accidit, ut e cod. Ma. litteram *c* afferret, ubi alii *t* viderunt. Sic A. XIV, 16. Victorius, Pichena, Furia e cod. Ma. *contraria asseverant tum* attulerunt, Jac. Gronovius *asseverant cum*. A. XV, 23. Victorius *actioce*, Pichena *actiercae*, Jac. Gronovius *accierce* in cod. Ma. legit addiditque vix discerni posse, sitne *ci* an *ti*; e cap. 25. Victorius *excutio Cicio*, Jac. Gronovius vero *excucio Cicio* attulere. H. III, 13. Furia *in arte*, Jac. Gronovius *in arce* pro vulgata *in arto* viderunt. E contrario A. XIV, 17. Furia *iscentio*, Jac. Gronovius *intentione* in cod. Ma. legi affirmant. Itaque A. XI, 4. init. quum Victorius vulgatam lectionem *at causa necis* intactam reliquerit, Pichena autem *ac causa n.* e cod. Ma. protulerit, hoc cum Kiesslingio ac Rupertio praeferam. Neque enim Acidalio, nec Ernestio, nec Walthero placuit particula *at* h. l. utique parum apta. Verum non est, quod cum Ernestio *ac spernas*. Eam enim particulam ab iis, quae universe dicta sunt, transitum facere ad accuratiorem rei enarrationem, bene observavit Handius in *Doctrina stili latini* p. 300. ed. pr. Ideo etiam A. III, 54. Walther vulgatam *ac nisi sqq.* ab Ernestii suspitione bene defendit.

Primum *ac* et *at* particulae in codd. Mediceis hisce locis inter se permutatae sunt: A. I, 2. cod. M. exhibet *at novis ex rebus* pro *ac novis ex rebus*; A. IV, 8. *foveret attolleret* pro *foveret ac tolleret*. H. IV, 48. lectio cod. Ma. *ad M. Silanum* orta est ex archetypi scriptura *at M. Silanum* pro *ac M. Silanum*. Vicissim A. I, 36. cod. M. pro lectione *ac si*, quam ante Pichenam vulgatam rursus Wolfius cum edd. *sqq.* revocavit, exhibet scripturam *at si*, quam, postquam Pichena in textum receperat, nuperrime Doederlinus defendere conatus est: quippe alteram his

c pro t et *t pro c*. Exempla eiusdem confusionis in vett. Velleii libris passim obviae vide in Kritzii Prolegg. p. LXXXVII et XCI. Cf. etiam Od. Muelleri Praef. ed. Varr. de L. L. p. XXII.

verbis narrari metus causam, non novam et contrariam reputationem. Et certe contrarius aliquis priori metus simul ut alter et novus memoratur: nemo tamen non intelligit, utique contraria inter se opponi. Metuebatur enim ab altera parte, ne Germani, si Rheni ripam seditiosae legiones desererent, imperium Romanum invaderent, ab altera parte, ne, si fidae cohortes ad Rhenum mitterentur, quae legiones a decensione prohiberent aut ad militiae officium vi atque armis reducerent, bellum civile oriretur. Etiam in verbis sequentibus deinceps contraria contenduntur: *Periculosa severitas, flagitiosa largitio; seu nihil militi, sive omnia concedentur, in ancipiti res publica*. C. 47. autem, quem locum cum hoc comparavit Doederlius, per particulam *ac* altera quidem, sed non diversa metas causa additur; neque enim duo illa orationis membra quos igitur anteferet atque *ac ne postpositi contumelia accenderentur* ut contraria inter se opponantur. Diversitas causarum, quae quidem Tiberium angebant et cunctationem illam efficiebant, in eo potius cernitur, quod validior per Germaniam exercitus alteri Pannonico eique propiori opponitur.

A. I, 47. cod. praebet *intenderentur* pro *incenderentur*; vicissim A. XIV, 45. codd. et edd. vet. exhibent *incenderetur* pro *intenderetur*, quae est emendatio Rhenani, Merceri, Acidalii ad Waltherum usque vulgata. Walther male revocavit scripturam codicum, eumque deinceps editores secuti sunt. Tamen praecedens verbum *minuerat* requirit *intenderetur*, neque unquam audiui morem aliquem incendi. De verbo *intendere* cf. ipsum Waltherum ad A. XII, 35., ubi recte rescripsit lectionem codd. et edd. vet. *intendebant ardorem exercitus*, pro qua verbum *incendebant* ex ed. Gryphiana in textum irrepsit. A. XI, 31. lectio codicis Ma. *facientibus* orta est ex archetypi scriptura *facentibus* pro *fatentibus*. A. XIV, 8. cod. Ma. praebet *vocis* pro *votis*. C. 11. lectio *oblita* pro *obliqua* orta ex antiqua scriptura *obliqua*. A. XV, 50. *Vulgacium* pro *Volcatium* et A. XVI, 8. *Volcaciis* pro *Volcatis* legitur in cod. Ma.; A. XV, 12. *Paccium* pro *Pactium*; H. III, 6. *Aceste* pro *Ateste*; c. 9. *cartari* pro *Tartari*; H. V, 5. *cōtinebāt* i. e. *continebatur* pro *cōcinebāt* i. e. *concinebant*; cap. 7. *indicas* pro *inclitas* s. *inclutas*. Alia exempla literarum c et t commutatarum ex M. collegit Bekker in not. ad Ern. Praef. p. XV.

Haud absurde igitur A. XVI, 19. vulgatam codicum lectionem *levia carmina et faciles versus* Bezenberger in Emendatt. delect. p. 41. correxit in *l. c. et futiles versus*. Doederlinus enim subtiliter quidem annotavit versus ludicros, jocosos de rebus amatoriis ac similibus novo significato *faciles* dici, sed id, quod ipse coniecit, *facetos versus* displicet, quippe quum nimis a codicum scriptura recedat ac facetiarum laus ab hoc loco aliena sit. Expectares potius ex ingenio Petronii, ut *molles versus* (v. Ovid. Trist. II, 307.) vel simile quid a Tacito commemoraretur; qua re adiectivum *futiles* ductibus literarum simillimum haud ineptum mihi videtur esse. Vicissim Cic. Orat. 8, 27. cod. Einsiedl. *futile* pro *facile* exhibet. Apud Tacitum l. l. praecedens synonymon *levis* fortasse traxit vocem *facilis*.

H. IV, 29. vulgatam codicum lectionem *unde clamor acciderat, circumagere corpora, tendere arcus* recte improbasse mihi videntur Lipsius, Aeidalius, Ritter, Rupertius. Arcuum enim inter Germanorum tela neque in Germania neque tot proeliis in Historiis atque Annalibus descriptis unquam apud Tacitum fit mentio: neque est, quod in hac nocturna castrorum oppugnatione, quippe cuius ratio ac natura gladiatorum, hastarum, pilorum magis quam sagittarum, fundarum, tormentorum usum admiserit, praeter cetera tela, quibus eminus cominusve pugnatur, ipsi arcus commemorantur. Ac ne proximis quidem verbis *ignavorum saepe telis fortissimi cadere* vulgata firmatur: quippe vocabulum *tela* non jacula tantum eminus missa notat, sed Germanico *Angriffswaffen* respondet. Accedit quod cum Ernestio ac Rittero vehementer dubito, num latine dicatur, arcum tendi aliquo. Nam locutione *arcum tendi* idem significari, quod Germanica *den Bogen spannen*, non *richten*; Ritter bene docuit, nec solemnes formulae *manus ad coelum, ad Deos, ad hominem aliquem tendere* quidquam momenti ad vulgatam tuendam afferunt; immo inde patet longe diversam utriusque locutionis rationem esse. Manus enim ideo dicuntur aliquo tendi, quod a reliquo corpore quasi amoveantur atque ad rem aliquam versus porrigantur; at arcus ad scopum, quem sagittae feriant, non tenduntur, sed diriguntur. Interpretes, qui vulgatam tolerarunt, fefellit Germanicum verbum *richten*, quo latinum *tendere* saepe reddi potest. Itaque *artus*, Lipsii emendationem a Rittero et Ru-

pertio in textum receptam, equidem probaverim ⁶⁷⁾. Verba Taciti enim spectant ad antecedentia *neque ferendi neque declinandi providentia*. Etenim quum cuncta tenebris mixta essent, pugnae ad eam regionem, unde clamor aut armorum strepitus acciderat, corpora converterunt atque artus i. e. brachia ac manus scuta telaeque ferentia tendebant sive hostes caesuri sive ictus declinaturi ac propulsaturi. Eadem vocabula rarsus H. II, 70: coniuncta sunt: *Lacera corpora, trunci artus*. Ceterum Agric. 11. eadem confusio reperitur: ibi enim pro vulgata lectione *magni artus Germanicam originem asseverant* cod. Vat. 4498. *magni arcus* sqq. exhibet. Potuit autem H. I. I., ut in narratione pugnae, vox *artus* facillime abire in *arcus*; et medio aevo magis in usu erant *arcus* quam apud Romanos.

Litera *d* pro *cl*, quamvis raro, ponitur in codd. Mediceis ⁶⁸⁾,

67) Jacobus Obs., ad Tac. H. critt. H. p. 23 conjecturam *artus* probaturum se esse ait, si poetam legeremus; eos enim pro corporibus membris, pro membris artubus uti malle: e quibus ut multa assumerit Tacitus, non tamen temere quaeque invehenda esse. Diserte autem negat ullum esse locum, ubi artuum talis apud illum usus sit. At vereor, ne haec ad vulgatam lectionem omni modo tuendam magis quam ad veritatem a viro doctissimo jacta sint. Voce *artus* enim non solum singulae quaedam species partium corporis, lacerti, brachia, manus, crura, pedes, nervis articulisque cum trunco i. e. cum medio corpore connexa, ut plerumque fit, significantur, sed Tacitus universe etiam pro membris ea utitur. Cf. Ann. XIII, 35. *ambusti multorum artus* (i. e. *manus pedesque*) *vi frigoris*; H. II, 70 *lacera corpora, trunci artus*; An. II, 21. *latos barbarorum artus, nuda ora foderent*; H. II, 28 extr. *non abruptendos corpori validissimos artus*; Agr. 11. *magni artus Germanicam originem asseverant*. Ceterum nostro loco in describendis nocturnae pugnae turbis *artus* secernuntur quodammodo a corporibus, sicut a Virg. Ann. IX, 490 *quae nunc artus avulsae membra... tellus habet?* *artus* a membris distinguuntur, quamquam proprie voce *membra* universae corporis partes generatim notantur.

68) Sic cod. G. Ann. XII, 55 *ditarum* pro *Clitarum* et H. III, 71 *divi* pro *clivi* exhibet. Pl. Trin. II, 4, 182 codex Sur. habet *Callidi* pro *Callicki*. Cic. Orat. 69, 231 lectio cod. Einsiedl. *hyerodes* orta ex scriptura *hyerocles* pro genuina *Hierocles*. Ibid. 48, 159 vulgata ante Meyerum lectio *inclitus* vel *inclutus* originem traxit ex

ut A. IV, 59. *mare amundanum* pro *mare Amuctanum*; H. V, 7. *indicas* pro *inclitas* s. *inclutas*.

Litterae *d* et *t* ut in lapidibus ⁶⁹⁾ et codd. *Motis* ⁷⁰⁾, ita in Mediceis libris nonnunquam inter se permutatae sunt ⁷¹⁾. Sic

archetypi cujusdam scriptura *incluctus* pro lectione codd. *Eins*. Vit. Mon. *inductus*, quae rursus ex genuina *indoctus* nata est, quam ex codd. Vet. Stephani et Gud. 3. et ex Gellii N. A. II, 17 Meyer et Orellius revocarunt probante Beiero. In Monacensi cod. Msto comment. Porphy. in Hor. A. P. legitur ad v. 32 *polydetti* pro *Polydetti* et ad v. 52 *tridinium* pro *triclodium*.

69) Sic in Gruteri Thesaur. Inscriptt. p. 199 no. 6 *limides* pro *limites* et p. 535 no. 6 *Badaus* pro *Batavus* ex inscriptionibus afferuntur.

70) Sic Martialis I, 4, 5 cod. Wolfenbottelanus s. exhibet *tirisorem* pro *derisorem*, Mart. IV, 66, 17 optimus cod. Thuaneus cum Vossiano B. *reliquid* pro *reliquit*, quasi a pronomine *quid* derivandum esset. Mart. VII, 96, 3 praestantissimus cod. Vossianus R, *triete-rite* pro *trieteride* praebet. Vell. II, 55. 1. in apogr. Amerb. *quando* pro *quanto* scriptum est. Varr. de L. L. VI. §. 89. p. 110. ed. Muell. in codd. legitur *idem* ut *praeco* pro vulgata *item* u. p., ut Augustinus emendavit et Gryphius primus edidit. Ita Cic. Orat. 49, 164. Beier et Orellius e coniectura Ernestii scripserunt *item-que* pro vulgato *idemque*; cf. 48, 159 *itemque composuit, consuevit, concrepuit, confecit*. Cf. etiam Scioppij de arte crit. comm. s. vv. *d* pro *t* et *t* pro *d* et doctos Benedictinos in opere diplomatico saepius commemorato T. III. p. 264 not.

71) Omitto ea confusionis exempla, quae ex varia scribendi ratione, qua veteres in nonnullis vocabulis in *t* aut *d* cadentibus utebantur, originem traxerunt: qua de re Schneider Gr. Lat. I. p. 251 — 254 disputavit. Sic in cod. Ma. legitur *ad* pro coniunctione *at* hisce locis: A. XII, 8, 43. XIV, 63. pr. H. I, 53. IV, 71, ut in cod. Thuaneo Mart. XI, 104, 8; eademque scribendi ratio reperitur in vett. Velleii libris I, 14, 6. II, 10, 1. 39, 3. 86, 2. 105, 3. Cf. etiam Drakenb. ad Lib. III, 17, 3. 43, 1. Item *adque* pro *atque* scriptum est in apogr. Amerb. Vell. II, 9, 3. 84, 3. E contrario in codice M. *aliquit, aliut, aput, haut, illut, istut, quit, set* scriptum esse Pichena testatur in Praefatione, et codex Ma. Ann. XV, 16. *aput*, A. XVI, 30 *quot* et *aliut* exhibet, quas quidem formas vestigia ac reliquias eius scribendi rationis, qua librarius archetypi usus sit, esse putaverim. Itaque librarius codicis Ma., quum Ann. XVI, 22 in archetypo *quot* ibi *lasciviam exprobrent* videret, *quod* ibi *l. e.* scripsit pro genuina lectione *quo tibi l. e.*, quae ex Rhenani emen-

codex M. exhibet A. I, 3. et 77. H, 36. III, 18. *dum* pro *tum*, e contrario A. VI, 44. *tum* pro *dum*. A. I, 14. extr. in eodem libro legitur *candidatos praedurae*; c. 35. *ostendavere*; cap. 37. *istem* pro *isdem* s. *iisdem*. Cod. Ma. A. XI, 10. *Godarsen* pro *Gotarsen*; A. XIV, 8. extr. *capud* pro *caput*, c. 21. *efflagitanti* pro *efflagitandi* exhibet. A. XIII, 57. extr. lectio codd. Ma. G. Oa. ed. Spir. *resistentibus flammis* nata est ex scriptura *resitentibus flammis* pro *residentibus flammis*. A. XIV, 58. lectio codicis Ma. *aspermantium* originem traxit ex mendosa scriptura *aspermantum* pro *aspermandum*. H. I, 24. et III, 11. cod. Ma. exhibet *velud* pro *velut*, sicut Agr. 10. editio Puteolani altera. Idem ille codex H. I, 41. *Adlium* pro *Atilium*, H. II, 22. *gradibus* pro *cratibus*, c. 92. pr. *dum* pro *tum* praebet. Quae quum ita sint, H. V, 7. cum Gutmanno probaverim Salmasii emendationem *solidam in speciem* pro lectione codd. Mstorum vulgata *solitam in speciem*.

Litera *e* vel *E* cum *f* vel *F*⁷²⁾ in codice M. commutata est A. I, 34. 41. extr. IV, 41., quibus locis *elevit* pro *flevit* in eo scriptum est, A. III, 21. init., ubi *eusti* pro *fusti* legitur. H. IV, 50. lectio codd. Ma. G. *Offensium* ex mendosa scriptura *OF-ENSIUM* pro vulgata *OEENSIUM* orta esse mihi videtur. Vicissim H. V, 1. scriptura codd. Ma. V. Lipsii *ut superiori unam crederetur* inde originem traxisse videtur, quod archetypum exemplar pro genuina lectione a Lipsio investigata *SUPER FORTUNAM* commutata insuper T litera cum I exhibuerat: *SUPEREORIUNAM*.

Itaque Bezzenberger l. l. p. 34. egregie emendavit locum corruptum A. XIV, 16. extr., ubi, quum codex Ma. praebet *etiam sapientiae doctoribus impartiebat post epulas, utque contraria asseverant tum discordias rueretur*, ille coniecit legendum esse *etiam utque contraria asseverantium discordia frueretur*. Ceterum verba *utque contraria asseverantium* in codd. A. B. (a sec.

datione vulgatur. Similiter Mart. VI, 34, 1 et 7 codd. R. T. A. B. G. habent *quod* pro *quot*. Cf. etiam Goeschen. Praef. ed. Gaii not. 41. p. XXXXVII sq.

72) Sic Plaut. Bacch. IV, 4, 108 vulgatam lectionem *fugiamus* quidam viri docti in *euge eamus* bene mutarunt, quippe quum fugae commemoratio inepta sit. Suspicio in archetypo scriptum fuisse *FVGEAMVS* absorpta insuper alterutra E litera ex vulgari mendo

m.) Oa. (a pr. m.) R. atque in omnibus editionibus leguntur inde a Puteolano usque ad Oberlinum, qui cum Bekkero, Rittero, Rupertio particulam *que* omisit. Proxime autem ad Bezenbergeri emendationem accessit Bachius, qui probante Doederlino edidit *utque contraria asseverantium discordia erueretur*. Doederlinus putat, conjunctionem *ut* pendere ex verbo *faciebat*, *efficiebat* vel *curabat*, quod ex locutione *tempus impartiebat* ad alterum sententiæ membrum intelligendum sit. Sin conjecturam *frueretur* probas, ea elipsi non opus est, sed particula *ut* sua utitur significatione, qua consilium ac finem, quo quid factum sit, indicat. Particula *que* autem verba *post epulas*, quae rationem ac modum continent, quibus Nero philosophis tempus impertiverit, conjunguntur cum enuntiatione finali, qua declaratur, quo consilio tempus philosophis impertiverit. Ideo et verba *post epulas* verbo *impartiebat* postposita sunt, ut ea cum enuntiato finali jungenda esse facile intelligatur. Ita duplex erat Neronis ludibrium — ut Doederlini verbis utar — primum, quod speciem philosophandi induebat tempore ad id negotium minime idoneo ⁷³), quippe quo venter cibo ac vino gravis esset, alterum, quod philosophos non ad veritatem investigandam accibat, neque ut erudiretur, sed quo discordia oblectaretur philosophorum, qui, ut inter diversas sectas rixosissimi generis hominum hodieque fieri solet, contraria pervaciis asseverantes se mutuo vexabant atque corripiebant. Conjectura *frueretur* proximis statim hisce verbis Taciti firmatur: *Nec deerant, qui ore vultuque tristi inter oblectamenta regia spectari cuperent*. De vi atque usu verbi *frui* cf. virorum doctorum commentarios a Rupertio ad A. II, 13. commemoratos. Qui autem vulgatam *erueretur* retinent, ab usu loquendi discedere mihi videntur. Nam veritas quidem eruitur, non tamen discordia, nisi si abdita et occulta dicitur.

Litterae *e* et *i* ut in aliis codd. Mstis ⁷⁴), ita in libris Med.

73) Cf. Cic. Tusc. V, 35, 101: *Ne mente quidem recte uti possumus multo cibo et potione completi*.

74) Sic Cic. Epp. ad Fam. I, 1, 3 cod. Med. *assentire* pro *assentiri* et II, 6, 1 *perferre* pro *perferri* praebebat. Tac. Agr. 34 extr. in cod. Vat. 3429. *imputare* pro *imputari* legitur. Martial I, 2, 6 codex Puteaneus *urbi* pro *urbe* et VI, 34, 3 *mares* pro *maris* exhibet. Mart. I, 3, 5 idem codex cum Vossiano B. et Gudian

saepissime inter se permutantur. Exemplis e codice M. a Bekkero in nota ad Ernestii Praef. p. XV. collectis adde haec: A. I., 20. *accipere* pro *accepere*; c. 28. *percennioni* pro *Percennione*; cap. 30. *considerant* pro *consederant*; c. 45. *molis* pro *moles*; cap. 64. pr. *sequi* pro *seque*. A. II, 11. *deducere* pro *diducere* ^{74a}); cap. 31. *derexit* pro *direxit*; c. 34. *illi abscissit* pro *ille abcessit*; c. 45. *deriguntur* pro *diriguntur*; c. 46. *recente libertate* pro

iuvenisque senisque praebet pro *iuenesque senesque*. Ibid. 4, 5 optimi cod. Thuanei lectio *Temelen* orta est ex scriptura archetypi *Thimelen* vel *Timelen* pro *Thymelen*, id quod patet ex varietate lectionis a Schneidewino collecta. Mart. III, 4, 1 idem codex *requirit* pro *requirit* habet, v. 2 *Aemeliae...viae* pro *Aemiliae...viae*, ibid. 57, 1 *vindidit* pro *vendidit*, VII, 54, 7 *avis* pro *aves*, X, 48, 18 *additur* pro *addetur*, XIV, 8, 1 *legeret* pro *legerit*, ibid. 24, 1 *crinis* pro *crines*. Mart. XIII, 127, 2 idem liber cum Vossiano R. exhibet *viris* pro *veris*. Mart. XII, 82, 12 in codd. X.A.B.C. legitur *colligit* pro *colliget*. Ideo et particularum *ergo* et *igitur* compendia ^e et ⁱ (v. Orell. ad Cic. Orat. 15, 49 p. 39 ed. seorsum emissa.) saepe in libris Mstis confusa sunt, sicut Cic. Orat. 35, 123 cod. Erlang. *is igitur erit eloquens* pro vulgata *is erit ergo eloquens* exhibet, ibid. 52, 174 cod. Viteb. *primum igitur origo* pro *primum ergo origo*, ibid. 57, 191 cod. Einsiedl. *sequitur igitur* pro *sequitur ergo*, et Martial. II, 17, 5. deteriores libri habent *quid ergo facit* pro lectione optimorum codd. *quid igitur facit*, quam Schneidewinus edidit. Huc pertinet etiam frequens confusio particularum *atque* et *atqui*, de qua videas Drakenb. ad Liv. III, 52, 8. et V, 4, 1. Spalding. ad Quintil. IV, 2, 10. et 80. IV, 3, 17. Gernhard. ad Cic. Cat. Maior. 14, 50. Sic Cic. Brut. 18, 72. 80, 279. Off. III, 11, 48. Tuscul. III, 7, 14. Epp. ad Fam. IX, 22, 1. libri inter utramque particulam fluctuant. Magnam copiam locorum, quibus veteres Velleii libri modo *e* pro *i*, modo *i* pro *e* habent, collegit Kritzius Prolegg. p. LXXXVII. sq. In universum cf. de causa et origine huius permutationis Schneideri Gramm. Lat. I. p. 13—18, Lerschium in libro, qui inscribitur *Centralmuseum rheinlând. Inschriften*, Vol. I. p. 10, Osannum in *Diariis antiq. litt.* a. 1841. no. 119. p. 990.

74a) Perpetua fere in codd. Mstis est horum verborum commutatio, v. c. ap. Hor. A. P. 129. Juven. I, 157. Pers. III, 56. Tac. H. IV, 46. Cf. Drakenb. ad Sil. Ital. XV, 184. Cort. ad Lucan. II, 294. Loers. ad Ovid. Trist. p. 47, quos commemorat C. Fr. Hermannus in disputatione altera de usu et auctoritate scholl. Persiam. p. 35. n. 65.

recenti libertate; A. III, 66. *Bruttedius Niger* pro *Brutidius Niger*; A. IV, 66. *conixius* pro *connexus*; A. VI, 45. extr. *vincerent* pro *vincirent*. En exempla e codice Ma. congesta: A. XI, 18. *magnis delectis* pro *magnis delictis*; A. XI, 22. extr. *reperavissent* pro *reciperavissent*; A. XIII, 47. *via flaminea* pro *via Flaminia*; c. 57. lectio Ma. codicis *alimentis* orta ex *elementis* pro *elementis*. A. XIV, 33. *aliorum insignes* originem traxit ex scriptura *aliorum signes* pro *aliorum* (vel *laborum*) *segnes*. A. XV, 53. cod. Ma. exhibet *accedens* pro *accidens*; c. 59. *vincerent* pro *vincirent*; A. XVI, 14. *innixum* pro *innerum*; H. III, 53. init *eviluissint* pro *eviluissent*; H. IV, 32. *recipi* pro *recepti*; c. 58. *sufficit* pro *suffecit*; c. 70. *sicut is* pro *secutis*; H. V, 10. *excipere* pro *exceperere*. Quin ex uno eodemque codice H. II, 41. extr. *Victorius relibebantur*, Jac. Gronovius *relebebantur* prodiderunt. H. III, 27. lectio codd. Ma.G. et edd. vett. *legiones* orta ex scriptura *legones* pro *ligones*. Denique ita factum esse videtur, ut inf. praes. pass. cum inf. praes. act. in codd. Med. haud raro mutaretur. Haec sunt exempla: A. I, 3. *destinare* pro *destinari*, A. II, 30. *interrogare* pro *interrogari*; A. XI, 7. *praeparare* pro *praeparari*; A. XIV, 60. *tuere* pro *tueri*; A. XV, 5. *circumsedere* pro *circumsederi*, c. 59. *sperare* pro *sperari*; H. III, 86. *continere* pro *contineri*; H. IV, 81. *integrare* pro *integrari*.

Optime igitur Bezenberger l. l. p. 27. cum Vertranio Ann. XI, 20. rescripsit *inter Mosam Rhenumque trium et viginti milium spatio fossam perduxit, qua incerta Oceani vitarentur* pro vulgato *vetarentur*, quod pro *arcerentur* dictum putat Doederlinus collato loco scenici poetae Sen. Herc. Oet. 1624: *Stat vasta late quercus et Phoebum vetat*. Sed ut concedam etiam a Tacito *vetare* pro *arcere* dici posse, tamen incerta Oceani i. e. aestuaria et loca vadosa per fossam illam non arcebantur, sed vitabantur. Quippe naves ipsa fossa facta ne adibant quidem aestuaria et Oceanum, sed legiones atque commentus e. Gallia et Germania inferiore per Mosam et fossam illam Rhenumque, dein per Drusianam fossam ac lacus ad Frisios Chaucosque vehebant. Itaque vitatis itineris maritimi periculis, navigabilia inter se fiebant Galliae et Germaniae litora. Undecim annis post similem ob causam L. Vetus Mosellam atque Ararim facta inter utrumque fossa

connectebat, ut difficultates ac pericula maritimi per Oceanum itineris vitarentur et commercium inter Occidentem atque Orientem expediretur. V. A. XIII, 53. Ceterum diversam causam factae a Corbulone fossae rettulit Dio Cass. LX, 30, cujus tamen verbis nec vulgata lectio explicatur aut firmatur.

Nec minus recte A. XIII, 36. Pichenae scripturam cod. *Ma. ne pugnam priores audirent* in *auderent* mutavisse mihi videtur, quod cod. Vaticanus Lipsii praebuit. In edd. vett. ante Pichenam atque posthac in edd. Ernest. Oberl. Bekk. Ritt. legitur *adirent* ex codicibus familiae Geauensis. Egregie autem Walther lectionem cod. Vaticani defendit, quam alteri longe praeferendam esse demonstravit. Accedit ratio palaeographica, quod, quamquam Ernestio concedendum est verba *adire* et *audire* interdum in libris Mstis permutari ⁷⁵⁾, id in codice Ma. semel ⁷⁶⁾ tantum (A. XV, 36.)

75) Cf. supra notam 46. p. 84 sq.

76) Ann. XIII, 5 enim lectionem codd. et edd. vett. *velo discreta*, quod *visum* arceret, *aditus* non *adimeret* post Waltherum egregie defendit Pabstius in Observatt. in Tacitum indici scholarum Gymn. Arnstad. a. 1837. praemissis p. 8. contra coniecturas Lipsii *auditus*, Pichenae *auditum*, quarum illam Freinsh. Gronov. Ernest. Kiessl. Walth. Bach. Ritt. Rup., hanc Bipont. Oberl. Bekk. in textum intulerunt. Etenim ut omitam — id quod Pabstius monuit — propter antecedens vocabulum *visum* librarios, si quidem oscitantiae vel socordiae vitium commisissent, potius *aditus* in *auditus* vel *auditum* mutaturos fuisse, quam vicissim: propter ipsam singularem formam *visum* expectares, ut Tacitus, si revera de audiendo sermo esset, non *auditus*, sed *auditum* scripsisset, quum tamen libri Msti et edd. vett. *aditus* praebeant. Lipsius quidem affirmat, adiri conspici noluisset Agrippinam, sed Pabstius hanc summi critici sententiam temere iactam optime refutavit hisce verbis: „Hoc conspici concedere quidem possumus, nec vero illud *adiri*. Agrippina ut senatorum, qui ab ipsius parte stabant, consilia adjuvare posset, in palatium convenire senatum iusserat: iam vero ipsa, quamquam senatui interesse nolebat, femina viro- rum coetui, quippe quod indecorum videretur, velo discreta *aditus* tamen non adimebat.“ Idem fere legi apud Ammian. Marcell. XIV, 9, 2. idem ille docuit, qui et relegavit nos ad Hammeri Hist. regni Turcici Tom. IV. p. 581, ubi mater Mustafae, Imperatoris Turcarum, femina dominationis avidissima, altera Agrippina, cum seditionis militibus per aulaeum egisse narratur. Vides hoc loco Taciti editores ipsis libris festinantius ac socordius egisse.

factum est, ibique verbum *audire* brevi aptecedens formam *auditurus* traxit. Rursus vix unum aut alterum locum reperies, quo librarius cod. Ma., incertum an archetypum secutus, verbum *audere* in *audire* non corruerit. Ita in cod. Ma. legitur A. XIV, 58. *audienti*; A. XV, 53. *audientiae*; H. 1, 3. *audientes*; c. 6. *audienti*; c. 21. *audiendumque*; c. 60. extr. *audiendo*; H. II, 78. init. *audientius* pro *audenti*, *audientiae*, *audentes* etc. Itaque suspicor etiam H. IV, 49. scripturam ed. Spir. *audendi* in Ma. reperiri.

Litterae *f* et *t* in codice Ma. hisce locis confusae sunt ^{76a}): A. XIV, 8. *retractaque janua* in eo legitur pro *refractaque janua*; H. 1, 47. *omisisse tot sensas* pro *omississet offensas*; c. 51. *confractae legiones* pro *contractae legiones*; H. IV, 29. *et fulgens* pro *effulgens*; c. 30. *infra castra* pro *intra castra*. Ita H. III, 77. varietas lectionis orta est ex archetypi scriptura *tradi furum* pro genuina *traditurum*, quam Bekker, Ritter, Rupertius per conjecturam rescripserunt. ^{76b}). Exhibent enim codd. Ma.A.B.Oa. (in marg.) ed. Spir. *tradi futurum*, codd. G.H.O.Oa. edd. Put. sqq. *furtim traditurum*. Recte igitur A. XII, 68. pr. Bezzenberger l. 1. p. 30. vulgatam lectionem *cum jam exanimis vestibus et fomentis obtegeretur* mutavit in *tomentis*. Et certe ad mortuorum corpora obtegenda fomenta adhiberi non solent.

Frequentissima autem est confusio litterarum *i* et *l* ⁷⁷) in

76a) Eiusmodi confusionis exempla in vet. Vellei libris obvia vid. in Kritz. Prolegg. p. LXXXVIII et XCI. Cfr. etiam Scioppii de arte crit. comment. s. vv. *f* pro *t* et *t* pro *f*.

76b) Lectionem *traditurum* probavit et Kritzius ad Vell. II, 130, 3. p. 547, quamquam *tradi futurum* ex sola illius vocabuli distractione ortum putat.

77) Eadem confusio in aliis quoque libris Mstis subinde reperitur. Sic Agric. 9 in cod. Vat. 4498. *facultas* pro *facilitas* (de qua perpetua confusio cfr. H. Stephani Castigg. Cic. p. 107.) et Germ. 28. in codd. Mstis et edd. vet. *Neruli* pro *Nervii* legitur. Germ. 22. plerique codd. *ioci* pro *loci* exhibent, ut Martial. XI, 65, -4 cod. Palatinus *iocus* pro *locus*. Martial. VIII, 37, 1 et 4 multi et boni libri *Caletano* pro *Caetano* praebent. Ibid. XII, 82, 11 in cod. Puteaneo *igonae* pro *lagonae* s. *lagenae* legitur. Varr. de L. L. V. §. 83. p. 33. ed. Muell. p. 25. ed. Bip pro vulgato *uls* codd.

codd. Mediceis facta. Eae enim literae in Romana scriptura, quae minuta semiquadrata dicitur, atque in Langobardica plerumque sola magnitudine et interdum ne ea quidem inter se differunt, id quod facile est intellectu ex speciminibus scripturae codicis Florentini Pandectarum et alterius Medicei libri Taciti, quae Mabillonius de Re Diplomatica tab. VII. p. 357. et tab. V. p. 353. atque docti Benedictini in opere diplomatico saepius jam laudato Tom. III. tab. 49. ediderunt. Haque A. I, 22. 'cod. M. exhibet *ablegeris* pro *abieceris*, sicut A. XIII, 29. extr. cod. G. et ed. Spir. *deiecit* pro *delegit* ⁷⁸). A. I, 77. extr. cod. Ma. praebet *stret* pro *stret*; A. II, 11. *circumlectum* pro *circumistum*; c. 32. et 60. *delectus* pro *deiectus*; A. IV, 25. *delectis* pro *deiectis*. Vicissim A. IV, 44. *deiectus* pro *delectus*, c. 72. *deiegit* pro *delegit* et H. V, 23. *ieiectum* pro *electum* legitur in libris Mediceis. A. II, 32. cod. Ma. exhibet *Gakus Asinius* pro *Gallus Asinius*; A. III, 29. *conglarium* pro *congiarium*; A. IV, 55. *traktanique* pro *Tralianique*. A. VI, 41. lectio codicis *Cietarum* orta ex scriptura archetypi *Cletarum* pro *Clitarum*; A. XI, 6. init. cod. Ma. exhibet *Sillus* pro *Silius*; c. 22. lectio cod. Ma. *post legem Suillae* originem traxisse videtur ex scriptura *post lege Suillae* pro *p. l. Sullae*; A. XII, 33. idem liber exhibet *Ordolucas* pro *Ordovicas*; A. XIII, 22. *Pantello* pro *P. Anteio*, sicut c. 39. in nonnullis libris *Instello* vel *Justello* vel *Vistello* pro *Insteio* legitur. C. 56. cod. Ma. habet *bolocalo* pro *Boiocalo*; A. XV, 7. *consiliaria insignia* pro *consularia* i., ut H. II, 37. cod. G. cum edd. vet. *consiliarium* pro *consularium*. A. XVI, 10. cod. Ma. exhibet *ketulatu* pro *eiulatu*; H. II, 93. *Germanorum Gauorumque* pro *G. Gallo-*

habent *uis* aut *ius*. Cfr. etiam Kritz. Prolegg. ed. Vell. p. LXXXIX. Od. Mueller. Praef. ed. Varro. p. XXII. Sciopp. de arte crit. comm. s. vv. i pro l et l pro i.

- 78) Quare Martial. I, 60, 6 Salmasii et C. Barthii emendationem *non nisi deiecta pascitur ille fera* cum J. Fr. Gronovio ac Doederlino ad Tac. Ann. IV, 25 vulgatae lectioni codd. Mstorum et edd. vet. *delecta* praetulerim coll. Phaedr. II, 1, 1: *Super iuvenum stabat deiectum leo*. Nec minus feliciter Cic. pro Flacco 15, 57 scriptura codd. Mstorum et edd. vet. *legerit* a Victorio Varr. lectt. XIII, 22 in *iecerit* est emendata.

rumque; H. III, 25. *platos patris manes* pro *piatos p. m.*; cap. 69. *Gratilia* pro *Gratilla*; c. 72. *Puloilius* pro *Puloillus*; H. IV, 64. *avis* pro *aliis*; H. V, 22. *flumine inpia* pro *flumine Lupia*.

Eadem confusione quodammodo firmatur palmaris Marklandi emendatio a Bipont. Oberl. Bekk. Ritt. Doed. recepta. Ille enim A. XVI, 19. lectionem codd. Mstorum et edd. vett. *inuit et vias*, *somno indulsit* correxit in *inuit epulas*, *somno i*. Primum autem *epuias* scriptum fuisse videtur, unde lectio *et vias* eadem ratione orta est, qua A. XIV, 21. in codd. et vett. edd. *potius* pro *totius*, A. XV, 55. in cod. Ma. *et aphroditum* pro *Epaphroditum* legitur. Locutio *inire epulas* etiam A. XV, 52. reperitur, sicut *inire convivium* A. IV, 10. A. XV, 54 et 58. Suet. Aug. 74 et 76. Eadem a Valerio Asiatico atque a Lucano facta referunt Tac. A. XI, 3. et Suet. Vit. Lucani; et similem exitum Pontiae cujusdam commemorat vetus scholiasta Juvenal. ad Sat. VI, 638 sqq. hisce verbis: *Pontia Publii Petronii filia, quem Nero convictum* (vett. libri exhibent *quam Nero convictam* ob antecedentem Pontiam) *in crimine conjurationis damnavit, defuncto marito filios suos veneno necasse convicta, quum largis se epulis onerasset et* ⁷⁹⁾

- 79) In vett. libris Mstis Budensi-Pithoei et Sangallensi Crameri ante *venis* inseritur vocabulum *veneno*, quod librarius archetypi, ex quo utrumque codicem descriptum esse Cramer Praef. p. 14 judicavit, quum oculi propter simile verborum *venis* et *veneno* initium in antecedentem lineam aberrassent, inde mendose repetivit, tum vero subjectis punctis ut falsum notare neglexit. In iis enim scholiis, quae Schurzleischius edidit, quaeque idem, quod Pithoeanus scholiasta, iisdem fere verbis de Pontia referunt, vini nulla omnino fit mentio. Haec autem in illis leguntur: *Pontia . . . largiter est epulata incisisque venis a se ipsa extincta*. Vallae coniecturam *vino pro veneno* Heinrichius in textum scholiastae temere recepit, ne mentione quidem facta lectionis codicum et veterum editionum: *Vino* meram coniecturam esse modo dixi. Etenim quamquam apud Vallam teste Cramero hoc schol. sic refertur: *Haec est Pontia, Publii Petronii filia, quae defuncto Drymione marito, filios suos occidit, sed coniuncta* (lege: *convicta*), *ut largo vino atque epulis se obruerat, incinis venis sultans, cui rei studiosa fuerat, extincta est*; tamen, si scholii formam in codd. Pithoeano, Sangallensi et Schurzleischiano servatam respexeris simulque hoc reputaveris,

venis incis. saltans, quo maxime studio oblectabatur, extincta est. Et certe quid aptius ingenio Petronii atque illi saeculo, quam ut solitas epulas iniret, post coenam somno indulgeret, ut quamvis coacta mors fortuitae similis esset? Nihil fecit ille, nisi quod Romanis in quotidiano usu erat. Contra nova plane atque inaudita est locutio *vias inire* pro sollemnī formula *in publicum procedere*. Accedit quod particula *et* friget ut supervacanea otiosaque et sermonis concianitati noxia. Jure igitur mirabere Waltherum, Bachium, Rupertium lectionem codicum anxie revocasse. Ceterum conseo interpunctionem, quae dicitur, mutandam esse. Deleto enim puncto ante *iniret epulas* haec verba conjungas cum *his*, quae proxime antecedunt: quippe, si quid recte sentio, verba *ut quamquam coacta mors fortuitae similis esset* non solum ad epulas et somnum, sed etiam ad condicionem servorum referenda esse videntur. Eadem quidem sententia inest in Bezzenbergeri (l. l. p. 41.) conjectura *iniret convivium*, quae tamen longius recedit a scriptura codicum, quam praesertim particula *et* nulla ratione reddita de medio removeatur. Ceterum si Bezzenbergeri emendationem probes, lectionem *vias* inde ortam putabis, quod, alterutra *syllaba vi* omissa, litera *s* ex sequenti voce *somno* adhaeserit, itaque *vias* pro *convivia* in archetypo scriptum fuerit. Syllabam *con* autem per compendium *c* scriptam saepe omissam notavit Orellius ad Cic. Orat. 38, 135. p. 95.

quod Cramer Praef. p. 5 sq. memorat,volvendo Vallae Commentarium compertum se habere, cum non solum ad suam saepe orationem scholiastae verba contorsisse, sed etiam plurimo suppressisse, alia sibi adscripsisse, non dubitabis, quin Valla sensum scholii vetusti sua ipsius verbis expresserit et vocabulum vino ex otioso illo veneno suo ingenio effinxerit. Quod si quis aliquod vocabulum in vino latere putet, emendatio vino mero, in quam ipse quondam incidi, et ad literaram duotus propius accedere: et orationem magis concinnam reddere videtur. Sed vix crediderim scholiastam ea verborum collocaione, qua verba vino mero cetera sequerentur claudicantia, usum fuisse. Expectares saltem: cum largis se epulis et mero (vel: multo) vino onerasset. Neque vero feminis Romanis moris erat vinum bibere. Contra omisso vocabulo veneno omnia sana; nec opus est particulam et delere, quamquam post illatum illud veneno facile et ex onerasset repeti potuit.

Litterae *i* et *t* cum in specimine celeberrimi codicis Pandectarum Florentini sub finem saeculi sexti semiquadratis literis Romanis scripti, quod Mabillonius de Re Diplomatica tab. VII. p. 357. edidit, interdum fere non distinguuntur, tum in codd. Mstis Mediceis Taciti saepius confunduntur⁸⁰⁾: quin et factum est, ut in uno eodemque codice Ma.H. III, 8. Pichena *interiectus exercitus*, Victorius et Furia *interiectus e.* legerent.

En exempla ejus confusionis: A. I, 13. codex M. exhibet *et usque* pro *eiusque*; c. 52. lectio codicis *inspectam* orta est ex scriptura *inspectem* pro *in speciem*; c. 64. codex praebet *inclinantis tam legiones* pro *i. iam l.*; H. II, 69. *adfectae tam imperii opes* pro *adfectae iam i. o.*; A. IV, 41. *init. non tam* pro *non iam*. A. III, 8. codex exhibet *praescripta*

80) Has litteras in vett. libris Mstis saepe confusas esse docuit Scipius in comment. de arte critica s. vv. *i* pro *t* et *t* pro *i*. Sic Cic. ad Fam. IX, 14, 3 *ei gratulor* pro *et gratulor* et XV, 4, 5. *egi et per literas gratias* pro *egi ei p. l. g.* in cod. Med. legitur. Brut. 26, 100 codd. et edd. vett. habent *et* pro *ei*, quod Orellius ex Gruteri emendatione rescripsit. Dial. de Oratt. c. 17 codd. Neap. Paris. Perizon. exhibent *qui se falebatur et pugnae interfuisse*, qua sqq. pro *q. s. f. ei p. sqq.* Eadem confusio reperitur nonnullis Velleii locis et Quintil. V, 10, 96. Cf. Drakenb. ad Liv. XLI, 15, 6 et commentarios vv. dd. ab eo laudatos. Martial. III, 60, 1 in libris familiae C, a scriptum est *non tam* pro *non iam*, sicut VI, 33, 4 *tam miser et fuit* vulgabatur ante Schneidewinum, qui optimorum codicum scripturam *iam m. e. f.* iure praetulit. Ita Mart. II, 5, 3 vulgatam ad Schneidewinum usque lectionem omnium fere codicum *distinguunt* vel *distingunt* ortam puto ex genuina scriptura *disiungunt*, quam novissimus ille Martialis editor ex optimo cod. Thuaneo restituit. Mart. IV, 64, 1. 36. lectio multorum librorum Mstorum et editorum *Tulli* orta esse videtur ex scriptura *Tuli* pro genuina *Juli*. Mart. XIII, 66, 1 lectio codd. X. A. B. G. *perduro dente* orta est ex archetypi cuiusdam scriptura *peruero d.* pro genuina *periuro d.* Eiusdem confusionis aliquot exempla in Velleii cod. Murbacensi apographoque Amerbachiano obvia collegit Kritzius in praestantissimae editionis Prolegg. p. XCI. Adde Vell. II, 37, 5, ubi Ruhnkenius depravatam ed. pr. et apogr. Amerb. lectionem *Syria aliaeque . . . provinciae ereptae et aliae restitutae populo Romano* ita emendavit: *S. a. p. e. et; aliae q. p. R.* Cfr. etiam Mueller. Praef. ed. Varr. p. XXII.

et a Tiberio pro praescripta ei a Tiberio; A. III, 69. *minutura* pro *minui iura*; A. IV, 10. *quae prima et apud filium epulanti offerretur* pro *quae prima ei apud* sqq. C. 28. init. lectio codicis *nomenque viri q. vibius seren*us orta esse mihi videtur ex scriptura *nomen utriusque q. vibius seren*us pro genuina *nomen utriusque Q. Vibius Sere*nus. Vulgatur minus bene *nomen utriusque Vibius Sere*nus. C. 55. codex habet *tralitanique* pro *Tralianique*. Ann. VI, 36. *aliosque occultos consili* in codice legitur pro *aliosque occultos consili*i. A. XII, 43. lectio codicis Ma. *subvenientum* pro *subventum* inde orta est, quod, quum in archetypo *subvenium* scriptum fuisset litera *t* cum *i* commutata, sive lector aliquis sive librarius syllabam *ent* superscripserat, ut *subventum* legeretur. A. XIV, 16. cod. Ma. praebet *asseverant tum* pro *asseverantium*; c. 40. *et propinquus* pro *ei propinquus*. A. XV, 70. lectio codicis Ma. *eximmane nu et lucani* originem duxit ex mendosa archetypi scriptura *eximmane et lucani* pro genuina a Rhenano restituta *exin M. Annaei Lucani*. Ceterum *exim* scripsit librarius cod. Ma. pro *exin* etiam A. XV, 20. init. Dein A. XVI, 12. lectio cod. Ma. *nomen iunctum* ex archetypi scriptura *nomen iuntum* pro *nomen Junium* nata est ⁸¹⁾ H. I, 3. extr. cod. Ma. exhibet *magis vetustis indicis* pro *magisve iustis indicis*; H. II, 14. *universa mire virorum alam* pro *universam Treverorum alam*; cap. 28. *ire virorum* pro *Treverorum*; c. 74. *iniant a mole belli* pro *in tanta mole belli*; c. 85. *allictebant* pro *alliciebant*; H. III, 10. *Apontanus* pro *Aponianus*; H. IV, 37. *Caitis* pro *Cattis* s. *Chattis*; c. 63. *saevitia ingenti* pro *saevitia ingenii*. H. V, 1. init. lectio codd. Ma. Vat. *superiori unam* orta esse videtur ex scriptura *supereorionam* pro *super fortunam*, litera *f* insuper cum *e* commutata.

Ita et factum est, ut conjunctio *ut* a librariis codd. Medi-

81) Similiter originem duxit An. XV, 44 lectio cod. Ma. *coniuncti sunt* ex archetypi scriptura *coniuncti sunt* pro *convicti sunt*, sicut Vallae schol. ad Juvenal. VI, 638 p. 270 ed. Cram. *coniuncta* pro *convicta* exhibet. Huc pertinet etiam lectio cod. Ma. Tac. Ann. XVI, 10 init. *vincendo* pro *visendo*; plura vide supra p. 46. sq., ubi de septimo vitiorum genere rettuli.

ceorum cum *ut* sive *vi* interdum commutaretur ⁸²⁾. Sic codex A. III, 26. *inducti visi* exhibet pro *inducti ut si*. A. XI, 20. cod. Ma. praebet *vi tamen miles olivum exueret* pro *ut tamen* sqq.; H. I, 85. *vim* pro *ut*; H. II, 46. *neoui periturus* pro *nec ut periturus*; A. IV, 22. *vi copiae in castra conveherentur* pro *ut copiae* sqq. Quibus exemplis probatur Jac. Gronovii emendatio loci H. III, 43. Is enim e scriptura cod. Ma. *quae vi paratu firma et aucta rumore . . . increbueret bene eliciunt quae ut paratu* sqq. pro vulgata lectione *quae ubi paratu* sqq.; quamquam utrique scripturae eadem inest sententia. Certissima vero emendatione, quam sententia loci omnino postulat, Schaeider apud Bachium H. III, 56. orationem Taciti sanavit. E verbis enim codd. Mistorum familiae Romanae: *accessit dirum omen, profugus altaris taurus disiecto sacrificii apparatu, longe nesci* (vel *nec vi*) *feriri hostias mos est, confossus* coniecit vir doctissimus legendum esse: *accessit . . . longe nec, ut feriri hostias mos est, confossus*. Contra vulgata ex Lipsii emendatione lectio *longe nec, ubi* sqq. propter id, quod proxime antecedit, adverbium *longe* friget utpote tautologiam quandam Tacito invehens. Recte igitur Bachius et Rupertius Schneideri conjecturam in textum recipere dignati sunt. Similiter A. XIV, 48. corrupta lectio cod. Ma. *tum primum revocata ea lex credebatur quae haud perinde exitium Antistio quam imperatori gloriam quae sibi condemnatus . . .*

82) Sic Cic. ad Att. IX, 18, 1 extr. in cod. Med. a pr. m. *at ego meam aut* (a sec. m. *me amabo*) legitur pro vulgata. Victorii emendatione *at ego me amavi*, quae auctoritate cod. Oxon. ψ . firmari videtur. Vell. Pat. II, 51, 1 editio princeps (cum silentio Burerii, qui eam cum cod. Murbacensi diligentissime contulit) et apographum Amerbach. exhibent *ut rebatur* pro vulgata ex emendatione Amerbachii et Rhenani lectione *ut rebatur*. Itaque Vell. Pat. II, 85, 6 ex scriptura ed. pr. (cum sil. Burerii) *videbit e suo an Cleopatrae arbitrio victoriam temperaturus fuerat*, apogr. Amerb. *videbit ne an Cleopatrae . . . fuerat* felicissimam hanc emendationem elicit Kritzius: *ut dubites suo, an Cleopatrae . . . fuerit*. Praeiverunt aliqua ex parte Burerius, qui coniecit *ut dubites suone, an Cleopatrae* sqq., Vossius, qui coniunctivum *fuerit* restituit. Plura videbis collata a Drakenb. ad Liv. IV, 51, 6 et a viris doctis, qui ibi commemorantur.

morti eximeretur inde orta esse videtur, quod in archetypo scriptum fuerit *lex credebatur quas gloriam quaerui* sqq. pro vera scriptura ab Acidalio extricata tum primum revocata ea *lex: credebaturque gloriam quaeri, ut condemnatus morti eximeretur*. Quippe librarius, quoniam literae r et s Langobardicae ita inter se similes sunt, ut interdum fere non discernantur, scripsit *quaesivit*, quum ratio loci corrupti verbum finitum efflagitare ei videretur. Acidalii emendationem, quae a litterarum ductibus ceteris conjecturis propius abest et sententiae acque convenit, Jac. Gronovius, Kiesslingius, Bekker, Ritter, Bachius receperunt.

Quodsi tot exempla literarum i et t a librariis confusarum consideraveris, mirabere ⁸³⁾, quod Ann. XI, 7 init. nullus adhuc

- 83) Magis etiam mirabere, quod Dronkius vel in secunda Agricolae editione bonae frugis plena cum Doederlingo Actt. philol. Monac. Vol. III, 2. p. 382. et cum Beckero Hertelioque Agric. 42. lectionem codd. et edd. vet. aperte corruptam postremo non tam obscuri retinuit, quamvis eam addubitavisse videatur, quum omnia suadeant Rhenani emendationem p. non iam o. Sententia enim obstat, quominus supplendo quam antea rarissimae ellipsis exemplum statuamus. Quippe Tacitus non id dicit, peritos cogitationum principis primo perquam obscuris ac tectis verbis, dein etsi minus occulte, occulte tamen Agricolae dissuasisse, ne in provinciam iret, sed primo obscuros et alia simulantes, tum vero apertis disertisque verbis profectionem dissuasisse. Universe autem hoc tenendum est, aliam esse artis criticae condicionem in Agricola recensendo, atque in Annalibus Historisque, quippe quum libris Mstis Vaticanis eique codici, ex quo editiones Puteolani descriptae sunt, non ea sit auctoritas tribuenda, quae libris Mediceis, id quod primo statim aspectu facile tibi persuasum erit, modo incorrupto iudicio varietatem lectionis inspicias atque consideres. Illorum enim librorum naturam et condicionem deteriori familiae Genuensi simillimam esse apparet. Jam vero reputes, quanto a vera atque genuina scriptura abesses, si pro Mediceis libris familiam Genuensem in constituendo Annalium et Historiarum textu sequerere. Itaque quum Agricola recensentes ope eorum codicum, qui eadem, qua Medicei libri, auctoritate vigeant, injuria temporum destituti simus, eadem via ingredienda est, quam Rhenanus, Lipsius alique critici inierunt, antequam Mediceorum

editor felicissimam Freinsbemi conjecturam in textum admittere dignatus est. Is enim e lectione codd. Ma. B. ed. Spir. *et postquam adnuit, tacere incipiunt* elicuit *iacere*⁸⁴⁾ *incipiunt*; quae conjectura solis Ryckio ac Doederlino placuit. Ut nil dicam, quod ex vulgata lectione *agere*, quae in cod. R. et alia quidem manu superscripta in Ma. reperitur, haud facile verbum *tacere* aliqua corruptelae ratione oriri potuit, vis verbi *agere* ab hujus loci sententia aliena est. Neque enim sermo est de causa apud iudices acta, neque tunc demum coepta est res a Suillio et Cossutiano et ceteris agi, sed jam dudum in senatu agebatur. Verum verbum *iacere* sententiae aptissimum. Usurpatur enim, id quod Ernestius ad c. 18 docuit coll. interpp. Livii ad XXV, 4, si quis passim vel obiter vel tanquam fortuito vel temere suspicionis movendae, arguendi, exprobrandi, pungendi, irridendi causa alicujus rei mentionem iniecissee dicitur. Exemplis, quae Ernestius e Tacito congeffit, adde haec: A. III, 8. *Drusus Pisoni, si vera forent, quae jacerentur, praecipuum in dolore suum locum respondit*; c. 66. *Mamercus antiqua exempla iaciens*; A. VI, 4. *si qua discordes iecissent, melius oblitterari respondit*; A. XII, 64. *vocem Claudii, quam temulentus jecerat*; A. XV, 50. init. *ergo dum scelera principis et finem adesse imperio deligendumque, qui fessis rebus succurreret, inter se aut inter amicos iaciunt*. Ita h. l. dicitur, non justa oratione neque ordine servato unum aut alterum talia disseruisse, sed turbam deprecantium et Caesarem circumsistentium passim ac promiscue verba pro se fecisse, ut alius aliud memoraverit. Sic Liv. XXV, 4: *haec quum ab optimo quoque pro atrocitate rei iacta essent*. Ceterum de scriptura acta moneo, acta pro iacta Ann. XI, 18. in codd. Ma.B.G.Oa. (in marg.) ed.

codicum lectiones a vulgata discrepantes in publicum editae erant. Conjecturarum arti igitur primarius locus concedendus est, utque liberiore quadam fruatur licentia. Quam condicionem rei criticae si viri docti reputassent, certo non factum esset, ut textus Agri-colae ingenio Rhenani Lipsiique emendatus in recentioribus quibusdam editionibus, Dronkiana prima potissimum Beckerianaque et Herteliana, subinde rursus in deterius mutaretur.

- 84) Eodem modo verba *iacui* et *tacui* confusa apud Plin. Epp. IX, 36, 5, ubi illud Cortius, Gierigius, Schaefer huic jure praetulerunt.

Spir. et H. I, 47. in cod. R. ed. Spir. legi, eandemque confusionem Liv. XXV, 4. Voll. Pat. II, 80, 3. Quintil. IX, 2, 37. reperiri.

H I, 57. vocabulum *ingenio*, quod Lipsium, Acidalius, Ernestium offenderat, Otto Obs. critt. in Tac. (Gissae 1843) p. 4. sqq. correxit in *iumento*. Viri doctissimi argumenta, quibus emendationem confirmavit, novis aucta hic repetere lubet, quippe quum ea scriptio, qua ille v. gl. Nebelio diem semisaecularem doctoratus gratulatus est, ut talibus libellis fere accedit, in paucorum notitiam venerit. Pichena quidem, quo illud *ingenio* defendat, senes intelligit, qui, quamvis corpore infirmi, consilio tamen populares suos adjuvare potuerint, sed Otto bene docuit nihil de consiliis dandis h. l., ubi de solo bellico apparatu sermo sit, memorari, id quod etiam ex sequentibus verbis apparet. Nec magis probabilis Waltheri explicatio, verba *ingenio validus* ad artifices in armis aliisque belli instrumentis versatos pertinere. Etiam si Daedalus ille, quem fabula fabricae non modo peritissimum, sed ipsum inventorem tradit, a poeta (v. Ovid. Met. VIII, 159.) *ingenio fabrae celeberrimus artis* dicitur, tamen non est, quod credas h. l. de fabris armorum agi, qui artem suam supra vulgarem modum ita exerceuerint, ut iis ingenii sollertis laus a Tacito tribueretur. Apparet autem singula cautiati secundarii membra singulis primariis verbis respondere; neque tamen quidquam est, quod verbo *ingenio* apte respondeat. Sin *iumento* corrigis, singula ita inter se respondent, ut *auxilia* constant ex *corpore* i. e. hominibus, *arma* et *pecunia* significantur *opibus*, *equi* denique ad *jumentum* referantur; nam ad jumenta equos, mulos, camelos, cetera animalia dossuaria pertinuisse constat. Cf. Forcellini Lex. L. L. s. v. *iumentum*, quod adiri jubet Otto, qui et monuit, ne in eo offendamus, quod non eodem ordine verba sibi respondeant; id enim ab optimis saepe scriptoribus neglectum esse. Cujus rei causam positam esse et in celeritate, qua in singulis rebus enumerandis utamur, et in numero, qui saepe laedatur, si singula singulis ad verbum opponantur. Addas Tacitum sermonis elegantiam interdum videri quaesivisse in grata negligentia quadam, quae quidem ex Ciceronis oratione omnibus membris aequali et congruenti aestimari non debeat, neque tamen nostrae aetatis oratoribus utique commendanda sit. Eodem fere modo H. II, 77. in verbis *nec mihi maior in tua vigilantia,*

*acrimonia, sapientia fiducia est, quam in Vitellii torpore, in-
scitia, segnitia* ⁸⁵) singula singulis respondent ordine non servato.
Vigilantiae enim torpor, acrimoniae segnitia, sapientiae inscitia op-
ponitur. Sed ut eo redeam, unde haec disputatio est profecta, voca-
bulum *iumento* compendio scriptum et litera *i* pro *t* posita in arche-
typo ita exhibebatur: *iūenio*; unde in *ingenio* facile transire poterat una
litera *g* inserta. Quippe librarius ejus codicis deperdit vel occulti,
ex quo tanquam ex communi fonte nostri libri *Msti* et editi fluxerunt,
de sententia atque sermonis elegantia securus crassa Minerva saepe
id egisse videtur, ut ex vestigiis corrupti in vetusto archetypo
alienius vocabuli qualemunque vocem latinam formaret, una alte-
rave litera modo addita modo onissa. Cujus vitii exempla vide
in nota 81. et supra p. 45 sqq., ubi de septimo vitiorum genere dis-
serui. Alia talia sub septimo decimo corruptelarum genere recensebo.

Tum literas *m*, *ni*, *in*, *iu*, *ui*, tum *n*, *u*, *ii* ut in aliis
codicibus ⁸⁶), ita in Mediceis saepe inter se permutatas esse, non
est quod exemplis probem. Hoc per se intelligitur ex literarum
ductibus, quos tum scriptura vetus Romana literarum majuscularum,
quae unciales vocantur, tum semiquadrata Romana minuta, tum
character Langobardicus praebet: Illud semel monuisse satis habeo.

Quae quum ita sint, A. IV, 33. Pichena et Bensenberger
(l. l. p. 25.) vulgatam lectionem *easdem exitu causas leuissima mu-*

85) Etenim pro vulgatis verbis *parcimonia* et *saevitia* substituendum
censeo *acrimonia* et *segnitia*, praeunte aliqua ex parte summo
Lipsio, qui *acrimonia* pro *parcimonia* coniecit. Quippe patet et
singulis virtutibus singula vitia contendi atque opponi et sermo-
nem esse de imperatoriiis Vespasiani virtutibus, Vitellii vitiis.
Jam vero inter illas *parcimonia*, quidquid Walthers, Rupertius,
Kiesslingius contra dicunt, inter haec *saevitia* numerari nequit.
Ceterum *parcimonia* una *p* litera addita inde ortum puto, quod
arcimonia pro *acrimonia* scriptum fuerat, *c* et *r* literis transpositis.
Vocabulum *segnitia* alibi quoque cum *saevitia* in codd. *Mstis* com-
mutatum repperi, ut H. III, 41. et Agric. 16, sive id ex scriptura
secnitia ortum est, sive propter similitudinem compendiorum *snitia*
et *suitia*. Sed redibo alias ad rem accuratius disserendam, quam
h. l. obiter tantum attingere volui.

86) Cf. e. gr. Scioppii de arte critica commentar. sub literis *m*, *n*, *u*
et Kritzii edit. Vell. Patere. Prolegg. p. LXXXIX. XCII. et Muelleri
edit. Varron. Praef. p. XXII.

tatione in *easdem exitii causas* feliciter corralasse mihi videntur. Etenim si summam eorum, quae auctor de arta et iniqua operis sui condicione queritur, spectaveris, simulque ea, quae proxime antecedunt, verba *perniciem innocentium* reputaveris, vix probabilis tibi videbitur Freinsheimii et Doederlini explicatio, h. l. non de causis exitii clarorum virorum, sed de exitu causarum perditarum sermonem esse, tanquam Tacitus diceret, iudicia et accusationes eundem semper exitum condemnationis nimirum nacta esse. Et exitum accusationum non semper eundem fuisse, ipsi Annales libri docent, ut nihil dicam, quod novum atque inauditum esset, si quis pro *eisdem causarum exitu* vel *eiusdem exitus causas* diceret *easdem exitu causas*. Quare summus Lipsius, quem nuper Bachius secutus est, loci sententiam in hunc modum interpretatus est: „Pares exitus a paribus causis: passim damnati innocentes aut illustres ob suspiciones ac delationes.“ Tum vero vox *exitu* non potest non haberi pro antiqua dativi forma, cujus exempla apud Tacitum passim reperiuntur. Cf. Bach. ad A. I, 10. Reisig. Gr. Lat. §. 71. not. 90. Quam Bachii opinionem quamvis, adius etymologiae ratione habita, tueri liceat, hisce locis: A. II, 64. extr. *immittere latronum globos, excindere castella, causas bello*; H. IV, 19. *donatium, duplex stipendium, augeri equitum numerum, promissa sane a Vitellio, postulabant, non ut assequerentur, sed causam seditioni*; Virg. A. III, 305. *et geminas, causam lacrimis, sacraverat aras*; tamen et sententia accurate considerata et elegantior dicendi usus obstat, quominus h. l. aut vox *exitus* aut dativi structura toleretur. Etiam si enim dativum admitteres, expectares saltem *exitio*, quam vocem et proprietates verborum et sollemnis consuetudo Taciti postulat. Cf. Doederl. Synon. II, p. 64. sqq. Tac. A. IV, 28. 52. 58. 60. extr. A. XIII, 1. 17. A. XIV, 7. extr. A. XV, 69. extr. H. II, 45. 49. etc. Sed nec dativum ratio grammatica aut elegantia sermonis patitur; quippe in tribus locis supra allatis verba *causas bello, causam seditioni, causam lacrimis* appositionis vice funguntur, (de quo appositionis genere plura videas ap. Walth. ad A. I, 27., ap. Bach. et Rupert. ad H. I, 44. extr., ap. Ramsh. Gr. Lat. §. 96, 4, e p. 287., ap. Roth. Excurs. VIII. ad Agric. p. 136. sq.) hoc autem loco nihil nisi accusativus obiecti, quem vocant, legitur. Si vero lenissima mu-

tatione, quam vel nullam dixerim ductus Langobardicarum literarum respiciens, *easdem exitii causas* scribitur, et sententiae et grammaticae rationi optime consulitur. Nam exitii hominum nobilium atque illustrium causas easdem i. e. ex invidia aut metu aut avaritia principum fuisse, ex Annalibus Historiisque luce clarius apparet: et solet Tacitus causas exitiorum aperte demonstrare aut certe indicare, id quod A. IV, 52. 58. A. XI, 4. A. XIII, 1. A. XVI, 14. multisque aliis locis factum. Grammatica huius loci ratio, quae quidem genitivum *exitii* efflagitat, eadem est, quae A. IV, 52. *cui sola exitii causa sit*, quod sqq.; c. 58. *unde exitii causa multis fuit*; A. XIV, 35. *si causas belli expenderent*; H. II, 38. extr. *eadem scelerum causae*. Ceterum facile potuit *exitii* in *exitu* transire, quippe quum proxime antecedentia verba *clari ducam exitus* menti oculisque librarii obversarentur. Cf. quae supra p. 29. sqq. disputavi de quarto vitiorum genere. Accedit quod codex Ma. A. XIII, 1. init. A. XIV, 7. extr., codex C. A. XV, 69. extr., edd. Put. Ber. H. II, 49. *exitum* pro *exitium* falso exhibent, nec alibi libri Msti inter utrumque vocabulum non fluctuant: conf. praeter allata a Doederlino l. l. exempla ex Suet. Domit. 15. et ex Sall. Cat. 55, 6. Cort. ad Sall. l. l. et Arntzen. ad Paneg. p. 534, ad quos relegamur a Trossio ad Tac. Germ. 37. p. 32.

Litterae *p* et *r* tum minuto caractere quadrato ⁸⁷⁾ tum Langobardico ⁸⁸⁾ exaratae quum summam similitudinem praeferrerent, interdum factum est, ut quemadmodum in aliis libris Matis ⁸⁹⁾,

87) Vide specimina Flor. codicis Pandectarum in Mabillonii libro de Re Diplom. tab. VII. p. 357, in Brinkmanni Hist. Pandect. p. 155 et in doctorum Benedictinorum opere diplomatico saepius laudato Tom. III. tab. 46. (coll. p. 207) edita. Is enim codex sub fin. saec. VI. minuto caractere Romano antiquissimo scriptus esse fertur; de quo scripturae genere docti Benedictini l. l. T. III. p. 259 extr. haec dicunt: «A proprement parler, ce fameux MS., si l'on en excepte les titres, est en demi-onciale, c'est à dire, en minuscule mêlée d'onciale.»

88) V. apographum bullae Paschalis II. pontif. Rom. apud Mabillon. l. l. p. 447. Item Salmasius de Modo usurarum p. 699. *p* et *r* litteras in Langobardico caractere plane affines esse testatur.

89) Eadem confusione nititur et felicissima emendatio Heindorfii, qui Frontonis reliqq. ed. Niebuhr. p. 69 pro lectione codicis *calcar*

ita in cod. Ma. eae inter se confunderentur. Sic A. XIII, 2. codd. familiae Romanae *parum* habent pro *rarum*, quod ex optima Boxhornii emendatione hodie scribitur. A. XVI, 28. in codd. Ma.B.G. edd. Spir. Put. *Ragonium* vel *Ragonum* legitur pro *Paconium*.

Litterae r et s, quum in codd. caractere Langobardico scriptis vix quidquam praebeant discriminis ⁹⁰), ut in aliis libris Mstis ⁹¹), ita in Medicis facile permutatae sunt. A. IV, 28. M. exhibet *praeparatur* pro *praeparatus*; H. I, 43. extr. Ma. a quibus *protractus Piso in foribus templi trucidatus* pro *trucidatur*. Ita et factum est, ut A. XIV, 22. *Furia celebratur*, Gronovius *celebratus*, Hist. II, 59. Ryckius *trucidatur*, *Furia trucidatus* e Ma. afferrent. Eadem literarum confusione adjuvatur Heldii coniectura de A. XVI, 9. in Obs. in Tac. A. p. 12. proposita. Is enim vulgatam lectionem *a centurione ad caedem misso corripitur, suadentique aenas abrumpere animum quidem morti destinatum ait, sed non permittere percussori gloriam ministerii* ita corrigendam censet, ut legatur *audentique pro suadentique*. Quo enim jure, in-

equo subringo legendum censuit c. e. *subpingo*, et coniectura Buttmanni, qui ibid. p. 102 codicis scripturam *abripere te prae, ut dicitur, immo collae filios in abripere terrae sqq. mutari iussit*. Ita iis, qui Tac. Agr. 36 emendationem Francisci Medicis in *arto* probant, assentior lectionem codd. Vatt. et edd. vett. in *aperto* ex scriptura archetypi in *apto* ortum ratus. Similiter Dial. de Oratt. 31. in cod. Neap. *apertos* legitur pro *aptos*. Compendium vocis *aperto*, quod a *Pto* scribitur, vocabulo *apto* simillimum. Saepius autem a librariis pro compendiis scripturae habita sunt, quae nulla fuere: cuius vitii exempla videas infra in tertio decimo vitorum genere et in Kritzii Prolegg. ad Velleium p. XCIX sq.

90) Cf. praeter specimen bullae Paschalis II apud Mabillon. l. I. p. 447 et literas Langobardicas typis expressas apud Mabillon. l. I. tab. V. extr. p. 353. Scioppii de arte critica comment. sub literis r et s et Verisimil. II. cap. 18. p. 126. cap. 19. p. 129.

91) Cf. Drakenb. ad Liv. X, 6, 7. Sic Martial. Supposit. I, 3 cod. Leidensis habet *pastitusque meis iustos indico labores* pro optimorum codd. lectione *partitusque meis* etc., quam Schneidewinus jure praetulit vulgatae *partibus atque meis* etc. Schol. Juven. ad II, 155 p. 68 ed. Cramer. cod. Sangall. et edd. vett. habent: *Et cannis] In Apulia vieus, namine Capnae, ubi Hannibal omnem exercitum Romanum occidit victus pro occidit victor*.

quit, putemus Silanum centurioni, quum suavisset, ut venas abrumperet, respondisse, paratum quidem se ad mortem subeundam, nec tamem passurum, percussorem vim aliquam sibi inferre et hoc modo ministri partes suscipere? Egregie autem illa conjectura verbis sequentibus firmatur. Puto geminata litera *r* proxima in archetypo Langobardico characterē scriptum fuisse *corripitur raudentique*, unde propter summam literarum *r* et *s* similitudinem, literis *a* et *u* transpositis, de quo libroriorum vitio infra dicam, a sciolo quodam lectore vel librario verbum *suadentique* facile effici potuit.

Litterae *r* et *t*, quum scriptura Langobardica nihil fore in eas discriminis fecisse videatur ⁹²⁾, quo factum est, ut A. III, 63. pro vulgato *Zmyrnaeos*, J. Gronovius *Zmyrneris*, Furia *Zmyrnetis* in M. legeret, et A. XVI, 29. init. pro lectione ex Pichense emendatione vulgata *ut erat* hic ipse *uteret*, Victorius *ureret* e. Ma. proderet, tam in aliis libris *Matis* ⁹³⁾, tum in Ma. interdum inter se commutatae sunt. Ita A. XII, 12. Ma. exhibet *peritus* pro vulg. *petitus*. A. XV, 42. lectio codd. Ma. A. ed. Spir. *temperare* ab uno Bachio ⁹⁴⁾ in contextum male recepta ex archetypi scriptura *temprare* pro *temptare* s. *tentare* orta est. Itaque H. I, 48. emendatione Puteolani *temptasset* s. *tentasset*, quam Oa. in marg. habet et sequentes editiones usque ad Berneggerum et nuper rursus Bip. et Oberl. retinuerunt, haud dubie genuinam scripturam Tacito redditam esse cum Kiesslingio ⁹⁵⁾ puto, qui illam bene defendit, coll. Benth. ad Ter. Phorm. III, 3, 19. de forma *temptare*, de qua nunc vid. Schneider. Gr. Lat. I, 2. p. 469. sqq. Ceterum verbum *temptandi* proprie dici de iis, qui vigilias ac stationes circumeunt,

92) Vide Sciopp. de arte critica comm. sub vv. *r* pro *t* et *t* pro *r*.

93) Tac. Agr. 26 extr. MS. Vat. 4498 exhibet *rexisissent* pro *tevisissent*, sicut Cic. Orat. 68, 228 libri scripti et editi inter recte, tecte et tecti fluctuant. Varr. de L. L. p. 121. Bip. VIII, 71. p. 191. Muell. codices *Varinius* habent pro *Vatinius*. Vell. Pat. II, 25, 4 cod. Murbac. teste Burerio praebuit: *et inscriptio adfixa posti. hodieque crabula testatur*, unde ed. Basil. feliciter eruit: *et i. a. p. hodieque et tabula testatur*. Martial. II, 30, 3 cod. Thuanus habet *verusque sodalis* pro *vetusque sodalis*.

94) Bachium bene refutavit Petersenius Annot. in Tac. Spec. II. p. 11.

95) Etiam Jacobus Obs. ad Tac. H. critt. Part. II. p. 13 extr. emendationem Puteolani probat.

docet locus Sall. Hist. II: *Noctu diuque stationes et vigilias tentare*. Lectionem codd. et ed. Spir. *temperasset* (solus A. habet *inspectasset* ex conjectura) reposuere Walther et Bachius. Bernegger e Freinsheimii conjectura scripsit *temcrasset*, quod per omnes fere deinceps editiones vulgatum est. Verba *temperare* et *temptare* s. *tentare* saepius a librariis permutari annotavit Forcell. in Lex. s. v. *tentare* ⁹⁶). Denique eadēdem literae permutatae videntur A. XII, 11., ubi pro vulgata e codd. B.R.V. ed. Spir. lectione *clementiamque ac iustitiam quanto ignara barbaris, tanto tolerationora capesseret* in Ma. (t. Pich.) *ignata* legitur, quod etiam in archetypo scriptum fuisse inde colligo, quod libri Msti summam lectionis varietatem praeferunt, quae quidem nonnisi ex scriptura *ignata* oriri potuisse mihi videtur. Exhibent enim C.F. *ignota*, id quod Doederlinus probavit, O. *ignorantia*, H. edd. Put. *ignoratiora*, G. *ignorantiora*. Librarii quippe codd. G.H.O. vocem *ignata* pro compendio scribendi habebant. Quamquam haud scio, an *ignata* ex *ignorata* originem duxerit, sicut Ma. et ed. Spir. A. XIII, 30. *accusatis* pro vulg. *accusatoribus* praebent, sive illud ex compendio syllabae *or* neglecto, sive ex omissione eius syllabae natum sit. Certe H. III, 74. R.V. ed. Spir. *ignarusque* exhibent pro vulgata ex Ma.B.A.C.G.H.O.Oa. lectione *ignoratusque*.

Litterae *r* et *v* propter quandam similitudinem ductuum, quae et factum est, ut A. XII, 22. Victorius *ivet*, Furia *irex* in Ma. pro vulg. *ira* legeret, cum in aliis Mstis ⁹⁷) tum in Mediceis libris interdum confusae sunt. Sic. A. XIII, 58. extr. Pichena bene eliecit vulgatum *reviresceret* ex scriptura Ma. *revivesceret*, quae iam in archetypo extitisse videtur, quum librarii codicum H.O.Oa. et ed. Spir. *revivisceret* scripserint, quod G. rursum in *revirisceret* mutavit. Imprimis autem *ignarus* et *ignavus* a librariis codicum Taciti commutantur ⁹⁸), sicut A. I, 5. M. *g. navum* pro vulg. *gnarum*

96) Petersen. l. l. adiri jubet etiam Heinsium ad Vell. Pat. II, 60.

97) V. Drakenb. ad Sil. X, 86. Martial. XII, 24, 6 in multis codd. pro vulg. *rector* male legitur *vector*. Eodem referas frequentem verborum *inritare* et *invitare* confusionem, de qua v. Drakenb. ad Liv. I, 15, 1 et Kritz. ad Vell. Pat. II, 66, 3.

98) Item Sall. Cat. 51, 27 pars Mstorum libb. vulgatum *ignaros* praebent, alii *ignavos*.

exhibet. A. VI, 44. Beroaldus idem, quod edidit, *ignarus* in M. legisse videtur, quum Pichena *ignavus* inde proderet atque rescriberet. H. I, 80. *ignavi* legitur in G.H.O.Oa. (a pr. m.) edd. Put. sqq. ad Rhenanum, qui ex B.Oa. (a sec. m.) ed. Spir. *ignari* restituit. Contra A. XI, 18. omnes editores praeter Broterium, Jac. Gronovium, Bachium male retinuisse mihi videntur conjecturam Puteolani: *legiones operum et laboris ignaras, populationibus laetantes veterem ad morem reduxit*, quum *ignavas* legatur in omnibus codd. Mstis praeter Vat. 1958, in quo tamen voci *ignaras* superscriptum *ignavas*. Quae librorum auctoritas eo argumento insuper corroboratur, quod, quum paulo ante legatur: *non ignarus dites et imbelles esse*, parum verisimile est, librarios lectionem *ignaras*, si ea genuina fuisset, in difficiliorem ac magis reconditam *ignavas* mutatueros fuisse; immo, si in libris Mstis *ignaras* reperiretur, ob solitum librariis vitium, de quo sub quarto corruptelarum genere supra p. 29 sqq. diximus, facile tibi in suspicionem veniret, illud ipsam ex proxime praecedente vocabulo *ignarus* originem traxisse. Sed sunt interna quoque argumenta, quibus codicum scriptura probetur. Ut enim taceam, quod et sententiae et communis sermonis consuetudinis ratione habita haec lectio difficilior atque exquisitior quam vulgata est, ipsa elegantia et concinnitas orationis suadet, ut in hac priore membri parte tale vocabulum scribatur, quod sequentibus verbis *populationibus laetantes* per oppositionem respondeat. Jam vero pulcherrimum antitheton inest orationi, quum eadem illae legiones operum et laboris ignavae, populationibus laetantes dicuntur. Neque crediderim milites Romanos operum et laborum ignaros magis fuisse, quam segnes atque ignavos. Reducebantur igitur a Corbulone ad veterem morem non tam ignari militiae, quam ignavi. Itaque otio exuendo identidem consulebant, qui legionibus praeerant, ne miles segnis fieret. Cf. A. XI, 20; XIII, 53. Denique tantum abest, ut ea, quae in vocabulo ignaviae inest, vis ab h. l. aliena sit, ut sententiae et sermonis legibus optime conveniat. Abest enim ab ignavia, si originem ac proprietatem vocabuli respicis, notio timidi atque imbecilli animi, quae Germanicae voci *Feigheit* immixta est, quamquam saepissime fit, ut eadem sententia latina voce *ignavia* efferatur, quae germanica *Feigheit*, sicuti apud Liv. V, 28. *ignavissimus et fugacissimus hostis* dicitur

atque ignavia saepius cum timiditate jungitur. Cf. Cic. Tusc. II, 23, 54. *ignavus miles ac timidus*; ibid. III, 7, 14. *timidus et ignavia*. Proprie vero ignavia dicitur turpis otii amor laborisque fuga. Cf. Ovid. ex Ponto I, 5, 5: *Cernis, ut ignavum; corrum- pant otia corpus*; Virg. Georg. III, 465: *carpentem ignavus herbas*; Tac. A. II, 71. *ignavo questu*. Eodem sensu Claudius Caesar ignaviae arguitur Tac. A. XI, 19, extr. et A. XIII, 6. Et significat ignavia idem fere, quod inertia; quare ea verba saepius conjuncta reperiuntur, ut Tac. H. V, A. *dein blandiente inertia septimum quoque* (an legas *quamque*?) *annum ignaviae datum*; Cic. Verr. II, 78. *homo inertior, ignaviet*. Opponitur autem ignavus: navo, strenuo, industrio, ut A. XII, 12. *init. industrios aut ignavos pax in aequo tenet*; H. I, 62. *cum tamen ardor militum . . . strenuis vel ignavis spem metumque adderet*; H. II, 14. *qui sparsi inter milites strenui ignavisque in victoria eadem audebant*; Sall. Cat. 58. *init. neque ex ignavo strenuum, neque fortem ex timido exercitum oratione imperatoris fieri*. Itaque h. l. legiones commodè dicuntur operum et laboris ignavae, populationibus laetantes, ut A. XIV, 33. Britanni barbari *laeti praedae, laborum*⁹⁹⁾ *segnes* vocantur. Similiter Liv. IX, 4: *quando nec fossa valloque ab ignavissimo ad opera ac manandum hoste clausi essent*; Anct. B. Afr. 81: *castra non ignaviter munire*. Ceterum cf. Reisig. Gr. Lat. §. 351. p. 637. ibique Haasii not. 525. de genitivo *operum et laboris*, qui more Graeco cum adjectivo *ignavus* iungitur, ut significetur, quo respectu legiones ignavae dicantur. Simillima huius generis exempla, quae maximam partem depromsi ex Ruddim. Instt. Gram. II. p. 73 — 78, haec sunt: A. I, 20. *intentus operis et laboris*, ut legendum est ex egregia Heinsii emendatione pro scriptura codicis *intus o. e. l.*, A. III, 48. *impiger militiae*, H. I, 87. *urbanae militiae impiger*, Sil. Ital. XIV, 264, *piger periculi*, ibid. XV, 504. *pigerrimus undae*, Tac. A. XIV, 33. *laborum* (vel. ex vulg. alio-

99) Ita enim rescribendum censeo pro vulgata *laeti praeda et aliorum segnes*, praesente aliqua ex parte Lipsio, qui, iudice Doederlino, apertissime coniecit: *laeti praeda et laborum segnes*. Sed alias redibo ad hanc emendationem argumentis confirmandam.

dictini in operē diplomatico saepius memorato T. III. p. 538, Bernhardus in Encyclopaed. Philol. p. 127, Kritzius in Prolegg. ad Vell. p. XCVI. Notae enim literarum et compendia syllabarum ac vocabulorum, quibus archetypum exaratum fuit, in codd. Mediceis tum inter se permutata, tum perverse intellecta, tum neglecta atque omissa sunt, quippe quum librarii in compendiis, legendis atque interpretandis aut oscitanter festinanterque agerent, ut verba compendiose exarata pro plene scriptis haberent, aut inscitia ac discordia a vero aberrarent ¹⁰²). Quin etiam e contrario factum est interdum, ut librarii, quum prava suspicione, et corrupto iudicio seducti ex integris vocabulis compendia scripturae obscurata elicuisse sibi viderentur, aliquot literis vel singulis syllabis ultro illatis orationem Taciti mire corrumperent foederantque ¹⁰³).

Et primum quidem, ut a levioribus ad graviora procedamus, litera *m* transversa lineola recta aut curva ¹⁰⁴) iam in antiquissimis codicibus ¹⁰⁵) significabatur; quae nota librariorum oscitantia ut aliis in libris, ita in Mediceis saepe neglecta et omissa est ¹⁰⁶). Sic

102) Exempla corruptelarum huiusmodi conguessit ex Varronis libris de L. L. Od. Mueller Prolegg. p. XXII–XXVIII, ex Velleio Kritzius Prolegg. p. XCVII. sqq. Graeca vide in Bernhard. Encycl. Philol. p. 155 sq. et in Sauppil Epist. crit. ad G. Hermannum §. 8.

103) Talia exempla collegit ex Velleio Kritzius Prolegg. p. XCIX sq.

104) Curva lineola vario modo pingitur in Mstis: sic in Ma. Ann. XII, 1 pr. reperitur *uxore* et *ciugus* (i. e. *coniugum*) teste Mabillonio de Re Dipl. p. 353. tab. V. no. 5. In ejusdem codicis specimine a doctis Benedictinis l. l. T. III. tab. 49 et p. 279 edito, quo subscriptio Sallustii fini lib. VIII. Metamorph. Appul. subiuncta et initium lib. X. continetur, legitur *qde* (i. e. *quidem*) et *eximia*.

105) Cf. doctos Benedictinos l. l. p. 541 et 544.

106) Exempla literae *m* in libris vet. Velleii omissae collegit Kritz. Prolegg. p. XCII. Cio. Lael. 26, 99 lectio primi Palatini codicis *versaris atque unxeris*, ex qua Bentleius ad Hor. A. P. 96 felicissime elicit *v. atque emunxeris*, originem cepit ex archetypi scriptura *v. atque emunxeris*, alterutra e omissa. Item antiquissimus cod. Thuanus Martialis IV, 74, 3 exhibet *in morte* pro *in mortem*; Mart. VI, 32, 3 eiusdem codicis lectio *sanguine artem* orta est ex archetypi scriptura *sanguine artem* pro genuina *sang. e Martem*. Ita et factum est, ut Vell. II, 36, 2 Burerius, quip̄ e cuius oculis vestigia lineolae literae *e* impositae fugissent, in cod. Murbaeensi

A. H, 9. *permissa* pro *permissum*, A. III, 54. *gloria* pro *gloriam*, A. IV, 35. extr. *socordia* pro *socordiam* in M. legitur. A. XI, 18. Ma. exhibet *in morte parentum* pro *in mortem p.*, c. 16. *in re publica* pro *in rem publicam*, c. 26. *senecta* principis pro *senectam p.*, c. 27. *discubita* pro *discubitum*, A. XII, 1. *Lollia* pro *Lolliam*, c. 10. *intoleranda* pro *intolerandam*. A. XIII, 31. lectio codicum qui *in provincia obtinerent* orta est ex archetypi scriptura qui *provincia obtinerent* pro vulg. qui *provinciam obtinerent*; c. 35. Ma. habet *duvilia celi* pro *duritiam caeli*, c. 55. *in qua pecora* pro *in quam pecora*, A. XIV, 8. extr. *morte* pro *in mortem*, c. 13. *festo cultu senatu* pro *festo cultu senatum*. C. 32. lectio codd. et edd. wett. *feminae in furore turbatae*, quam Walther et Bachius, utpote membranarum additi, revocarunt; ex vulgata *feminae in furem turbatae* corrupta est. Cf. de h. l. Ritterum; et de usu ac vi praepositionis *in* v. Reisigii Gramm. Lat. §. 408. p. 724. C. 48. extr. in Ma. legitur *miserior et*, quod ortum esse videtur ex *miseriore et*; c. 49. *exceptis* pro *exemptis*; c. 58. pr. *tempusque interiectum moverat fama* pro *t. i. m. famam*, ibidemque paulo inferius *Asya* pro *Asiam*. A. XV, 5. scriptura codd. Ma.C. et ed. Spir. *aberat* inde originem traxisse videtur, quod in archetypo syllaba *de* omissa *āberat* pro *ābederat* scriptum fuerat. C. 10. Ma. exhibet *fama aucti exercitus speraverat* pro *famam* sqq., c. 44. *in usu nocturni luminis* pro *in usum n. l.*, c. 53. *aut inane aut spem* pro *aut inanem at (i. e. ad) spem*. C. 64. lectio Ma. et ed. Spir. *fama societatem cum marito mortis petivisse*, quam Doederlino placuisse miror, corrupta est ex scriptura *famā sociate cum m. m. p.*, quae rursus ex genuinis hisce verbis *famam sociatae c. m. m. p.* orta fuit. H. I, 29. lectio Ma. *incertumque senatorem* ex archetypi scriptura *incertum quē (i. e. quem) senatorem* nata est, sicut c. 84. pr. verba *eligendi facultas detur*, quae nobis *animum* corrupta sunt ex *e. f. d., quē (i. e. quem) nobis animum*. C. 33. Ma. exhibet *obsidione*

direptos pro vulgata lectione ed. pr. et apogr. Amerb. *diremptos* legeret. Tac. Hist. I, 69 A.B.C.R. exhibent *mutabile* pro *mutabilem*. Cf. etiam Goeschen. Ind. siglaturum in ed. Gaii sec. p. 418. 432, 444, 460, 498. sq. 506, 509.

pro *obsidionem*; H. II, 20. *fama in cetera fore* pro *famam* sqq.; c. 68. pr. *severitate* pro *severitatem*; e. 100. *ita accelerare legiones erecona . . . iussae* pro *ita a. l. Cremonam . . . iussae*; H. III, 47. *contempti* pro *contemptim*; c. 66. *in audacia* pro *in audaciam*; c. 75. et 81. *direpta* pro *dirempta*; H. IV, 18. extr. *invidia* pro *invidiam*; c. 46. *separati* pro *separatim*.

Recte igitur Walther et Rupertius A. IV, 62. pro lectione cod. Mst. *in sordida mercede* nil dubitaverunt recipere Pichenae emendationem Ernestio, Broterio, Wopkensio, Doederlino probatam *in sordidam mercedem*: et Ritteram, qui eam frustra impugnavit, optime refellit Doederlinus. Exemplis a Walthero allatis adde haec: Agr. 19. *in quaestum reperta*; c. 42. *in nullum rei publicae usum*; de conciso eo genere dicendi, quo praeposito *in* vim habet enunciationis finalis, cfr. Walch. ad Tac. Agr. p. 168.; Hand. Turs. III. p. 316; Reisig. Gramm. Lat. §. 408. p. 725. Nec minus bene A. XVI, 19. extr. Neuius et Doederlinus *novitatem* pro vulg. *novitate* rescribi volunt; quo de loco cf. quae supra p. 25. de secundo vitiorum genere dixi. H. V, 4. lectio Ma. *merito* ex archetypi scriptura *mēoria* i. e. *memoria* ita originem duxit, ut librarius, quippe qui propter summam similitudinem Langobardicarum literarum *a* et *t*, de qua supra p. 86. sq. plura dixi, illud vocabulum pro *meorit* acciperet, lenissima mutatione emendaturus, literis *o* et *t* transpositis, *merito* scriberet ¹⁰⁷⁾.

Item litera *n* in libris Mstis recta aut curva lineola transversa significatur, quod compendium cum in aliis codd. ¹⁰⁸⁾, tum in

107) Quodsi ea reputaveris, non vereor, ne vocabulum *merito* cum Jacobo Obs. ad Tac. Hist. crit. P. II. p. 28 admodum libenter recipias.

108) Cf. Goeschen. Ind. siglarum in ed. Gaii sec. p. 418. 432. sq. 444. 460. 499. 506. Ita Vell. II, 24, 5 apogr. Amerb. exhibet *posset* pro *possent*, ibidemque c. 32, 3 *translulerat* pro *translulerant*; dein ed. pr. cum eodem apogr. II, 118, 4 *praestruzerat* praebet pro *praestruerāt* et c. 120, 5 *minabatur* pro *minabantur*. Mart. II, 1, 3 cod. Thuan. *sit* pro *sint* habet, et Epigr. 82, 2 Beverlandus, quem Schneidewinus sequitur, ex scriptura cod. Thuan. *nesci* feliciter coniecit *nescin* pro vulgato *nescis* legendum esse. Quin et factum est, ut praepositio *in* compendiose scripta, postquam lineola transversa omitta erat, intendum excideret, sicut

Mediceis interdum neglectum est. Sic A. H, 22. extr. M. habet *agrinarios* pro *Agriuanias*. A. XI, 6. Ma. exhibet *legemque Cinciam* pro *l. Cinciam*, ut A. XV, 25. *Cōip* vel *Citio* pro *Cincio*. A. XI, 37. Ma. praebet *aderat* pro *aderant*. A. XII, 20. lectio codicum in *hoc tentata* orta est ex archetypi scriptura in *has telata* i. e. in *hostem tanta*. C. 24. in Ma. legitur *per ima montis palatii* pro *p. i. m. Palatii*; A. XIII, 37. pr. *duceretur* pro *ducerentur*; A. XV, 57. pr. *apichari* pro *Epicharin*. H. I, 6. Ma. habet *ciconio* pro *Cingonio*; A. H, 3. *intulerat* pro *intulerant*; A. IV, 24. *exsoleret* pro *exsolerent*; c. 55. *obstrizere* pro *obstrinere*; c. 63. pr. *coloniam Agrippiensem* pro *c. Agrippinensem*. H. V, 5. lectio codd. sunt orta est ex archetypi scriptura *siumt* pro *siumt*.

Litera *s* in libris *Matris* (v. c. in Cassellano codice Servii), interdum notatur, ut ita dixerim, anguinea lineola, id quod patet ex specimine codicis Medicei Taciti et Appuleii a Benedictinis l. l. edito, ubi *ctrousia* i. e. *controversias* legitur. Quo factum est, ut ea littera cum in alijs codicibus ¹⁰⁹), tum in utroque Mediceo noanquam omitteretur, sicuti in M. reperitur A. II, 4. in *sua* pro *in suas*; c. 28. *sermene* pro *sermanas*; c. 82. extr. *falsi* pro *falsis*. In Ma. scriptum est A. XI, 3. *percuti* pro *percursis*; A. XII, 38. *relicta* pro *relictas*; A. XIV, 44. in *agris aut domibus idem* pro *i. a. a. d. isdem*; c. 46. pr. *idem consulibus* pro *isdem c.*; A. XV, 5. *exorta vi locustarum* pro *exorta vis locu-*

Vell. II, 51, 3 in ed. pr. et apogr. Amerb. non reperitur pro *non in*. Idem Mediceis Taciti librariis accidit, cujus rei exempla supra p. 60 sq. invenies, ubi de omissis singulis syllabis disserui: adde ex A. XIV, 8 extr. *morte* pro *in mortem*. Occasione data profiteor, me id admirari satis non posse, quod etiam novissimus editor Agricolaeg egregiam Acidalii emendationem Buchnero, Broterio, Ernestio probatam, qua c. 44 vulgatum *durare in hac beatissimi saeculi luce* in *durare in hanc b. s. lucem* corrigitur, priores editiones secutus spreverit. Accusativum poscit sententia et verbum durandi, coll. Dial. de Oratt. 17.

109) Sic cod. Thuaneus exhibet Mart. II, 89, 2 *ignoco* pro *ignosco*, VII, 54, 5 *mola* pro *molae*. Exempla ex Velleio collegit Kritz. Prolegg. p. XCIII. atque ad II, 28, 2. Cfr. etiam Goeschen. Ind. siglarum p. 433. 499. ed. Gaii sec.

starum; c. 56. extr. *præcipue* pro *præcipuos*; A. XVI, 11. *seniore* pro *seniores*; H. I, 19. *crebrioribus* in *die nuntiis* pro c. i. *dies n.*; c. 20. *illi* pro *illis*; c. 66. *vetusta dignitasque coloniae* pro *vetustas d. e.*; H. II, 21. in *obsesso* pro in *obsessos*; c. 80. *ubi illi consilium mos est* pro *ubi illis c. m. e.* ¹¹⁰); H. V, 20. *divis copis* pro *divinis copis*. Itaque felicissima Meursii conjectura ad A. XV, 44. *flamma usti atque* pro valg. *flammandi atque* a ratione palaeographica magnaopere commendatur, quam etiam litera *u* cum *n*, *t* cum *d*, *w* cum *a* sexcenties in libris Mstis confundatur; v. p. 122. 106. sq. 87. sqq. Accedit quod et grammatica ratio part. perf. pass., non part. fut. pass. efflagitat, et Sulpicius Severus, qui ut c. 37., ita h. l. Tacitum exscripsisse videtur, lectionem *flamma usti* praebet. Mirere igitur, quod nulli editori adhuc placuit illa emendatio, qua omnia sanantur et orationi sua concinnitas redditur.

Jam vero similitudine compendiorum saepe factum est, ut terminationes vocabulorum in *m* aut *s* literam cadentium cum in aliis Mstis ¹¹¹) tum in Ma. confunderentur. Sic A. XI, 19. in Ma. reperitur *idem senatus, magistratus, leges imposuit* pro *idem senatum, magistratus*; l. i.; de quo loco cf. quae supra p. 10. dixi.

[110] Vix crediderim Jacobum assensum virorum doctorum in eo nacturum esse, quod l. l. p. 10, quo lectionem *illitueretur*, antiquum adverbium locale Tacito intrudere conatus est non intelligens, quanto elegantioris sermonis damno duo adverbia localia apud Tac. stauerit, quorum alterum ad Antiochiam (id enim vocabulum ex *Antiochensium* sumendum esset), alterum ad theatrum pertineret. Contra dativus *illis* optime convenit locutioni *mos est*, ex communi linguae Latinae usu, coll. Ann. I, 39. IV. 64. Hist. I, 69 extr. IV, 22. 83, V, 17.

[111] Sic Varr. de L. L. VIII, 75 p. 192 ed. Muell. p. 122 ed. Bip. codd. exhibent *albus, albius, albissimum* pro vulgato *album a. a.*; et §. 76 p. 193 ed. Muell. in F. *melus* pro *melum est*. Vell. II, 49, 5 ed. pr. et apogr. Amerb. exhibent *contentus . . . privatusque* pro *contentum . . . privatumque*, quae est egregia Kritzii emendatio; c. 118, 2 apogr. Amerb. habet *securitates* pro *securitatem*. Plura eiusdem permutationis exempla dabit Kritzius Prolegg. ad Vell. p. XCIV sq. Martial. III, 8, 2 codex R. a pr. m. praebet *oculus* pro *oculum*. Ibid. IX, 35, 3 in cod. Thuaneco *paucorum*, in Gudiano *pacorum* legitur pro *Pacorus*.

A. XIII, 49. Ma. exhibet *is inculam Balsares pelitur* pro *is in-
sulas* B. p.; c. 47. *pons Mulvianus* pro *pons Mulvius*; A. XIV, 15.
scenas incedit pro *scenam* i.; c. 29. *provincias* pro *provinciam*;
H. III, 5. extr. *missum* pro *missus*.

Interdum autem corruptelae in Ma. inde ortae sunt; quod,
quum in archetypō nota literae *m* aut *n* alienae literae imposita
esset, librarius compendium perverse interpretabatur ideoque male
soltebat. Quo factum est, ut H. I, 84. in omnibus eodd. et edd.
vett. usque ad Lipsiam *inania* i. e. *ināta* pro *inanima* i. e. *ināia*¹¹²)
scriberetur, sicut vicissim A. XIII, 8. cod. Ma. et ed. Spir. *inanimum*
pro *inanium* exhibent. H. III, 86. lectio cod. Ma. *intererat Vi-
tellium vicinis sed* originem traxit ex archetypi scriptura i. *V. vi-
cis* (i. e. *vicinis*) *sed* pro vulg. a. *V. vici* (i. e. *vinci*) *sed*. Ad-
haeserat autem *s* litera vocabuli *vicis* ultima ex prima sequentis
particulae *sed* vulgari vitio, de quo vid. p. 37. sqq. H. IV, 47.
extr. in Mstis et edd. vett. praeter cod. A., qui solus veram scri-
pturam etiamque, ut videtur, ex coniectura praebet, legitur: *magna
documenta instabilis fortunae summaque etiam miscentis* pro
vulgatis ex emendatione Faërii, Ursini, Lipsii verbis: *m. d. i. f.
summaque et ima miscentis*. Confusio enim orta ex compendio-
rum *etia* et *et ia* similitudine¹¹³).

Syllaba *en* sigla - vel ~ cum in aliis eodd., tam in Ma.

112) Scribitur enim compendiose *animus* in Mstis *aiūs* (cf. Drakenb. ad Liv. XXXII, 5, 2), *animo* *aio* (cf. Walther. Praef. ed. Tac. Vol. I. p. XX.), *animis* *ais* (cf. Drakenb. ad Liv. I, 45, 3).

113) Jacobus L. I. p. 25 non solum praeter necessitatem, sed etiam iniuriose hunc locum a viris doctis correctam esse ait. Videtur enim, si verba eius obscura et obiter iacta recte intellexerim, sententiam Taciti ad solum Sabini funus censorium referre. Quod etiam concederes, quamquam id plurali *magna documenta* vetatur, tamen ita grammaticam rationem et usum loquendi non constare liquet, quippe ea desunt, quibus summa a fortuna miscantur. Tacitus vero dicit potentium res esse incertas. Consulatus a Vitellio datos mox rursus abrogatos esse, et Sabinum eiusdem Vitellii adversarium, florentibus eius rebus tridicatum, iam splendissimi funeris honore ornatum esse. Ceterum summa et ima frequentér tali modo inter se opponuntur; cfr. illud Horatii (v. Od. I, 34; 12. sqq.): *Valet ima summis mutare, et insignem attenuat Deus obscura promissis*. Vell. II, 2; 3; *summa imis miscuit*.

notatur, sicut A. XI, 28. voc. *mentis* teste Victorio scribitur *m̄tis*, A. XII, 16. *vīn̄tis* t. Vict., *vīn̄tibus* t. Fur. pro *vimentis*, A. XV, 55. *crīm̄* t. Jac. Gronov. pro *crimen*, c. 69. extr. *m̄sas* *em̄itium* pro *mensa exitium* t. Pich. reperitur. Idem codex in subscriptione Sallustii ad finem lib. IX. Metamorph. Appul., quam scripturae Msti quam maxime assimilatae Benedictini l. l. tab. 49. ediderunt, *em̄davi* i. e. *emendavi* exhibet. Porro particulam *tamen* in Ma. compendio *tām* exarari, testis est Jac. Gronovius ad A. XVI, 17; ac re vera in specimine lib. X. pr. Metamorph. Appul. a Benedictinis l. l. typis expresso legitur *tām*. Ceterum caveas, ne hoc compendium cum *tām* i. e. *tandem* confundas ¹¹⁴⁾; quod Victorio accidit, qui A. XIV, 12. extr. in Ma. *tamen mitigato* legi prodidit, quum Furia *tām* i. e. *tandem* reppererit, quod inde a Bekkero vulgatur pro *tum* ¹¹⁵⁾.

Jam vero neglecto syllabae *en* compendio ut in aliis Mstis ¹¹⁶⁾, ita in Mediceis interdum nata est corruptela. Ita A. I, 20, extr. Heinsii emendationem *intentus operis ac laboris* pro lectione codicis *intus o. a. l.*, quam Bezenberger Obs. Tacit. 1840, p. 20. sq. frustra studuit tueri, recte substituerunt Walther, Bachius, Rupertius. *Intentus* idem fere h. l. significat, quod *severus*, aut *ad-*

114) Sic Martial. XII, 97, 10 cod. Berol. b. *tamen* pro *tandem*, et vicissim Tac. Ann. XIII, 15 pr. cod. G. *tandem* pro *tamen* exhibet.

115) Similiter particulas *tum* et *tamen* ob compendiarum scribendi rationem saepe confundi satis constat, sicut Tac. Anth. XII, 15 pr. et 42; XIV, 27; Hist. IV, 23; V, 16 Germ. 11. Cic. Tuscul. I, 35, 85. Cfr. Drakenb. ad Liv. XXII, 17, 12 et Ruhnk. ad Vell. II, 32, 6 p. 83 ed. Clud.

116) Sic Agric. 35 Rhenanus certissima emendatione ex scriptura codd. et edd. vet. *agmine quo* elicit lectionem *agn̄m in aequo* i. e. *agmen in aequo*, quam Walchius, Bekker, Bachius, Ritter recte praestulerunt vulgatae *agmen aequo*. Dial. de Orat. 20. omnia lineola transversa ex *ssus*, compendio vocis *sensus*, orta est lectio codd. Neap. Paris. Perizon. edd. vet. *sic in suis aliquis*, pro vulg. *sic sensus aliquis*, sicut c. 22 in cod. Paris. nulli *ssus* pro nulli *sensus* legitur. Cap. 31 lectio cod. Paris. edd. vet. *ex communibus ducta sermonibus oratio* nata est ex male intellecto compendio *ssibus* i. e. *sensibus*, quod scribitur in codd. Neap. Perizon. et edd. inde a Lipsio. Cf. etiam Goeschen. Ind. siglarum p. 441. 451. 492. 501. 506. 507. 510. ed. Gaii sec.

ductus, immixta tamen notione studii industriaeque ac diligentiae, id quod pluribus etiam exemplis probari potest, quam quae ab Heinso iam sunt allata. Ceterum *intus* ortum est ex compendio *intus*, sicut H. V, 22. lectio: cod. Ma. *toris* ex archetypi scriptura *t'toris* i. e. *tentoris* nata est; cf. supra p. 33. sqq.

H. I, 22. extr. scriptura codd. et edd. vett. a Bachio et Rupertio revocata *cupidine ingenii humani libentius obscura credi* originem traxit ex compendio scribendi *creddi* i. e. *credendi*. Ita enim ex emendatione Lipsii et Abidalii, quam Pichena probavit, Ernest. Oberl. Bekk. Ritt. Kiesel. scripserunt. Sane quidem Walthero, qui primus lectionem *credi* fieri conatus est, quemque Bachius et Rupertius secuti sunt, facile concesseris infinitivum interdum pro gerundio cum substantivis iungi (de quo usu videas praeter Reisig. Gramm. Lat. §. 440. p. 772. sq. Vechneri Hellenol. ed. Heusing. p. 265. sqq. et Ruddim. Instt. Gramm. II. p. 225. et 229); sed si accuratius in rem inquisiveris, intelliges a certissimo quoque latinitatis auctore non passivi, sed activi infinitivum eiusmodi substantivis conjungi. Itaque quum Tacitus quoque eam loquendi consuetudinem secutus sit, potius *credere* quam *credi* expectares. Taciti autem morem praeter exempla ab ipso Walthero allata probant haec: A. VI, 12. *dato sacerdotibus negotio vera discernere*; A. XIV, 22. *quibus nova et ancipitia praecollere auida et plerumque fallax ambitio est*. Ceterum de gerundio *credendi* in fine enunciationis posito cfr. A. VI, 29. *pr. phoenix . . . praebuit materiam doctissimis indigenarum et Graecorum multa super eo miraculo disserendi*; A. XIII, 39. *unde orta fiducia caput gentis Artaxata aggrediendi*.

Sed erant e contrario, qui H. I, 62. et IV, 29. compendio archetypi *nom*, quod Ma. fideliter servavit; *nomen*, significari opinati, aut auctoritatem et fidem optimi codicis detrectarent, aut omnem rationem ac sermonis leges perverterent. Legitur enim H. I, 62. teste Furia in Ma.: *Instructi intentique signum profectionis exposcunt. nom Germanici Vitellio statim addito. Caesarem sa. appellari etiam victor prohibuit. Laetum augurium* sqq. Jam vero a doctis Benedictinis, qui l. l. tab. 60. vetera scribendi compendia collegerunt, atque a Goeschenio in Ind. siglarum p. 459. 508. ed. Gaii nec. docemur *nomine* scribi compendio *nam*, vel

*nom*³ vel *nom*⁵, quod originem mihi videtur traxisse tum ex frequentissimo ejus vocabuli in libris Ictorum usu ¹¹⁷⁾, tum ex formulis solemnibus, quae in ritibus sacris et in diplomatis mediæ aevi frequentissime reperiuntur, qualis est trita illa: *In nomine Domini nostri Jesu Christi*. Ceterum compendium *nom* etiam in communi fonte archetypi, ex quo codices descripti sunt, extitisse varietate lectionis valde probabile sit. Recte enim codd. B.C. et edd. Spir. Rhen. sqq. ad Ernestium exhibent *nomine* *addito*; sed librarii codicum G.H.O.Oa.R. et Puteolanus compendium perverse interpretati, ita locum emendarunt *nomen* *additum*, quam conjecturam Ernest. Brot. Oberl. Bip. Walth. Bekk. in textum receperunt. At novissimi editores Bäch. Ritt. Rup. Kiessl. ad lectionem illam ante Ernestium vulgatam, quae nunc testimonio codicis Ma. firmata, redierunt. Ceterum quum de distinctione verborum nihil certi ex codd. proditum sit, neque libris Mstis ea in re quidquam auctoritatis sit, elegantioris vero sermonis leges ex prædosis dativo *Vitellio* subjectum apodosis sumi velent, malim sic distinguere: i. i. s. p. *exposcunt*. *Nomine* *addita* (*Caesarem* . . . *prohibuit*), *laetum augurium* sqq. aut: i. i. s. p. *exposcunt*, *nomine* . . . *addita*; *Caesarem* . . . *prohibuit*. *Laetum augurium* sqq., quam cum Bächio, Rupertio et Kiesslingio ex Waltheri sententia punctum post *exposcunt*, virgulam post *addito* et rursus punctum post *prohibuit* ponere. Nam huiusmodi distinctio potius hanc structuram postere videtur: *Vitellius, nomine* . . . *addito*, *Caesarem* . . . *prohibuit*. Accedit quod oratio, qua profectio Germanidi exercitus narratur, in utraque distinctione a nobis proposita uno tenore fuit, quam distinctione Bächii et Rupertii ordo rerum interrumpatur atque impediat; quippe mediae orationi enunciatio inseritur, qua quid Vitellius alio tempore eoque posteriore fecerit, refertur. Ab altera illa distinguendi ratione, quam amplexi sumus, paulum recedunt edd. Rhen. sqq. ad Ern. Alter locus, quo compendium *nom* librarii nonnulli aequè atque editores falso interpretati sunt, legitur H. IV, 28; ubi ante Jac. Gronovium e libris familiae Genuensis haec edebantur: *Actae utrobique praedae, infestius in Ubiis, quod gens Germa-*

117) Cf. e. gr. locos ex comment. Gaii p. 450 ed. Goesch. collectos.

nicae originis eiurata patria Romanorum nomine Agrippinenses vocarentur. Sed quum ille e *Ma. nom* prodidisset eoque compendio *nomen* significari dixisset, quam quidem formam etiam A. B. R. edd. Spir. Beroald. exhibent; omnes editores scripturam *nomine* respuerunt, plerique lectionem *nomen* quoquomodo acriter defendere studuerunt, pauci verba *Romanorum nomen* in suspicionem additamenti ex margine antiquissimi cuiusdam libri textui inserti adduxerunt. Certe utrique non ita fecissent, si considerassent compendio *nom* aequè *nomine* ac *nomen* significari: neque illis lectio *nomen* admodum elegans, neque his insiticia visa esset. Et admiratores ¹¹⁸⁾ quidem lectionis *nomen* Ritter, quamvis strictim, bene tamen refutavit: idemque concedit vix quidquam restare, nisi ut *nomine* scribatur, quod ideo tantum respuit, quia ex errore inde a Jac. Gronovio propagato in *Ma. nomen* diserte legi opinatus formam *nomine* ex *nomen* ab interpolatore factam esse putat. Cfr. de locutione *aliquo nomine aliquem vocare* Germ. 28: *Ubi . . . libentius Agrippinenses conditoris sui nomine vocantur*; H. I, 13. pr. *Icelum . . . equestri nomine Marcianum vocabant.* Ad verba *Romanorum nomine*, pro quibus haud scio an recte Faërnus *Romano nomine* substitui voluerit, apte attulit Kiesslingius ex H. IV, 64. *nomen Germaniae* i. e. *nomen Ubiorum.*

Syllaba *er*, quippe quae in libris Mstis compendio — aut — aut significari soleat ¹¹⁹⁾, partim male intellecta, partim neglecta

118) In numero eorum etiam Jacobus habendus est, qui l. l. p. 23, postquam eos, qui verba *Romanorum nomen* elicienda censent, bene interrogavit, quis ille talia appinxit et quo consilio, simulque monuit indignationem Germanorum iis verbis describi, loquum distinguendo sanasse sibi visus est. Ita enim scribi iussit: *quod gens G. o. eiurata patria — Romanorum nomen — Agrippinenses vocarentur*, tanquam exclamatio indignantium orationi Tacitinae interposita esset, id quod vix cuiquam placuerit.

119) Sic Hist. III, 61 *verba* i. e. *verba* in *Ma.* pro vulg. *versa* scriptum est; idemque liber in subscriptione Sallustii supra allata exhibet *cirovsiat* i. e. *controversias* et in initio lib. X. *Metam. Appul. Ppt-* i. e. *propter*. Martial. Supposit. I, 6 in optimo codice Vossiano R, qui iudice Geelio ineunte potius quam exeunte saeculo nono scriptus est, compendium *lib-* i. e. *liber* reperitur, quod Burmannus, qui et ipse illum codicem contulit, falso interpretatus est, quasi *libens*

est cum in aliis codd. ¹²⁰⁾ tum in Medicis. Sic A. I., 4. M. exhibet *disere* pro *disserere*; c. 17. extr. lectio M. *accepit* orta esse videtur ex *acceptat*, quod in archetypo, ex quo ille codex descriptus est, pro *accepit* i. e. *acceperint* exaratum fuisse su-

significaretur; cf. ed. Schneidew. Vol. II. p. 736. Benedictini l. l. p. 539 sqq. haec vocabula compendiosae scripta protulerunt: *assit* i. e. *asserit*, *carcẽm* i. e. *carcerem*, *diũunt* i. e. *dixerunt*, *edã* i. e. *edera*, *emgẽte* i. e. *emergente*, *fĩata* i. e. *feriata*, *fũit* i. e. *fuerit*, *laud'is* i. e. *lauderis*, *mĩta* i. e. *merita*, *proessit* i. e. *processerit*, *ĩras* i. e. *terras*, *ũter* i. e. *verteretur*. Cf. etiam Goesch. Ind. sigl. p. 440. 441. 449. 495. 501. 507. 509. 510.

120) Sic Vell. I, 9, 1 cod. Murb. et apogr. Amerb. exhibent *fuit* pro vulg. *fuerit* et II, 59, 5 *pollicentur* pro *pollicerentur*. Cic. Tusc. III, 22, 52 lectio codd. Mstorum et edd. vett. *feri*, pro qua emendationem Rivii *ferire* Wolfius, Orellius, Kuehner bene substituerunt, ex compendio *fĩre* vel *fĩre* orta est; sicut Tac. Hist. V, 17 in G. obfĩari i. e. *observari* scriptum est. Ex eodem compendio a librariis neglecto frequens verborum *suus* et *servus* permutatio nata est, de qua v. Drakenb. ad Liv IX, 14 et XL, 8. Itaque vix dubito Cic. pro Caecina 10 §. 35 ed. Beck. vulgatae lectioni *A. Atilius et eius filius L. Atilius et armatos ibi fuisse et se suos armatos adduxisse dixerunt* Ernestii conjecturam a Beckio probatam et *se servos armatos* sqq. praeferre, quum praesertim compluries in ea orationis parte mentio fiat *servorum armatorum* Aebutii ejusque propinquorum. Vide c. 9. §. 32 et c. 10 §. 40 ed. Beck. Et friget pronomen possessivum absolute dictum. Deinde Tac. Agr. 25 lectio codicum et edd. Put. *impellitur*, quam soli, quod sciam, Walther et Bachius vulgatae *impelleretur* perperam praetulerunt, ex neglecto compendio *impellitur* originem duxit perpetua liberarum *e* et *i* permutatione. Responit quippe librarius archetypi futurum tempus in narratione rei praeteritae, admisit praesens historicum in apodosi quidem conjunctioni *cum* saepe coniunctum; cuius tamen usus plane diversa ab h. l. est ratio. Cf. Zumpt. §. 580 ed. VII. Ramsh. p. 778 sq. Dial. de Oratt. 22. prava cod. Meti Paris. et edd. vett. scriptura *ex tempore* ex compendio *excapere* i. e. *excerpere* nata est, literis *c* et *t* insuper permutatis. Ibid. c. 31 pr. cod. Neap. *exercent* exhibet pro *excercent*. Denique Ann. XIV, 51 librarius eius codicis, ex quo C. R. et ed. Spir. descripta sunt, compendium *ad ultia* i. e. *adulteria* male interpretatus *ad ultima* scripserat. Cf. praeterea Goesch. Ind. sigl. p. 440. 441. 449. 495. 501. 510. ed. Gailleb.

spicor. Vulgatum *acceperint* in margine codicis posuit Bernolddi, ut videtur, manus; cf. Walther Praef. Vol. I, p. XVI. XL. Doederl. Praef. p. XI. — A. II, 62. extr. M. praebet *transulat* pro *translulerat*; A. III, 22. *profendo* pro *proferendo*; c. 49. *adseverit* pro *adseveravit*. A. IV, 5. extr. *sed persequi incertum fuerit* vulgatur in omnibus editionibus recentt. praeter unam Bachianam pro scriptura codicis et edd. vet. *fuit*. Facile enim est intellectu sententiam a Tacito cum aliqua modestia propomi, de quo perf. conj. usu vid. Zumpt. §. 527. Ramsh. p. 599. sq. Allato ex A. XV, 41. a Walthero exemplo addas haec: A. IV, 33. *haec conquiri tradique in rem fuerit*; c. 32. extr. *non sine usu fuerit*; A. XIV, 56. *non tamen sapienti viro decorum fuerit*; H. II, 2. *haud fuerit longum*. Male Doederlinus quaque modo lectio nem codicis defensurus a Tiberio apud patres referente haec dicta esse iudicavit. — A. IV, 59. M. exhibet *conducet* pro *conduceret*; A. VI, 2. lectio Msti *urbis* ex compendio *u'bis* i. e. *verbis orta*. A. XII, 1. pr. scriptura Ma. *intonanti* originem traxit ex compendio *intoll'anti* i. e. *intolleranti* pro vulg. *intoleranti*. C. 17. pr. lectio codd. et edd. vet. *postremo* ex archetypi scriptura *pasto* i. e. *postero* nata esse mihi videtur. A. XIV, 43. Ma. C. G. O. Oa. ed. Spir. exhibent *profuit* pro vulg. *profuerit*. H. II, 59. lectio Ma. *venilibus* i. e. *vennilibus*, non *vernilibus*, ut Pichena prodidit, ex archetypi scriptura *emilibus* ideo nata esse videtur, quod librarius compendium *v* pro sigla syllabae *oen* male acceperat. Jam reliqui librarii alias aliud conjectura elicuerunt ex archetypi compendio: libri familiae Genuensis *iuvenilibus*, peiores familiae Romanae codices *humilibus* exhibent, quod etiam in nonnullorum Genuensis librorum margine legitur, unde transiit in edd. Pat. sqq. ad Pichenam, qui *vernilibus* bene rescripsit.

Ita saepius evenit, ut praepositio *inter* compendiose scripta ¹²¹⁾ cum *in* a librariis confunderetur ¹²²⁾. Felicissima igitur

121) Praepositio *inter* compendio *int'* vel *it'* significatur, et prius quidem compendium, quod in Ma. H. III, 72 extr. teste Pichena legitur, iam in libro quodam saeculo nono scripto apud Benedictinos L. I. p. 268 exstitit, ubi est *int' p'tati sum'* i. e. *interpretati sumus*. Cf. etiam Gieschen. Ind. siglarum p. 495. 445.

122) Eadem confusione H. II, 36. codd. G. O. et a pr. m. H. Oa. *incursu*

conjectura H. V, 20. extr. Kienlingius scripsit *Germanorum manus Batavoduri interrumpere inchoatum pontem nitabantur* pro codd. et edd. vett. lectione *inrumpere* vel *irrupere*. Falso enim Walther, qui, quamquam Ernestius, Ripontini, Oberlinus, Bekker, Ritter, Rupertius ex O. *rumpere* ediderunt, scripturam codicum cum Bachtio revocavit, affirmat *irrupere aliquid* idem esse, quod *irruptionem facere in aliquid, ut interpelletur*. Interpellandi vero notio longe abest a verbo *irrupere*, quod significat *inoadere vi atque impetu*. Et locus a Walthero ex A. IV, 67. pr. allatus *ne quis quietem eius inrumperet* aut ita interpretandus esse videtur, ut verbum *irrupere* per translationem de quiete dictum ceaseas, quam proprie fines, castra, stationes, portae, acies irrumpantur, aut ita corrigendus, ut pariter scribas *interrumpere*, id quod equidem praetulerim memor locutionis *somnum interrumpere* (v. Plin. N. H. 28, 4.). Sed ut ad inceptum redeam, non crediderim Tacitum retulisse, Germanos nixos esse inchoatum pontem vi atque impetu invadere, nisi forte ille significare voluit, Germanos ponte, quamvis inchoato tantum, usos Batavorum invasisse²²³). Et si tale quid narrare voluisset, certe scripsisset: *Germanorum manus Batavodurum irrumpere per inchoatum pontem audebant*. At si Germani ipsum oppidum oppugnare adorti essent, crederes gentem praecipuo nandi studio, imperfecto ponte, quem Romani praesidio haud dubie tuebantur, omisso, amnem Rhenum inconstituto loco tranaturos atque oppidum a terra aggressuros fuisse. Totius vero loci ratio ac verba *nitabantur* et *inchoatum pontem* docent, Germanos inchoatum pontem interscindere conatos fuisse, ne Romanus exercitus amnem transgrederetur atque insulam Batavorum occuparet vastaretque. Eadem de causa paulo ante Civilis diruerat molem a Druso Germanico factam et disiectis, quae morabantur, Rhenum (i. e. Vahalem) prono alveo in Galliam ruentem

pro *intercurso*, Varr. de L. L. VI. §. 3 p. 73 ed. Muell. cod. Gothanus *invalium* pro *interballum* (cf. p. 279), Vell. Patere. II, 32, 3 ed. pr. *inter utrumque*, apogr. Amerb. in *utrumque* praebet. Plura vide apud Drakenb. ad Liv. 38, 57, 6; ap. Kreyssig. Praef. ed. Vell. p. XXVIII; ap. Hand. Tursell. Tom. III. p. 356 et 410.

123) Talis fere est explicatio, quam Jacobus l. l. p. 29. proposuit, ut nunc demum video.

effuderat; qua de re cf. H. V, 19. *Locustione pontem irrumpens* iterum utitur Tacitus H. I, 70; Plancius ap. Cic. ad Fam. V, 28; Justin. I, 2, 13. Similiter pontem interseindi dicit Cic. de Legg. II, 4. Ceterum lectio codicis O. ab usu loquendi nihil habet offensionis: cf. Tac. A. I, 63. *raptos vetustate pontes*; A. II, 68. *pontes accolae ruperant*. Sed verbo inchoatum melius convenit *interrumpere*.

Syllaba *it* compendio — scripta ¹²⁴) ansam videtur dedisse corruptelae H. IV, 64, ubi Ma. *intulisse* pro *intul se* i. e. *intulit se* exhibet ¹²⁵).

Syllaba *on*, quippe quae in antiquissimis libris Martia transversa lineola recta significaretur ¹²⁶), a librariis haud raro ne-

124) Cf. Freund. Cic. erat. pro Milone ad codd. Erfurt. exemplar ed. Praef. p. VIII. In schol. ad Pers. II, 5 cod. Norimbergensis *liau* i. e. *liauit* exhibet pro *libauit* vel potius *libabit*; cf. C. Fr. Hermann. disput. alt. de schollis Persianis p. 23. Benedictini l. l. tab. 60 exempla attulerunt *incip* et *se*. Item in codice Voss. R. in Mart. libris extr. compluribus scriptum est *INCIP* i. e. *incipit*; V. ed. Schneidew. Vol. II, p. 709, 748, 729, 725.

125) Similiter Vell. II, 125, 4 ex corrupta ed. pr. et apogr. Amerb. scriptura *pleraque ignave* Germanicus editores Bipontini, quos Kritzius in editione praestantissima secutus est, eo certiore eruerunt emendatione *p. ignovit G.*, quo frequentior in vet. libris Velleii est literarum *a* et *o* confusio; de qua v. Kritz. Prolegg. ad Vell. p. LXXXVI sq. et CX. Similiter Vell. II, 42, 1 ed. pr. et apogr. Amerb. *destituere* exhibent pro *destituerit*, quae est emendatio Rhemani Krausio, Claudio, Orellio, Laurentio Kritzio probata.

126) Sic in antiquissimo Martialis codice R. II, 67, 3 *oceneris* et 90, 9 *cha* scriptum est, atque in specimine Mediceo codicis Taciti Apuleiique a Benedictinis l. l. tab. 49 p. 278 sq. edito legitur *circusias* i. e. *controversias* et *constantinopolis*. Particulam negativam compendio *n* in antiquissimis exemplaribus significatam esse docuerunt Benedictini l. l. tab. 60, et Jac. Gronovius Tac. Ann. IV, 52 *n* *ideo laedi* in cod. M. repperit scriptum, idemque ad Ann. XV, 10 annotavit, cap. 28 ejusdem libri codicem Ma. exhibere *Corbulo n* *vitalus*, unde Doederlinus ex felicissima Jac. Gronovii emendatione, in quam et ipse inciderat librarius codicis A., censuit rescribendum: *Corbuloni non vitalus*. Cf. de h. l. quae supra p. 25 et 79 diximus. Idem compendium reperitur in Cassellano cod. Servii et in Martialis cod. R. qui III, 89, 2 *n* pro vulgato *nam* exhibet. Ita

glecta, ut in alijs codicibus ¹²⁷⁾, ita in Medicis corruptendae scripturae praebuit occasionem. A. II, 32. lectio *Msti cordiae* orta ex archetyp*i* scriptura *ccordias* i. e. *Concordiae* ¹²⁸⁾. A.

etiam evenit, ut Mart. III, 38, 6 codicis T. librarius in archetyp*i* lectione *noras* compendium *n oras* latere male opinatus, *non oras* scriberet.

- 127) Ita factum est, ut in codicibus Varronis de L. L. permixtis locis negativa particula emitteretur: cf. Mueller. Praef. p. XXVI. Porro Dial. de Orat*i*, 6 lectio codd. Neap. Paris. Periz. et edd. vet*t*. *coire populum et circumfundi coram* ex compendio *coram* orta esse videtur: recte igitur plerique editores recentiores ex ingeniosa coniectura Acidalii et Schelii *coronam* rescripserunt, cuius emendationis interna argumenta vid*e*l*icet* apud Waltherum. Ceterum de usu loquendi, ex quo etiam ii, qui alios cingunt, circumfundi dicuntur, cfr. praeter Waltherum etiam Oudendorpium ad Hirt*i*. B. Afr. 28 et Ruhnkennium et Kritizium ad Vell. II, 46, 4. Item huc pertinet felicissima emendatio Orellii, qui in Dial. de Orat*i*. 41 pro lectione Mstorum Neap. Periz. Vaticae. et edd. vet*t*. sic minor oratorum horum obscuriorque gloria est propositit a. m. o. honor o. gl. a. Quodsi in archetypo hor*um* scriptum erat, facillime id compendium abire potuit in *horum*, quum praesertim genitivus pluralis oratorum proxime praecederet. Cf. quae supra p. 15 sqq. et p. 20 sqq. de talibus vitiiis dixi. Suadet emendationem etiam frequentissima synonymorum coniunctio, quam auctor dialogi perquam ad-amavit. Sic c. 12, legitur: *Nec ullis aut gloria maior aut augustior honor*. Similiter coniuncta reperiuntur c. 18 *fama gloriaque*, c. 26 et 31 *laus et gloria*, c. 7 *fama et laus*, ap. Cic*ronem* pro Murena 5, 12 *homo et gloria*. Ex contrario Vell. II, 116, 5 cod. Murbaecensis teste Buresio exhibuit, apograph. Amerbachianum hodieque praebet *honorum virorum* mentioni pro vulgato *horum v. m.* Librarius Murbaecensis quippe pronomen *horum* pro compendio verbi *honorum* scriptum fuisse opinabatur. Cf. etiam Goeschen. Ind*icis* siglarum p. 455 sq. 507.

- 128) Petuit tamen id quoque fieri, ut scriptura *cordiae* ex neglecto syllabae *con* compendio *c* vel *e* vel *o* oriretur; unde crebra illius syllabae omisio repetenda videtur. Quo etiam factum est, ut Cic. Lael. 7, 23 in codd. Ref. Haem. Pith. B. Gerhardi et in uno Manutii *iunctionem*, in duobus Berolin*ensibus* et vetere libro Langii *vincionem* reperiretur pro vulgata et plurimorum et optimorum librorum lectione *coniunctionem*, quae optimi Gudiani codicis scriptura *iunctionem* egregio firmatur. Ibid. 8, 32 vulgata lectio *honestas certatio* nata esse videtur ex *certatio*, quod compendium vocis *concertatio* in quinque Manutii libris, in duobus Oxon*ibus* et Dresd*ensibus*.

XIV, 39. corruptum in Ma. et ed. Spir. nomen *maior* natum ex compendio *maior* i. e. *Suetonio*. H. IV, 62. verba *inhora signa*, quae pro vulgatis *inhonora signa* in Ma.B.R. leguntur, ex compendio *inhora* s. orta sunt.

Quae quam ita sint, unice probanda mihi vidatur cum Bezenbergero Emendata. delet p. 20. coniectura a Jac. Gronovio de A. IV, 26, proposita. Is enim pro vulgata equis lectione *quos* (scil. *legatos*) *Tacfarinate caeso percussa gens et culpas nescia ad satisfaciendum populo Romano miserat* legendum, censuit: *et culpas n* (i. e. *non*) *nescia* sqq. Jam vides, quam facile scriptura *nescia* in *nescia* abire poterit, alterutra *n* litera omissa. Vulgata verba post Salinerium, Bachius, Ritter et Doederlinus ita defendere studuerunt, tanquam rex tantum *Garamantum*, non ipsa gens Tacfarinati opem tulisset. Vulgatis enim haec verba, quae c. 23. leguntur, erat *illi praedarum receptor ac socius populandi rex Garamantum, non ut cum exercitu incederet, sed minus levibus copiis* utique repugnare multis videbantur. Sed illud discrimen spinosius est quam verius. Neque enim inde, quod rex non cum iusto exercitu, sed cum levibus copiis inceserat, colligi potest, eum invito aut certe nescio populo utique ad latrocinia prono (cfr. H. IV, 50.) leves illas copias tantum ex iis istis popularibus, ut barbaris gentibus moris est, delectas praedatum misisse: et si Tacitus breviter tantum id indinare voluisset, aut supra cap. 23, haec duo verba *nescio populo* addita, aut h. l. *culpas alter*

b. scriptae atque a Lambino editae in praestantissimo codice Gudiano Schneidewinus repperit. Cf. Klotzii Append. crit. ad Lael. p. 215. Neque dubitatio Gernhardi, qui concertationem proprie verborum esse dixit, tantum valet, ut hanc lectionem ratione palaeographica criticaque maxime commendatam spernamus. Quippe Tac. Ann. XIV, 29 Paullinus Suetonius appellatur Corbulonis concertator i. e. aemulus. Ex eiusdem compendii neglectione Cic. Tusc. IV, 13, 30 variae lectiones aliquot editionum veterum *turbatio* et *perturbatio* pro *conturbatio*, quae est scriptura ed. Orell. gravioribus auctoritatibus probata, originem traxisse videntur. Bene igitur Lambinus et Orellius Cic. Brut. 38, 142 in *conquestionibus* pro vulgato in *questionibus* substituendum censuerunt. Cf. Orell. p. 268 sq. edit. seorsum a. 1830 emissae et Goeschen. Ind. siglarum p. 427.

nec nescia scripta fore arbitror, ut c. 20. extr. haec leguntur: *Insontes magistratus et culpa alienae nescii*; cf. et Virg. XII, 648: *Sancta ad vos anima atque istius nescia culpa descendam*. Et sane, dum haec scribo, venit mihi in suspectionem, potuisse verbum *alienae* inter *culpa* et *nescia* excidere. Ofr. quae supra p. 64. sqq. de nono vitiorum genere disserui. At non erat, cur gens omni culpa libera morte Tacfarinatis percelleretur atque populo Romano satisfacere studeret. Immo propria vi verbi *satisfacere*, de qua vid. Gesner. Thes. ling. et erudit. Rom. s. h. v., valde probatur, Garamantes non ut alienae culpa nescios sui purgandi causa, sed ut culpam constantes excusandi ac deprecandi causa legatos Romam misisse. Sane vero, quod illi levis armaturae tantum manu praedati fuerant, non iusto exercitu Romano imperio arma intulerant, in eo aliqua spes posita erat fore, ut veniam facilius impetrarent. Ceterum non est, quod egregiam istam, qua historiae illius temporis novam lucem Ritter attulit, opinionem, regem a Garamantum primoribus ad Romanos placandos fortasse depulsum esse, solemniter refutem. Nonne tibi redibit in memoriam illud Goethii?

Im Auslegen seib freisch und munter!

Legt ihr's nicht aus, so legt was unter.

Eodem, quo Jac. Gronovii emendatio, redit conjectura Lipsii *et culpa conscia* (*cācia*) aut Ryokii *nec culpa nescia*, sed illa multo praestat a ratione palaeographica. *Non nescius* iterum legitur c. 32., *haud nescius* A. II, 55. IV, 50. XV, 68. extr. *non ignarus* A. IV, 53. XI, 18. pr. XIV, 53. pr. Frequenter igitur usus est Tacitus duplici negatione in verbis sciendi.

Eodem illo syllabae *on* compendio nititur ingeniosa conjectura, qua Doederlinus A. IV, 26. extr. corruptam *Mstī* lectionem *repetitus* ex vetusto more omissusque e senatoribus, qui sqq. hunc in modum ¹²⁹⁾ emendavit: *repetitus ex vetusto more honos*, mis-

129) In eo tantum leviter erravit vir sagacissimus, quod omissa particula *que*, quae et in cod. Mediceo extat, et sensu atque orationis conformatione efflagitur, *repetitus* . . . *honos*, *missus e senatoribus* legendum censuit atque Lipsii emendationem *ex vetusto mos*, quae hodie vulgatur, Beroaldo etiam ascripsit.

susque s. s. Corruptela ab initio levis pedetentim gravior est facta. Primo enim vetusto in archetypo ommissa aspiratione ¹³⁰)

130 Universe observabis veteres de aspiratione in vocali usurpanda ita inter se dissensisse, ut non modo diversis aetatibus, sed uno eodemque saeculo multa vocabula ab aliis aliter scriberentur. Librarii igitur et quadratarii verbis a vocali incipientibus *h* litteram modo addebant modo omittebant, id quod testimoniis veterum Grammaticorum et inscriptionibus et codd. Mstis demonstratur. Cf. Schneider. Gramm. Lat. I p. 182—186. Sicut h. l. in archetypo *onos* extitisse puto, ita in antiquissimo codice Thuaneo Mart. XIV, 4, 2. *onos*, in titulis apud Gruter. p. 427. no. 1 et p. 465. no. 4 *onestus*, p. 1050. no. 12. *onorius* legi constat. Cf. etiam Goeschen. l. l. Praef. p. XXXVI. Item Tac. Hist. II, 57 extr. in archetypo vetusto *onoravitque* scriptum fuisse e diversitate scripturae colliges. Nam pro vulgata *honoravitque Asiaticum anulis* Ma. exhibet *oneravitque A. a.*, quod Walthero quidem, quippe Mediceorum codd. mancipio ita placuit, ut vix abstinuerit, quin *reciperet*; in G. autem legitur *ornavitque*. At *onerandi* significatio ab h. l. est aliena; *honorare* vero significat honoris causa donare: cf. H. II, 89. III, 51. Suet. Oct. 45. Ernest. Clav. Cicer. s. v. honor. Similiter scriptum est Hist. I, 13: *Icelo Galbae liberti, quem anulis donatum equestri nomine Marcianum vocitabant*; et Suetonius Vitell. 12 extr. eadem, quae Tacitus, de equestri dignitate Asiatici narrans hisce utitur verbis: *aureis donavit anulis*. Ceterum lectio *ornavit* a latinitate quidem non abhorret (conf. Suet. Galb. 14 *libertus Icelus paulo ante anulis aureis et cognomine Marciani ornatus* et Octav. 27 *Philopoemenem . . . equestri dignitate decoravit*), sed a palaeographica ratione parum habet probabilitatis. De Taciti loco haec iam diu disputaveram, quum cognovi Jacobo l. l. p. 7 lectionem Medicei cod. eximie placuisse. Is enim verbum *oneravit* germanico *behängt* interpretatus de ludibrio verbis indito cogitasse videtur. At Tacitus non is est, cui atra bilis ita facile moveatur, ut h. l. vile mancipium cavillaretur. Contra ad abusum aspirationis pertinet egregia emendatio, qua Seyffertus Emendatt. Tacit. Fasc. I. p. 5 sqq. locum Ann. I, 59 foede corruptum sanavit. Codicis enim scriptura *redderet filio sacerdotium hominum*, pro qua ille substituit *r. f. s. omisum*, ex *homisum* orta esse mihi videtur. Quae mihi quidem olim in mentem venerat conjectura *r. f. sacerdotiū in horum i. e. r. f. sacerdotium in honorum*, eam nunc praecipuae illi imparem iudico. Plura exempla aspirationis in codd. Mediceis aut omissae aut additae dabo in altera commentationis parte, ubi de tertio vicesimo

onus scriptum erat; unde in eum indicem, ex quo Mediceus liber postea descriptus est, compendium *os* i. e. *onus* transit. Jam vero librarius Medicei quum, quid syllaba *os* significaret, ignoraret, leni sane mutatione, qua verbo *omissusque* sonum quidem latinum redderet, *omissusque* scripsit. Hodie quidem ex emendatione Lipsii vulgatur *repetitus ex vetusto mos missusque* sqq.; sed ut taceam, quod ita forma *omissusque*, unde orta sit, explicari nequit, facile intelligitur, non reductum esse vetustum aliquem morem tunc obsoletum, quippe quum etiam Julii Caesaris aetate idem honor Ariovisto decretus esset, ut rex et amicus appellaretur, eiue munera amplissima mitterentur (v. Caes. B.G. I, 43.), sed occasione denuo data illum honorem Tiberio imperitante ex more inter veteres iam recepto repetitum i. e. rursus decretum esse. Accedit quod in locutione *ex vetusto* novo atque inaudito adiectivi usu offendimur, quum potius *ex antiquitate* vel tale quid expectares. Contra vocabulum *homos* sententiae est aptissimum, immo vero proprium, et forma *honor* etiam A. XV, 74. H. II, 59. Germ. 13. 29. 44. Agr. 46. reperitur ¹³¹). Ceterum, quamquam non est, quod ad usum locutionis *ex vetusto more* Tacito vindicandum exempla congerantur, conferas A. IV, 16. *vetusto more*, c. 27. *vetere ex more*, A. XIV, 42. *vetere ex more*, H. IV, 61. *vetere apud Germanos more*; H. I, 54. pr. et IV, 12. extr. *vetere instituto*.

Syllaba *re*, imprimis quum verbi erat ultima, transversa lineola curva aut hac nota ~ a librariis significabatur ¹³²); quam

vitiorum genere id est de vocabulis contra orthographiae leges scriptis disseram.

131) Haasius in nota 33. ad Reisigii Gr. Lat. p. 61 formam *honor* etiam Ann. IV, 37 inveniri ait, sed quotquot mihi quidem innotuerunt editiones, eo loco formam *honor* praebent; id quod annoto, ne quamvis levis error posteritati propagetur.

132) Cf. Waltheri Praef. ed. Tacit. Vol. I. p. XX. Ex libris Mstis a Benedictinis l. l. p. 539 not. 1. annotata sunt verba *c̄bris* i. e. *crebris* et *acqrē* i. e. *acquirere*. In G. Tac. Ann. XII, 12 *exercē* i. e. *exercere*, A. XVI, 11 *seniō* i. e. *seniore* extat; idemque codex H. III, 51 extr. habet *ex vetē* memoria, quam ablativi formam etiam O.Oa. et edd. Spir. Put. bene praebent, quamquam inde a Beroaldo forma *veteri* vulgata est. Sed haec nulla nititur auctoritate, nisi silentio

ob rem in codicibus facile potuit aut omitti¹³³), aut cum alio compendio permutari¹³⁴). Ita A. III, 17. extr. pro vulgato re-

virorum doctorum, qui Mediceum librum inspexerunt. Ista vero fides et auctoritas in talibus rebus, quae vulgo a criticis inter minutias referuntur, fere nulla est: et caveas, ne Beroaldum scripturam veteri ex Ma. deprompsisse putes. Omnino enim vix credibile est, Romanum illum typographum, qui sex priores quidem Annalium libros ex Mediceo codice tunc Romae servato edidit, alterum quoque Mediceum manu versavisse, quippe qui iam tum Florentiae et quidem in D. Marci bibliotheca fuisse videatur; cfr. notam Victorii in Waltheri Praef. p. XXXVII descriptam cum Bandini Catal. codd. Lat. Bibl. Laur. Med. T. II, p. 836 cum iisque, quae Keilii de D. Marci bibliotheca Florentina nuper scripsit in Schneidewini Philologo I, 1 p. 182. Jam vero reliquos Annalium et Historiarum libros a Beroaldo non ex Ma. editos, sed ex editione Puteolani Veneta additos esse, Ernestius Praef. p. XXVII. ed. Bekk. compluribus argumentis probabiliter demonstravit, a qua sententia Walther Praef. p. XXVII. ed. pae temere dissensisse mihi videtur, utpote paucis locis, ubi editio Beroaldi a Puteolana sive operarum vitio sive correctoris industria discrepat, deceptus. Hoc certe loco Mediceum librum a Beroaldo prorsus non inspectum esse inde patet, quod, quum Ma. testibus Victorio et J. Gronovio posset exhibeat, in ed. Ber. poscent legitur. Bene igitur Haasius not. 76 ad Reisigii Gr. Lat. p. 90 veteri pro vulgato veteri rescribendum censuit, in eo tamen erravit, quod Agric. 4 pr. formam veteri reperiri ait, quum eam solae, quod sciam, editiones Oberlini et Waltheri ex mendo typographico prioris praebeant. Cfr. Drönkum in novissima Agricolae editione.

- 133) Sic Vell. II, 105, 2 lectionem spogr. Amerb. *athilam* ex codicis Murb. scriptura *athilam* ortam esse docet. ed. pr., in qua legitur, ac *hilarem*. Feliciter igitur Ruhnkenius veram scripturam aut *hilarem* Velleio restituit; cf. Kritz. ad h. l. Aurel. Vict. de Caesaribus XVII, 7: *dum incestam mentem pravamque putant syllaba re ante putant* excidit. Legerim igitur cum Clossio (v. versionem germanicam p. 177) *reputant*, quam emendationem etiam Kleinus in diurnis antiq. Zimmermanni a. 1841 no. 157 p. 1332 probavit.
- 134) Vell. II, 9, 6 scriptura ed. pr. et apogr. Amerb. *sensibus celebrem*, quam in *sensibus crebrum* acute emendavit Orellius, originem cepit a compendio *c̄brum*, quod ut librarius codicis Murb. male interpretaretur, eo facilius fieri potuit, quo propius adiectivum *celebre* antecedit (v. §. 4). Ceterum de locutione *sensibus crebrum esse* cfr. Kritz. ad h. l. Ita et factum est, ut Vell. II,

legaretur M. religatur, edd. vett. *relegatur* exhibent: quam quidem scripturam, licet nuper Kiesslingio, Walthero, Bachio, Rupertio probatam, equidem in textum haud receperim. Etenim quae Walther attulit exempla, ut probaret senatores sententiam dantes dici facere, quod fieri vellent, ea ipsa docent, tum nomen ejus, qui sententiam dixit, additam fuisse. Scripsisset igitur Tacitus h. l. aut *M. Pisonem . . . relegat* (scil. *Cotta*, quod nomen nominandi casu praecedat), aut *M. Piso . . . ab eo* (i. e. *a Cotta*) *relegatur*. Accedit quod ablativi absoluti *exuta dignitate et accepto quinquagies sestertio* illi sententiae conformationi parum conveniunt atque ambiguitatem sermonis non mediocriter augent. Contra vulgata scriptura firmatur simili verborum constructione A. II, 85. extr. reperta. Ceterum facile propter librarii insecitiam fieri potuit, ut is, quippe qui rationem conjunctivi *relegaretur* non intelligeret, perverse instituta verborum constructione compendium illud negligeret: de quo uberrimo fonte corruptelarum cum in aliis scriptoribus tum in Taciti libris deprehensarum alio loco plura disseremus.

Item in Ma. legitur A. XVI, 21. *cum de Agrippina ferretur pro c. d. A. referretur*; et c. 22. lectio Ma.A.C.R. *spernit legiones* orta ex archetypi scriptura *spernit religiones* i. e. *spernit religiones*. H. IV, 48. libri Msti et edd. vett. exhibent *supra petiero* pro *supra repetiero*. H. V, 8. discrepantia codicum, e quibus Ma. et Vat. Lipsii *demgia*, C. *deningia*, F. *deingia*. R. *denigia*, B. *deiugia* vel *deuigia* praebent, ab archetypi scriptura *deingia* i. e. *dein regia*, quae est lectio ex Merceri emendatione vulgata, originem cepit. Itaque quum A. XV, 2. extr. Ma. *exturba*, C.R. et ed. Spir. *exturbat*, libri familiae Genuensis vulgatum *exturbari* exhibeant, compendium *exturbā* in archetypo exaratum, sed postea forte oblitteratum, corrumpendae vario modo scripturae ansam dedisse conjicio. Certissimam igitur Ernestii coniecturam *exturbare* nil dubito commendare. Quamquam enim verbum *mandavit* accusativo c. inf. pass. coniungi potest (cf. Suet. Tib. 65. extr.), tamen, quum Monesi curam Tigranis Armenia expellendi mandatam esse ex c. 4. init. constet, illud verbum ad

54, 3 in cod. Murbacensi Barerius *parare*, Amerbachius *pareri* legerent; vulgatur vero ex certa Barerii coniectura *parere*.

precedentem dativum *Monaci nobili viro* aequè ac verbum *tradidit* referendum ideoque infinitivo act. *conturbare* iungendum esse facile intelligitur.

Ita denique evenit, ut syllabae re compendium cum syllaba *ret* in Mediceis libris hisce mutaretur locis: A. VI, 2. extr. M. *suaderet* pro *suadere* exhibet; et in Ma. legitur A. XI, 34. *cum obstreperet accusator* pro *cum obstrepere a.*; A. XII, 49. *cum rediret in Syriam iubetur* pro *cum redire* sqq.; A. XV, 69. *occuparet* pro *occupare*; H. I, 64. extr. *iusti pecuniam atque arma deferret* pro *i. p. a. a. deferre*; H. IV, 13. *averteret* . . . et *res tentare* . . . iubebatur pro *avertere* sqq.

Syllaba *ri*, quippe quae compendio vel ² vel ~ significaretur ¹³⁵), a librariis facile omissa aut cum aliis compendiis confusa est. Ita A. IV, 37. extr. in M. *sacra* pro *sacrari* scriptum est. A. XII, 40. lectio Ma. et ed. Spir. *eugantum* ex scriptura *eu²gantum* pro vulgato *e Brigantum* civitate orta esse videtur. A. XV, 44. extr. codd. Msti praeter A. habent *circulo*, quod a scriptura *cur²culo* i. e. *curriculo* originem cepit. H. I, 71. in Mstis est *pro moribus* pro vulgato *primoribus* ¹³⁶). H. V, 1. pr. inde discrepantiam explicabis librorum Mstorum, ex quibus Ma. *prilatis* vel *praelatis* vel *prelatis*, A.C.V.Lipsii *prelatis*, B. *preliatis*, G.H.O.Oa. *proeliantis* aut *praeliantis* praebent: quae scripturae varietas ex archetypi compendio *p²uatis* i. e. *privatis* (scil. *utriusque rebus*) nata est. Inde etiam factum esse videtur, ut in M. A. I, 3. *destinare* pro *destinari*, A. II, 30. *interrogare* pro

135) In Ma. teste Mabillonio I. I. p. 353 tab. V. no. 5. legitur Ann.

XII, 1 pr. *pncipis* i. e. *principis*, teste Victorio A. XI, 26 *patam* i. e. *patriam* (teste Furia), quae est lectio G. et ed. pr. pro vulgato

paria. Ceterum scripturam *patriam* ex archetypi compendio *p²aa* ortam esse facile est intellectu. Hist. V, 1 pr. in Ma. teste Victorio *p²latis*, teste Ryckio *platis* scriptum est, quo *prilatis* aequè ac *praelatis* vel *prelatis* significari potest. Quod si reputasset Walther, defendenda lectione *praelatis* *utriusque rebus* non perdidisset et oleum et operam. Sic in scripto quodam saeculi tertii decimi *poris* i. e. *prioris* extat: cfr. Benedictin. I. I. p. 546.

136) Similiter Vell. II, 28, 2 ed. pr. *proh res*, spogr. Amerb. *prores* pro *prioris* exhibet.

interrogari, atque in Ma. A. XI, 7. *praeparare* pro *praeparari*, A. XIV, 60. *tuere* pro *tueri*, A. XV, 5. *circumsedere* pro *circumsederi*, c. 59. *sperare* pro *sperari*, H. III, 86. *continere* pro *contineri*, H. IV, 81. *integrare* pro *integrari* scriberetur ¹³⁷).

Syllaba *ur*, quippe sigla *V* vel ² vel *Q* vel *~* notata ¹³⁸), interdum et in aliis ^{138a}) et in Mediceis libris omissa est. Exhibet enim M. A. I, 79 *ut in sententiam Pisonis concederet* pro vulgata lectione *concederetur*, quae Doederlini coniecturae *concederent* longe est praefenda. A. II, 63. in eodem codice est *reditus* pro *rediturus*. Ma. habet A. XIII, 16. *ne omitteret institutum* pro *ne omitteretur* i. A. XIV, 7. in omnibus libris Mstis praeter G. legitur *ne auctor dubitaret* pro *n. a. dubitaretur*. C. 48. Ma. praebet *ut condemnatus a senatu intercessione tribunicia morti eximeret* pro vulgato *eximeretur*: qua facillima emendatione, si quidem emendatio est lectio librorum familiae Genæensis, minus placet Doederlini coniectura *ut condemnatos . . . eximeret*. A. XVI, 4. *ut nulla oris aut narium excrementa viserent* pro *viserentur* in Ma. legitur. H. I, 31. in eodem codice et edd. vet. extat *legioni classicae diffidebat*, quam lectionem spreta Acidalii coniectura, quae ab Er-

137) Sic Agr. 34 extr. cod. Vat. 3429 *imputare* pro *imputari* habet. Sall. Jug. 46, 4 in aliquot libris *nuntiare* pro *nuntiari* est. Ibid. 35, 3. in multis libris legitur *movere* quam *senescere* omnia malebat pro vulgata inde a Cortio scriptura *moveri* quam *s. o. m.*, quam quidem Gerlachius in ed. min. temere sprexit. Cfr. novissimum Sallustii editorem Dietschium ad h. l. p. 261 sq. Cic. Epp. ad Fam. I, 1, 3 cod. Med. *assentire* pro *assentiri* et II, 6, 1 *perferre* pro *perferri* habet. Eiusdem confusionis exempla ex Velleio collegit Kritz. Prolegg. p. LXXXVIII. Vicissim apud eundem syllaba *ri* pro *re* interdum est posita; cujus mendi exempla vide apud Kritz. Prolegg. p. LXXXIX.

138) Pichena ad Ann. IV, 72: *Saepe, inquit, et in nostro Msto et in aliis veteribus observavi, postremam illam syllabam (syllabam tur dicit) ita describi, ut tantum litera nt^a appareat, unde plurimi errores; et ex Ma. protulit Jac. Gronovius ad Ann. XV, 56 scripturam accit² pro accitur. Cf. praeterea verba compendiose scripta, quae Benedictini l. l. tab. 60 ex antiquissimis codicibus diplomatique enotarunt, quaeque p. 539 sqq. ex recentioribus libris collegerunt. Cf. etiam Goeschen. Ind. siglarum p. 493 — 495. 509.*

138a) Sic Gaii Comment. II. §. 79 pr. codex habet *reqrit* pro *requiritur*.

nestio, Broterio, Riponlinia, Bekkero, Kiesslingio in textum recepta est, Waltherum, Ritterum, Bachium, Ruperitum revocasse jure mirabere. Nam de Pisone solo, ad quem verbum illud referendum esse putant, nullus est sermo, atque passiva structura per totam orationem utilis Tacitus, utpote consilia partium Galbae ac Pisonis, non solius Pisonis enarrans: qui passivi usus eos, qui sermonis elegantiam intelligunt, haud fugiet. Cfr. praecedentia: *missus* et *Celsus Marius* sqq. et: *praeceptum Amulio Sereno* sqq. — C. 62. extr. Ma. exhibet *acciperet* pro vulgato *acciperetur*; H. IV., 55. *incendebat* pro *incendebatur*; c. 86. extr. *subduceret* pro *subduceretur*. Ita etiam factum est, ut A. XV., 29. *iturum* pro *iturum* in codd. et edd. Spir. Put. scriberetur.

Jam vero quum litera *n* quoque transversa lineola leniter inflexa significaretur, factum est, ut H. V., 5. librarius Medicei codicis pro vulgato *concinebant* (*cō cinebāt*) teste Victorio scriberet *cō tinebāt* i. e. *continebatur*, lineola suo loco mota ¹³⁹⁾ et *t* litera pro *o* posita.

Itaque A. IV., 72. pro lectione codicis *postquam non subveniebat*, quam plerique editores servarunt, Rhenani emendationem *subveniebatur* Lipsio, Mureto, Ursino probatam bene substituerunt Pichena, Bekker, Ritter. Nam quominus verbum *subveniebat* ad Olennium respiciat, ut Jac. Gronovius, Walther, Bachius, Rupertius, Doederlinus locum expedivisse sibi visi sunt, id obstat, quod de Olennio in proxime praecedentibus verbis nullus est sermo, nedum subiectum enuntiationis in eo nomine reperiatur. Quod autem Doederlinus verbum *subveniebat* absolute positum esse putat, quasi res vel inceptum successerit, ea opinio ipsi sententiae repugnat. Ipsum enim Olennii inceptum pacis quietisque erat impedimentum. Quonam modo igitur potuit expectari, ut inceptum paci subveniret?

139) Vicissim Agr. 26 MS. Vat. 4498 et edd. vett. exhibent *tamque in ipsis castris pugnabant* pro scriptura Msti Vat. 3429 *pugnabatur*, quam recentiores editores nonnulli, Becker, Hertelius, Peerkampius, Dronkius (in ed. II.) bene in textum receperunt. Nam ut alia taceam, librarii in formam *pugnabant* exarandam proniores erant, quippe quum tertia persona pluralis activi *irrupere* proxime antecederet.

Jam in antiquissimis codicibus syllaba *us* compendio.¹⁴⁰⁾ exarata est, quo factum est, ut saepe eam aut omitterent librarii aut perverse interpretarentur¹⁴¹⁾. Itaque Ma. exhibet A. XIII, 25. *congressi* pro *congressus*; c. 56. *vieam* pro *vieamus*; A. XVI, 32. *exerciti* pro *exercitus*; H. III, 60. *pacti* pro *pactus*. H. V,

140) Sic in antiquissimo codice breviarii *omni* scriptum est testibus Benedictinis l. l. p. 449, et siglam 9 nono saeculo iam in usu fuisse docemur ab iisdem viris doctis p. 545. Alias multas eius compendii formas vide *ibid.* tab. 60; quibus addantur notae et in Cassellano codice Servii frequentes. Maxime autem sigla; in consuetudinem venisse videtur: ita in Cassellano codice Servii syllaba *bus* plerumque scribitur *b*;. In Ma. reperitur teste Mabilonio l. l. Ann. XII, 1 pr. *dom*3, teste Jac. Gronovio XIII, 40 *corn*;, XIV, 36 *man*;, Hist. IV, 70 *Roman*;, V, 22 *semisomn*;. Cf. porro Goeschen. l. l. p. 423. 429. 437. 443. 452. 506. 507. 509. In Gaii codice rescripto frequenter legitur *qb.* vel *qb.* pro *quibus*; cf. Goeschen l. l. p. 480.

141) Varr. de L. L. VII, 94 p. 156 ed. Muell. hic Lucilii versus legitur: *Atque aliquos ibus ab rebus clepsere foro qui ex emendatione* Scaligeri, quum in codicibus *ibi* reperiat, ut in argumento acrosticho Plaut. Captiv. plerique codices *inibi* pro vulgata ex Gulielmi conjectura lectione *in ibus* exhibent. Eodem referas corruptum locum Varr. VI, 25 p. 83 ed. Muell., ubi Mueller ex codicum scriptura *compitalia dies attributus Laribus ut alibi* felicissime elicit *c. d. a. L. compitalibus*. E contrario *ibid.* V, 25 p. 11 in codd. est *putidus odoribus* pro *p. odor ibi*, quod Mueller certissima conjectura restituit. Denique *ibid.* IX, 105 p. 232 Mueller ex Spengelii emendatione edidit *sacrificatur aut sacrificatus sum* pro codicum lectione *sacrificaturus a. s. s.* Facile intelligitur librarium archetypi sententiam Varronis non assecutum propter consequens participium addita *us* syllaba *sacrificaturus* scripsisse. Cic. Cat. mai. 23, 83 nonnulli codices, quibus Graevius quidem obtemperavit, exhibent *cui obtusior sit acies* pro vulgato *cuius* sqq. Cf. Klotz. ad h. l. p. 166. Tuscul. IV, 32, 68 vulgo editur *cui in manu sit, quem esse dementem velit, quem sapere* pro emendatione Ernestii *cutus* in sqq., quam Wolfius et Klotzius probarunt et codex Duisburg. suo assensu firmavit. Vell. I, 12, 2 prava lectio ed. pr. et apogr. Amerb. *oum pars* ex scriptura archetypi *cuiq* (i. e. *cuius*) *pars* originem traxit. *Ibidem* quum II, 44, 2 apogr. Amerb. *praedixi*, ed. pr. *praediximus* exhibeat, discrepantiam scripturae ex errore librarii Murbacensis libri explicaverim, qui *praedixim* pro *praedixim*9 mihi videtur scripsisse.

23. lectio Medicei libri *ut eo terrere commeati galliam adventantes interciperentur* pro vulgata *ut eo t. commeatus Gallia adventantes interciperent* ex compendiarie scribendi ratione originem videtur cepisse, nisi quod inde malim conficere: *u. e. t. commeatus Gallia adventantes interciperentur*. Ceterum forma passiva etiam Baehio placuit ¹⁴²⁾. Ita etiam evenit, ut librarius Medicei libri A. XV, 66. *Fenius* pro *Fenio*; H. I, 48. extr. *calldo* pro *callidus* scriberet, sicut A.C. ed. Spir. H. II, 46. *promptissimus Plotius Firmus* pro vulgata *promptissimo Plotio Firmo* exhibent. ^{142a)}

His exemplis corruptelas subiungemus ex compendiis singulorum verborum natas; et primum quidem praepositiones *per* et *prae*, utpote compendiose exaratae, cum saepe in aliis codicibus. *Mstis* ¹⁴³⁾ tum aliquoties in Ma. confusae sunt. Sic A. XII, 47.

142) Fr. Jacobus l. l. II. p. 30. *commeatus in Galliam adventantes interciperentur* ex scriptura Medicei libri eliciendum censuit, tanquam commeatus aliunde, e Britannia scilicet vel Hispania vel Africa, in Galliam adventantes Rheno subveherentur. Verum literarum ductus magis auguratus ex vestigiis membranae, quam sententiam Taciti assecutus esse mihi videtur vir doctissimus. Ratio enim poscit, ut commeatus ex Gallicis maritimis civitatibus Romano exercitui navibus supportari itaque Rheno subvehi dicantur: quippe tale iter frumento atque utensilibus vehendis et facillimum est et celerrimum.

142a) Sic Juven. I, 67 lectionem codd. et edd. vett. *signator falso Rupertius* mihi videtur recte mutasse in *s. falsus* coll. Sall. Cat. 16; quamvis Matthias in Obs. in Juv. Sat. I. p. 7 not. 22 vulgatam explicatione tueri nuper studuerit.

143) Cf. Drakenb. ad Liv. IX, 10, 7. E ceteris codicibus Tacitinis frequentissima eiusmodi confusionis exempla collegit Walther ad Ann. XII, 47 et passim in indice annotatt. Cic. Epp. ad Fam. X, 9, 1 libri scripti et editi fluctuant inter *pervidere* et *praevidere*. Cic. Orat. 11, 36. cod. Einsiedlensis *per scriptum* pro vulgato *praescriptum* habet, et Mart. XIII, 66, 1. libri familiae C.a. inter *perduro dente* et *praeduro d.* fluctuant, quae varietas ab archetypi eius familiae scriptura *perturo* pro vulgato *periuro*, quod R. et codices familiae B. tuentur, originem videtur cepisse. Vell. II, 112, 6 in apogr. Amerb. est *praerupta eorum acie* pro vulg. *perrupta e. a.* Nec librarii tantum, sed critici etiam de his siglis interpretandis discrepant, quo factum est, ut Ann. XI, 20, ubi recentiores editores inde ab Ernestio ex G. et ed. pr. *fossam perduxit* pro

perstringere, A. XIV, 54. *perstringor*, H. I, 84. *perstringimus* pro verbo *praestringere* in codicibus et. edd. vett. reperitur: cfr. de vi atque usu verbi *praestringere* Drakenborch. ad Liv. XL, 58, 4. et ad Sil. Ital. I, 358., Oudendorp. ad Suet. Oct. 29. et Lucan. I, 154, Heindorf. ad Cic. de N. D. III, 29. p. 357., Delrium et Lindemannum ad Plaut. Mil. gl. I, 1, 4. Item quum A. XIV, 57. extr. Ma. t. Furia *prelatum caput eius* (Pichena prodidit *praelatum*) exhibent, *perlatum*, quod cod. A., haud dubie ex emendatione librarii, praebet, cum Pichena, Doederlino, Bezzenbergero scribere malim, quam vulgatum *relatum* cum ceteris editoribus retinere. Cfr. locutionem *mandata perferre*, quae A. I, 23. 26. 57. legitur. H. II, 59. extr.: *Perlatum* (scil. *filium*) *et paludamento opertum Germanicum appellavit*. Germ. 45.: *Rude legitur, informe perfertur* (scil. *succinum*); ubi codd. Perizon. Vat. 2964. Stuttg. edd. Norimb. Rom. *profertur* habent.

Dein *per* et *pro* praepositiones propter siglarum similitudinem¹⁴⁴⁾ ut frequenter in aliis codicibus¹⁴⁵⁾, ita nonnunquam in Ma. inter

vulgata antea lectione *f. produxit* rescripserunt, siglam, qua praepositio in Ma. exarata est, *prae* significare Jac. Gronovius, *per* Furia putaret. Et sane nota *p̃* tum *prae* tum *per* scribi aiunt Benedictini l. l. p. 542. Itaque in specimine codicis saeculo septimo scripti a Benedictinis p. 545 edito verbum *peracto* exaratur *pacto*, quum tamen vulgo *p̃* compendium sit praepositionis *prae*. Cf. Benedictin. l. l. p. 548. Ceterum siglam *p̃* etiam syllabam *pri* significare docent iidem p. 542; v. etiam supra not. 135.

144) Quamquam plerumque *P* praepositionem *per*, *P* vel *p* pro significat, tamen hae siglae in libris minus nitide ac distincte scriptis difficulter discernuntur. Cfr. varias formas siglae praepositionis *pro* ap. Benedictt. tab. 60 aere incisas cum compendio *P* quod in specimine antiquissimi codicis breviiarii a Benedictt. p. 449 et tab. 60 edito *per* significat. Quin etiam verbum *propereamus* scriptum est *Pperamus* in diplomate Chilperici I. a. 583 scripto, quod Benedictt. p. 646 et tab. 66 ediderunt.

145) Cf. Drakenb. ad Liv. IX, 10, 7 et XXVII, 8, 18; Cort. ad Sall. Cat. XII, 5. Exempla huius confusionis in ceteris codd. Tacitinis reperta vide in annot. Waltheri ad Ann. XI, 8 et passim in indice. Cic. Orat. 18, 58 cod. Einsiedlensis habet *prosequendae suavitatis* pro *persequendae s.*, et 28, 102 *ornandi copiam prosecuti sumus* pro *o. c. persecuti s.* Cic. de opt. gen. or. 2, 4 vetustissima ed.

se permutatae sunt. A. XII, 17. in *Ma. prorumperentur* legitur pro vulgata ex emendatione Rhenani scriptura *perrumperentur*. A. XIII, 29. idem liber et B. a pr. m. *is* . . . *extra ordinem honores promisit* exhibet pro *permisit* ¹⁴⁶⁾, quae est scriptura codicum B. (a sec. m.) G.H.O.Oa. et edd. vett. ab Ernestio, Oberlino, Broterio, Bipontinis, Walthero, Rupertio revocata et sensu ipso vel maxime commendata. Quippe propter insequentia verba honores non promissi tantum, sed revera dati mandatique esse narrentur necesse est. Huc referam etiam perpetuam particularum *perinde* et *proinde* confusionem, qua cum in aliis libris *Motis* (cf. praeter vv. dd. ab Haasio not. 416. ad Reisig. Gr. Lat. §. 244, a Kühnero ad Cic. Tusc. I, 36, 86. ed. alt. et a Walthero Rupertioque ad Tac. Ann. III, 17. commemoratos Goeschel. ed. Gaii sec. Praef. p. XXXXIII. not. 27.) tum in *Medicis* (cf. Bach. in Jahnu Nov. Ann. Philol. XI, 1. p. 26. et ad Tac. Ann. XII, 40.) sermo latinus inquinatus est: quam rem, quippe quae adhuc in controversia versetur, tetigisse tantum h. l. *setis* habeo, quinquam equidem sententiae ab Ellendtio in *Diurnis* liter. Halens. a. 1836. p. 470. et a Zumptio ad Cic. Verr. I, 38. §. 98. datae cum Haasio assentior; cujus videas annotationem 416. p. 428. ad Reisigii Gramm. Lat. ascriptam.

Siglae *p* lineola transversa H. IV, 53. neglecta erat a li-

Vitebergensis exhibet *verborum* . . . *elegantiam prosequamur pro persequamur*. Exempla ex vett. libris Velleianis collegit Kritzius Prolegg. p. XCVII. Praeterea Vell. II, 105, 3 *anni eius aestiva usque in mensem Decembrem producta* pro vulgata vett. librorum scriptura *perducta* legendum esse idem cum Lipsio et Heinsio censuit, in rationem, qua illa verba inter se differant, subtiliter inquirens. Item Frontonis Epist. ad M. Caesarem I, 2, 7 p. 24 ed. Niebuhr. pro codicis scriptura *sive prodormias, sive pervigiles* recte coniecisse *perdormias* Heindorfius mihi videtur, nisi quod nescio an literis *sc* insertis *perdormiscas* corrigendum dicam, quippe quum verbi *perdormire* nullum mihi quidem notum sit exemplum, forma *perdormiscere* vero Plautus Men. V, 5, 29 usus sit. Plautini autem sermonis amatorem simul et antiquarum locutionum imitatore ex illius saeculi more Frontonem fuisse constat.

146) Eodem mendo Martial. I, 62, 3 codex Oudendorpii a Schneidewino litera *d* signatus *promittit* pro vulgato *permittit* exhibet.

brario archetypi, quo factum est; ut in vet. libris et scriptis et editis praeter C., in quo *perlueret* est, *pluere* aut *plueret* pro vulgata ex emendatione Rhenani scriptura *perluere* scriberetur.

Tum *prae* et *pro* praepositiones, ut sexcenties in aliis codicibus ¹⁴⁷⁾, ita in Mediceis interdum sunt permutatae. Sic M. A. III, 5. *praepositam* *toro affligem* pro vulgata inde ab Oberline lectione *propositam* i. e. exhibet, et VI, 11. init, *praeffectis* . . . *regibus* pro *profectis* . . . *regibus*. In Ma. H. IV, 15. *providissent* pro *praevidissent*, et V, 17. teste Victorio *uisse* i. e. *praepisae* vel *previsae*, teste Ryckio ex collatione Jac. Gronovii *previsae* pro codicis A. scriptura *provisa* legitur ¹⁴⁸⁾; *provisa* e sententia Rhenani, Pichena, atque Ryckii Lallemandus, Broterius, Bipontini, Walther, Bekker, Ritter, Rupertius, Kiesslingius in textum receperunt, id quod equidem probaverim, nisi quod dubito, an in forma *provisae* potius *provisa ee* i. e. *provisa esse* lateat. Verbum substantivum enim sigla *ee* significatur (v. c. in Cassellano codice Servii; cf. etiam Benedict. l. l. tab. 60. et p. 539. not. 1. atque Od. Mueller. Praef. ed. Varron. p. XXV. extr.); ex quo intelligitur, qui factum sit, ut Varr. de L. L. V. §. 177. p. 69. ed. Muell. in codice Parisino primo *eae*, in secundo *et*, in Gothano *hae* pro cett. codd. scriptura *esse* reperitur. Eodem discrepantiam scripturae, quae ibid. §. 155. p. 60. extat, pertinere scite annotavit Mueller Praef. l. l. Florentinus enim et secundus Parisinus codex *causae* i. e. *ce* (cfr. Benedict. l. l. p. 539.), Gothanus *ee*, Haniensis *esse* exhibet. Ceterum vix est, quod memorem lectionem

147) Cf. Drakenb. ad Liv. IX, 10, 7. E ceteris codicibus Tacitinis exempla attulit Walther ad Ann. XI, 37 et XIV, 32 et passim in indice annotatt. Cic. Orat. 41, 146 MS. Einsiedl. pro vulgato *prae me tuli* habet *pro me tuli*. Quin etiam viri docti de his siglis interpretandis inter se discrepant, ut Ann. XI, 7 ex compendio *providet*, quod in Ma. teste J. Gronovio extat, Pichena *praevidet*, rectius vero J. Gronovius et Victorius *providet* extricaverint, ac vicissim Hist. V, 17 compendium *uisse* Pichena *provisae*, J. Gronovius *previsae* interpretatus sit.

148) De frequentissima horum verborum permutatione eorumque discrimine cfr. Drakenb. ad Sil. XVII, 56; Oudendorp. ad Suet. Aug. 10. Tib. 14; Walther. ad Tac. Ann. XI, 7.

causae ex genuina primi Parisini libri scriptura *causa* propter insequentem formam *curias* depravatam esse. Vide quae supra p. 15. sqq. de primo vitiorum genere, quaeque p. 20. sqq. de altero disserui. Sed ad Tacitum redeo. Locis ex M. supra p. 160. allatis, quibus *prae* pro *pro* scriptum fuit, addo tertium ex A. II, 14. Ibi enim pro vulgata codicis scriptura *quae sapientia praevisa aptaque imminenti pugnae disserit substituendam*. Gronovii emendationem q. s. *provisa aptaque* sqq. cum Ryckio, Heinsio, Ernestio censeo. Boni enim imperatoris erat in contione dicere, se non animadvertisse tantum futura, sed in futurum consuluisse quaeque usui forent apparasse, quo militibus animos adderet aut fiduciam augeret. Falsa autem est Wopkensi sententia, quam Woldius aliique viri docti acceperunt, in tota Germanici oratione nullam esse verbum, quo commoda atque opportunitates ad futuram pugnam a se comperata memoret. Nanne in silvis et saltibus, si ratio adsit, Romano militi quam barbaris ad pugnam melioribus, locum ad proelium sumptum esse dicit? an sapientis imperatoris non est providere, quae hostibus importuna, suis in melius sint? Utque ea, quae usui forent, se apparasse docet, ita quae propellit cum barbaris committendo apta sint praecipit, ut ictus densarent, ora foderent. Ita in simillima re verbo *providere* usus est Tacitus infra A. IV, 25. *cuncta praelio provisa* et H. V, 17. *quae provideri astu ducis oportuerit, provisa: campos madentes et ipsis gharos: paludes hostibus noxias*. De vi atque usu hujus verbi cf. Walther. ad A. XI, 7. p. 15; Kritz. ad Sall. Jug. 99, 2. p. 529. sq.; Dietsch. ad Sall. Jug. 90, 1. p. 524. Simul reputes, quoniam particula *que* locum habeat potissimum, ubi duo praedicata necessitudine quadam contineantur atque eidem generali notioni subiecta sint, (vid. Kritz. ad Sall. Jug. 70, 2. et Grysar. Art. lat. scrib. p. 499. ed. pr.) verbo *praevisa* insequens *apta* minus apte quam verbo *provisa* annecti, praesertim quum dativus *imminenti pugnae* propter ipsam illam vim particulae *que* non solum ad verbum *apta*, sed etiam ad alterum referendus esse videatur, atqui non *praevidere*, sed *providere* dativo iungi soleat. Cfr. locum ex Ann. modo allatum, Sall. Jug. 49, 2. *omnia suis provisa*, Cic. de N. D. I, 2, 4. *ab iisdem* (scil. *deis*) *vitae hominum consuli et provideri*.

Praepositio *post* compendio *p*^o vel *p*ⁱ in libris *Mtis* significatur ¹⁴⁹⁾, quo factum est, ut A. IV, 47. librarius geminam scripturam *Sabinus postquam Pomponius Labeo rex Rhoemetalcēs venere ad hostem pergit*, quam ex Jac. Gronovii emendatione Broterius, Kiesslingius, Walther, Bekker alique editores Tacito reddiderunt, perpetua literarum *e* et *i* confusione ¹⁵⁰⁾ ita corrumperet, ut scriberet: *Sabinus quam Pomponius Labeo rex Rhoemetalcēs venire ad hostem pergit*. Sed cfr. simillimam verborum constructionem A. XIV, 37. init. Similiter in Ma. H. III, 7. init. pro vulgata *post principia* legitur teste Pichena *p'incipia*; quam scripturam iam in archetypo extitisse inde colligo, quod in B.O. *post* deest, G. edd. vett. vulgatam retinent. Idemque compendium aliis quoque locis ab archetypi librario exaratum fuisse docet discrepantia codicum A. XI, 49. s. vv. *post rebellionem* et A. XIV, 56. pr. s. v. *postponis*. Particula negativa *nec* sigla *n*^c scripta (vid. Benedictt. l. l. p. 540.) cum coniunctione *ne* ut in aliis codd. ¹⁵¹⁾, ita in Ma. A. XIV, 53. permutata est.

Deinde quum particula *inde* compendio *in* a librariis scriberetur ¹⁵²⁾, facile potuit fieri, ut tum *in* in praepositionem aut

149) Hoc compendium iam in Gail codice rescripto atque in aliis antiquis libris *Mtis* reperitur: cfr. Gpeschen. Indic. siglarum ed. alt. Gail p. 463. 508. et Benedictt. l. l. p. 544. et tab. 60. Item in Ma. teste Pichena ad Tac. H. III, 7. init. *post* sigla *p*ⁱ saepissime scribitur: adde Jac. Gronovii annotat. ad A. XIV, 56. init.

150) Vide quae supra p. 108. sqq. de duodecimo vitiorum genere diximus, quaeque Bekker ad-Ernestii praef. annotavit p. XV. ed. suae.

151) A. XIV, 54. G. *ne me* pro *nec me*, A. XV, 13. edd. Put. Ber. Alc. *ne aliud* pro *nec aliud* exhibent. Item Vell. I, 17, 2. et II, 124, 1. in apographo Amerb. *ne* pro *nec*, contra Vell. II, 67, 1. in codice Murh. teste Burerio et in apogr. Amerb. *nec* pro *ne* scriptum est. Eodem pertinere videtur perpetua in codd. et edd. vett. confusio particularum *ne* — *quidem* et *nec* — *quidem*; quae de re cfr. praeter Haasium ad Reisigii Gramm. Lat. not. 497. p. 580. sq. et viros doctos ibi memoratos Madvigium Exo. III. ad Cic. de Fin. II, 8, 25. et novissimum Sallustii editorem Dietschium ad Sall. Iug. 98, 4. Exempla ejus confusionis ex Taciti codicibus collegit Walther in indice annotatt. Vol. IV. p. 455.

152) Sic H. I, 11. in G. scriptum est. Cf. etiam Benedictt. l. l. p. 540.

in praefixum in corrumperetur.¹⁵³), tum in insequente aut in aut in omitteretur.¹⁵⁴). Sic in Ma. scriptum est H. I, 84, *in hostes* pro vulgato *inde hostes*; H. II, 84, *haud paria* pro *haud parinde*; Idem liber A. XII, 32, exhibet *ductus in da*, *Cangos exercitus* pro genuina scriptura *ductus inde in* (i. e. in in) *Cangos exercitus*, quam Pichena coniectura restituit, Oberlinus, Walther; Ritter, Doederlinus in textum receperunt; cf. quae supra p. 51. dixi.

Particula *quia*, utpote compendio *q̄a* vel *qa* scripta (vid. infra p. 173 not. 169), cum in alijs vett. libris scriptis et editis¹⁵⁵) tum in Mediceis cum *q̄*, quae est sigla formae *qua* pronominalis; relativi, nonnumquam est confusa. Ita A. III, 54. pro vulg. *quia*: *unius urbis oīes eramus* M. habet *qua*. sqq. Igitur A. VI, 10. inlt. pro vulgata codicis scriptura *qua occupandae rei publicae argui non poterant, ob lacrimas incusabantur* cum Mureto potius *quia* sqq., quam cum Kiesslingio et Haasio ad Reisig. Gramm. Lat. §. 270. p. 465. *quando* sqq. substituendum haud cunctanter censeo. Nullus enim mihi quidem notus est codex, in quo particula *quando* compendio *qua* scripta sit, et usus particulae *quia* h. j. nihil habet offensivum. Cfr. locum huic simillimum A. XV, 55: *Quia cetera palam vana obieciasset, adiungere crimen, cuius sese pariter indicem et testem faceret.* Ita enim scripturam Medicei libri *crimen l; sisse pariter* emendandam esse et sensus et verborum structura docet. Praeivit maximam partem Acidalius, cuius

153) Recte igitur Vell. II, 22; 5 ex scriptura ed. pr. et apogr. Amerb. *innocens* Burmannus elicit *inde nocens*, idque probavit Kritzius coll. Drakenb. ad Liv. X, 20, 6 et Hand. Tursell. T. III. p. 371.

154) Librarios tum *inde* tum *in* pro *inde in* dedisse, annotavit Ernestius ad Ann. XII, 32 pr. coll. Burmann. ad Suet. Caes. 35 et ad Vespas. 5.

155) *Qua* et *quia* a librariis saepe inter se permutata esse multis exemplis docuit Drakenb. ad Liv. XL, 29; 8. Ed. Spir. Ann. XII, 64 *qua Lepida* pro *quia Lepida* eo vicissim Hist. IV, 79 *quia Oceano ambiuntur* pro *qua O. a.* exhibet. Item in libris Matis Varr. de L. L. VI, 41 p. 88 ed. Muell. et in Cassellano codice comment. Servii ad Aen. II, 592. *quia* pro vulgato *qua* scriptum est. Vell. II, 37, 2 ed. pr. et apogr. Amerb. *quia* habent pro *qua*, quod ex emendatione Gruteri vulgatur. Cf. etiam de similitudine compendiorum utriusque vocabuli Goeschen, Ind. siglarum p. 478. et 480.

coniecturam *crimen* cuius se pariter probarunt Gronovii et Broterius. Syllaba *cu* omissa aut oblitterata *iussese* facillime mutabatur in *iussisse* i. e. *iussisse*. Cfr. quae supra p. 156 sq. de compendio syllabae *us*, quaeque p. 112 sqq. de perpetua literarum *i* et *l* confusione diximus. Ceterum ipsum illud *iussisse* servarant C.R., nec procul abest lectio B. *vixisse*. De omissa syllaba *cu* vide, quae p. 59 sqq. de octavo vitiorum genere disputavimus. Sed redeo ad locam A. VI, 10. Multo autem aegrius acceperim sententiam Heinsii et Waltheri, quibus, quam *qua* pro *quatenus* dictum opinati sint, etiam Haasius l. l. oblocutus est. Nam potestas praedicatum aliquid restringendi, quam habet ablativus *qua* (vid. Kritz. ad Vell. II, 37, 2. p. 228.), huic loco non est apta. Magis etiam a vero videtur aberrasse Doederlinus, qui ad h. l. et ad A. XI, 7. *qua* perinde quam *quatenus* pro *quoniam* dictum affirmavit: quem ablativi *qua* usum vellem exemplis probasset. Il enim loci, quos ad formam *qua* tuendam attulit, et ipsi in Mediceo libro sunt corrupti. Nam A. XI, 7. auctore Freinshemio recte vulgatur ex emendatione Pichenae et J. Fr. Gronovii *cogitaret plebem, quae toga enitesceret* pro lectione Medicei libri c. p., *qua toga e.*, quam ex insequenti ablativi forma *toga* ortam esse supra p. 16 ad primum vitiorum genus demonstravi. A. XV, 72. (non A. XV, 12., ut Doederlinus scripsit) vulgatam codi G. et edd. vett. lectionem *de quo, quia nunc primum oblatus est, pauca repetam* ex Ma. in qua mutandam esse nemini persuadebitur. Denique H. II, 31. in verbis *Suetonius Paullinus dignum fama sua ratus, qua nemo illa tempestate militaris rei callidior habebatur, de toto genere belli censere* sqq. *qua* est ablativus pronominis relativi, qui ad verbum *fama* referatur, sive eum cum Reisigio Gramm. Lat. §. 391. p. 701. et Madvigio Gramm. Lat. §. 255. ablativum causae moventis, sive cum Ramshornio Gramm. Lat. §. 145. p. 443. ed. II. ablativum condicionis dicas. Simile ejus usus extat exemplum A. XIV, 11. pr. *Agerinum fuisse eam poenam conscientia, qua scelus paravisset*. Cfr. praeterea Cic. de Orat. III, 16, 59. Nep. Alcib. 11, 4. Liv. XL, 29: *vulgatae opinioni, qua creditur* sqq. — In Ma. reperitur *qua* pro *quia* loco ex A. XV, 72. modo descripto. Praeterea huc referas ex Hist. IV, 73. init. scripturam eius codicis *sed quae apud vos verba plurimum valent* sqq., quam ex

lectione archetypi familiae Romanae, in quo *qua* aut *q* pro vulgato *quia* scriptum fuerit, ortam esse puto, praesertim quum substantivum pluralis numeri *verba* insequatur. Vide quae supra p. 20. sqq. de secundo vitiorum genere dixi.

Particula *quam* propter compendium *q̄* vel *q̄*¹⁵⁶⁾ facile potuit a librariis omitti¹⁵⁷⁾. Ita evenit, ut in M. A. VI, 2. *tam* pro *tamquam* scriberetur. Idem codex A. I, 13. atque aliter Mediceus XIV, 36. pr. XVI, 19. *quam* pro *quamq̄* i. e. *quamquam* exhibet. Quod quum ita sit, A. II, 77. e verbis codicis: *si quid hostile ingruat, quem iustius arma oppositurum, qui legati auctoritatem et propria mandata acceperit?* particulam *quam* ante qui exeidisse editor quidam Taciti Pichena antiquior et e recentioribus Kiesslingius facile mihi persuaserunt. Quidsi *quam* orationi inserueris, optime et sensui et structurae consulens: immo vero usus loquendi et sermonis elegantia eam emendationem poseunt. Cfr. quae cap. extr. leguntur: *Periisse Germanicum nulli iactantius maerent, quam qui maxime laetantur.* Adde A. III, 18. extr. *Quippe fama, spe, veneratione potius omnes destinabantur imperio, quam quem futurum principem fortuna in occulto tenebat;* Dial. de Oratt. 16. init. *Quis eam* (scil. *quaestionem*) *iustius explicabit, quam tu, ad cuius summam eruditionem* sqq.

156) Alteram illam siglam ex antiquissimis libris Mstis attulerunt Benedictini l. l. tab. 60, alteram, qua plerumque illa particula significatur, repperit in Ma. Victorius A. XV, 62. extr. Similiter particula *quamquam* in G. H. IV, 63. *quanq̄*, A. XIV, 36. pr. *q̄q̄* est scripta. Ab hoc compendio vel ab alio huiusmodi corrupta editionis principis et apographi Amerb. scriptura Vell. II, 44, 1. originem cepit. Ibi enim legitur *diverso quoque tempore pro diverso quamquam tempore*, quae est certissima Heinsii coniectura a Kritzio firmissimis argumentis probata.

157) Cic. Epp. ad Fam. IX, 2, 5. e verbis *ploratum potius quam natatum* exiit in cod. Med. particula *quam*. Vell. II, 115, 5. Amerbachius in verbis *ante conscientiae quam famae consultum* omisit *quam*; idemque I, 15, 3. *quam* scripsit pro *quamquam*. Tac. Germ. 38. init. codex Perizon. et ed. Norimb. *quam* pro vulgato *quamquam* exhibent; in illo tamen Pontanus, incertum an ex coniectura, superscripsit *vis*, ut *quavis* legeretur. E. contrario H. IV, 63, in G. est *quanq̄* pro vulg. *quam*.

Reliqui omnes infelicitè rem tentasse mihi videntur, siye codicis scripturam anxie retinuerunt et *Pisone* vel *eo* subaudierant, siye *eo* ante *opposituram* vel ante *qui* inseri voluerunt, siye *quam* in *quam* mutarunt.

Particula *quoque* compendio *quoq.* vel *qq.* vel *q°* 3. scripta: ¹⁵⁸⁾ variis corruptelis ut in aliis codicibus, ita in Mediceis locum dedit. A. I, 76. extr. M. exhibet *quod* pro vulgato *quoque* (*quoq.*), littera *q* cum *d* permutata ¹⁵⁹⁾. Saepissime autem *quoque* et *quo* a librariis confusa esse constat. Sic A. II, 43. editio Ber. ex Mediceo — ut videtur — libro scripsit *uxorisque* pro vulgata ex emendatione Rhenani lectione *uxoris quoque*. Contra A. XIII, 37. in Ma. et ceteris codicibus *huc quoque et illuc volitans* extat pro *hucque* sqq., quod recentiores editores præter Bachium ex Lipsii emendatione rescripserunt ¹⁶⁰⁾.

158) Cf. Benedicti, l. I. tab. 60. Walth. Praef. ed. Tac. Vol. I, p. XX. Goeschen. Ind. sigl. p. 481.

159) Earum literarum confusio in aliis quoque codicibus reperitur.

Namque H. II, 23. scriptura codicis Ma. *omnia quocu* ² (i. e. *quocum*) *facta* inde orta est, quod in archetypo *omnia qucum facta* scriptum fuerat pro *omnia ducum facta*, quam genuinam scripturam felicissimae coniecturae Freinsheimii debemus. Item Vell. II, 127, 1. Amerbachius *dominus* scripsit pro vulgata ex ed. pr. lectione *quominus* (*q°minus*). Ibid. c. 25, 2. ex discrepantia veterum li-

brorum coniecerim in codice Murb. ita fere scriptum fuisse *deniqe*, ut ambiguum esset, utrum *deniqe* (i. e. *denique*), an *deinde*, an *dein* legi deberet. Quo factum est, ut Amerbachius primo *dein denique* scriberet, tum *dein* deleret, Burerius vulgatum *deinde* in codice invenisse sibi videretur, Rhenanus in ed. pr. *denique* reciperet. Sunt enim complura indicia, quae mihi persuaserint, syllabas et vocabula corrigendi emendandive causa, vel quia librarius incertus erat, quid ex archetypi haud dubie depravati vestigiis eliciendum esset, in codice Murbacensi versibus superscripta fuisse. Exempla huius rei, quam Kritzius, editor cetera egregius et de recensendis Velleiani operis corruptelis optime meritus, iusto minus respexit, ne longus sim, alio loco recensebo. Cfr. interim infra not. 170. Equidem ordinem seriemque rerum et sententiarum reputans, de illo loco Laurentio assentior, qui in Jahni Nov. Ann. Phil. et Paed. Suppl. Vol. VI, 1. p. 16. particulam *denique* revocandam censuit.

160) Sic A. XIII, 37. veteres libri et scripti et editi præter Mediceum exhibent *tunc quoque* pro vulgato *hucque*.

Suffixum *que* et copula *que*, antiquissimis iam in codicibus sigla *Q.* vel *q.* vel *q:* scripta ¹⁶¹⁾, facile tum cum aliis compendiosis commutari, tam omitti potuerunt. Ita evenit, ut A. I, 57. librarius, quippe qui compendium *q.* cum *q*, quam syllabas *con* siglam esse supra docui in not. 128 p. 146, confudisset ¹⁶²⁾, genuinam scripturam a Lipsio revocatam *rebusque motis* in lectionem *rebus commotis* corrumpere. Bene enim Walther animadvertit res motas, homines commotos dici.

Omisso suffixo *que* librarius Medicus A. III, 14. init. *pessimis* cui pro *p. cuique*, A. IV, 25. *si quis* pro *se quisque*, A. VI, 45. *pro ingenio cuius* pro *p. i. cuiusque* scripsit ¹⁶³⁾.

Jam ad omissionem copulae *que* accedimus; quae quaestio

161) Cfr. fragmenta codicis Virgiliani Sangallensis saeculo quarto vel quinto literis uncialibus scripta, ex quibus varietatem lectionis excerptit Orellius p. LXIV. sqq. epistolae criticae ad Madvigium, quam Ciceronis Oratori et Bruto a. 1890. seorsum editis praemisit. Vid. etiam Goeschen. Ind. siglarum p. 473 — 475. 508.

162) Idem mendum sustulit Oöpfr. Mueller ad Varr. de L. L. IV, 79. p. 104, ubi pro scriptura codd. *ab his conquaestor* substituit *ab hisque Quaestor*.

163) Similiter ex omisso suffixo *que* apud Cic. de opt. gen. oratt. 1. init. discrepantia codicum et edd. veterum orta est. Proxime enim ad genuinam lectionem auctore Manutio ab Orellio restitutam *suum cuiusque* (scil. *genus*) est *diuersum a reliquis* accedit scriptura optimi codicis Sangallensis saeculo undecimo scripti *suum quouis* est, editionis Vitebergensis *suumque ius* est, Norimbergensis *suum quo cuiusque* est, unde simul patet, in archetypo ipso potius formam *quouisque*, quam Orellianam *cuiusque* extitisse, eoque falsum esse Schneidewinum, qui in Praef. ed. Martialis p. X. formas *quouis*, *quoi* similesque recentissimorum librorum delicias dicit, nisi haec sententia de solius Martialis codd. Mstis accipienda est. Eadem illa forma *quouis* legitur in Mediceo cod. Epp. Cic. ad Fam. saec. XI. scripto, e. gr. VIII, 14, 1. 16, 2. 17, 1. Nec *quoi* in eodem cod. non reperitur, ut VIII, 12, 2; quod quam iam in archetypo, ex quo Med. codex descriptus est, legeretur, factum est, ut librarius Medicus III, 13, 2. *quo* pro *cui* et VIII, 2, 1. *quouis* pro *cuius* exararet. — Item ap. Vell. II, 104, 3. Amerbachius *quisquam* pro *quisque* *quam*, et II, 34, 3. librarius Murbacensis et Amerbachius *utrius ordinis* pro *utriusque ordinis* scripserunt.

iusto explicari nequit, nisi universae in frequentem in Mediceis libris omissionem particularum copulativarum inquiratur. Et primum quidem opus est auctoritati obnitamur Bachii et Doederlini, quorum ille ad A. XI, 5., hic in Praef. p. XII. oscitantiam et negligentiam librariorum in consilium et artem scriptoris vertentes iustum *asyndeti* studium Tacito vindicasse sibi visi sunt. Quippe celebri breviloquentia Tacitina perverse abusi, absurdas minutias in elegantissimum florentissimumque rerum Romanarum auctorem quamquam inviti transtulerunt. Quodetai in nonnullis locorum a Doederlino congestorum *asyndeton* ferri potest, plures tamen sunt, quibus vulgo editores copulam bene addiderint, quamquam facile concesseris, emendatores illos, quibus vulgata lectio copulam debeat, in eligenda ea, quae vestigiis Mediceorum codicum maxime conveniat, particula copulativa interdum a vero aberasse. Recenseamus igitur et recognoscamus singulos locos, quibus copulam vulgo additam aut bene aut male omiserunt librarii Mediceorum codicum. Igitur A. VI, 37. extr. scribendum censeo: *Vitellius . . . monet Tiridaten primoresque, hunc, Phraatis avi, altoris Caesaris, quaeque utrobique pulchra, meminerit, illos, obsequium in regem, reverentiam in nos, decus quisque suum et fidem retinerent.* Omisi enim copulam et e coniectura Rhenani ante *altoris* vulgo insertam, pro qua codex et ed. Ber. particulam *ut* habent eamque haud dubie ex correctione aut interpretatione scioli cuiusdam lectoris, qui eam propter verbum monendi in margine vel super versum archetypi adscripserat, unde postea in textum verborum irrepsit. De removenda copula, cuius defectus in iungendis tribus praedicatis nihil habet offensionis et *asyndeto* alterius membri respondet, mecum consentientem habeo Doederlinum; qui tamen coniunctione *ut* transposita ita corrigi vult: *Vitellius . . . monet . . . hunc, ut Phraatis avi, altoris Caesaris, quae utrobique pulchra, meminerit* sqq.: sed ipse locus, quo a librario *ut* positum est, et neglecta membrorum coeunitas glossematis suspicionem movent. Aequalis enim membrorum ratio monere videtur, ut coniunctio, si post *hunc* ponatur, rursus post *illos* repetatur, coll. A. IV, 38. Proinde *socios, cives et deos ipsos precor, hos, ut . . . illos, ut* sqq. De solo coniunctivo cum verbo monendi iuncto cfr. A. XIII, 9. pr. *Regem . . . monebant, pacem quam bellum mal-*

let. Suet. Jul. 81. *Immolantem haruspex Spurinna monuit, caveret periculum.* E contrario copulativam particulam *que*, quae post relativum *quae* in Mediceo libro deest, auctore Neuio addidi; de qua emendatione ob perspicuitatem orationis necessaria cfr. quae in not. 31. p. 50. collegi exempla. Saepe autem copulam *que*, ubi pronomen relativum vel simile quid antecedit aut insequitur, a librariis omissam esse constat ¹⁶⁴).

Reliqui loci, quibus asyndeton in Ma. repertum ferri potest, quamquam vulgo copula additur; hi sunt: A. XI, 5. *Cuius de potentia, [et] exitio in tempore memorabo.* A. XII, 19. *Populi Romani imperatoribus, magnarum[que] nationum regibus.* A. XII, 59. *Falsum accusatorem, indignas artes perpessus* ¹⁶⁵). A. XIII, 48. *Diversas (scil. legationes) ordo, plebs[que] ad senatum miserant;* ubi copula superscripta est incertum an recentiore manu. A. XIV, 60. *Domumque Burri, praedia Plauti infausta dona accipit,* ubi ante Bekkeram et post nomen Burri legebatur. His igitur locis asyndeton ideo recte se habere videtur, quod duo

164) Sic A. XII, 36. in Ma. deest *que* ante *quaeque*, itemque Sall. Jug. 27, 5. in aliquot codicibus, et Vell. II, 94, 4. in apographo Amerb. *que* ante *quae*. Cfr. Drakenb. ad Liv. XXIX, 6, 8; Kritzs. ad Sall. Cat. 3, 5. et Jug. 27, 5; Halm. Emend. Vell. p. 6, ad quos a Kritzio in annotat. ad Vell. II, 29, 2. relegamur; quem tamen locum is parum feliciter tentavit, ut alias ostendemus. Hoc tantum memoro, inserto post particulam *sed* pronomine *quae* simplicissime et sensui et structurae consuli. Igitur censeo legendum: *Fuit hic genitus matre Lucilia, stirpis senatoriae, forma excellens, non ea, qua flos commendatur aetatis, sed quae ex dignitate constantiaque in illam conveniens amplitudinem fortunamque eum ad ultimum vitae comitata est diem.* Brevis aetatis flos et constans formae dignitas inter se opponuntur. Pronomen *quae* facile potuit excidere sive propter compendariam scribendi rationem, de qua cfr. quae infra p. 174. sq. dicam, sive quod *quae* frequentissima vocalium *ae* et *e* permutatione ut saepe in Cassellano codice Servii, ita h. l. in archetypo Velleiano in particulam *que*, cuius vis et usus ab h. l. certe aliena est, abierat.

165) Ita Seyffertum Emend. Tac. Fasc. I. p. 41. vulgatam lectionem *indignasque sordes* ex corrupta Medicei libri scriptura *indigna sortes* feliciter correxisse equidem puto, haud negavit Bezzonberger Emendatt. delect. p. 29.

praedicata aut gradatione quadam aut oppositione aut certe distinctione continuantur. Vide quae Kritzius ad Sall. Jug. 20, 8. p. 130. adque Cat. 43, 2. p. 199. et Bachius in Nov. Ann. Phil. et Paed. Vol. XI, 1. p. 31. disputarunt. De iis autem locis, quibus librarius codicis Ma. copulam inter duo nomina propria vulgo additam omisit, adhuc incertus sum, utrum recte an falso id factum esse iudicem. Copulae defectum probaverunt Handius Tursell. T. II. p. 473. et Doederlinus. Praef. p. XII, improbaverunt Kritzius ad Sall. Cat. 43, 2. p. 199. et ad Vell. I, 4, 1. et Kreyssigius Praef. ed. Vell. p. XII. Frequentia enim exemplorum cum in aliis codicibus ¹⁶⁶⁾ tum in Mediceo repertorum animo observatur, quamquam haud negaverim siglas copularum *que* atque *et* a librario in legendo dormitante, in scribendo festinante facile potuisse negligi. Loci Tacitini sunt hi: A. XI, 33. *A. L. Vitellio [et] P. Largo Caecina*; A. XII, 2. *Britannicum [et] Octaviam*; A. XIII, 55. *Tiberio [et] Germanico*; H. I, 13. *T. Vinium [et] Cornelium Laconem*; H. II, 95. *Othonem Vitellium[que]*. Forsitan veteribus librariis Romanis mos fuerit omitta copula nomina propria continuiscribere, non item legere, sicut in numeris notandis, non perscribendis, copula non exarabatur, sed tamen legebatur. Et potuit ille mos inde originem capere, quod nomina consulum omitta copula coniungebantur. Ita certe et codicibus fides et grammaticae auctoritas servatur. Sed videbunt alii doctioresque, quanti opinio mea faciendae sit.

E contrario vulgata lectio copulam contra Mediceorum codicum auctoritatem recte habet additam hisce locis: A. IV, 8. *foveret ac tolleret*, ubi codex *foveret attolleret* praebet literis *c* et *t*, ut saepe fit, confusis. C. 59. *Mare Amuclanum inter Fundanosque montes* ^{166a)}. A. XII, 58. *Studiis honestis et elo-*

166) Copula inter duo nomina propria omitta est in veteribus Velleii libris I, 4, 1. 14, 7. II, 20, 2. 39, 1. Apud Cic. de opt. gen. oratt. 5, 14. optimus codex Sangallensis exhibet: *Orationes . . . Aeschini. Demostheni* sqq. Orellius ex Hieronymo ad Pammachium Tom. IV. P. 2. p. 250. ed. Bened. atque ex Ciceronis edd. Viteb. Norimb. Ascens. inseruit *et* copulam, quam vulgo *que* addita fuerit. Cic. Brut. 26, 99. pleraeque editiones veteres, c. 36, 136. paucae copulam inter duo prae nomina omittunt.

166a) Eodem redit sententia Bezenbergeri, qui l. l. p. 25. copulam

quentiae gloria. A. XVI, 22. *Nunc te, Nero, et Thraseam avida discordiarum civitas loquitur.* H. II, 91. *Pari libertorum amicorumque socordia.* Item A. IV, 43. in verbis *quodsi vatium annelium ad testimonia vocentur, plures sibi ac locupletiores esse* omissionem copulae duriores esse recte sensit Ernestius. Oppositionis enim aut distinctionis notio ab hoc loco prorsus est aliena, et paulo ante addita est copula verbis *annalium memoria vatiumque carminibus*, quanquam ibi asyndeton tolerari potest, ut poetarum fabulae ab annalium fide ac veritate disiungantur. Itaque altero quoque loco opus est rescribatur *vatium annaliumque* vel *vatium aut annalium*. Denique H. III, 43. cum Ryckio et Walthero ex libris familiae Genuensis malim corrigere: *cum quattuor speculatoribus et tribus amicis totidemque centurionibus*, quam vulgatum asyndeton huic loco nequaquam aptum retinere ¹⁶⁷).

Aliud genus est eorum locorum, quibus, ut supra p. 168. diximus, omissionem quidem copulae non tolerandam, sed aliam particulam, quam quae vulgo additur, inserendam censeo. Ita A. I, 12. extr. *tanquam plus quam civilia agitar et Polkionis . . . ferociam retineret* pro vulgato *Polkionisque* ob exitum verbi praecedentis, quo copula *et* absorpta sit, legendum esse Doederlinus

et post *inter* omissam esse coniecit coll. A. VI, 33. extr. *mare inter et extremos Albanorum montes.* Vulgatum tumentur hi loci: H. IV, 77. *viam inter Mosellamque flumen*; H. V, 19. *insulam inter Germanosque.* Cfr. de sede praepositionis Bötticher. Lex. Tac. pag. 120.

- 167) In aliorum quoque scriptorum codicibus particulae copulativae supina librorum negligentia omissae sunt. Sall. Jug. 37, 3. *copula que* post *magnis* in compluribus codd. deest. Jug. 97, 5. in verbis *equites peditesque* copulam retinere cum Gerlachio malo, quam cum Dietschio aliisque editoribus delere, quamvis copula in nonnullis codicibus plane omissa, in aliis *et* aut *ac* scriptum sit. Cfr. Jug. 7, 2. *equitum atque peditum auxilia*; c. 69, 2. *equites peditesque*. Apud Cic. de opt. gen. oratt. 5, 14. ex optimo codice Sang. et ex Hieronymi l. l. Orellius revocavit copulam *que*, quae in edd. vet. ante *contrarias* male excidit. Exempla copulae *que* in vet. Velleii libris omissae vide apud Kritze. Prolegg. p. CIX. Apud Tac. H. V, 17, pr. G. habet *Germanos Butavos[que]*. Vell. II, 91, 4. in apogr. Amerb. ante *idem* deest *et*, quod Rhénanus in ed. pr. incertum an ex coniectura addidit.

acute vidit. Idem mendum sustulit apud Vell. II, 121, 1. Rhenanus, qui addita copula, quae in ed. pr. et apogr. Amerb. deest, rescripsit: *cum mollisset, et senatus amplexus esset*; itemque apud Plin. Epp. X, 85, 6. M. Hauptius particulam *et* a terminatione verbi proxime praecedentis *pertulisset* absorptam ante voc. *Archippus* restituit. A. XII, 35. cum Bezzenbergero (Emend. delect. p. 28.) censeo *praefectique et tribuni* pro vulgata *praefectique ac tribuni* substituendum, quippe quum copula in Ma. desit ultima praecedentis verbi litera et prima insequentis hausta. Cfr. quae supra p. 33. sqq. de quinto vitiorum genere dixi. Simile mendum sustulit idem criticus (l. l. p. 37.) A. XIV, 58., ubi particula *si* inter verba *insontes interficerentur* exciderat, et Walther A. XV, 13, ubi eadem particula exitu praecedentis verbi *ois* et initio insequentis *ingrueret* absorpta erat ¹⁶⁸). A. XII, 56. *Ripas et colles montiumque edita* pro vulgata scriptura *r. et colles ac montium edita* legendum conicio. A. XIV, 51. *Flagitia adulteriaeque*; quippe sqq. scribere malim, quam vulgatam copulam *et* retinere, quia sigla *q.* insequenti coniunctione *quippe* facillime potuit hauriri. A. XV, 55. conjecturam, quam olim excogitaveram, *et cetera, quae audierat coniectaveratque, docet* et asyndeton Medicei libri et vulgatae copulae *que* propter vim disiungendi, quae est illius particulae, praetulerim, quanquam asyndeton quam copulam ferre mallem.

Jam restat, ut de tribus locis a Doederlino Praef. p. XII. allatis dicam quod sentiam. Et de Ann. I, 57. quidem supra p. 167. disputavi, ac demonstravi asyndeton ex permutatione siglarum *q* et *9* ortum esse. Dein sententiam, quam de loco A. II, 8. concepi, alias exponam et argumentis firmabo. Hoc tantum moneo, ne copulam omissam putes, neve asyndeton statuas. Denique A. IV, 26. recte vulgatur *missusque*, quippe quum copulam in codice deesse Doederlinus falso testatus sit.

Pronominis relativi masculina forma, quippe quae antiquissi-

168) Cf. quae supra p. 36. sq. dixi. Simile mendum correxerunt Rhenanus Vell. II, 37, 4, ubi *ei* inter *neque* et *inhoneste* exciderat, Gelenius Vell. II, 51, 1, ubi *et* ultima copulae *que* litera et prima vocis *tetrarcharum* absorptum erat, et c. 91, 1, ubi ed. pr. et apogr. Amerb. *Crasso presso* pro vulgato *Crasso oppresso* exhibent.

mis iam in codicibus ¹⁶⁹⁾ compendio *q* significaretur, facile aut cum simili aliqua sigla confundi aut plane omitti potuit ¹⁷⁰⁾. Quo

- 169) Siglam *q* compluries repperi in Servii codice Cassellano, quem Jacobus Grimmius, vir summus, in catalogo codicum bibliothecae Cassellanae manu scripto saeculo nono adiudicat. Ita factum est, ut ille librarius in comment. ad Virg. Aen. II, 566. haec verba scriberet: *post hunc versum hi versus fuerunt q tucca et varius obliiti sunt*; unde Bergkiius, felicissimus emendator, qui etiam de Servio optime mereri nuper coepit, genuinam scripturam *p. h. v. h. v. f. qui a Tucca et Vario sublati sunt* pro vulgata *p. h. v. h. v. f. quos Tucca et Varius obliiti sunt* certissima coniectura in scriptione academica, qua Servii Cassellani particula V. continetur, substituit, nisi quod in ipso textu verba *hi versus*, quae neque in Cassellano codice neque in editione Lioniana desunt, operarum vitio omissa sunt, utpote praecedentibus *hunc versum* absorpta. Quod ideo memoro, ne quis credat illa verba auctoritate libri Cassellani a Bergkio consulto eiecta esse. Neque relativum pronomen tantum, sed omnino syllaba *qui* compendio *q* significatur, quo factum est, ut in Cassellano codice comment. Serv. ad Virg. Aen. II, 294. *q* pro *quia* scriberetur, et librarius Medicei codicis Tac. A. XIV, 22. *q*et urbis pro vulg. *quieti urbis*, H. II, 98. *aqlonia*, Appul. Metam. X, 1. init. *qde* i. e. *quidem* exararet. Idem Tac. A. XI, 22. genuinam scripturam *quin* (*q^{ia}*) depravavit in *qin* i. e. *qui in*. Denique omissa lineola transversa pronomen *quis* compendio *qs* in eodem codice A. XII, 1. init. exaratum est teste Mabillonio l. l. p. 353. tab. V. no. 5. Cfr. de siglis pronominis *qui* etiam Goeschen. Ind. siglarum p. 478. sq. In Cassellano codice comment. Serv. ad Virg. Aen. II, 313. *q* i. e. *qui* scriptum est.
- 170) Apud Vell. II, 128, 2 discrepantiam veterum librorum, e quibus apographum Amerbachianum et *eque aequestri loco natum . . . provezere*, editio princeps et *equestri loco natum . . . provezere* habet, ita explicaverim atque composuerim, ut in codice ^{eque} Murbacensi et *aequestri loco natum . . . provezere* scriptum fuisse statuam. In aperto est aut ipsum librarium aut lectorem aliquem, quum literarum ductibus deceptus non *aequestri*, sed *equestri* legendum censeret, literas *eque* super versum scripsisse. Ego vero ut in archetypi lectione *aequestri* potius verba *aequestri* delituisse putem, et literarum *ae* (i. e. *a*) et *q* similitudine et aequali membrorum orationis ratione, quae pronomen relativum efflagitat, adducor. Itaque quum *ae* ex oblitterata vel omissa lineola transversa

factum est, ut A. XV, 50. init. *deligendum quoque factis rebus succurreret* pro genuina lectione *deligendumque*, qui f. r. s. in Ma. scriberetur. Contra A. I, 33. codex habet *credebatur qui* pro vulg. *credebaturque* et c. 34. *triumphos qui* pro vulg. *triumphosque*. Idem liber A. III, 54. *sibique* exhibet pro *sibi quisque*. Simili modo locus A. I, 8. corruptus esse videtur. Ibi enim in verbis: *tum consultatum de honoribus: ex quis maxime insignes visi: ut porta triumphali duceretur funus, Gallus Asinius, ut legem latarum tituli . . . anteferrentur, L. Arruntius censuere* pronomen qui post *quis* inserendum esse cum Kiesslingio et Bezzenbergero (l. l. p. 17.) censeo, ita ut in hunc modum scribatur et distinguatur: *ex quis qui maxime insignes visi, ut sqq.* Quod si cui minus probatur, fortasse assentietur huic coniecturae, quae quondam mihi in mentem venerat: *ex quis maxime insignes hi visi: ut sqq.* Et sane pronomen *hi* facile sequenti syllaba *vi* absorberi potuisse concedes, si reputaveris, quae supra pag. 49. sqq. de octavo vitiorum genere disserui. Waltheri quidem sententiae, ex qua verbum *visi* pro *placere* accipias, illud repugnat, quod de consentibus verbum *videri* pro *placere* non dicitur, nisi tertia persona singularis numeri infinitivo iuragitur. Cfr. A. XII, 16: *Sozam oppidum . . . obtineri . . . visum*. A. XIV, 5: *Visum dehinc remigibus unum in latus inclinare*. Cic. de Off. I, 11, 36: *Cum Popilio videretur unam dimittere legionem*. Ceterum non est, quod lectores moneam, ut, sive meam coniecturam, sive Bezzenbergeri probent, verbum *videri* cum duplici nominativo iungi meminerint.

Eiusdem pronominis forma quae sigla *ġ* aut *q̄*; testibus Benedictinis l. l. tab. 60. et p. 285. significatur ¹⁷¹⁾; unde A. XII,

siglae *Δ* ortum esse facile intelligas, Froelichio in Diurnis doctt. Monac. a. 1837. no. 41. p. 339. et qui equestri loco sqq. legendum consenti cum Kritzio assentire, quamquam ii de origine corruptelae secus atque ego iudicant. De verbis aut syllabis in codice Murbacensi super versum scriptis cfr. quae supra in not. 159. diximus.

171) Sigla *ġ* reperitur etiam in Cassellano codice Servii, in cuius margine hoc summarium scholii ad Virg. Aen. II, 296. ascriptum est: *Vesta, quae et terra, non, ut Bergkii in Servii Cassellani*

68. *quae* inter *dum* et *res* a librario Medicei codicis omissum esse videtur ^{171a}). Genuinam scripturam, quam Walther restituit, servarunt codd. A.R. ed. Spir., aut certa ex coniectura felicissima repperit librarius eius archetypi, ex quo illi libri descripti sunt. A. XIII, 20. Medicei ceterorumque librorum familiae Romanae lectio nos consensum auctorum secuturi, qui *diversa prodiderint*, *sub nominibus ipsorum trademus*, pro qua ex libris Genuens familiae recte vulgatur *n. c. a. s. quae diversa prodiderint* sqq., inde orta est, quod librarius archetypi familiae Romanae propter praecedens genus masculinum auctorum siglam *q*; perperam interpretatus fuit.

Pronominis *idem* compendium *id̄* ¹⁷²) confusionis ansam dedit H. III, 4; ubi libri familiae Romanae *id quod* pro vulgato *idem quod* exhibent ¹⁷³).

particula IV. p. 16. edidit: *Vesta, quae Terra*. Quippe ejus oculos sigla particulae *et* γ fugisse videtur. Eodem pertinet compendiaria ratio, qua in illo codice verbum *quaere*, quod in lemmate scholii ad Aen. II, 294. legitur, sic fere scribitur: *q:re*.

171a) Similiter ex Vell. II, 29, 2. pronomen relativum *quae* excidisse supra docui in not. 164.

172) Ita in specimine codicis Perizoniani, quod Trossius editioni Germaniae a. 1841. emissae subiunxit, compendium *eađ* reperitur. Cf. etiam Goeschen. Ind. sigl. p. 507.

173) Cic. Or. 43, 151. plerique libri et scripti et editi exhibent *etsi id magister eius Isocrates* sqq. pro scriptura nonnullorum codicum *etsi idem m. e. I.* sqq., quam Orellius post Stephanum, Lambinum aliosque denuo in textum recepit. Tusc. I, 34, 84. Ernestii coniectura *possem idem facere*, quam Wolfius, Orellius, Kuehner probarunt, vulgatae antea lectioni *p. id f.*, quam Klotzius defendere conatus est, praestare mihi quidem videtur, quippe quum *idem* aptius pronomine *id* ad sententiarum nexum conveniat. Apud Vell. II, 81, 2. ab apographo Amerbachiano, cuius lectionem *per idem tempus* vulgatae *per id tempus* recte praetulit Orellius, genuinam codicis Murb. scripturam *per id̄ tempus* servatam esse puto. Varr. de L. L. VII. §. 9. p. 120. ed. Muell. codices exhibent *contempla et conspicare id esse apparet* pro vulgatis ex coniectura Bentini verbis *c. e. c. idem esse a*. Ibidem §. 31. p. 131. vulgatam codicum scripturam *nam idem quod παρομύλιν* vocant Graeci emendavit Mueller verbum substantivum *est* post pronomen *idem* inserendo. Et facillime potuit lectio codicum oriri ex com-

Ex sic, quod compendium particulae sicut ^{173a)} in Cassellano codice comment. Serv. ad Virg. Aen. II, 313. repperi, Hist. I, 84. extr. orta est codicis Ma. scriptura: *hunc . . . sic a majoribus accepimus, sic posteris tradamus* pro vulgata: *hunc . . . sicut a. m. a., sic p. t.*

Jam ad compendia nominum propriorum et substantivorum et adjectivorum accedimus, ex quibus hae fere permutationes in Mediceis libris natae sunt. Quodcum praenomen Quinti litera Q. sive q. notaretur, facillime fieri potuit, ut et in aliis codicibus ¹⁷⁴⁾ et

pendio *q̄* sive *q̄̄*, quod significat *idem est*. Antiquissimas verbi *est* siglas videbis apud Benedictt. I. I. tab. 60. et p. 451. 542. 543. Siglam *e* vel *.e.* frequentissimam repperi in Servii codice Cassellano antiquissimo, et attulerunt in specimine codicis saeculo octavo scripti Benedictini p. 284. 285. Saepius autem id compendium perperam interpretati librarii verba scriptorum corruerunt. Ita Martial. I, 20, 1. antiquissimus et idem optimus codex R. pro vulgato *quis furor est* habet *quis furorem (furore)*. Mart. III, 1, 1. antiquissimus liber Thuaneus pro vulg. *quidquid id est* exhibet *quidquid idem*. In Martialis epistola libro XII. praemissa vers. 10. ed. Schneidew. pro vulgata scriptura *si quid est enim* antiquissimus codex Puteaneus praebet *si quidem enim*, Vossianus C. *si quid enim*. Quippe in archetypo eius familiae, quam Schneidewinus literis C.a. significavit, ea verba ita erant exarata: *si quid ē enim*. E contrario Tac. Agr. 38. cod. Vat. 4498. exhibet *trutulens est portum tenuit* pro vulg. *Trutulensem p. t.*

173a) Quodsi Jacobus hoc reputasset, corruptam cod. Medicei lectionem non probasset in Obs. in Tac. Hist. critt. Part. I. p. 19. Similiter praepositio *aput* sive *apud* sigla *ap̄* notatur in codice Gaii rescripto et in fragm. de iure fisci (cf. Goeschen I. I. p. 421. 506.); eamque repperi in summario scholii ad Aen. I, 30. margini Cassellani codicis Servii ascripto, ubi haec leguntur: *Statua Achillis apud Sigeum*.

174) Vell. II, 9, 2. in apographo Amerb. *namq. Mucius*, in ed. pr. *namque Mucius* pro *nam Q. Mucius*; c. 11, 1. in apogr. Amerb. *perq. Metellum*, in ed. pr. *perque Metellum* pro *per Q. Metellum* scriptum est. Item Amerbachius c. 15, 3. scripsit *praetura functusq. Metellus* pro *p. functus, Q. Metellus*; c. 16, 3. *que Hortensius pro Q. Hortensius*; c. 18, 6. *etiamq. Pompei* pro vulg. *etiam Q. Pompeii*; c. 65, 2. *collega q. Pedio* pro vulg. *collega Q. Pedio*. E contrario Vell. II, 77, 3. codex Murbacensis testibus Burerio et Amerbachio exhibuit *Sentium Q. Saturninum* pro *Sentiumque Saturninum*, Ita

in Mediceo particula *que* dum illo confunderetur. Ita A. III, 57. extr. codex exhibet *atque Haterius* pro vulgato *at Q. Haterius*. A. IV, 21. Beroaldus ex codice, ut videtur, edidit *Pisonemque gravius* pro vulg. *Pisonem Q. Granius*. Ibid. c. 61. librarius Mediceus scripsit *quae Haterius* pro vulg. *Q. Haterius*.

A. IV, 39. ex vulgari compendio *re rom.*, quod *re romanae* significare solet, orta est codicis scriptura: sic *converso statim neque alia retum*, quam si unus imperitet sqq., quam solae Rupertius male rettulit. At cfr. A. I, 31. *Sua in manu sitam rem Romanam*. A. II, 49. extr. *Primus rem Romanam prospere mari gessit*. A. IV, 1. *Deum ira in rem Romanam*. C. 24. init. *Disperso rumore rem Romanam ab aliis quoque nationibus laterari*. C. 57. extr. *Dubitaverat Augustus Germanicum . . . rei Romanae imponere*. A. VI, 51. *Rei Romanae arbitrium*. A. XII, 11. extr. *Rem Romanam huc satietate gloriae procectam*. H. II, 69. extr. *Virtute quam pecunia res Romana melius stetit*. H. III, 46. *Prope afflicta res Romana*. H. IV, 14. *Nunquam magis afflicta rem Romanam*. C. 25. *Primo rem Romanam enice iuvabant*. C. 57. *Non adeo turbatam armis civilibus rem Romanam*. C. 76. *Cunctatione crescere rem Romanam*.

A. XVI, 15. scriptura codicum Ma.R. et ed. Spir. *iussa in p̃ Osterio aperit*, pro qua recte vulgatur *iussa imperator Ostorio aperit*, ex compendiarie ratione vocabulum *imperator* scribendi in numis et titulis obvia originem traxit.

Perpetua in adscriptis confusio vocabulorum *omina* et *omnia*, *ominum* et *omnium*; *ominibus* et *omnibus* ¹⁷⁵⁾ inde originem

et evenit, ut Vell. II, 25, 3. praenomen *Q.* ante copulam *que* exideret. Nam Heinsius et Perizonius corruptam veterum librorum scripturam nam ut *consulem . . . exarmatumque Sertorium et multos alios . . . dimisit incolumis* ita emendarunt, ut scriberent: *nam ut consulem . . . exarmatum Q.que Sertorium sqq.* Cfr. Kritizium ad h. l., qui iusta explicatione omnem dubitationem sustulit.

175) A. XV, 9. init. B.G. aliqui codices habent *spretis omnibus* pro vulg. *s. omnibus*. H. II, 1. B. et a pr. m. H.O. exhibent loco *omnium* pro vulg. loco *ominum*. H. II, 74. vulgus codicum et edd. fere omnes *fausta Vitellio omnia precantem* substituunt pro Medicei li-

mihī videtur cepisse; quod utraque vocabula iisdem compendiis scripta sint: *oīa*, *oīum*, *oībus* ¹⁷⁶). Medicus codex habet A. VI, 37. *omnia* pro vulg. *omina*, A. IV, 64. pr. *adversa* *omnibus*, pro vulg. *adversis ominibus*. In eodem codice A. V, 4. extr. legitur *festisque in Caesarem omnibus* pro scriptura, edd. Bekk. Ritt. Doed. *faustisque in Caesarem ominibus*. Valgetam ante Bekkerum lectionem *festisque in Caesarem ominibus* retinuerunt Walther, Bachius, Rupertius. Sed iam Ursinus, P. Faber (de Magg. Rom. c. 2.), Burmannus et Heinsius ad Ovid. *Metam.* VI, 448. ac nuper Ernestius bene viderant *festisque* ex *faustisque* corruptum esse. Suspicio enim in archetypo *fastisque* scriptum fuisse, sicut in M. A. VI, 74. extr. *infaustus amicitiae* pro vulg. *infaustae a.* atque in Ma. H. II, 23. *vicus duabus iam Romanis cladibus notus infaustusque* pro vulg. *vidus . . . notus infaustusque* reperitur. Quae quum ita sint, Ernestius, Broterius, Bipontini, Oberlinus, Walther recte substituerunt H. IV, 48. emendationem Acidalii *laeta Pisoni omina* pro vulgata codicum et edd. vet. scriptura *laeta Pisoni omnia*, quam Bekker, Bachius, Ritter, Rupertius, Kiesslingius rursus revocarunt. Item H. V, 17. pr. compendium *oīa* in codd. Ma. R. et edd. Put. scriptum Pichena et Victorius, quos sequentes editores ad Ernestium usque imitati sunt, recte interpretati sunt *omina* legendo, quod verbum in A. Oa. Vat. 1958. ed. Spir. discrete scriptum est. Lectionem B.G.H.O. Vat. 1863. *omnia*, quae inde a Benozio ad Pichenam vulgata erat, nuper editores omnes,

bri lectione *f. V. omina pr.*, quam auctoribus Lipsio et Freinsheimio Walther et Bachius et Rupertius Tacito reddiderunt. Ibid. c. 78. in ceteris codicibus et in editionibus veteribus reperitur *vetera omnia* pro vulgata inde a Rhenano scriptura *vetera omina*, quae auctoritate Medicei libri nunc firmatur. Item apud Vell. II, 46, 3. compendium *oībus*, quod in cod. Murh. extitisse videtur, Amerbachius melius interpretatus est *diris cum omnibus* scribendo, quam Rhenanus *diris cum omnibus* edendo.

- 176) *Omnia* quidem compendio *oīa* scribi inter omnes constat, sed quum vocabulum *nomina* compendio *noīa* scribatur, (cfr. Benedict. I. L. p. 540.) etiam *omina* compendio *oīa* significari rationi consentaneum est. Itaque compendium *oīa*, quod Ma. H. V, 17. et G. H. II, 74. et 78. exhibet, et *omnia* et *omina* legi potest, id quod Ernestius ad H. V, 17. ipse concessit; v. etiam Walther. ed. Tac. Vol. I. Praef. p. XX.

qui Taciti Historias post Ernestum recognoverunt, reduxerunt. Tum per verba *et dira omnia* seriem rerum, quae hic dirae dicantur, finire recte animadvertit Walther. At multum interest inter diras res et dira omnia: nec crediderim captivitatem salva sermonis elegantia in numero dirarum rerum poni, quamvis in diris omnibus duci possit. Si vero legis *et dira omnia*, copula nihil habet offensivis, quippe quae cum iis, quae memoria maesta sunt quaeque ad praeterita spectant, i. e. cum captivitate cladeque, dira omnia, quae futura portendunt obnuntiantque, i. e. cineres ossaque legionum pedibus Romanorum calcata, connectat. Omnia autem solent dici dira; cfr. H. III, 56. init. Vell. II, 46, 3. Ovid. Metam. V, 550. — Denique ex eiusdem vocabuli compendio perverse lecto A. XV, 7. scriptura Mediceae libri *tristione* orta esse videtur pro vulgata *tristi omine*.

A male intellecto compendio *per longas provincias*, quod ex archetypo in Mediceum codicem librarius fideliter transcripsit, originem cepit Ann. XVI, 5. scriptura ceterorum codicum et edd. vet. *per longas provincias*, quam Ernestius, Oberlinus, Bekker reduxerunt, quum Pichena et sequentes editores melius scripsissent: *per longinquas provincias*. Et constans loquendi usus utique poscit adiectivum *longinquas*, respuit *longas*. Cfr. Walther. ad h. l.; adde exemplo ex Hist. I, 76. allato (*longinquae provinciae*) hos locos: Ann. XIV, 57. *longinquos motus*; A. XV, 45. *longinquis ruris secessus*; A. II, 34. *in aliquo addito et longinquo rure*; A. XVI, 15. pr. *longinquis in agris*; Martial. III, 1, 1. *longinquis mittit ab oris*. Similiter Tac. Agr. 31. *longinquitas ac secretum* de situ Britanniae extremae dictum est. Itaque A. VI, 14. *longinqua peregrinatio* vocatur peregrinatio, quae in loca remota suscipitur, sicut Germanice dicitur: eine weite Reise.

Denique compendia scribendi, quum apud librarios in usu essent, confusiois ansam ita dederunt, ut librarii Mediceorum codicum aut in verba plene perscriptis compendia latere aut notis singularum literarum vel syllabarum integrorum vocabulorum compendia significari opinati aliquot literis vel syllabis inserendis genuinam scripturam depravarent ¹⁷⁷). Sic M. exhibet Ann. I, 5

177) Huiusmodi mendorum exempla ex veteribus Velleii libris collegit

G. *Navum* pro *gharum*, ut Ma. A. XI, 22. C. N. *nonius* pro Cn. *Nonius*. Compluribus *contentio* pro *contio* in M. positum est; cuius mendii exempla supra p. 79. écollegi, ubi de undecimo vitiorum genere dixi. Ann. II, 2. extr. librarius scripsit *maioribus* pro *mori-*
bus, quum paulo ante verbum *maiorum* praecedat; idemque c. 33. init. *aestate* corruptum in *aegestate*, Ann. III, 78. *opibus* in *operibus* (*o pibus*). Ann. XI, 16. lectio Medicei libri *Caesar angustus pecunia . . . hortatur* orta est ex archetypi scriptura: *Caesar aegitū pecunia . . . hortatur*. Augustus enim compendio *augs* scribitur: vid. Benedictt. l. l. p. 539. Vulgatur autem: *Caesar auctum pecunia . . . hortatur*. Ann. XII, 1. init. Ma. exhibet *coniugum imperatoris obnoxio* pro *o. imperis o.* Ann. XV, 4. lectio eiusdem libri *inheserantque* inde videtur originem traxisse, quod per abusum aspirationis *inherantque* pro *inerantque* in archetypo scriptum fuit. Tam Ma. habet H. II, 76. init. *coronum* (*coorum*) pro vulgato *coram*, c. 79. extr. *cognitione* pro *contione*, c. 81. *exercitus* (*excitus*) pro *excitus*. H. IV, 64. init. idem ille librarius *inherent* (*iubent*) pro vulgato *inbent* scripsit, quum praesertim coniunctivus *disperisset* proximo antecederet. A. XI, 24. in archetypo videtur scriptum fuisse *capessū* i. e. *capessam*, quod librarius Medicei codicis pro compendio verbi *capessenda* male habuit. A. XII, 17.

Kritz. Prolegg. p. XCIX. sq. Apud Tacitum A. XV, 56. libri familiae Genuensis exhibent *ante cuncta* pro vulg. *quae cuncta*; *ante* enim compendio *an* significatur: cfr. Benedictt. l. l. p. 539. et Walther. ed. Tac. Vol. I. Praef. p. XX. Ann. XVI, 27. G. H. O. habent: *Quid mirum est longinquis provinciis haud venire?* pro vulgata: *Quid mirum e longinquis sqq.*; quippe est sigla *ū* vel *ā* scribitur, de qua videas supra not. 173. H. III, 52. extr. G. et ed. Spir. mutarunt *pro spe* in *prosperare* (*pros pe*). Agr. 42. lectio cod. Vat. 3429. et edd. vett. *in nullum* (cod. Vat. *ullum*) *rei post usum* pro genuina scriptura *in nullum rei publicae usum*, quam a plerisque recentiorum editorum vulgatam codd. Vat. 4498. et Ursin. praebent, inde orta est, quod, quum voc. *reipublicae* in archetypo trito compendio *reip.* exaratum esset, illi librarii p. pro sigla particulae *post*, de qua cfr. supra pag. 162, habebant. Martial. I, 3, 12. codex Thuanus exhibet *vel fuge* pro vulg. *i fuge*; cuius corruptelae ansam dedit sigla *f* vel *f*, quae particulam *vel* significat (cf. Benedictt. l. l. tab. 60. et pag. 541.), quamque ego compluribus in Cassellano codice Servii repperi.

pr. scriptura codicum et edd. vett. *postremo* ex compendio *postō*, quod *postero* h. l. significat, orta esse videtur.

H. I, 8. in archetypo *dōō* i. e. *dono* scriptum fuisse videtur; quod compendium, quum a librariis pro compendio vocabuli *domino* haberetur, occasionem praebuit lectioni codicum Ma.G. et editionis Spir. *recenti domino Romanae civitatis*, quam Bachius solus in textum recepit, quippe vestigia Mediceorum librorum religiose premens. Cfr. tamen quae Heinischius in *scriptione scholastica* Glatz. 1840. edita p. 10. sq. contra disseruit.

Sed haec hactenus. Jubet enim operis modus reliqua Mediceorum codicum vitia per suum quodque genus disposita altera disputatione recenseri atque tractari, ad quam, quum maximam partem iam sit literis mandata, lectorem delego. Interim ut, quid reliquum sit, praenoscas, singula vitiorum genera in brevem conspectum dabo. Continentur autem quarto decimo genere transmutata verba, quinto decimo transpositae literae, sexto decimo literae syllabaeque divulsae aut confusae, septimo decimo vocabula librariis ignota notis, aut similia *similibus* mutata, duodevicesimo loci ex perversa verborum structura ac sententia male intellecta a librariis suapte ingenio in peius mutati, undevicesimo corruptelae, quae inde ortae sunt, quod librarii singulas literas syllabasve in archetypo emendandi gratia super versum scriptas ita in textum receperunt, ut simul literas syllabasve liturae signo notatas male retinerent. Vicesimum genus constat locis per additamenta et glossemata interpolatis, unum et vicesimum lacunis complurium vocabulorum et integrorum versuum, alterum et vicesimum verbis praepostere interpunctis, tertium et vicesimum denique verbis contra orthographiae leges scriptis.

Menda typographi.

P. 137. annot. v. 13. scribe *trucidation*.

[illegible][illegible]

1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 84





